

ლევან ძიძიგური

საგღმწო რეფორმა  
აფხაზეთში

აფხაზეთის სახელგამი  
ს ო ბ უ მ ი — 1960

## წინასიტყვაობა

აფხაზეთის გლეხოზა საქართველოს მთელ გლეხოზასთან ერთად საუკუნეთა მანძილზე ეწეოდა შეუპოვარ ბრძოლას ფეოდალური ექსპლოატაციის წინააღმდეგ მიწისა და თავისუფლებისათვის. ეს მრავალსაუკუნოვანი ბრძოლა ძლევამოსილად დამთავრდა სოციალისტური რევოლუციის გამარჯვებით.

რევოლუციისაგან მიწის უსასყიდლოდ მიღებით და ბედნიერი საკოლმეურნეო ცხოვრების შექმნით გლეხოზამ მიაღწია იმას, რისკენაც იგი მიიწრაფოდა თავის ბედკრული ცხოვრების ასეული წლების მანძილზე. მაგრამ ვიდრე ეს სანუკვარი ოცნება რეალობად გადაიქცეოდა, გლეხოზამ განვლო ბრძოლის მრავალი სხვადასხვა ეტაპი. თავისი მჩაგვრელების წინააღმდეგ გლეხოზის მიერ წარმოებული ბრძოლის ერთ-ერთ მნიშვნელოვან ეტაპს წარმოადგენს საგლეხო რეფორმის გატარების პერიოდი. მაგრამ XIX საუკუნის ისტორიის ეს უმნიშვნელოვანესი საკითხი საქართველოში, მიუხედავად იმისა, რომ უკანასკნელ დროს ამ მიმართულებით ბევრი რამ არის გაკეთებული, ჯერ კიდევ სათანადოდ არ არის შესწავლილი. საგლეხო რეფორმაზე მთლიანად საქართველოში სწორი და სრული წარმოდგენა რომ გვექონდეს, აუცილებელია მისი შესწავლა ცალკეული მხარეების მიხედვით. რადგან სწორედ ჩვენში, როგორც ცნობილია, ბატონყმობის გაუქმება ნაწილნაწილ და სხვადასხვა დროს მოხდა.

პუნებრივია, რომ ამ მიზნით, საგლეხო რეფორმის შესწავლას აფხაზეთში გარკვეული ისტორიული ღირებულება აქვს. მაგრამ გადაქრით შეიძლება ითქვას, რომ დღემდე ეს საკითხი სრულად არადაამკმაყოფილებლად არის გაშუქებული.

რევოლუციამდელ ისტორიულ ლიტერატურაში აფხაზეთში საგლეხო რეფორმის გატარების საკითხი სპეციალური კვლევის საგანი არ ყოფილა, ხოლო ის ზოგიერთი შრომა, რო-

მღებშიც კაცობით არის მოხსენებული აფხაზეთში საგლეხო რეფორმის შესახებ. ვერ იძლევა მის რამდენიმედ მაინც დამაკმაყოფილებელ სურათს. ამ შრომებში ჩვენ ვერ ვიპოვიით სწორ წარმოდგენას რეფორმის გარშემო წარმოებული კლასობრივი ბრძოლის შესახებ და საერთოდ სოციალურ-ეკონომიურ და პოლიტიკურ მოვლენათა ბოლომდე თანმიმდევრულ მეცნიერულ ანალიზს. ამ მხრივ გამონაკლისს არ წარმოადგენს ნესაძოცე წლების ბურჟუაზიული რეფორმების ცნობილი მკვლევარი პროფ. ს. ავალიანი.

ავალიანი საგლეხო რეფორმას საქართველოში საერთოდ, და კერძოდ აფხაზეთში, უყურებს როგორც რუსეთის ცენტრალურ გუბერნიებში გატარებული მსგავსი რეფორმის მექანიკურ გაგრძელებას და ამდენად, სრულიად უგულვებლყოფს იმ ცვლილებებს. ევოლუციას, რაც რეფორმის წინ საქართველოს საზოგადოების სოციალურ-ეკონომიურ ცხოვრებაში მოხდა. ის სრულიად უყურადღებოდ ტოვებს ნატურალური მეურნეობის რღვევის, სასაქონლო-ფულადი ურთიერთობის შექრის, ბურჟუაზიული წყობის ჩასახვისა და მისი თანდათანობითი ზრდის პროცესს, რამაც გლეხთა მასის ექსპლოატაციის უზომოდ გადიდება გამოიწვია. რის შედეგადაც მეტად გამწვავდა კლასობრივი ბრძოლა თავადაზნაურობასა და გლეხობას შორის. ავალიანს ყურადღების გარეშე რჩება ის ამბავი, რომ ფეოდალების მიერ მშრომელი მასების ექსპლოატაციის გაძლიერების შედეგად წარმოშობილმა „გლეხთა შეუპოვარმა ..ბუნტებმა“ აიბუღეს მეფის მთავრობა აქაც დაეჩქარებინა საგლეხო რეფორმის გატარება ისე, როგორც ამას ადგილი იქონდა რუსეთის ცენტრალურ გუბერნიებში. ავალიანს აქვს კიდევ სხვა არასწორი დებულებებიც. მაგალითად, დებულობს რა უკრიტიკოდ ტენდენციურად განწყობილი მეფის მოხელეების მიერ გაკეთებულ დასკვნებს. იგი მიდის რეფორმის წინააღმდეგ აფხაზეთში ბატონყმობის ინსტიტუტის უარყოფამდე<sup>1</sup>.

დასასრულ. უნდა აღინიშნოს, რომ ავალიანი თავის შრომაში სრულიად არ ეხება რეფორმის შედეგებს. ის არ იხილავს, რა მისცა გლეხობას ბატონყმობისაგან „განთავისუფლებამ“. როგორ პირობებში აღმოჩნდა თავადაზნაურობა და საერთოდ რა ცვლილებები შეიტანა მან მხარის სოციალურ-ეკონომიურ ცხოვრებაში და რა გავლენა იქონია მასზე.

<sup>1</sup> С. Авалиани, Крестьянский вопрос в Закавказье, т. II, Одесса, 1913, 63-70.

ამ მხრივ კიდევ უფრო მეტი ხარვეზები და შეცდომები აქვს ისტორიკოს ესაძეს<sup>2</sup>.

ამ უკანასკნელ დრომდე საბჭოთა პერიოდის ისტორიულ ლიტერატურაში საგლესო რეფორმის საკითხს აფხაზეთში მსოლოდ ა. ფადეევი შეეხო. მან აღნიშნული რეფორმის გა-  
შუქება სცადა თავის შრომებში: „აფხაზეთის ისტორიის მოკ-  
ლე ნარკვევი“; „რუსეთის ცარიზმი და საგლესო რეფორმა  
აფხაზეთში“ და, ბოლოს, 1935 წელს, მანვე სსრ კავშირის აკა-  
დემიის მოამბეში ამავე საკითხს სპეციალური სტატიაც უძღვნა.

ა. ფადეევის ზემოდასახელებულ პირველ ორ შრომაში  
არსებითად დამახინჯებულია და გაყალბებული საგლესო რე-  
ფორმის ისტორია. ამასთან ერთად ფადეევი მკვლევარისათვის  
წიუწყნარებელ ზერელობასა და უხეშ ფაქტობრივ შეცდო-  
მებს უშვებს. იგი ამ შრომებში სრულიად არ იყენებს რეფორ-  
მის საკითხების გარშემო არსებულ მდიდარ სარჩევო მასა-  
ლებს.

იმავე ავტორის სტატიაც „საგლესო რეფორმა აფხაზეთში“  
არ არის მოკლებული სერიოზული და პრინციპული ხასიათის  
შეცდომებს. რომ არაფერი ვთქვათ სხვა სახის შეცდომებზე.  
საკმარისია მიუთითოთ იმაზე. რომ ამ სტატიაში ფადეევი აღ-  
მოჩნდა ტენდენციურად განწყობილი მეფის მოხელეებისა და  
რევოლუციამდელი ისტორიკოსების მიერ გამოთქმული იმ აზ-  
რის ტყვეობაში, რომელიც უარყოფს ბატონყმური ინსტიტუ-  
ტის არსებობას რეფორმის წინაღობისადაც აფხაზეთში. მართა-  
ლია, ფადეევი სიტყვა-სიტყვით არ ლაპარაკობს ამაზე, მაგრამ  
მის მიერ გაკეთებული გლესთა სხვადასხვა კატეგორიების,  
კერძოდ, ანხაიუს სოციალური ბუნების განსაზღვრიდან სხვა  
დასკვნის გამოტანა შეუძლებელია. ფადეევი ამტკიცებს, რომ  
გლესთა მასის უმრავლესობამ, მისმა ძირითადმა კატეგორიამ—  
ანხაიუმ თითქოს სრულიად არ იცოდა. თუ რა იყო ყმობა, არ  
იყო ვალდებული გამოსულიყო საბეგრო სამუშაოზე და ამავე  
დროს იგი სარგებლობდა ერთი ფეოდალიდან მეორესთან  
თავისუფალი გადასვლის უფლებით<sup>3</sup>.

კიდევ უფრო მეტი, ფადეევის განცხადება — რეფორმის  
წინ აფხაზეთში ანხაიუს მიწის ახალი ნაკვეთების შექმნის  
განუხანღვრელი უფლება ჰქონდა, გაბატონებული იყო პრინ-

<sup>2</sup> С. Есалае, Историческая записка об управлении Кавказом, т. I, Тифлис, 1907, стр. 496—525.

<sup>3</sup> А. Фадеев, Крестьянская реформа в Абхазии, Известия АН СССР, 1935, стр. 629.

ციპი: „ვიხტ ვატენა. იგი ფლობს“<sup>4</sup>. სხვა არაფერს ნიშნავს. თუ არა ფეოდალიზმის უარყოფას საერთოდ. რადგან, როგორც ცნობილია, მიწის ფეოდალური საკუთრება წარმოადგენს ფეოდალიზმის საფუძველს.

ფადეევი. რევოლუციამდელი ისტორიკოსების მსგავსად, სრულიად არ ითვალისწინებს ადგილობრივ სოციალურ-ეკონომიურ პირობებს რეფორმის გატარების დაჩქარების საქმეში. მისი აზრით, რეფორმა გატარებულ იქნა მხოლოდ ცენტრის ნება-სურვილით იმისათვის, რომ აფხაზეთიც ჩაბმულიყო რეფორმის შემდეგდროინდელი რუსეთის საერთო ეკონომიურ სისტემაში. გარდა ამისა, ფადეევის ამ სტატიაში თითქმის არაფერია ნათქვამი, თუ როგორ მომზადდა რეფორმა, რა პირობებში ტარდებოდა იგი და, ბოლოს, რა შედეგები მოჰყვა მას.

მამასადაშვი. ფადეევის ეს სტატია, მსგავსად მისი ადრინდელი შრომებისა, არ იძლევა რეფორმის წინა პერიოდის სოციალურ-ეკონომიური ვითარების სრულ სურათს, არ იძლევა სწორ, რეალურ წარმოდგენას რეფორმის მომზადებასა და მსვლელობაზე, მის ისტორიულ მნიშვნელობაზე<sup>5</sup>.

საქმეს არსებითად ვერ შევლის ა. ოლონეცკის 1954 წ. გამოქვეყნებული სტატიაც „1870 წ. საგლეხო რეფორმა აფხაზეთში“<sup>6</sup>. ჩვენი აზრით, დასახელებულ სტატიას თავიდან ბოლომდე ზერელეობის კვალი ატყვია და რიგი მნიშვნელოვანი საკითხი გაშუქებულია არადადამაკმაყოფილებლად. როგორც ჩანს, ავტორი არ იცნობს საარქივო მასალების მნიშვნელოვან ნაწილს. რის გარეშე შეუძლებელია საგლეხო რეფორმის სრული სურათის მოცემა.

რადგან ჩვენს ისტორიულ ლიტერატურაში დღემდე არ მოიპოვება საგლეხო რეფორმაზე აფხაზეთში რამდენიმედ მაინც დამაკმაყოფილებელი მარქსისტული შრომა. ჩვენ შევეცადეთ ეს ხარვეზი, ნაწილობრივ მაინც, წინამდებარე მონოგრაფიით შეგვევსო. ეს შრომა დაიწერა ძირითადად ჩვენს მიერ საქართველოს სსრ ცენტრალური საისტორიო არქივსა და სსრ კავშირის სხვა არქივებში გამოვლინებულ მასალებზე, სათანადო ისტორიული ლიტერატურის გათვალისწინებით. ამ შრომა-

<sup>4</sup> А. Фадеев, Крестьянская реформа в Абхазии, известия АН СССР, 1935, № 32/1

<sup>5</sup> საჭიროა აღინიშნოს, რომ ფადეევი საგლეხო რეფორმაში ხედავს მხოლოდ უარყოფით მხარეს. მას ავიწყდება, რომ ლენინი რეფორმის უარყოფით მხარეებთან ერთად აღნიშნავდა მის პროგრესულობასაც.

<sup>6</sup> აფხაზეთის ენის, ლიტერატურისა და ისტორიის ინსტიტუტის შრომები. XXV, სოხუმი, 1954 წ., გვ. 123-174.

ში ჩვენ მიზნად დავისახეთ მარქსისტულ-ლენინური მეთოდოლოგიის საფუძველზე შეგვესწავლა საგლეხო რეფორმის ისტორიის პირველი წყაროები და მოგვეცა მეცნიერული ანალიზი.

ჩვენს უშუალო ამოცანას შეადგენდა საგლეხო რეფორმის ისტორიის შესწავლა, მაგრამ, რადგანაც რეფორმის წინაღობრივი აფხაზეთის სოციალურ-ეკონომიური ვითარება, გლეხებსა და მემამულეებს შორის არსებული ურთიერთობა ამ უკანასკნელ დრომდე მეცნიერულ ლიტერატურაში არასწორად იყო გაშუქებული, ამდენად საჭიროდ მივიჩნიეთ რამდენადმე მაინც შევჩერებულიყავით ამ საკითხზე, ურომლისოდაც გაუგებარი იქნებოდა რეფორმის არსი საერთოდ და კერძოდ კი ის თავისებურებანი, რომელიც მას თან ახლდა აფხაზეთში<sup>7</sup>.

ძირითად წყაროს, რომლის საფუძველზედაც აგებულია წინამდებარე შრომა, იძლევა „სოხუმის წოდებრივ-საადგილმამულ კომისია“, რომელიც რეფორმის მოსამზადებლად 1867 წელს შეიქმნა. ეს კომისია ცოტათი შეცვლილი სახელწოდებით მუშაობდა რეფორმის დებულების გამოქვეყნების შემდეგაც, 1883 წლამდე. მერე კი მისი მუშაობა განაგრძო „კავკასიის მხარის სამხედრო-სახალხო მმართველობის ნაწილებში წოდებრივ-საადგილმამულ საკითხის დამამთავრებელმა კომისიამ“. ამ კომისიების მიერ (თითქმის სამი ათეული წლის მუშაობის მანძილზე) შეგროვილი მდიდარი ისტორიული მასალებიდან მხოლოდ მცირე ნაწილი იქნა თავის დროზე გამოქვეყნებული „კავკასიის მთიელთა შესახებ ცნობათა კრებულების“ სხვადასხვა გამოცემაში, ხოლო მათი უდიდესი ნაწილი დღემდე ხელუხლებელია და მეტ-ნაკლები სისრულით ინახება თბილისის, მოსკოვის, ლენინგრადისა და სოხუმის არქივსაცავებში. მნიშვნელოვანი და საინტერესო მასალებს რეფორმის ისტორიის გარშემო საერთოდ და კერძოდ, გლეხთა ანტიფეოდალური მოძრაობის შესახებ. გვაწვდის სამხე-

7 ეს მით უმეტეს საჭირო იყო ამ მონოგრაფიის დაწერისას (1952 წ.) მაშინ, როდესაც არ არსებობდა არც ერთი მარქსისტული ნარკვევი რეფორმის წინაღობრივი აფხაზეთის სოციალურ-ეკონომიური ვითარების შესახებ. ამჟამად მდგომარეობა საგრძობლად გამოსწორებულია, რადგანაც გ. ა. ძიძარია 1958 წ. გამოაქვეყნა მეცნიერული გამოკვლევა „სახალხო ძეურნეობა და სოციალური დამოკიდებულება აფხაზეთში XIX საუკუნეში“. კმაყოფილებით აღვნიშნავთ, რომ ჩვენი და ისტორიის მეცნიერებათა დოქტორის გ. ძიძარიას დასკვნები — რეფორმამდელი აფხაზეთის სოციალურ-ეკონომიური ვითარებისა და კერძოდ, გლეხთა კატეგორიების დახასიათების შესახებ — არსებითად ერთმანეთს ემთხვევა.

დრო და სამოქალაქო უწყებათა დაწესებულებებსა და კანცელარებში შედგენილი ოფიციალური მიმოწერები, ბრძანებები, პატაკები, მიმართვები და სხვ., რომლებიც აგრეთვე ინახება ზემოდასახელებულ არქივებში.

მკვლევარი გვერდს ვერ აუვლის სხვადასხვა კრებულებსა და პერიოდულ გამოცემებში გამოქვეყნებულ სტატიებს, რომლებიც უმთავრესად დაწერილია სოხუმის სამხედრო განყოფილებაში მომსახურე რუს მოხელეთა მიერ და რომლებიც ასე თუ ისე ეხებიან ჩვენთვის საინტერესო პერიოდსა და საკითხებს. მართალია, ეს სტატიები დაწერილია პრიმიტიულად და ატარებენ გამოცემულ კანონთა, ინსტრუქციათა და კანცელარულ ცნობათა უბრალო გადმოცემის ხასიათს და შორს აიიან მოვლენათა ყოველგვარი დამოუკიდებელი ანალიზისა, შეფასებისა და განზოგადოებისაგან. მაგრამ მაინც შეიცავენ ერთგვარ ღირებულებას, რადგან მათში შემონახულია ზოგჯერ ისეთი ცნობები, რომელთა მოძებნა არქივებში ჯერჯერობით ვერ მოხერხდა.

ჩვენთვის საინტერესო დროის შესახებ ქართული პერიოდული პრესის სპეციალურმა გადათვალიერებამ საქმაოდ მნიშვნელოვანი მასალა მოგვცა.

მიუხედავად იმისა, რომ აფხაზეთში საგლეხო რეფორმის ისტორიის გარშემო არსებობს მდიდარი და საინტერესო საარქივო და სხვა სახის წყაროები, მაინც აღნიშნული საკითხის მკვლევარს საქმე უძნელდება ზოგიერთი ფაქტისა და მოვლენის დადგენასა და დაზუსტებაში, რადგანაც ყველა ეს წყარო ატარებს ზოგად მიმოხილვით ხასიათს და იშვიათად თუ გვაწვდის ზუსტ სტატისტიკურ, ციფრობრივ მონაცემებს.

ასეთია მოკლედ საარქივო წყაროთა და ლიტერატურულ მასალათა ხასიათი და მნიშვნელობა, რომელთა კრიტიკული შესწავლის საფუძველზე დაიწერა წინამდებარე შრომა.

## თავი პირველი

### აფხაზეთის სოციალურ-ეკონომიური მდგომარეობა საგლეხო რეფორმის წინ

XVI საუკუნიდან XIX საუკუნის დაწყებამდე აფხაზეთის სამთავროში ისე, როგორც დასავლეთ საქართველოს სხვა ნაწილში, თურქი დამპყრობლები თარეშობდნენ. მტრის ბარბაროსული თარეში ანგრევდა და აჩანაგებდა ისედაც მოუწყობელ და აწეწილ ფეოდალურ მეურნეობას, ხელს უშლიდა და ბორკავდა ქვეყნის საწარმოო ძალთა განვითარებას. ოსმალეთის აგენტები აღვივებდნენ და ფართოდ შლიდნენ ადამიანებით ვაჭრობას, რომელიც ქართველ ხალხისათვის საშინელ სოციალურ სენს წარმოადგენდა. რადგან „ხალხის საუკეთესო ნაწილი, მისი ჯანსაღი ახალგაზრდობა, მიედინებოდა უცხოეთში და საქართველოს სამუდამოდ ეკარგებოდა“<sup>1</sup>. ოსმალეთის ხელისუფალნი, ადამიანებით ვაჭრობასთან ერთად, თესავდნენ ფეოდალურ უთანხმოებას, შინაგან კონფლიქტებს, ერთმანეთს უსიისინეიდნენ აფხაზეთის, გურიის, სამეგრელოსა და სხვა მთავრებს, რათა ამით ადგილობრივი ანტითურქული ძალა დაესუსტებინათ და ამ სამთავროებში თავისი ბატონობა განემტკიცებინათ.

აფხაზეთის მოსახლეობა მთელ ქართველ ხალხთან ერთად საუკუნეების მანძილზე ეწეოდა გმირულსა და თავგანწირულ ბრძოლას უცხოელ დამპყრობელთა წინააღმდეგ. ეს იყო მთელი ხალხის სამეკდრო-სასიცოცხლო ბრძოლა თავისი ეროვნული დამოუკიდებულობის შესანარჩუნებლად. მაგრამ ბრძოლა, რომელსაც ესოდენ თავგანწირვით ეწეოდნენ აფხაზეთის მცხოვრებლები საქართველოს მთელ მოსახლეობასთან ერ-

<sup>1</sup> ნ. ბერძენიშვილი, ი. ჭავჭავიძე, ს. ჭანაშია, საქართველოს ისტორია, ნაწ. I, უძველეს დროიდან XIX საუკ. დაშლემდე, თბილისი, 1946 წ., გვ. 316.



თად, დიდ მსხვერპლს მოითხოვდა. ძლიერი და ვერაგი მტრის წინააღმდეგ გაუთავებელი ომებით დაქანცული, დასუსტებული და სისხლისაგან დაკლილი აფხაზეთის წინაშე XIX საუკუნის დამდეგისათვის მეტად დიდი საშიში პერსპექტივა წარმოიშვა. ეს იყო შრავალ საუკუნეთა განსავლობაში შესიხლხორცებული მშობლიური საქართველოდან მოწყვეტისა და სულთანის თურქეთის მიერ საბოლოოდ შთანთქმის პერსპექტივა. ამ საბედისწერო მომენტში ქვეყანას ისეთი გამოსავალი გზის მოძებნა ესაქიროებოდა, რომელიც მას კარზე მომდგარი დალუპვისაგან იხსნიდა; ასეთ ისტორიულ ვითარებაში ერთადერთ ხსნას აფხაზეთისათვის რუსეთის იმპერიის პროტექტორატის ქვეშ შესვლა წარმოადგენდა. ამ მხრივ აფხაზეთის მთავრებმა ერეკლე II-ის, სოლომონ I-ის, დადიანისა და გურიელის მაგალითს მიბაძეს და 1810 წელს აფხაზეთის სამთავრო რუსეთის პროტექტორატის ქვეშ შევიდა. ამ ფაქტს აფხაზეთისათვის, ისე როგორც მთლიანად საქართველოსათვის, დიდი ისტორიული მნიშვნელობა ჰქონდა, რადგან: „რუსეთის ბატონობას... ცივილიზაცია მოჰქონდა შავი და კასპის ზღვისათვის, ცენტრალური აზიისათვის“<sup>2</sup>.

რუსეთის იმპერიის პროტექტორატის ქვეშ შესვლითა და შემდეგ მასთან საბოლოო შეერთებით (1864 წ.) აფხაზეთი კვლავ საქართველოს დაუბრუნდა, როგორც მისი ორგანული ნაწილი და ქვეყნის ერთიან სამეურნეო ცხოვრების ფერხულში ჩაება.

1810 წლიდან რუსეთის შეიარაღებული ძალა იცავს აფხაზეთის საზღვრებს გარეშე მტრების თავდასხმისაგან. იქმნება პირობები შიგნით ფეოდალური კონფლიქტებისა და ბრძოლების შესაწყვეტად. ბოლო ეღება ქვეყნისათვის გამანადგურებელ ვაქრობას ადამიანებით და დგება ახალი ხანა ქვეყნის ეკონომიურად მოღონიერებისა და აღმავლობისათვის.

## 1. ეკონომიური მდგომარეობა

რუსეთის პროტექტორატის ქვეშ შესვლის შემდეგ, აფხაზეთის სამეურნეო ცხოვრების აღორძინებისათვის ხელსაყრელი პირობები შეიქმნა, მაგრამ ეს პროცესი XIX საუკუნის პირველი ნახევრის განმავლობაში ძალიან ნელი ტემპით მიმდინარეობდა. რადგან — ჯერ ერთი, რუსეთის ცარიზმი ამ პერიოდში საქართველოსა და საერთოდ კავკასიაში უფრო

<sup>2</sup> К. Маркс и Энгельс, Соч., Т. 21, გვ. 211.

სამხედრო-სტრატეგიული საკითხებით იყო დაინტერესებული და დასაქმებული, ვიდრე მისი 'ეკონომიურად აღორძინებით. ლენინის თქმით: კავკასიის „ეკონომიური „დაპყრობა“ გაცილებით უფრო გვიან მოხდა, ვიდრე პოლიტიკური დაპყრობა“<sup>3</sup>. და, მეორეც, როგორც ცნობილია, ცარიზმის მიერ ახალი ტერიტორიის შემოერთებას ან დაპყრობას თან სდევდა კოლონიური ჩაგვრაც, რომელიც, უსათუოდ, აფერხებდა იმპერიის განაპირა მხარეების ეკონომიურ განვითარებას, რადგან ახლად შექმნილ ტერიტორიას უყუობდნენ როგორც მეტროპოლიის ეკონომიკის დანამატს. XIX საუკუნის 20-30-იან წლებში აფხაზეთში ტიპური ფეოდალურ-ნატურალური მეურნეობა იყო გამეფებული, რომელსაც ჯერ კიდევ საგრძნობლად ვერც კი შეხებოდა ვაჭრობა, ალებ-მიცემობა; ასევე ჯერ კიდევ შესამჩნევად არ ყოფილა განვითარებული შრომის დანაწილება და სარეწაოების მკვეთრი გამოყოფა გლეხის მეურნეობისაგან. მაშასადამე, ამ პერიოდში მთლიანად სოფლის მეურნეობა ხასიათდება საწარმოო ძალების სუსტი განვითარებით.

ასე იყო XIX საუკუნის 40-იანი წლების დაწყებამდე, მაგრამ უფრო გვიანდელ პერიოდში ჩვენ ამ მხრივ საგრძნობლად მნიშვნელოვან ცვლილებებთან გვაქვს საქმე: 40-იანი წლებიდან, განსაკუთრებით კი 50-60-იან წლებში, სოფლის მეურნეობაში თანდათანობით ფეხს იკიდებს სასაქონლო-ფულადი ურთიერთობა. ახლა პროდუქტების გარკვეული ნაწილი უკვე ბაზარზე გასატანად, გასასყიდად მზადდება როგორც გლეხის მეურნეობაში, ასევე თავადისა და აზნაურის მამულში. აფხაზეთის სოფლის მეურნეობის ასეთ განვითარებას უსათუოდ ხელი შეუწყო 30-40-იან წლებში საქართველოსა და ამიერკავკასიის მასშტაბით მთავრობის მიერ მიღებულმა სავაჭრო-ეკონომიური ხასიათის ღონისძიებებმა. ასე, ჯერ კიდევ 1831 წელს ამიერკავკასიაზე გავრცელებულ იქნა საერთო საიმპერიო საბაჟო ტარიფი, რომლის მიზანს სავაჭრო კაპიტალის დაცვა შეადგენდა უცხო კაპიტალის კონკურენციისაგან. 1832 წელს შემოღებულ იქნა — „რუსული ზომა და წონა“. 30-იან წლებში თბილისში რამდენიმე სავაჭრო და სააქციო საზოგადოება არსდება. რუსეთის სავაჭრო კაპიტალი თანდათანობით იკაფავს გზას საქართველოს შავი ზღვის სანაპიროსაკენ. 30-იან წლებშივე ჩამოყალიბდა ე. წ. „სამეგრელოს სავაჭრო კომპანია“. 1832 წ. მთავრობამ ოფიციალურად ნება დაართო სოხუმ-

ში „სავაჭრო გემების მოსვლაზე“<sup>4</sup>. ამავე დროს აქვე ეწყობა საბაჟო სადარაჯო. 1844 წელს მთავრობამ საქიროდ ცნო დაწესებულყო ქალაქები „ანაპის. ნოვოროსიისკისა და სოხუმ-კალეს შავი ზღვის სანაპირო პუნქტებში“<sup>5</sup>. 1845 წელს ნებადართულ იქნა მანუფაქტურისა და სხვა ნაწარმის უბაჟო შემოზიდვა უცხოეთიდან შავი ზღვის სანაპიროზე — მდინარე ინგურის შესართავიდან მდინარე ყუბანამდე<sup>6</sup>.

1846 წელს სოხუმი გამოცხადებულ იქნა სანავსადგურო ქალაქად<sup>7</sup>. 1847 წელს ნავსადგური გაიხსნა ოჩამჩირეში, ხოლო სოხუმს საქონლის ტრანზიტის უფლება მიეცა თბილისსა და ირანში<sup>8</sup>.

ყველა ამ შემოთ ჩამოთვლილმა. განსაკუთრებით კი უბაჟო ვაჭრობის გამოცხადებამ. ვააცხოველა კომერციული წყალსავალი მოძრაობა აფხაზეთის ზღვის სანაპიროზე. ასე, მაგალითად. 1846 წ. სოხუმს მოადგა 50 საზღვარგარეთული გემი. ხოლო 1850 წელს მათი რიცხვი 220-მდე ავიდა<sup>9</sup>.

1848 წელს სოხუმის ნავსადგურში საზღვარგარეთიდან შემოტანილი საქონლის ღირებულება უდრიდა 57155 მანეთს<sup>10</sup>.

ამავე წელს ექსპორტის ღირებულებამ 19433 მანეთს შეადგინა. ექსპორტს შეადგენდა: ბზა, სიმინდი, ტყავი, ცვილი, თევზი, ზეთი. ქონი და სხვ.

სამი წლის შემდეგ. ე. ი. 1851 წლისათვის. ვაჭრობისა და ხელოსნობის დარგში შემდეგი სურათი გვაქვს: 1851 წელს საზღვარგარეთიდან შემოუტანიათ — 278614 მან. საქონელი. რუსეთის ნავსადგურებიდან — 195000 მან., გაუტანიათ საზღვარგარეთ — 21525 მან., რუსეთის ნავსადგურებში — 326181 მან.; საზღვარგარეთიდან მოსულა — 204 გემი, რუსეთიდან კი — 357; გასულა საზღვარგარეთ — .75 გემი; რუსეთის ნავსადგურებში — 538<sup>10</sup>.

ამავე წელს სოხუმში ყოფილა 7 მეპურე. 3 თერძი. ავუროს 2 ქარხანა. 27 სამიკიტნო, 1 ყავახანა. ვაჭრობის საგნები ყოფილა: თაფლი. ბზა, ტყავი, ქონი, სიმინდი. ღომი, ღვინო,

<sup>1</sup> С. Пушкирев. Краткий очерк портов северовосточного берега Черного моря. ЗКОИРГО, кн. II. Тб. 1953 г., გვ. 130—160.

<sup>2</sup> იქვე. გვ. 155.

<sup>6</sup> «Кавказский календарь», თბილისი, 1853 წ., გვ. 369.

<sup>7</sup> ს. პუშკარევი. ციტირებული სტატია. გვ. 156.

<sup>8</sup> იქვე. გვ. 151

<sup>9</sup> იქვე.

<sup>10</sup> «Кавказский календарь», თბ. 1853 წ., გვ. 369-370.

შემა, ვაშლა, კაკალი, მატყლი, ქვაყვი, ხორბალი და თევზის ზეთი<sup>11</sup>.

საინტერესოა ქ. სოხუმის სამოქალაქო მოსახლეობის ზრდის სუოათი: 1845 წ. ქალაქის მცხოვრებთა რიცხვი (სამხედროების გამოკლებით) 186 სულს უდრიდა<sup>12</sup>, 1851 წ. — 700<sup>13</sup>, 1862 წ. — 1200<sup>14</sup> და 1856 წ. — 1612<sup>15</sup>.

ასევე იზრდებოდა ზოგიერთი სხვა დასახლებული პუნქტიც. დაბა ოჩამჩირეს თავისი ეკონომიური მნიშვნელობით მეორე ადგილი ეკავა აფხაზეთში. საგლეხო რეფორმის წინ ოჩამჩირეში საქმაოდ გაცხოველებული საშინაო ვაჭრობა ყოფილა. ზოგიერთი ავტორის დამოწმებით მას მოდმივი სავაჭრო კავშირი ჰქონია სოფ. ილორთან<sup>16</sup>. ოჩამჩირეში ადგილობრივი მნიშვნელობის ხელოსნური წარმოებაც შედარებით ფართოდ გაშლილი ყოფილა.

აღნიშნულ პერიოდში დაახლოებით ასეთივე მდგომარეობა იყო დაბა გუდაუთაში, გაგრაში, ოქუშსა და სხვა ადგილებში<sup>17</sup>.

გასული საუკუნის 50-იან წლებში შედარებით ფართოდ გაიშალა გზების მშენებლობა, როგორც მთელს საქართველოს მასშტაბით, ასევე კერძოდ, აფხაზეთშიცა<sup>18</sup>.

50-იანი წლების ბოლოს სახმელეთო გზების საშუალებით აფხაზეთსა და დასავლეთ საქართველოს ზოგიერთ რაიონებს შორის საფუძველი ეყრება ეკონომიურ კავშირს, ამავე დროს თვით აფხაზეთის ცალკეული პუნქტებიც, აქამდე თითქმის ერთმანეთისაგან მოწყვეტილი, ახლა უკავშირდებოდა ერთმანეთს. მართალია, ეს კავშირი ჯერ კიდევ სუსტი იყო, მაგრამ მან მაინც გასაქანი მისცა ვაჭრობის განვითარებას და საერთოდ ამ მხარის ეკონომიურ აღმავლობას.

საგლეხო რეფორმის წინა პერიოდში ერთგვარი ბიძგი მიეცა ხელოსნობისა და მრეწველობის განვითარებასაც. აღსანიშნავია აგურის, კირის, საშენი ქვის. ხე-ტყისა და ლვინის წარმოება. როგორც წყაროებიდან ჩანს, მრეწველობის აქ ჩამოთვლილ დარგებში ასობით დაქირავებული მუშები და

11 «Кавказский календарь», თბ., 1853 წ., გვ. 369-370.

12 ცხსსა, აღწ., 236, 1844 წ., შეკ. 151, № 35, ფურც. 281.

13 საქ. ცხსა, ფონდი 7, აღწ. 1, საქ. 1381, ფურც. 3-6.

14 იქვე, ფონდი 416, საქმე 1083, ფურც. 1-4.

15 ფ. მახარაძე, საქართველო XIX საუკუნეში, თბილისი, 1933, გვ. 68.

16 გ. ა. ძიძარია, დასახლებული წიგნი, გვ. 104.

17 იქვე, გვ. 104-106.

18 პ. გუგუშვილი, კაპიტალიზმის წარმოშობა და განვითარება საქართველოსა და ამიერკავკასიაში, თბილისი, 1941, გვ. 66-67.

ადგილობრივი ყმა-გლეხები იყვნენ ჩაბმულნი<sup>19</sup>. 60-იანი წლებს დასაწყისში ქ. სოხუმსა და მის მიდამოებში აგურის ექვსი „ქარხანა“ ყოფილა<sup>20</sup>. 1852 წლისათვის აფხაზეთში ე. წ. ყურძნის ააწნეხი თერთმეტი „ქარხანა“ მუშაობდა<sup>21</sup>.

ხე-ტყის დამზადებას საექსპორტოდ იმდენად ფართო ხასიათი მიუღია, რომ მისგან აფხაზეთის მთავარ მიხეილ შარვაშიძეს ყოველწლიურად 10 ათასი მანეთი შეემოსდიოდა, ხოლო გ. დ. შარვაშიძეს კი — 4 ათასი მანეთი<sup>22</sup>.

ხე-ტყის დამზადება ხდებოდა აგრეთვე საშინაო მოთხოვნილები დასაკმაყოფილებლად. კერძოდ, ქ. სოხუმში მშენებლობის გამლასთან დაკავშირებით,

საზღვარგარეთ და რუსეთში გაქონდათ არა მარტო ხე-ტყე, არამედ სოფლის მეურნეობის პროდუქტის მნიშვნელოვანი ნაწილიც.

თავად დ. გ. შარვაშიძის მეურნეობის მმართველი ა. პახომოვი სიძინდს ასახელებს როგორც უმნიშვნელოვანესი პირველ საპირობების კულტურასა და ამავე დროს — ვაჭრობის ერთ-ერთ მთავარ საგანს<sup>23</sup>. იმ მონაცემიდან, რომელიც პახომოვს აუღია სოხუმის საკარანტინო საბაჟო კანტორიდან. ჩანს, რომ 1864 წ. სოხუმიდან, ოჩამჩირესა და გუდაუთიდან რუსეთსა და საზღვარგარეთ გაუტანიათ 10845 ფუთი სიძინდი, ხოლო 1865 წ. კი — 166320 ფუთი<sup>24</sup>.

ესევე ადგილობრივი ვაჭრობისა და გატანის მნიშვნელოვანი საგანი აფხაზეთი ღვინო ყოფილა. ოფიციალური ცნობებით 1851-1853 წლებში სოხუმიდან ყოველწლიურად გაქონდათ ქერჩში. ყულევსა და ანაპაში საშუალოდ 5600 ვედრომდე ღვინო, ხოლო ბომბორის სიმაგრიდან იმავე პუნქტებში და ნოვოროსიისკში ღვინოს ეზიდებოდნენ უფრო მეტი რაოდენობით, სახელდობრ, 1850 წელს გაუტანიათ 12800 ვედრო<sup>25</sup>.

პახომოვი ჩვენს მიერ უკვე ციტირებულ სტატიაში წერს, რომ სოხუმის ახლომახლო მდებარე სოფლებში მებოსტნეობა საკმაოდ ფართოდ გავრცელდა და ეს მოხდა „იმიტომ, რომ ამ

19 А. В. Верещагин, Путевые заметки по Черноморскому округу, Москва, 1874, გვ. 76; კმა, ფონდი 260. საქმე 480, ფურც. 117; П. Гугушвили, Сельское хозяйство и аграрные отношения, т. 1, Гиблицк. 1938, გვ. 89-92.

20 საქ. ცსსა. ფონდი 416, საქმე 1083, ფურც. 1-8.

21 პ. გუგუშვილი, დასახელებული წიგნი, გვ. 89-92.

22 გ. ა. შიძარაა, დასახელებული წიგნი, გვ. 87.

23 А. Пахомов, Абхазия в сельскохозяйственном отношении, Записки Кавказского общества сельского хозяйства, Тифлис, 1868, гв. 43.

24 იქვე, გვ. 87.

25 პ. გუგუშვილი, დასახელებული წიგნი, გვ. 89-92.

სოფლების გლეხებმა ხელსაყრელად იცნეს ბოსტნეულის გაყიდვა ქალაქის მცხოვრებთა სორის<sup>26</sup>.

იგივე პახომოვი აღნიშნავს, რომ ბაზრისათვის ბოსტნეულობის დიდი რაოდენობით დამზადება მსხვილი მემამულის გიორგი დიმიტრის-ძე შარვაშიძის მეურნეობაში ტარდებოდა და იქვე დაწვრილებით ასახელებს სხვადასხვა ბოსტნეულის საბაზრო ფასებს<sup>27</sup>.

60-იან წლებში ვაჭრობის საგნად გამხდარა უკვე ტექნიკური კულტურის პროდუქციაც, კერძოდ, თამბაქო. პახომოვი ლაპარაკობს თამბაქოს კარგ ხარისხიანობაზე. იგი აღნიშნავს, რომ თამბაქოს საკმაო რაოდენობით თესავენ ოჩამჩირეში, კელასურსა და გუდაუთაში და რომ ადგილობრივი თამბაქოს ნაწილი სოხუმში სალდება, ხოლო ნაწილი კი გააქვთ რუსეთსა და საზღვარგარეთაც<sup>28</sup>.

სტატიის „სოხუმის განყოფილების ეკონომიური მდგომარეობის“ ავტორი, ეხება რა ტექნიკურ კულტურათა განვითარებას რეფორმის წინა პერიოდის აფხაზეთში, შენიშნავს, რომ თამბაქო და ბამბა ისეთი მნიშვნელოვანი რაოდენობით ითესებოდა, რომ ამ ბოლო დროს ვაჭრობის საგანი გახდა<sup>29</sup>.

დავუბრუნდეთ პახომოვის ზემოაღნიშნულ სტატიას, სადაც ავტორი მოგვითხრობს აგრეთვე მეაბრეშუმეობის, მეფუტყრეობის, მეხილეობის, მეცხოველეობისა და სოფლის მეურნეობის სხვა დარგების საგრძნობლად განვითარების შესახებ რეფორმის წინ. იგი აღნიშნავს, რომ ყველა აქ ჩამოთვლილი დარგის პროდუქტები მნიშვნელოვანი რაოდენობით იყიდება როგორც ადგილობრივ, ისე რუსეთსა და უცხოეთის ბაზრებზე<sup>30</sup>.

საინტერესოა ის ფაქტი, რომ პახომოვი ამავე სტატიაში დაწვრილებით ცნობებს იმლევა სხვადასხვა შინაურ ცხოველთა, ფრინველთა და მათი პროდუქციის საბაზრო ფასების შესახებ, რაც, უსათუოდ, მოწმობს იმას, რომ შინაური ცხოველები და ფრინველები ადგილობრივ მცხოვრებთა შორის ყიდვა-გაყიდვის ჩვეულებრივ საგნად გამხდარა. აი ეს ცნობებიც:

„აფხაზეთში ცხოველებზე შემდეგი ფასები არსებობს: ადგილობრივი ჭიშის ცხენი ღირს 40 მანეთიდან 80 მანეთამ-

26 ა. პახომოვი, დასახელებული სტატია, გვ. 44.

27 იქვე, გვ. 45.

28 იქვე.

29 Историческое положение Сух. отледа, Сб. сведений о кавказских горцах. Выпуск VI, Тифлис, 1872, стр. 1.

30 ა. პახომოვი, დასახელებული სტატია. გვ. 56-57. 68-69, 73. 75. 81.

დე, ყაბარდოული—80-დან 150-მდე და 200 მანეთიც; ძროხა ან ხარი — 10 მანეთი; თხა — 2 მანეთი; ცხვარი ან ყოჩი 3 მანეთი; ვირი 5-დან 8-მდე; კამეჩი 30 მანეთი; ფურკამეჩი 30-დან 40 მანეთამდე. სოხუმში ეს ფასები რამდენადმე მაღალია, ვიდრე სოფლებში<sup>31</sup>.

არის მრავალრიცხოვანი მითითება იმაზე, რომ 30-იანი წლებიდან დაწყებული თვით საგლეხო რეფორმის ჩატარებამდე აფხაზეთში ვაჭრობა საკმაო ფართოდ გავრცელებულა, რომ სანაპირო ბაზართა რაოდენობა საგრძნობლად გადიდებულა. ერთ საბუთში ჩამოთვლილია სოხუმის, კელასურის, კოდორის, ტამიშის, გუდავის, ილორის, ოჩამჩირის, გუდაუთისა და ბომბორის ბაზრები. ცალკეული დუქნები გაუხსნიათ სხვა ადგილებშიც<sup>32</sup>.

გენერალი მ. გ. ოლშევსკი ერთ-ერთ თავის პატაკში, რომელიც დათარიღებულია 1839 წ. 3 სექტემბრით, სხვათა შორის აღნიშნავს, რომ ახლა აფხაზთა უმრავლესობამ შეიგნო ფულის ფასი და ამიტომ თავის ნაწარმს სიამოვნებით ყიდის ფულზეო<sup>33</sup>.

ერთ-ერთი რუსი ოფიცერი, რომელიც თავის ასეულით იდგა სოფ. ბომბორში, მოგვითხრობს, რომ იქ გამოჩენის პირველ დღესვე მათ შეხვდათ მთელი ბრბო ახლომახლო მდებარე სოფლების მცხოვრებთა, რომელთაც გასაყიდად მოჰქონდათ ყველი, კვერცხები, ქათმები. მეორე დღეს კი გამყიდველთა რაოდენობა უფრო მეტი ყოფილა<sup>34</sup>.

ს. პუშკაროვი გადმოგვცემს, თუ როგორ ივსებოდა ყოველ კვირარობით ოჩამჩირის ბაზარი აფხაზი ქალებით, რომლებიც ყიდდნენ ხამ აბრეშუმსა და თავიანთი ხელების სხვა ნაწარმს, ხოლო ყიდულობდნენ ყალმაქარსა და ჩითს<sup>35</sup>.

მაშასადამე, ყოველივე ზემოთქმულის შემდეგ ჩვენ შეგვიძლია დავასკნათ, რომ XIX საუკუნის 50-60-იან წლებში სოფლის მეურნეობაში სულ უფრო და უფრო ვზას იკაფავს სასაქონლო ფულადი ურთიერთობა, ფულადი — ვაჭრული ურთიერთობა იჭრება როგორც გლეხთა ყოფა-ცხოვრებაში, ისე თავადაზნაურთა წრეებშიაც. გლეხობას, როგორც ეს ჩვენ

31 ა. პახომოვი, დასახელებული სტატია, გვ. 82-83.

32 საქ. ცსსა, ფონდი 416, აღწ. 3, 1869 წ., საქმე 71; გ. ა. ძიძარია, დასახელებული წიგნი, გვ. 132.

33 იქვე, ფონდი 1396, აღ. 1, საქმე 69, ფურც. 9.

34 С. Смоленский. Воспоминания Кавказца, «Военный сборник», № 9, 1872, გვ. 151.

35 С. Пушкарев, Еще раз об Абхазии, «Кавказ», 1851, № 99.

შემოთ ეხანეთ. საბაზროდ გააქვთ მარცვლეულობა, ღვინო, ხილეულობა, ბოსტნეულობა. მეცხოველეობისა და ტექნიკურ კულტურათა პროდუქცია და სხვა, იმისათვის, რომ ცოტათი მაინც იშოვოს ფული, ვინაიდან ის ახლა მისთვის აუცილებელ საჭიროებას წარმოადგენს. გლეხობას ფული ესაჭიროება არა მარტო იმისათვის, რომ ბაზარზე ნაყიდი საგნებით თავისი ოჯახის აუცილებელი მოთხოვნილება დააკმაყოფილოს ნაწილობრივ მაინც, არამედ იმიტომაც, რომ გადასახადების გარკვეული ნაწილი ფულადი ნიშნებით მიართვას მებატონეებს. რადგან ისინი ამჟამად მარტო ნატურალურ ღალას აღარ ჯერდებიან. ასლა, როდესაც სასაქონლო-ფულადი ურთიერთობა შეიქრას საზოგადოების ყოფა-ცხოვრებაში, როდესაც თავადაზნაურობამ ფულს გემო გაუხინჯა, ცხადია, რომ ის უკვე აღარ კმაყოფილდება აქამდე არსებული ნატურალური გადასახადების რაოდენობით; იგი ცდილობს, რაც შეიძლება მეტი მიიღოს თავისი ყმებისაგან და ამავე დროს მას სურს მიიღოს ის არა ნატურით, არამედ ფულადი ნიშნებით. ასე იყო ეს ყველგან და ცხადია, რომ აფხაზეთიც ამ მხრივ გამოწკლის ვერ შეადგენდა. ჰქონდა თუ არა ადგილი აფხაზეთში რეფორმის წინ ნატურალური გადასახადების შეცვლას (რა თქმა უნდა, ნაწილობრივ და არა მთლიანად) ფულადი გადასახადებით? დიახ, ჰქონდა. ამის დამადასტურებელი მაგალითები მოგვყავს ჩვენთვის უკვე ცნობილი მსხვილი ფეოდალის გ. დ. შარვაშიძის მეურნეობიდან. ერთ-ერთ დოკუმენტში პირდაპირ ნათქვამია, რომ შარვაშიძეს უხდიდნენ „ფულად გადასახადებს“<sup>36</sup>.

რომ აქ ეს „ფულადი გადასახადი“ შემთხვევით არ არის მოხსენებული, იმიტაც ძტკიცდება. რომ სხვა საბუთებშიც არის პირდაპირი თუ არაპირდაპირი მითითება ამის შესახებ. ასე, მაგალითად, ერთ ადგილას ვკითხულობთ: გლეხები მემამულისაგან (ლ. აბრამია გ. შარვაშიძეზე. — ლ. ძ.) იჯარით აღებულ ერთ დესეტინა მიწაში წლიურად 10 მანეთს იხდიან: ასევე იჯარით ქირაობენ სათიბ ადგილებს და მემამულისაგან ყიდულობენ შეშას, საშენ ქვასა და სხვა<sup>37</sup>.

მეორე საბუთში, რომელშიც ჩამოთვლილია გლეხის ვალდებულება მებატონის წინაშე, სხვათა შორის აღნიშნულია, რომ შარვაშიძეების თითო ანხაიუს კომლს თავის მემამულე-

36 ცსსა, ლენინგრადი, ფონდი 1087, აღწ. I, საქმე 29: 1838 წ., ფურც. 368-369.  
37 იქვე, ფურც. 378-379.



სათვის უნდა მიეცა 16 ვედრო ღვინო, ან 16 მანეთი ვერცხ-  
ლით<sup>38</sup>.

გ. შარვაშიძის მეურნეობაში შედარებით საკმაოდ ყოფილა  
გაშლილი ვაჭრობა, ალებ-მიცემობა; ეს იქიდანაც ჩანს, რომ  
მას მარტო სოფელ კელასურის ტერიტორიაზე მოვაჭრე მეგრე-  
ლებისაგან წლიურად 2500 მანეთის საბაჟო გადასახადი შე-  
მოსდიოდა<sup>39</sup>.

წყაროებიდან ჩანს, რომ ნატურალური გამოსაღების ნა-  
წილობრივად ფულად გადასახადით შეცვლას ადგილი ჰქონდა  
აგრეთვე ბზიფისა და აბჟუის აფხაზეთში<sup>40</sup>.

უნდა აღინიშნოს ისიც, რომ აფხაზეთში თითქმის საყოველ-  
თაო მოვლენა იყო ნატურალური ახშობისა და აჩმის შეცვლა  
ფულით<sup>41</sup>.

ადგილი გასაგებია, რომ ნატურალური ღალის ნაწილო-  
ბრივად ფულადი გადასახადით შეცვლამ კიდევ უფრო  
გააუარესა ისედაც მძიმე პირობებში მყოფი კლესების მდგო-  
მარეობა, რადგან ახლა მემამულეები უკვე აღარ კმაყოფილდე-  
ბიან აქამდე არსებული საღალო-საბეგარო ნორმებით. თვით-  
ნებურად აღიღებენ მას თავისი გაზრდილი მოთხოვნილების  
ძიხედვით; რაც გლესთა ექსპლოატაციის გაძლიერებასა და,  
მშასადაამე, გლესთა ეკონომიური მდგომარეობის კიდევ  
უფრო გაუარესებას იწვევდა. ცხადია, ეს თავის მხრივ აღრმა-  
ვებდა და აძლიერებდა კლასობრივ ბრძოლას ფეოდალური  
საზოგადოების ძირითად კლასებს — მემამულეებსა და გლე-  
ხებს შორის, იწვევდა გლესთა ხშირ სტიფედალურ აჯან-  
ყებებს.

### გლესთა კატეგორიები და მათი მდგომარეობა რეფორმის წინ

რეფორმამდელ აფხაზეთში გაბატონებულ სოციალურ  
წყობას ფეოდალიზმი წარმოადგენდა. მაგრამ ფეოდალური,  
ბატონყმური ურთიერთობა ერთნაირად არ იყო განვითარებუ-  
ლი მთელს აფხაზეთში. მაშინ, როდესაც ბარში ბატონყმური  
ურთიერთობა იყო გაბატონებული, მთიან რაიონებში მას ჯერ

<sup>38</sup> საქ. ცსსა, ფონდი 416, საქმე 1013, ფურც 2.

<sup>39</sup> ცსსა, ლენინგრადი, ფონდი 1087, აღწ. I, საქმე 29. 1869 წ.,  
ფურც. 350.

<sup>40</sup> საქ. ცსსა, ფონდი 416, აღწ. 3, საქმე 403, ფურც. 11; აია, ფონდი I,  
საქმე 27. ფურც 2-4.

<sup>41</sup> გ. ა. შიძარია, დასახლებული წიგნი, გვ. 262.

კიდევ გადაწყვეტი მნიშვნელობა არ ჰქონდა. ისეთი რაიონების საზოგადოებრივ ცხოვრებაში, როგორც იყო პსხუ, ახი-პსხუ და ნაწილობრივად დალი, პატრიარქალურ-გვაროვნული წყობილებისათვის დამახასიათებელი ნიშნები ჯერ კიდევ საგრძნობლად ყოფილა შემორჩენილი. ბატონყმურ ურთიერთობას ჩვენ იქ მხოლოდ განუვითარებელი, არადასრულებული სახით თუ ვხვდებით.

ამიტომ, როდესაც ჩვენ ფეოდალური ურთიერთობის საკითხს ვიხილავთ, ყოველთვის მსუბუქელობაში უნდა გვქონდეს მისი განვითარების არათანაბარი დონე აფხაზეთის სხვადასხვა რაიონში.

სოციალური ურთიერთობის მიხედვით რეფორმამდელი აფხაზეთია მცხოვრებლები. ისე როგორც მთელი საქართველოში, ორ ძირითად, ერთმანეთის სააწინააღმდეგო ანტაგონისტურ კლასებად იყოფოდნენ: ფეოდალურ-ექსპლოატატორებად და ექსპლოატირებულ მშრომელ გლეხობად.

ფეოდალური აფხაზეთის გაბატონებული კლასი შედგებოდა თავადებისა, აამსთებისა (აზნაურებისა) და უმაღლესი სამღვდელთაგან. აფხაზეთის ფეოდალური კლასი არავითარ საზოგადო სასარგებლო საქმეს არ აკეთებდა. იგი მთელ თავის სიცოცხლეს პარაზიტულად, უსაქმურობაში ატარებდა და არხეინად ნებოჯრობდა მშრომელი გლეხობის უმოწყალო ექსპლოატაციის ხარჯზე. ეს კარგად შეუქმნევია კაპიტან ენსგოლმს. იგი წერდა: „თავდაზნაურობა უსაქმურობაში ყველადერს თავის მოსახლისაგან მოელის“<sup>42</sup>.

მაგრამ უნდა აღინიშნოს, რომ ფეოდალების მიერ მშრომელი მასების ეს უმოწყალო ექსპლოატაცია ყოველთვის ამკარად როდი მყლაუნდებოდა. ხშირი იყო შემთხვევა, როდესაც ფეოდალური ექსპლოატაცია იჩქმალებოდა გაბატონებული კლასის მიერ განხრახ კონსერვირებული გვაროვნულ-პატრიარქალური გადმონაშთებით. მზაგვერელთა კლასი თავის სასარგებლოდ ოსტატურად იყენებდა აფხაზეთის სინამდვილეში შემორჩენილი და დიდი ცხოველუნარიანობის მატარებელ პატრიარქალური ტრადიციის ისეთ სახეებს, როგორიცაა: „მიწვილება“ და „აღმზრდელობა“. ასეთი მეთოდით წარმოებული გლეხის ექსპლოატაცია ნათესაური კავშირით იჩქმალდებოდა; თითქოს ამ შემთხვევაში დალაბეგარა იყო არა პირადი დამოკიდებულებისა და მიწის სარგებლობისათვის, ან, უკეთ რომ ვთქვათ, ყმური ურთიერთობისათვის გაღებული გადასა-

ხადი, არაფერ ნათესავის მიერ ნათესავისათვის მიტანილი „საჩუქარი“, ნათესავის მიერ ნათესავის წინაშე შესრულებული „წმიდათა წმიდა მოვალეობა“. სინამდვილეში ე. წ. მიშვილება“ და „აღმზრდელობა“ სხვა არ იყო რა, თუ არა პატრიარქალური გარსი ნამდვილი ფეოდალური, ბატონყმური ექსპლოატაციის შინაარსისა.

რეფორმამდელი აფხაზეთის გლეხობა, ისე როგორც სხვა ლანარჩენი საქართველოსი, არ წარმოადგენდა ერთ მთლიან მასას; იგი თავისი უფლებრივი და ეკონომიური მდგომარეობით სხვადასხვა კატეგორიებად იყოფოდა. როგორც სოხუმის წოდებრივ-საადგილმამულო კომისიის მასალებიდან ჩანს, რეფორმის წინ აფხაზეთში გლეხობის შემდეგი სამი ძირითადი კატეგორია არსებობდა: ანხაიუ (სამურზაყანოში ფიოში); ახოუიუ (დელმანორე-სამურზაყანოში) და ახაშვალა (მოჭალაზე სამურზაყანოში). ამ სამი ძირითადი კატეგორიის გარდა არათავისუფალ, დამოკიდებულ წოდებას ეკუთვნოდნენ აგრეთვე შინაყმა, აზატი და ამაწურაზქუ (სამურზაყანოში მოინალე).

„სოხუმის წოდებრივ-საადგილმამულო კომისიამ“ სამი წლის მუშაობის შედეგად საკმაოდ მდიდარი მასალა შეაგროვა აფხაზეთის გლეხთა სხვადასხვა კატეგორიის შესასწავლად. მაგრამ აქვე უნდა აღინიშნოს, რომ ყველა მის დასკვნას. რომელნიც ზემოთ ჩამოთვლილი კატეგორიების ეკონომიურ-უფლებრივ დახასიათებას და საერთოდ გლეხებისა და მემკვილეების ურთიერთობის საკითხებს ეხება. ამკარა ტენდენციურობის კვალი ახლავს. ამ საკითხში ტენდენციურობას იჩენენ არა მარტო კომისიის წევრები, არამედ თითქმის ყველა რუსი მოხელე, ოფიციალური და არაოფიციალური ისტორიკოსებიც კი, რომლებიც ასე თუ ისე ეხებიან ბატონყმური ურთიერთობის საკითხს რეფორმამდელ აფხაზეთში. თუ რა მიზეზებმა ან რა პირობებმა გამოიწვია კომისიის წევრების, მოხელეების, ოფიციალურ და არაოფიციალურ პირთა ტენდენციურობა ბატონყმური ურთიერთობის შესწავლის საკითხებში, ამაზე ჩვენ დაწვრილებით შევჩერდებით, როდესაც საგლეხო რეფორმის მომზადებასა და მის გატარების პირობების საკითხებს შევეხებით. აქ ჩვენ გვსურს ხაზგასმით აღვნიშნოთ მხოლოდ ის, რომ ბატონყმური ურთიერთობის საკითხი ამკარა ტენდენციურობით არის გაშუქებული როგორც ჩვენ ზეღში მყოფ საარქივო მასალებში, ასევე რევოლუციამდელ ისტორიულ ლიტერატურაშიც. ამიტომ აფხაზეთის XIX საუკუნის შუახანის ბატონყმური ურთიერთობის მკვლევარს დიდი კრიტიკული სიფხიზლე მართებს იმისათვის, რომ ტენ-

დენციურად შედგენილი საარქივო საბუთებისა და გამოკვეთილი ისტორიული ლიტერატურის საფუძველზე ბატონყმური ურთიერთობის სინამდვილე აღადგინოს.

სოხუმის წოდებრივ-საადგილმამულო კომისიის წევრებსა და საერთოდ მეფის ყველა მოხელეს, რომელნიც საგლეხო რეფორმის მომზადებისა და მისი გატარების პერიოდში ე.წ. „სოხუმის სამხედრო განყოფილებაში“<sup>43</sup> მსახურობდნენ, მიზნად ჰქონდათ დასახული დაესაბუთებინათ, რომ აფხაზეთში აღდგილი არ ჰქონდა ბატონყმური ინსტიტუტის არსებობას. რომ აქ არსებული წოდებრივ-საადგილმამულო ურთიერთობა სხვა არა იყო რა, თუ არა ახილაფშუსა (მფარველსა) და ხიფშის (შეფარებულს) შორის ნებაყოფლობითი ხელაქვრულების ნიადაგზე აღმოცენებული საზოგადოებრივი ურთიერთობა, რითაც მფარველი ვალდებული იყო დაეცვა თავისი ვასალი გარეშე და შინაური მტრებისაგან, ხოლო ეს უკანასკნელი კი მოვალე იყო ამის სამაგიეროდ თავისი პატრონისათვის პიერთმია საჩუქარი ან შეესრულებინა მისი სხვა დავალება.

კითხვა რსმება: რის საფუძველზე უნდათ ზემოთ დასახელებულ მოხელეებს დაემტკიცებინათ ეს? იყო თუ არა რამე ამის მსგავსი აფხაზეთის ფეოდალური ურთიერთობის სინამდვილეში?

ჩვენ ზემოთ უკვე აღვნიშნეთ, რომ აფხაზეთში ფეოდალურ ურთიერთობა ახასიათებდა ერთგვარი თავისებურება, რომელიც განასხვავებდა მას კერძოდ, წვრილმანებში საქართველოს სხვა კუთხის (ვთქვათ სამეგრელოსა და იმერეთის) ამ პერიოდის ბატონსა და ყმას შორის არსებული ურთიერთობისაგან. მაგრამ ეს, რა თქმა უნდა, როდი ნიშნავს იმას, რომ აფხაზეთის სოციალური წყობილება, როგორც ამას ამტკიცებენ კომისიის წევრები, სრულიად განსხვავდებოდა საქართველოს ღანარჩენი კუთხის ფეოდალური ურთიერთობისაგან. არსებითად ფეოდალური ურთიერთობა ერთი და იგივე იყო მთელს საქართველოში. მაგრამ პატრიარქალურ-გვაროვნული გადმონაშთები უფრო მეტად იქნა შემორჩენილი იმდროინდელი აფხაზეთის საზოგადოებრივ ცხოვრებაში. სასჯელდობრ, აქ XIX საუკუნის შუა ხანისათვის ნაწილობრივად შემორჩენილი იყო თემური მიწათმფლობელობა, მაშინ,

<sup>43</sup> 1864 წ. აფხაზეთის სამთავროს გაუქმების შემდეგ შექმნილ იქნა „სოხუმის სამხედრო განყოფილება“, რომელიც შედიოდა აფხაზეთი სამხრუზაყანოსა და წებელდის ჩათვლით და რომელიც უშუალოდ ექვემდებარებოდა ქუთაისის გენერალ-გუბერნატორს.

როდესაც ასეთ რამეს ჩვენ საქართველოს უფრო განვითარებულ რაიონებში ნაკლებად ვხვდებით.

სოხუმის წოდებრივ-საადგილმამულო კომისიას იმისათვის, რომ მიეღწია ზემოდან მის წინაშე დასახული მიზნებისათვის, რაც იმაში მდგომარეობდა, რომ აფხაზეთის თავადაზნაურობისათვის, ყოველ შემთხვევაში, მისი გარკვეული ნაწილისათვის, რომელიც მთავრობას ოპოზიციაში ედგა. ჩამოეცილებინა პოლიტიკურ-ეკონომიური საფუძველად უნდა ელიარებინა საზოგადოებრივ ცხოვრებაში პატრიარქალურ-გვაროვნული წყობის გადმონაშთებზე დაყრდნობით, რომ აფხაზეთში ბატონყმური ინსტიტუტი, როგორც ასეთი — სრულიად არ არსებობდა. რომ აქაური ფეოდალი ბატონი კი არ არის, როგორც ეს ცნობილი იყო საერთოდ, არამედ მფარველია თავისი ხელქვეითებისა, რომ აფხაზი გლეხი ყმა კი არ არის, არამედ ნებაყოფლობით თავის მფარველისადმი მიკედლებული მეურნეა. რომელსაც ყოველთვის შეუძლია დატოვოს თავისი პატრონი. თუ იგი რატომღაც არ მოეწონება მას. სამიტომ კომისია თავგამოდებით აცავს იმ აზრს, რომ თავადს. აზნაურსა და ყველა კატეგორიის გლეხს და თვით მონასაც (ახაშვალას) კი ერთნაირი საადგილმამულო უფლებები აქვთ<sup>44</sup>.

იმის მტკიცება, რომ გლეხები და ფეოდალები აფხაზეთში რეფორმის წინ ერთნაირი საადგილმამულო უფლებებით სარგებლობდნენ და ამავე დროს პირველნი პირადად დამოკიდებულნი იყვნენ ამ უკანასკნელისაგან და რომ ეს დამოკიდებულება მათ შორის ნებაყოფლობით დადებული ხელშეკრულების ნიადაგზე იყო აღმოცენებული, სხვა აზრად ვერს ნიშნავს თუ არადა ისტორიული საბუღალის ამკარა დამახიხებებს. მაგრამ ამ დამახიხებას ამართლებდა მიზანი, რომელიც, როგორც ზემოთა აღნიშნული, იმაში მდგომარეობდა, რომ მარცხით თავადაზნაურობის უფლება მიწის საკუთრებაზე (გარდა საკარმიდამო და საბატონო სახნავ-სათესისა), რაც მთავრობას ფორმალურ უფლებას მისცემდა მიწები სახელმწიფო საკუთრებად გამოცხადებულიყო, რათა შემდეგ ამ მიწებზე ყოველგვარი დაბრკოლების გარეშე დაეახლებინათ რუსი კოლონისტები, ასეული და ათასეული დესეტინობით პირად საკუთრებაში გადაეცათ საუკეთესო მამულები გეოგის მსხვილი მოხელეებისათვის და აგრეთვე აფხაზეთის იმ თავადებისა და აზნაურებისათვის, რომლებიც საქმით

<sup>44</sup> Сборник сведений о Кавказских горцах, Выпуск VI, Тифлис, 1872. Абхазцы (азегал), გვ. 34; ცხ.სა, ლენინგრადი, ფონდი 1258, აღწ. 12, საქმე 74. 1863 წ., ფურც. 35.

დაამტკიცებდნენ თავის ერთგულებასა და სიყვარულს მეფის ტახტისადმი.

მთავრობისა და კომისიის ეს აშკარა ტენდენციურობა უფრო რელიეფურად მოჩანს გლეხთა ცალკეული კატეგორიის ეკონომიურ-უფლებრივ დახასიათების ფონზე. ჩვენ ზემოთ უკვე დავასახელეთ აფხაზეთის გლეხობის სამი ძირითადი კატეგორია: ანხაიუ, ახოუიუ და ახაშვალა. ამათგან, როგორც ამას ჩვენ განკარგულებაში მყოფი ისტორიული მასალები მოწმობს, ყველაზე უფრო მაღლა, თავისი უფლებრივი და ეკონომიური მდგომარეობით, ანხაიუ (ფიოში) იდგა. ამასთან ერთად ანხაიუ წარმოადგენდა აგრეთვე რიცხობრივად აფხაზეთის მოსახლეობის უმრავლესობას და, მაშასადამე, გლეხთა მასის ძირითად სოციალურ კატეგორიას.

გლეხთა ამ კატეგორიის საკითხის შესასწავლად ჩვენ ძირითად მასალებს ეპოულობთ იმავე სოხუმის წოდებრივ-საადგილმამულო კომისიის შრომებში. მაგრამ, როგორც უკვე იყო აღნიშნული, ამ შრომებში გლეხთა ეკონომიურ-უფლებრივი მდგომარეობის საკითხი მიკერძოებითა და აშკარა ტენდენციურობითაა განხილული.

ზემოაღნიშნული კომისიის მიერ მოგროვილი მასალების საფუძველზე შედგენილ იქნა კავკასიის მთის სამმართველოს უფროსის გენერალ-მაიორ სტაროსელსკის მიერ ე. წ. „მოკლე ბარათი წოდებრივი-საადგილმამულო ურთიერთობის შესახებ აფხაზეთსა და სამურზაყანოში“. აქ სადაც ანხაიუ (ფიოში) დახასიათებულია როგორც პირადი, ისე ქონებრივ უფლებით მოსილი ადამიანი. იქვე აღნიშნულია, რომ ამ კატეგორიის გლეხთა ბევარა თითქოს წარმომობილია ნებაყოფლობითი საჩუქრებისაგან. რომლითაც იგი თავის ვალს იხდიდა ძემის მფარველების წინაშე მათი სხვადასხვა სახის დამსახურების გამო<sup>45</sup>.

ისტორიკოსების ს. ესაძის<sup>46</sup>, ავალიანისა<sup>47</sup> და სხვა რიგ ავტორთა შრომებში<sup>48</sup> ჩვენ საქმე გვაქვს არსებითად „მოკლე ბარათი“-ს ამ ადგილის გაშეოვებასთან.

<sup>45</sup> ესა, ლენინგრადი, ფონდი 1268. აღწ. 12. საქმე 74. ფურც.

<sup>46</sup> ს. ესაძე, დასახელებული წიგნი, გვ. 504.

<sup>47</sup> ს. ავალიანი, დასახელებული წიგნი, გვ. 66.

<sup>48</sup> К. Д. Мачавариани, Описательный путеводитель по городу Сухуму и Сухумскому округу, Сухум, 1913, гв. 315, 320—321; А. Н. Дьячков-Тарасов, Абхазия и Сухум в XIX столетии, Тифлис, 1910, гв. 81—182.

✓ ზოგ საბუთში ანხაიუ „სრულიად თავისუფალ ადაშიანად“<sup>49</sup> არის აღიარებული.

— ანხაიუს სოციალური ბუნება არასწორად გაუგია აგრეთვე საბჭოთა პერიოდის ზოგიერთ ისტორიკოსსაც. ასე, მაგალითად, ა. ფადეევი ამ საკითხის გაგებაში აღმოჩნდა რევოლუციამდელი ავტორების აშკარა გავლენის ქვეშ. იგი წერდა, რომ გლეხთა მასის უმრავლესობამ, მისმა ძირითადმა კატეგორიამ — ანხაიუმ თითქოსდა სრულიად არ იცოდა, თუ რა იყო ყმობა. რომ იგი არ იყო ვალდებული გამოსულიყო საბეგრო სამუშაოზე და ამავე დროს საარგებლობდა ერთი ფეოდალისაგან მეორესთან თავისუფალი გადასვლის უფლებით<sup>50</sup>.

მართლაცდა შეიძლება თუ არა ანხაიუ (ფიოში) ჩვენ სრულიად თავისუფალ გლეხთა კატეგორიაში ჩავთვალოთ, როგორც ამას ამტკიცებდნენ სტაროსელსკი, ესაძე და მთელი რიგი სხვა ავტორები? რა თქმა უნდა, არა. XIX საუკუნეში ანხაიუზე, როგორც სრულიად თავისუფალ მიწათმოქმედზე, ლაპარაკიც კი ზედმეტია. მართალია, აფხაზეთის გლეხთა იმ ნაწილის დამოკიდებულება თავიანთი მემამულეებისადმი, რომელიც ცნობილია ანხაიუს (ფიოშის) სახელწოდებით, ჩვენთვის საინტერესო პერიოდისათვის, ჯერ კიდევ არ იყო მთლიანად დასრულებული, როგორც ბატონყმური დამოკიდებულება და ფეოდალსა და ანხაიუს შორის არსებული. ურთიერთობა მიჩქმალული და შენიღბული იყო მრავალი სხვადასხვაგვარი პატრიარქალურ-გვაროვნული გადმონაშთებით. მაგრამ თქმა იმისა, რომ მოსახლეობის ეს ჯგუფი სრულიად თავისუფალი იყო და იგი თავის ბედობაზე ისე განაგებდა, როგორც ეს მას სურდა, ისტორიული სინამდვილის აშკარა დამახინჩება იქნებოდა.

როდესაც ჩვენ ვეხებით ანხაიუს სოციალურ ბუნებას, მის ეკონომიურ თუ უფლებრივ საკითხებს, აუცილებლად მხედველობაში უნდა მივიღოთ ის გარემოება, რომ იგი XIX საუკუნის პირველ ნახევარში არ წარმოადგენდა ერთ მთლიან მასას, რომ მასში უკვე მომხდარი იყო საგრძნობი დიფერენციაცია.

რომ ანხაიუ ჩვენთვის საინტერესო პერიოდისათვის იყო ფაქტობრივად ორ ნაწილად, ერთი უმცირესი ნაწილი არ იხდიდა მტკიცედ რეგლამენტირებულ გადასახადებს, არ გადიოდა ბეგა-

<sup>49</sup> Сборник сведений о кавказских горцах выпуск V, разд. 17, Тифлис, 1871. გვ. 49

<sup>50</sup> ა. ფადეევი, ციტირებული სტატია, გვ. 629.

რაზე, ხოლო მეორე — უმრავლესობა მას დიდი რაოდენობით იხდიდა, ამას ერთხმად ამტკიცებს არსებული წყაროები. გარდა ამისა, ისიც უნდა მივიღოთ მხედველობაში, რომ ეს უკანასკნელიც არ იყო აღჭურვილი ერთნაირი უფლებებით, რომ იგიც თვითონ ორ ნაწილად იყოფოდა. ერთი ნაწილის დამოკიდებულება თავის პატრონისადმი ჯერ კიდევ არ იყო გაფორმებული ისეთ ურთიერთობად, როგორც ხასიათდება ბატონყმობა ამ სიტყვის სრული მნიშვნელობით, ე. ი. უფრო გარკვევით რომ ვთქვათ, ანხაიუს ეს ნაწილი არ იყო საბოლოოდ მიმაგრებული. მიჯაჭვული მიწაზე და მას საკუთრო შემთხვევაში შეეძლო მისი მიტოვება და სხვაგან გადასახლება; თუმცა ეს გადასვლა ერთი მემამულისაგან მეორეზე არც ისე ადვილი საქმე იყო, რადგან მას წინ მრავალი დაბრკოლება ეღობებოდა. ანხაიუს უმრავლესობის მეორე მნიშვნელოვანი ნაწილი უკვე საბოლოოდ იყო მიმაგრებული მემამულის მიწაზე და მას მისი მიტოვება. პატრონის ნებართვის გარეშე, ცხადია, არ შეეძლო. ისიც ღირსია ჩვენი ყურადღებისა, რომ ანხაიუს გადასახადებით ვალდებული ნაწილი ამ დროისათვის თანაბარი რაოდენობით როდი იხდიდა სავალდებულო გადასახადებს: ერთი ნაწილი იხდიდა მას უფრო მეტი რაოდენობით, ვიდრე მეორე.

ამ ჩვენს მიერ წამოყენებული დებულებების დასამტკიცებლად მივმართოთ ისტორიულ საბუთებს.

თავადი ბარათოვის კომისიის წევრი<sup>51</sup> მოხელე ჩერეპოვი თავის სტატიაში: „მოკლე შენიშვნები აფხაზეთის ბზიფის ოლქის მცხოვრებთა წოდებებისა და ურთიერთდამოკიდებულების შესახებ“ წერდა, რომ „ანხაიუს წოდება იყოფა ორ კატეგორიად: გადამხდელებად და არაგადამხდელებად... ანხაიუს ბეგარა ერთნაირი ზომის არ არის“<sup>52</sup>.

— ცოტა უფრო ქვემოთ იგი დასძენს: „ანხაიუს ბევრი თავის რაოდენობით ძლიერი გვარი არავის არავეითარი გადასახადებს არ უხდის. თუმცა ცნობს თავის თავს რომელიმე ძლიერი პიროვნების ხელქვეითად“<sup>53</sup>.

ამავე სტატიაში ჩერეპოვი ლაპარაკობდა, რომ „დიდ გადასახადებს“ იხდიდნენ გლეხობის ამ კატეგორიიდან ისინი, ვი-

<sup>51</sup> კომისია, მაიორ თავად ბარათოვის, კაპიტან-ლეიტენანტ კარგანოვისა და ჩერეპოვის შემადგენლობით, გამოგზავნილ იქნა აფხაზეთში 1866 წლის გაზაფხულზე აქ არსებული მიწათმფლობელობისა და წოდებათა ურთიერთობის შესახებ ცნობების შესაგროვებლად.

<sup>52</sup> საქ. ცსსა, ფონდი 416, საქმე 1032, ფურც. 10.

<sup>53</sup> იქვე, ფურც. 11.



საც ძალა არ შესწევდა თავი ეხსნა ახილაფშუს (მთარველის) ძალმომრეობისაგან<sup>54</sup>.

✓ ცნობებს იმის შესახებ, რომ ანხაიუს უმცირესი ნაწილი არ იხდიდა გადასახადებს, ჩვენ სხვა საბუთებშიც ვხვდებით. მაგალითად. აფხაზეთის უკანასკნელი მთავრის ხელქვეითი 874 კომლი ანხაიუდან 69 კომლი თავისუფალი ყოფილა მტკიცედ რეგლამენტირებული ბეგარა-გადასახადებისაგან. მიხეილ შარვაშიძის ძმას ალექსანდრე შარვაშიძეს რეფორმის წინ 318 კომლი ანხაიუ ჰყოლია. აქედან 21 კომლი თავისუფალი ყოფილა ბეგარა-ვალდებულებებისაგან<sup>55</sup>.

ზემოთ მოტანილი საბუთები ნათლად ადასტურებენ იმას, რომ ანხაიუ ჩვენთვის საინტერესო პერიოდისათვის თავის ეკონომიური და უფლებრივი მდგომარეობით არ წარმოადგენდა ერთ მთლიან მასას, რომ მასში უკვე გარკვეული დიფერენციაცია მომხდარა. ანხაიუ, ჩერეპოვის გამოთქმა რომ ვიხსნათ, ორად გაყოფილა: „გადამხდელ“ და „არაგადამხდელ“ ჯგუფებად. ამავე დროს ჩერეპოვი პირდაპირ მიუთითებს, რომ ყველა „გადამხდელი“ ანხაიუ ერთი და იმავე ზომით კი არ იხდიდა. არამედ ერთი უფრო ნაკლებით, მეორე კი მეტი რაოდენობით. ბეგარა-გადასახადებს დიდი რაოდენობით იხდიდნენ ისინი. ვისაც უნარი არ შესწევდა თავისი რაციონის პატრონის „ძალმომრეობისაგან“. ეს უკანასკნელი ფრიად მნიშვნელოვანი მითითებაა, რადგან იგი აშკარად ლაპარაკობს ანხაიუს თანდათანობით ყმად გადაქცევის პროცესზე. რაც მემამულეების ძალდატანებით ხდებოდა. თავისთავად ცხადია, რომ თავისუფალი გლეხთა ჯგუფი გულხელდაკრეფილი არ შექყურებდა ამ თავის უფუფლებობასა და ყმადქცევას. იგი მემამულეთა ასეთ თვითნებობას თავგამოდებით ებრძოდა.

✓ ერთ საბუთში. რომელიც საგლეხო რეფორმის გატარების წინა ხანას ეკუთვნის. მოთხრობილია სოფ. მერხეულის მცხოვრები ძმების ბირიციხიბების საჩივარი გ. დ. შარვაშიძის მიერ ნეობის მმართველ პახომოვისა და მისივე რწმუნებულის ე. თურქიას თვითნებობაზე. ძმები თავის თხოვნაში აღნიშნავენ. რომ ისინი ეკუთვნიან ანხაიუს და რომ არასოდეს არ იყვნენ ვალდებული გადასახადებით. მაგრამ ახლა მათ მოულოდნელად მოსთხოვეს ბეგარა-გამოსაღების გადახდა თანაბრად სხვა გლეხებისა. ბოლოს. მოხსენებული მომჩივანი ძმე-

54 საქ. ცსსა, ფონდი 416, საქმე 1032, ფურც. 10.

55 საქ. ცსსა, მეფისნაცლის კანც. ფონდი, საქმე 31/1, ნაწ., 1866 წ., გვ. 8713.

ბი მეფის ადმინისტრაციისაგან თხოულობენ ასეთი უკანონობისაგან დაცვას<sup>56</sup>.

ანხაიუსაგან ძალდატანებით გადასახადების აკრეფაზე ლაპარაკობს მეორე საბუთიც. „უმადლესი წოდების ბევრმა... პირმა მოითხოვა და დაიწყო გადასახადების მოგროვება ძალდატანებით<sup>57</sup>.

ასეთი მაგალითების მოყვანა კიდევ მრავლად შეიძლებოდა, მაგრამ, ჩვენი აზრით, მოტანილიც საკმარისია იმისათვის, რომ წარმოდგენა ვიქონიოთ ჩვენთვის საინტერესო საკითხზე. თავისუფალი გლეხის დამოკიდებულად გახდომა, ხოლო დამოკიდებულის კი თანდათანობით ყმად ქცევა: საბოლოოდ მისი დამორჩილება სხვადასხვა გზით, კერძოდ, მემამულეთა თვითნებობითა და ძალდატანებით, ჩვეულებრივი მოვლენაა ფეოდალური წყობილების ეპოქაში. რა თქმა უნდა. ეს პროცესი ხანგრძლივია; იგი საუკუნეთა მანძილზე მიმდინარეობდა და დამახასიათებელი იყო არა მარტო აფხაზეთის, ანდა მთლიანად საქართველოს ფეოდალიზმისა, არამედ ფეოდალური ფორმაციისათვის საერთოდ. ერთი კატეგორიის გლეხი მემამულის ნება-სურვილით ადვილად შეიძლებოდა მომხვედარიყო უფრო დაბალ კატეგორიაში ან პირიქით. სამართლიანად აღნიშნავენ აკად. ნ. ბერძენიშვილი, რომ ფეოდალურ საზოგადოებაში პირადად თავისუფალი გლეხთა ფენა გარდამავალია და რომ ბატონყმური ურთიერთობის ზრდასთან ერთად, სულ უფრო და უფრო მზარდი ეკონომიური ჩაგვრა და სოციალური დაპყრობა მიერეკება მას ყმათა ბანაკში<sup>58</sup>.

სოხუმის სამხედრო განყოფილების უფროსის პოლკოვნიკ კონიარს პატაკში პირდაპირ წერია, რომ „ჩვეულებრივი აფხაზური სამართალი თავისუფალი მდგომარეობის ადამიანების მონად გადაქცევასა და კაბალურ პირობებში ჩაგვარდნას უშვებს“<sup>59</sup>.

— პოლკოვნიკ კონიარს ამ შემთხვევაში მხედველობაში აქვს სწორედ გლეხთა მასის იმ თავისუფალი ნაწილის ჩაგვარდნა ყნის, მონის მდგომარეობაში, რომელიც ატარებდა ანხაიუს სახელწოდებას.

56 ცსსა, ლენინგრადი, ფონდი 1087, საქმე 30, ფურც. 43-44.

57 საქ. ცსსა, ფონდი 515, საქმე 180, ფურც. 31-39.

58 Н. Бердзенишвили, Очерк из истории развития феодальных отношений в Грузии (XIII—XVI вв.), Тбилиси, 1938, გვ. 2-3.

59 საქ. ცსსა, ფონდი 416, საქმე 1012, ფურც. 16.

ერთი საბუთი აღნიშნავს, რომ იყო ისეთი შემთხვევებიც, როდესაც ანხაიუ ახაშვალას მდგომარეობაში ვარდებოდა<sup>60</sup>.

უამრიალად გამოდის, რომ ანხაიუ ხშირად სხვადასხვა მიზეზებისა და პირობების გამო არა მარტო კარგავდა თავის თავისუფლებას და ხდებოდა დამოკიდებული, ან ვარდებოდა ყმა-გლეხის მდგომარეობაში, არამედ უფრო ქვემოთაც ეშვებოდა, ე. ი. ამ სიტყვის სრული მნიშვნელობით ნამდვილ მონად (ახაშვალად) ხდებოდა. ჩვენ ქვემოთ საგანგებოდ შევიჩერდებით ახაშვალა-მონის მდგომარეობის დახასიათებაზე, ამიტომ აქ მხოლოდ ვიტყვი. რომ ახაშვალა (ძოჭალაზე) აფხაზეთის ექსპლოატირებული მასების სრულიად უუფლებო და დაბე-ჩავებული ნაწილი იყო, რომლის ყიდვა-გაყიდვა და გასაჩუქ-რება დაუბრკოლებლად შეეძლო პატრონს, რადგან იგი მის სრულ საკუთრებას წარმოადგენდა.

— ყველაფერს რომ თავი დაეანებოთ და ჩამოეთვალათ მარტო ის ბეგარა-ვალდებულბანი, რომელთაც ანხაიუ ფეო-დალური კლასის სასარგებლოდ ასრულებდა და რომლებიც ოფიციალურად იცნო მთავრობამ. ისიც კი იქნება საკმარისი იმისათვის, რომ უარეყოთ გლეხთა ამ კატეგორიის „თავისუფლება“.

ჩვენ მიერ უკვე ციტირებული „მოკლე ბარათი“ გვაძლევს ანხაიუს ბეგარა-ვალდებულებათა ნუსხას.

ანხაიუს (ფიოშს) კისერზე აწვა შემდეგი მოვალეობის შეს-რულება:

„1) წლის განსაზღვრულ დროს მფლობელისათვის მიყვანა თხის, ან თიქნის, ან ცხვრის, ან ღორის, ან ხბოს, ან ძროხის, ან მისი ნაწილების მიტანა.

2) მიზიდვა მისთვისვე დადგენილი ჩვეულებრივი ზომით ღვინისა და სიმინდისა.

3) სამინდვრე სამუშაოთა შესრულება წელიწადში რამდე-ნიმე დღის განმავლობაში.

4) მფლობელის ცხენების კვება და შენახვა.

5) მის სასარგებლოდ ახშობრის შესატანი. ე. ი. გადასახა-დი ამ წოდების ქალიშვილის გათხოვებისას (ჩვეულებრივ ძროხა ან 10 მან).

6) მფლობელთან საპატიო სამსახურის შესრულება, მაგა-ლითად, მისი გაცილება მოგზაურობაში და მის დავალებათა შესრულება გაგზავნებთან დაკავშირებით.

7) მფლობელის სამოგზაუროდ ცხენით მომარაგება.

<sup>60</sup> საქ. ცსსა. ფონდი 416, საქმე 180, ფურც. 2-8.

8) მეურნეობის პროდუქტების მიტანა, რომელიც ატარებდა არაგანსაზღვრულ და მუდმივ ხასიათს, როგორცაა: ქათმების, ღომისა და სიმინდის ჩაღის, ლობიოს და სხვათა მიტანა.

9) განსაკუთრებულ შემთხვევებში სამუშაოთა და სხვადასხვა სახის დახმარებათა შესრულება, მაგალითად, მშენებლობისათვის მასალების დამზადებისას, მათ ადგილზე გადატანისას, ნაგებობათა მშენებლობისას და სხვა.

10) გამასპინძლება და სხვადასხვა სახის მიპატიება დღესასწაულებზე, ან განსაკუთრებულ შემთხვევებში<sup>61</sup>.

აი მთავრობის მიერ ოფიციალურად აღიარებული ის ბეგარა-ვალდებულებანი, რომელნიც აწვა კისერზე აფხაზეთის ე. წ. „სრულიად თავისუფალი“ გლეხობის ნაწილს.

სრულია თუ არა ანხაიუს აქ ჩამოთვლილი ბეგარა-ვალდებულებანი? ჩვენ ამ კითხვაზე უარყოფითად უნდა ვუპასუხოთ. როგორც ეს ზემოთაც აღვნიშნეთ, მეფის მთავრობის ადგილობრივი მოხელეები ტენდენციურად და არაობიექტურად ასახავდნენ ბატონყმური ურთიერთობის სინამდვილეს აფხაზეთში. ისინი ცდილობდნენ აქ არსებული ბატონყმური ურთიერთობის გაუქმების საქმე ისე მოეგვარებინათ, როგორც ეს ხელსაყრელი იქნებოდა ცარიზმის კოლონიური პოლიტიკისათვის, ხოლო ამისათვის კი საქირო იყო ბატონყმური ურთიერთობის შერბილებულად ჩვენება და, მაშასადამე, გლეხობის ბეგარა-ვალდებულებათა რაოდენობის შემცირებულად წარმოდგენა. აი რატომ მიგვაჩნია ჩვენ, რომ აქ მოტანილ ბეგარა-ვალდებულებათა ნუსხა ხელოვნურადაა შემცირებული.

გვაქვს თუ არა ჩვენ, გარდა ამ, ასე ვთქვათ, თეორიული მოსაზრებისა — სხვა საფუძველი ამისათვის? დიახ, ასეთი საფუძველი ჩვენ გვაქვს. არის წყაროები, რომლებიც თვალნათლივ მოწმობენ იმას, რომ ანხაიუ გაცილებით უფრო მეტად იყო დატვირთული, ვიდრე ეს ნაჩვენებია „მოკლე ბარათში“.

მოვიყვანოთ ზოგიერთი მაგალითი ჩვენი მოსაზრების სისწორის დასამტკიცებლად.

სოხუმის განყოფილების უფროსი (კონიარის შემდეგ) პოლკოვნიკი პავლოვი სხვადასხვა პირისა და სხვადასხვა ღროის შეკრებილი ცნობებიდან ადგენს კავკასიის მთიელთა სამმართველოსათვის მოხსენებით ბარათს, სადაც მოცემულია

<sup>61</sup> ცხსა, ლენინგრადი, ფონდი 1268, აღწ. 12, საქმე 74, 1865 წ., ფურც. 48.

ცნობები ცალკეული სოფლების მიხედვით. ანხაიუს ბეგარა-ვალდებულებათა შესახებ.

საბუთში აღნიშნულია, რომ სოფ. ეშქეთში (დღევანდელ ოჩამჩიოთა რაიონში. — ლ. ძ.) მებატონეს უფლება აქვს ანხაიუს გამოუძახოს სამინდვრე სამუშაოებზე და დატოვოს იქ იმდენ ხანს, რამდენიც საჭირო იქნება სამუშაოთა დასამთავრებლად. მფლობელის პირველ მოთხოვნისთანავე ანხაიუმ უნდა შეასრულოს ის ვალდებულება, რომელსაც იგი მას დააკისრებს<sup>62</sup>. შემდეგ საბუთში ჩამოთვლილია მთელი რიგი სხვა ვალდებულებანი. უფრო ქვემოთ მოცემულია ცნობები სოფ. ფოქევის შესახებ. საიდანაც ჩანს, რომ ანხაიუ მეტად მძიმედ ყოფილა დატვირთული ბეგარა-ვალდებულებებით<sup>63</sup>. სოფ. გუფსა და ტყვარჩელში მებატონეებს თავიანთ ვალში ანხაიუს დაგირავების უფლებაც ჰქონიათ<sup>64</sup>.

მეორე საბუთში, რომელშიაც ჩამოთვლილია მთელი რიგი ბეგარა-გამოსაღები, გაკეთებულია შექმნილი შენაშენა: თავად შარვაშიძეების მიწებზე მოსახლე ანხაიუ ვალდებულია აეიძი, ატაჩა და აპკარა გადაიხადოს დიდი რაოდენობით, სახელდობრ, გლეხმა თავის სახსრებით უნდა დაამუშაოს მემამულის მიწა, აიღოს მოსავალი და მიიტანოს იგი ბატონის სახლში. ათუ რატომღაც მემამულის მიწა არ იქნა დამუშავებული, მაშინ გლეხის ყოველი ოჯახიდან მას ეკუთვნის თითო ურემი სიმინდი. გარდა ამისა ანხაიუს ოჯახი მოვალეა ყოველწლიურად მფლობელს მიართვას 16 ვედრო ღვინო, ან 16 მანეთი ვერცხლით. ბოლოს, გლეხის თითოეული ოჯახიდან ყოველწლიურად მემამულეს ეწლევა თითო ძროხა<sup>65</sup>.

ჩაეუფიქრდეთ ჩვენს მიერ ზემომოყვანილი საბუთების შემდეგ ადგილებს: სიმინდის, ღომის თესვისას და ავრეთვე მისი მომკისა და გაწმენდისას, ყურძნის მოკრეფისას ანხაიუ ვალდებულია მფლობელის მოწვევით გამოვიდეს სამუშაოზე და დაჰყოს იქ იმდენი ხანი, რამდენიც საჭირო იქნება ყველა სამუშაოთა დამთავრებისათვის. ამ სამინდვრე სამუშაოთა გარდა ანხაიუ ასრულებდა სხვა საბეგარო მოვალეობასაც. ასე, მაგალითად, მას მებატონისათვის მოჰქონდა სააღმშენებლო მასალა. შეშა და სხვა. ყველა ეს სამუშაო სრულდებოდა გლეხის ინვენტარითა და ცოცხალი გამწევი ძალით. ექვს გა-

62 საქ. ცსსა, ფონდი 416, საქმე 1012, ფურც. 10.

63 იქვე, ფურც. 11-12.

64 იქვე.

65 იქვე. საქმე 1013, ფურც. 2.

რეშეა. რომ ასეთი საბატონო სამუშაოთა შესრულებისათვის არ კმაროდა რამდენიმე დღე წელიწადში, როგორც რაგ საბუთებშია აღნიშნული, უფრო სამართლიანია ვიფიქროთ, რომ მას დასკირდებოდა რამდენიმე კვირა. შესაძლოა — თვეებიც.

ჩვენს ასეთ მოსაზრებას სხვათა შორის ცნობილი ისტორიკოსის დიმიტრი ბაქრაძის ხელნაწერი სტატიაც „აფხაზეთისა და სამურზაყანოს თავადაზნაურობა“ ადასტურებს. მასში აღნიშნულია რომ ფიოში სხვა გადასახადებთან ერთად ვალდებულთა „შემამულიანათვის მინდვრად იმუშაოს კვირაში თითო დღე გაზაფხულის. ზაფხულისა და შემოდგომის განმავლობაში“<sup>66</sup>.

ე. ფიოში(ანხაიუ) საბატონო სამუშაოება თვეზე მეტ დროს ანდომებდა. გამოდის, რომ ანხაიუ, წინააღმდეგ ტენდენციურად შედგენილი საბუთების მტკიცებისა, მძიმე საბატონო ბეგარას ასრულებდა, რომელიც, ლენინის თქმით, ბატონყმობის ყველაზე უფრო ტიპიურ ნიშანს წარმოადგენდა.

მაგრამ, როგორც ეს ზემოთ ვნახეთ, მარტო ამ საბატონო სამუშაოებით როდი შემოიფარგლებოდა ანხაიუს ვალდებულებანი. იგი მრავალე იყო აგრეთვე თავისი მეურნეობის პროდუქტების მნიშვნელოვანი ნაწილი ბატონისათვისა მიერთმია ასე, მაგალითად, ანხაიუს მებატონისათვის მიჰქონდა: სიძინდი, ღომი. ღვინო. ლობიო. ყველი. დაკლული ცხოველის ნაწილი. ქათამი. კვერცხი; დღესასწაულზე ბატონისათვისა უნდა მიეყვანა ძროხა ან ცხვარი, ან კიდევ სხვა წვრილფეხა საქონელი. ხშირად ღალა-სიძინდით ათეულ ფუტს უდრიდა. ასევე ღვინოც ათეულ ვედროს აღწევდა. ქალიშვილის გათხოვებისას გლეხი ვალდებული იყო გადაეხადა ე. წ. ანშბირი, რომელიც ერთი ძროხის ღირებულებას უდრიდა. ასევე ხშირად ერთი ძროხის ღირებულებამდე აღიოდა აეიძი ან საზირი-გადასახადი საბალახო ადგილების გამოყენებისათვის. ამასთან ერთად, გლეხს უსიტყვოდ უნდა შეესრულებინა მებატონის სხვადასხვა სახის დავალებანი. მებატონეს თურმე თავისი დავალიანების შემთხვევაში ანხაიუს დაგირავებაც შეეძლო. გარდა ამისა, ანხაიუ ვალდებული იყო წელიწადის განსაზღვრულ დროს უხვად გამასპინძლებოდა თავის ბატონს ამალითურთ; ხშირად ეს გამასპინძლება ძვირად უჯდებოდა მასპინძლებს, რადგან

<sup>66</sup> აკად. ს. ჯანაშიას სახელობის საქ. სსრ ცენტრალური სახელმწიფო მუზეუმი, განყოფილება IV, მ. თუმანიშვილის პირადი ფონდი, საქმე № 376, ფურც. 3.

ასეთ დროს უნდა დაეკლათ ხარი, ან ძროხა და ისიც მებატონის ამორჩევით<sup>67</sup>.

აი. ის ბეგარა-ვალდებულებანი, რომელნიც კისერზე აწვა ამ „თავისუფალ“ გლეხებს.

ვთქვათ, ამაში არავინ შემოგვედავება, რომ ანხაიუ მართლაც ასრულებდა აქ დასახელებულ სამუშაოებსა და გადასახადებს. მაგრამ ამასთან ერთად, შეიძლება ანხაიუს საშუალება ჰქონდა თავის ხება-სურვილით მიეტოვებინა ბატონი და შეეფარებოდა სხვას? შეიძლება გადასვლის თავისუფლებით სარგებლობდა იგი? იქნებ ამ მხრივ მაინც ის მართლაც თავისუფალი იყო? ვგონებთ, რომ ასეთი ვარაუდი სრულიად არ შეეფერება ისტორიულ სინამდვილეს. განა შეიძლება ერთი წუთით მაინც დავუშვათ, რომ მემამულე, რომელსაც ანხაიუსაგან ფრიადმნიშვნელოვანი მატერიალური სარგებლობა ჰქონდა, ინდიფერენტულად, გულგრილად შეხვდებოდა გლეხის აბარგვა-გადასვლას სხვა მემამულესთან და მასთან ყოველგვარი კავშირის გაწყვეტას? თავისთავად ცხადია, რომ ასეთ რამეს სინამდვილეში არ შეიძლება ადგილი ჰქონოდა.

ცხადი არ არის, რომ მებატონე არავითარ შემთხვევაში ნებაყოფლობით არ დასთმობდა თავის უფლებას ანხაიუზე, რადგან ამ შემთხვევაში ის აუნაზღაურებელ მატერიალურ ზარალს ნახავდა?! განა ცხადი არ არის, რომ მემამულის მთელი ძალღონე მიმართული იქნებოდა იქითკენ, რომ ანხაიუსათვის ისეთი პირობები შეექმნა, რითაც მას ერთი მემამულისაგან მეორე მემამულესთან გადასვლის შესაძლებლობა წართმეოდა? მართლაც. მიუხედავად გლეხების შეუპოვარი წინააღმდეგობისა, ფეოდალები მაინც აღწევდნენ თავის მიზანს. ამისი ნათელი დამადასტურებელია ყმიხილ შარვაშიძის 1846 წლის ბრძანება, რომლითაც მან საერთოდ აკრძალა გლეხების გადასვლა ერთი მემამულიდან მეორე მემამულესთან<sup>68</sup>. ამით მან იურიდიულად გაათორმა ანხაიუს უმად გადაქცევა. ფეოდალები ამ შემთხვევაში ძალმომრეობასთან ერთად სხვა საშუალებასაც მიმართავდნენ, მაგალითად, ისინი დიდი წარმატებით სარგებლობდნენ ანხაიუს დასამორჩილებლად ე. წ. თემურ-გვაროვნული წყობის ისეთი გადმონაშთებით, როგორიცაა „მიშვილება“ და „აღმზრდელიობა“.

<sup>67</sup> ამაზე დაწვრილებით იხილე И. Г. Антелава, Очерки по истории Абхазии XVII—XVIII веков, Сухуми, 1949, з. 145 — 146. ამაზე აგრეთვე ვრცლად ლაპარაკობს დ. ბაქრაძეც თავის ზემოდასახელებულ სტატიაში.

<sup>68</sup> ცხა. ფონდი სსა, №-6597, ფურც. 93-95.

მაგრამ, რა თქმა უნდა, ეს სრულიად არ ცვლიდა გლეხების დასახელებული კატეგორიის ექსპლოატაციის ფეოდალურ-ბატონყმურ ხასიათს. ამრიგად, ერთ დროს მართლაც თავისუფალი მიწათმოქმედი ანხაიუ თანდათანობით კარგავს თავის უფლებებს, ხდება დამოკიდებული და შემდეგში უფრო გვიან ეს დამოკიდებულება, ფეოდალური ურთიერთობის ზრდასთან დაკავშირებით, სულ უფრო და უფრო ბატონყმურ ხასიათს ღებულობს. დასაკვრებელია ი. ანთელავას შემდეგი მტკიცება: „უნდა ვიფიქროთ, რომ XVII-XVIII საუკუნეებში ფეოდალური ურთიერთობის მხრივ უფრო განვითარებულ ადგილებში ანხაიუს ნაწილი (საფიქრებელია უმნიშვნელო) უკვე ყმად იყო გადაქცეული“<sup>69</sup>.

XIX საუკუნის დასაწყისიდან ეს პროცესი ცარიზმის ბატონყმური პოლიტიკის ზეგავლენით კიდევ უფრო განაგრძობს ზრდას. გადაჭარბებული არ იქნება, თუ ვიტყვით, რომ საგლეხო რეფორმის წინ, ზღვისპირა ზონაში, სადაც ბატონყმური ურთიერთობა უფრო განვითარებული იყო, ანხაიუს მნიშვნელოვანი ნაწილი<sup>70</sup> ყმურ დამოკიდებულებაში იყო თავის ბატონისადმი ამ სიტყვის სრული მნიშვნელობით, თუმცა იგი წინანდებურად თავისთავს ანხაიუს უწოდებდა.

ვფიქრობთ, რომ ყოველგვარი შემოაღნიშნულის შემდეგ შეიძლება მხოლოდ შემდეგი დასკვნის გამოტანა: მიუხედავად იმისა, რომ ანხაიუ (ფიონი) აფხაზეთის გლეხობის ყველაზე უფრო უკეთეს მდგომარეობაში იყო მაღალ ფენას წარმოადგენდა, იგი ჩვენთვის საინტერესო პერიოდისათვის ზღვისპირა ზონაში, რეფორმის წინახანისათვის მეტად მძიმე ფეოდალურ ბეგარა-ვალდასახადებს ასრულებდა, მართლაც, ყველა ერთნაირად არა: ერთი ნაწილი უფრო მეტი რაოდენობით, მეორე — კიდევ ნაკლებით. ამასთან ერთად ანხაიუს უმრავლესობის საკმაოდ მნიშვნელოვანი ნაწილი უკვე ყმად გადაქცეულა და მისი უფლებრივი თუ ეკონომიური მდგომარეობა თითქმის არაფრით არ განსხვავდება ახოუიუს (დელმახორეს) აფხაზეთში ამ ყველაზე უფრო ტიპური. ყმა გლეხის კატეგორიის მდგომარეობისაგან.

<sup>69</sup> ი. ანთელავა: დასახელებული ნაშრომი, გვ. 167.

<sup>70</sup> ჩვენ, სამწუხაროდ, არ შეგვიძლია ზუსტად დავადგინოთ ანხაიუს რამდენი პროცენტი იყო ამ დროისათვის უკვე ბატონყმურ დამოკიდებულებაში საამისო სტატისტიკურა ცნობების უქონლობის გამო: მაგრამ მიუხედავად ამისა, არა გვეოხნა შევცდებით, თუ ვიტყვით, რომ ზემოთ ჩამოთვლილი ბეგარა-ვალდებულებანი თავისთავად გულისხმობენ გლეხთა ამ კატეგორიის მნიშვნელოვანი ნაწილის დაყმევას.



✓ მაშასადამე, ანხაიუს მნიშვნელოვანი ნაწილი რეფორმის გატარების წინა ხანაში უკვე ყმა გლეხად ქცეულა და, რა თქმა უნდა, მისი ერთი მებატონიდან მეორესთან გადასვლის თავისუფლებაზე ლაპარაკი, რის შესახებაც ასე დაჟინებით გაპყვიროდნენ მეფის მოხელეები რევოლუციამდელ ისტორიკოსებთან ერთად, ზედმეტია. გადასვლის თავისუფლებით სარგებლობდა და საერთოდ თავისუფალი გლეხის პრივილეგიები შერჩა ანახაიუს სულ მცირე, უმნიშვნელო ნაწილს, რომელიც უკვე არავითარ როლს არ ასრულებდა აფხაზეთის სოციალურ-ეკონომიურ ცხოვრებაში და რომელიც აღსანიშნავია მხოლოდ როგორც ცოცხალი ძეგლი და დამადასტურებელი იმისა, რომ ოდესღაც წარსულში ანხაიუ მართლაც იყო აფხაზეთის გლეხობის შედარებით ყველაზე უფრო თავისუფალი პრივილეგიური ფენა.

✓ თათქმის ყველა რევოლუციამდელი ავტორი წერს არა მარტო ანხაიუს ერთი მებატონიდან მეორე მებატონესთან გადასვლის თავისუფლებაზე, არამედ ისინი ასეთ უფლებას ანიჭებენ ახოუიუსა (დელმახორესა) და ამაწურაზქუასაც, რომელიც მასთან შედარებით, სოციალური კიბის გაცილებით უფრო დაბალ საფეხურზე იდგნენ. გასაკვირია ის, რომ თითქმის ყველა ავტორი, რომლებიც ასე თუ ისე შეჰხებია აფხაზეთში ფეოდალური ურთიერთობის საკითხს, გვიხატავს ახოუიუს (სამურზაყანოში დელმახორეს) განსხვავებულ მძიმე მდგომარეობის სურათს და ამავე დროს აღიარებს მისი ერთი ადგილიდან მეორე ადგილზე გადასვლის თავისუფლებასა და ანიჭებს მას ისეთსავე საადგილმამულო უფლებებს, როგორცაა თავადაზნაურობა სარგებლობდა.

✓ გლეხთა იმ კატეგორიის მდგომარეობა, რომელსაც ახოუიუ ეკუთვნოდა, გაცილებით უარესი იყო, ვიდრე დამოკიდებული არათავისუფალი, მაგრამ ამავე დროს ყმური ურთიერთობის გარეშე დარჩენილი ანხაიუს მდგომარეობა<sup>71</sup>.

— სამართლიანია ისტორიკოს ღუბროვინის შემდეგი შენიშვნა: „ყველა იმ ბეგარა-ვალდებულებათა გარდა, რომელთაც ანხაიუ ასრულებდა, ახოუიუს ბატონის მეურნეობაში დამატებით ეკავა ყველა დაბალი თანამდებობა. მემამულის ყველა მსახური შედგებოდა ამ კლასის ადამიანებისაგან“<sup>72</sup>.

71 აქ ჩვენ მხედველობაში გვყავს ანხაიუს ის ნაწილი, რომელიც ჭერს არ არის ყმურ მდგომარეობაში ჩაჯარდნილი, თორემ ყმად ქცეულ ანხაიუსა და ახოუიუს მდგომარეობა ერთმანეთისაგან არსებითად არ განსხვავდება.

72 Н. Дубровин, История войны и владычества русских на Кавказе, т. кн. 2, СПб. 1871, с 67

✓ ჩვენ მიერ ზემოთ ციტირებული „მოკლე ბარათი“ ახოუიუს მდგომარეობას შეხედვანიერად აღწერს:

ახოუიუს აფხაზეთში და დელმახორე სამურზაყანოში ეკუთვნიან გლეხ-მესაკუთრეების თანრიგს; ისინი ცხოვრობენ ცალკე კომლებად და სარგებლობენ პირადი და ქონებრივი უფლებებით. ამ „წოდების“ ორივე სქესის რაოდენობა უდრის მათას სულს.

ძირითადად ეს „წოდება“ შეიქმნა ახაშვალასაგან, რომლებმაც მიიღეს საოჯახო უფლება; ამ „წოდების“ შექმნის მეორეხარისხოვანი საშუალება იყო: მასში ტყვეების მოხვედრა და სხვა უფრო მალა მდგომი „წოდებათა“ დაკაბალება.

✓ ახოუიუს. დელმახორეს ბეგარა-ვალდებულებანი შედგება: 1) სამუშაოებისაგან; 2) მფლობელის სახლში მომსახურებრივობისათვის — ბიჭის, ან გოგოს გაგზავნისაგან; 3) აჩმის შესატანისაგან, ე. ი. გადასახადისაგან მფლობელის სასარგებლოდ ქალიშვილის გათხოვების დროს და 4) მეურნეობის პროდუქტებით გადასახადების შესრულებისაგან. ყველა ეს გადასახადი სრულდება კომლობრივად. მამაკაცის უმთავრესი სამუშაო ეს სამინდვრე სამუშაოა. ის სრულდება კვირაში სამი დღე კომლიდან ერთი მუშაკით, თუ კი ოჯახში არ არის ერთზე მეტი სრულწლოვანი, წინააღმდეგ შემთხვევაში ორი-სამი მუშაკით, ჩვეულებრივ მოზრდილებით. ამავე დროს სამუშაოდ უსსა გამოვიდნენ თავიანთი სასოფლო-სამეურნეო იარაღითა და საქონლით<sup>73</sup>. ცოტა უფრო ქვემოთ, იმავე საბუთში შემდეგია ნათქვამი: „საერთოდ, ახოუიუს (დელმახორეს) დამოკიდებულება გამოიხატება მფლობელის სასარგებლოდ ბეგარა-გამოსაღების მოხდაში, რომელიც ჩვეულებებში მტკიცედ განსაზღვრულია და ამიტომ უცვლელია, ასე რომ მისი სახეცვალებადობა არ დაიშვება (ე. ი. გადიდება ან შემცირება). თუ არ არის ანაზე ორივე მხარის შეთანხმება. აქედან გამოდის, რომ პატრონს ეკუთვნის მხოლოდ ახოუიუს (დელმახორეს) ბეგარა-გადასახადები და არა თვით კომლი, არა თვით ადამიანები, რომლებიც მხოლოდ დამოკიდებულნი არიან მისგან. სახელდობრ, დამოკიდებულნი არიან ბეგარა-გამოსაღების გადახდაში, რაც მტკიცედაა განსაზღვრული ჩვეულებებითა და ურთიერთმორის დადებულ პირობებით“<sup>74</sup>.

<sup>73</sup> ცხსა, ლენინგრადი, ფონდი 1268, აღწ. 12, ს. 74, 1368 წ. აღწ. 46-47.

<sup>74</sup> იქვე.

აღნიშნული საბუთის ვრცლად მოტანილი ეს ადგილი ჩვენ გვიხატავს ახოუიუს მდგომარეობის საერთო სურათს რეფორმის წინაღობიდან აღსაზეთში. მართალია, საბუთში აშკარად ჩანს, რომ მისი ავტორები ყოველმხრივ ცდილობენ შელამაზებულად გადმოგვცენ ახოუიუს ნამდვილი მდგომარეობა. მაგრამ მიუხედავად ამისა, ჩვენთვის მაინც დიდ სიძნელეს არ წარმოადგენს ამ საბუთიდან, ან მის მაგვარ წყაროებიდან ნათლად წარმოვიდგინოთ გლეხთა ამ კატეგორიის მეტად მძიმე, ყმური მდგომარეობა. ის ბეგარა-ვალდებულებანი, რომლებსაც ახოუიუს ასრულებდა, ნათლად გვიხსნის გლეხთა ამ ჯგუფის ეკონომიურ თუ უფლებრივ მდგომარეობას.

უპირველეს ყოვლისა უნდა აღინიშნოს, რომ ახოუიუს წარმოადგენდა ტიპიურ ყმა გლეხს, რომელსაც საკუთარი პატარა (წვრილი) მეურნეობა ჰქონდა. თავისი მცირედი მიწის ნაკვეთითა და პრიმიტიული სასოფლო-სამეურნეო იარაღით ის უსათუოდ გლეხ-მესაკუთრეთა ჯგუფს ეკუთვნოდა.

ახოუიუს თავის კისერზე გრძნობდა ბატონყმობის მეტად მძიმე უღელს; ის, უსათუოდ, საბოლოოდ იყო მიმარებული მრწახზე და, რა თქმა უნდა, მას არ შეეძლო უფლება ჰქონოდა ერთ მებატონისაგან მეორესთან გადასვლისა, როგორც ამას დაჟინებით წარმოგვიდგენენ მეფის მოხელეები. ახოუიუს ისეთივე ტიპიური ყმა-გლეხი იყო, რომელსაც ჩვენ ვხვდებით სამეგრელოში, იმერეთში ან ბატონყმურ საქართველოს სხვა კუთხეებში. აქაურ ფეოდალს სრულიად ისეთივე უფლებები ჰქონდა თავის ახოუიუს მიმართ, როგორც სარგებლობდნენ თავისი ყმა-გლეხების მიმართ სხვა ქართველი მებატონეები.

საყოველთაოდ ცნობილია, რომ ფეოდალიზმის პერიოდში წარმოებითი ურთიერთობათა საფუძველს შეადგენს ფეოდალის საკუთრება წარმოების საშუალებებზე, — მიწაზე და არასრული საკუთრება წარმოების მუშაკზე, — ყმაზე, რომლის მოკვლა ფეოდალს არ შეუძლია, მაგრამ რომლის გაყიდვა და ყიდვა მას შეუძლია.

უთავისთავად ცხადია, რომ მებატონეს აფხაზეთშიაც შეეძლო თავისი ყმის ახოუიუს ყიდვა-გაყიდვა, როგორც ეს საერთოდ ფეოდალურ საქართველოში ხდებოდა ხოლმე.

თუ უკრიტიკოდ მივიღებთ ტენდენციურად შედგენილ საბუთების ავტორთა მტკიცებას იმის შესახებ, რომ ანხაიუს ახოუიუსა და გლეხთა სხვა კატეგორიებს, მონის (ახაშვალას) გამოკლებით, სრული უფლება ჰქონდათ ერთი მებატონისაგან მეორესთან გადასულიყვნენ და რომ ბეგარა-გადასახადები და საერთოდ ყოველგვარი მათი ურთიერთობა თავიანთ პატრო-

ნებისადმი ნებაყოფლობით. შეთანხმების საფუძველზე იყო წარმოშობილი. მაშინ ჩვენ იმ დასკვნამდე უნდა მივიდეთ, რომ აფხაზეთის ფეოდალური კლასის კეთილდღეობა, მისი ბედობა მთლიანად გლეხის ნება-სურვილზე, თავის მებატონის მიმართ მის კარგ თუ ცუდ განწყობილებაზე ყოფილა დამოკიდებული. და რადგან არსად და არასოდეს არ ყოფილა, რომ ადამიანს შეჰყვარებოდა მისი მჩაგვრელი. რომ გლეხი კარგად ყოფილიყო განწყობილი მისი უმოწყალო მყვლეფლისადმი, მაშინ ჩვენ აუცილებლად იმ ლოგიკურ დასკვნამდე უნდა მივიდეთ, რომ ერთ მშვენიერ დღეს მთელი გლეხობა. ე. ი. მაშინდელი აფხაზეთის ერთადერთი მწარმოებელი კლასი. გაწყვეტდა კავშირს თავიანთ მებატონეებთან, მიატოვებდა მათ ბედისაზარა, რის შედეგად ეს უკანასკნელი გამოუვალ მდგომარეობაში ჩაყვებდებოდნენ, რადგან გლეხების წასვლასთან ერთად ისინი საბოლოოდ დაკარგავდნენ თავის არსებობის ერთადერთ წყაროს — ფეოდალურ რენტას. განა ცხადი არ არის, რომ ასეთი რამის წარმოდგენა სრულად არ შეეფერება ფეოდალური აფხაზეთის ისტორიულ სინამდვილეს?!

ლენინი გვასწავლის, რომ ფეოდალური მეურნეობის სისტემის აუცილებელი პირობაა, რომ უშუალო მწარმოებელი „შიმაგრებული იყოს მიწაზე. რადგან სხვანაირად შემამულე მუშახელით არ იქნება უზრუნველყოფილი“<sup>75</sup>.

ლენინი აგრეთვე აღნიშნავს, რომ „მეურნეობის ამ სისტემის პირობაა გლეხის პირადი დამოკიდებულება შემამული-საგან. შემამულეს რომ არ ჰქონოდა პირდაპირი ძალაუფლება გლეხის პიროვნების მიმართ, ის ვერ შესძლებდა თავის სასარგებლოდ ემუშაებინა ადამიანი, რომელსაც მიწა მიუღია და რომელიც საკუთარ მეურნეობას ეწევა. საჭიროა, მაშასადამე. „გარეეკონომიური იმულება“, როგორც ამბობს მარქსი, როცა ახასიათებს ამ სამეურნეო რეჟიმს...“<sup>76</sup>.

იმისათვის, რომ ახოუიუს ეკონომიური და უფლებრივი მდგომარეობა უფრო სრულად წარმოვიდგინოთ, საჭიროა, გლეხთა ამ კატეგორიის წარმოშობის წყაროებზე შევჩერდეთ<sup>77</sup>.

ჩვენ მიერ ზემომოყვანილი ადგილი „მოკლე ბარათი“-დან ამტკიცებს, რომ ახოუიუს შექმნის ძირითადი წყარო იყო ახაშვალა (მონა), ხოლო დამატებით წყაროდ დასახელებულია

75 ვ. ი. ლენინი, თხზ., ტ. 3. გვ. 208.

76 იქვე.

77 ეს საკითხი კარგად აქვს გაშუქებული ი. ანთელავას ჩვენს მიერ უკვე დასახელებულ ნაშრომში, გვ. 156-160.

ტყვეები და ახოუიუზე უფრო მაღლა მდგომი გლეხთა ფენების დაკაბალება. ასეთივე აზრია გამოთქმული სხვა მრავალ საბუთშიც.

ისმება კითხვა. რატომ გადაყავდათ ახაშვალა (მონა) მათ მებატონეებს ახოუიუს, ყმა-ვლეხის მდგომარეობაში? ხომ არ აიხსნება ეს მათი სულგრძელობით, პუმანიზმით, როგორც ამას ამტკიცებენ მთელი რიგი რევოლუციამდელი ავტორები? რა თქმა უნდა, რომ არა. როგორც ყოველთვის, ისე ამ შემთხვევაშიც მათ თავისი პირადი, კერძო კლასობრივი ინტერესები ამოძრავებდათ და არა სიბრალოლი ახაშვალას აუტანელი, არაადამიანური მდგომარეობისადმი.

„დართავს რა ახაშვალას ჯ. ქორწინების უფლებას, — მოგვითხრობს „მოკლე ბარათი“, — პატრონი ამასთან ერთად თავის თავს ივალდებულებს, ჩვეულებისამებრ დაასახლოს ახალი ახოუიუ (დელმახორე) განსაკუთრებულ კომლად, რისთვისაც აძლევს მას კერძო საკუთრებაში ჩვეულებით განსაზღვრული მიწის რაოდენობას და გამოუყოფს მეურნეობისათვის აუცილებელ იარაღებს“<sup>78</sup>.

მართლაცდა, რით უნდა აიხსნას მემამულის ასეთი მზრუნველობა ახაშვალასადმი?

ის, რასაც ლაპარაკობს ლენინი ფეოდალური წყობილების დროს გლეხებისათვის მიწების ნადელებად მიცემაზე და მის დასამუშაველად სხვა საშუალებების გამოყოფაზე. შუქსა ჰფენს აქ წამოკრილ საკითხს. ლენინი აღნიშნავს, რომ „გლეხის „ნადელი“ ამ მეურნეობაში თითქოს იყო ნატურალური ქირა (თანამედროვე კენებებთან შეფარდებით რომ ვთქვათ), ანდა მუშახელით მემამულის უზრუნველყოფის საშუალება. გლეხისა „საკუთარი“ მეურნეობა თავიანთ ნადელზე მემამულური მეურნეობის პირობა იყო. მას მიზნად ჰქონდა არა გლეხის „უზრუნველყოფა“ საარსებო საშუალებებით, არამედ მემამულისა — მუშახელით“<sup>79</sup>.

მაშასადამე. გამოდის, რომ თუ ფეოდალი ახაშვალას, მონას ცალკე კომლად ასახლებდა და უქმნიდა მას მინიმალურ პირობებს მეურნეობის მოსაწყობად, ამას ის მიზანი ჰქონდა, რომ შეენარჩუნებინა ის თავისთვის როგორც მუშახელი. ცხადია, რომ ამ შემთხვევაში აფხაზეთის ფეოდალურ კლასს

<sup>78</sup> ცსსა, ლენინგრადი, ფონდი 1268, აღწ. 12, საქმე 74, 1862 წ., ფურც. 46.

<sup>79</sup> ვ. ი. ლენინი. დასახელებული ტომი, გვ. 207.

თავისი ისტერიკები ამოძრავებდა და არა ფიქრი, არა მზრუნველობა ახაშვალას მდგომარეობის გაუმჯობესებისათვის.

V რომ ფეოდალებისათვის უფრო ხელსაყრელი იყო ახაშვალას ყმა-გლეხად გადაქცევა, ამას თვით აფხაზეთის თავადაზნაურობის დეპუტატები აღიარებენ თავის 1870 წლის 23 მარტის მოხსენებით ბაზათში. მასში ნათქვამია, რომ „მფლობელებს უფრო ხელსაყრელად მიაჩნიათ თავიანთი მონების გლეხთა თანრიგში გადაყვანა“<sup>80</sup>, ვიდრე ძველებურ მდგომარეობაში მათი დატოვება<sup>81</sup>.

— შეიძლება თუ არა ყოველივე ამის შემდეგ ახოუიუ თავისუფალ გლეხად წარმოვიდგინოთ, როგორც ამას რიგი ავტორი ამტკიცებს? ცხადია, რომ არა.

რომ ახოუიუ ყმა გლეხი : ყო. ამ სიტყვის სრული მნიშვნელობით, სხვათა შორის ეს იმითაც მტკიცდება, რომ მის მნიშვნელოვან ნაწილს, როგორც ეს „სოხუმის წოდებრივ-საადგილმამულო კომისიის“ მონაცემებიდან ჩანს, ანხაიუ ფლობდა<sup>82</sup>. ცხადია, რომ ანხაიუს<sup>83</sup> იმ შემთხვევაში ექნებოდა უფლება ჰყოლოდა ყმად ახოუიუ, თუ ეს უკანასკნელი უფრო დაბალი სოციალური ფენის წარმომადგენელი იქნებოდა, ვიდრე თვით იგი იყო.

ყველაფერი ზემოთქმულის შემდეგ ბუნებრივი იქნება შემდეგი დასკვნის გამოტანა, რომ ანხაიუ (დელმახორე). ისე როგორც სამეგრელოში მებეგრე, მიწაზე სამუდამოდ მიჯაჭვული ყმა გლეხი იყო. რომელსაც არ შეიძლება ჰქონოდა გადასვლის უფლება — ფორმალურადაც კი. აფხაზეთში ფეოდალს თავის ყმა გლეხზე იაეთივე უფლება ჰქონდა, როგორცაე სარგებლობდნენ მებატონეები სამეგრელოში, იმერეთსა და საქართველოს სხვა კუთხეებში. ამ მხრივ რაიმე გამონაკლის შემთხვევებთან ჩვენ საქმე არ გვაქვს.

სოხუმის წოდებრივ-საადგილმამულო კომისიის დასკვნით ახოუიუს რიცხვი სულ 8 ათასს (გლეხობის საერთო რაოდენ-

<sup>80</sup> საქ. ცსსა, ფონდი 416, საქმე 1014, ფურც. 44.

<sup>81</sup> თუ რატომ იყო ეს ფეოდალებისათვის ხელსაყრელი. ამაზე კენ შეეჩერებით ახაშვალას სოციალურ-ეკონომიური მდგომარეობის დასასაბუთებისას.

<sup>82</sup> ცსსა, ლენინგრადი, ფონდი 1268, ანწ. 12. საქმე 74, 1868 წ., ფურც. 36.

<sup>83</sup> იგულისხმება ანხაიუს იმ ნაწილი, რომელიც თვით არ იყო გერკიდევ ყმურ მდგომარეობაში ჩაყარდნილი და ქონებრივადც შედარებით უმძიმესი იყო.

ნობის 16 პროცენტს) უდრიდა<sup>84</sup>. ეს მანვენებელი, რასაკვირველია, სინამდვილეს არ შეეფერება. ანოუიუს რაოდენობა 8 ათასზე გაცილებით უფრო მეტი იყო. მაგრამ კომისიას, რადგან მიზნად ჰქონდა დასახული ფეოდალური ექსპლოატაციის სიმბაფრის შემსუბუქებულად ჩვენება, ანოუიუს სიაში არ შეუტანია ყოფილხა ასაიუ, რაილებიც კასებიტად ამ დროისათვის ყმებდ იყვენ გადაქცეულნი<sup>85</sup>.

ამ მოსაზრების სიაწორეს, სხვათა შორის, ადასტურებს ერთი საბუთი, სადაც პირდაპირაა ნათქვამი, რომ აგირვას (ეს ანოუიუს მეორენაირი სახელწოდებაა.—ლ. ძ.) რაოდენობა 15223 უდრის<sup>86</sup>. ჩვენი აზრით, ეს უკანასკნელი მაჩვენებელი უფრო ახლოსაა სინამდვილესთან, ვიდრე კომისიის მიერ ნაჩვენები ციფრი. მაშასადამე, გამოდის, რომ კომისიის მიერ შედგენილი ოფიციალური ცნობა ანოუიუს რაოდენობის შესახებ თითქმის ორჯერაა შემცირებული.

V ფეოდალური აფხაზეთის ექსპლოატირებული მასის მესანე ძირითად კატეგორიას წარმოადგენდა ახაშვალა (მოჯალაბე — სამურზაყანოში). რომელიც სოციალური კიბის ყველაზე უფრო დაბალ საფეხურზე იდგა.

ახაშვალას მდგომარეობის შეფასების საქმეში რევოლუციამდელი შრომების ავტორებთან დიდი პოლემიკის გამართვა არ გვექირდება, ვინაიდან თითქმის ყველა მათგანი ერთმანდ აღნიშნავს მის უმწეობასა და უუფლებობას. გამონაკლისს წარმოადგენს მხოლოდ ზოგიერთი ავტორი, რომელთაც მექანიკურად გადააქეთ გადასვლის თავისუფლების ფორმულა მოსახლეობის ამ კატეგორიაზედაც, თუმცაღა მის მონურ მდგომარეობას არ უაყოფენ. ცხადია, ჩვენ აქ კურიოზულ შემთხვევასთან გვაქვს საქმე, რადგან მონა და გადასვლის თავისუფლება ერთმანეთის გამომრიცხველი ცნებებია.

VI ჩვენ მიერ არაერთხელ ციტირებული „მოკლე ბარათი“ ახაშვალას მდგომარეობას ასე აგვიწერს: „ისინი ცხოვრობენ მფლობელთა სახლებში და მთელი მათი შრომა ეკუთვნის მემაჰულებს... პატრონის თვითნებობით შეიძლება მათი გადაცემა, გაყიდვა და საერთოდ ყოველნაირი გასხვისება“<sup>87</sup>.

— მეორე საბუთში ახაშვალას შესახებ შემდეგს ვკითხუ-

84 სულ აფხაზეთში 1868 წლის აღწერით ოთლებოდა 68390 სული მცხოვრები.

85 ი. ანთელავა, დასახლებული ნაშრომი, გვ. 161.

86 საქ. ცსსა, ფონდი 416, საქმე 287, ფურც. 7.

87 ცსსა. ლენინგრადი, ფონდი 1268, აღწ. 12, საქმე 74, 1868 წ., ფურც. 46.

ლობთ: „ჩვეულებრივად სამხედრო ტყვეები, ნათესაუების მიერ გამოუსყიდველობის შემთხვევაში, მონობაში ვარდებოდნენ და მაშინ ისინი უოჯახოდ რჩებოდნენ, ხელიდან ხელზე იყიდებოდნენ, ხურდა ფულის მაგივრობას წევდნენ და ახაშვალას სახელწოდებას ატარებდნენ. ახაშვალას ყიდვა შეეძლო როგორც მემამულეებს, ისე გლეხებს და ისინი ადამიანებდაც არ ითვლებოდნენ“<sup>88</sup>.

ცნობილი ისტორიკოსი დიმიტრი ბაქრაძე, რომელსაც თვით უნახავს მოსახლეობის ეს ჯგუფი, იძლევა ახაშვალას მდგომარეობის საშინელ სურათს „მოჯალაბე (ახაშვალას სამურზაყანურ ტერმინია. — ლ. დ.) დგას ნივთზე უფრო დაბლა“. „მას ყველა მესაკუთრე სასტიკად ეპყრობა“. „მას მხეცურად კვებავენ, ძონებში ატარებენ და ზიზლით შესცქერიან“ და ა. შ. ბოლოს ავტორი ასკვნის: „ზედმეტია ლაპარაკი იმის შესახებ, რომ მესაკუთრეს შეუძლია გაასაჩუქროს, დააგირაოს და გაყიდოს მოჯალაბე — ეა აქ ძვირფასი საქონელია: იგი ღირს 200-300 მანეთი“<sup>89</sup>.

ჩვენ მიერ ზემოაღნიშნული დოკუმენტები კომენტარიებს არ საჭიროებენ. ისინი საკმაოდ რელიეფურად გვიხატავენ ახაშვალას (მოჯალაბის) მდგომარეობას.

კომისიის მონაცემებიდან ჩანს, რომ ახაშვალას რაოდენობა აფხაზეთში რეფორმის წინ დიდი არ ყოფილა. „ახაშვალას ორივე სქესის საერთო რიცხვი აღწევდა 1300 სულამდე“<sup>90</sup>. მეორე საბუთში ახაშვალას რაოდენობა განსაზღვრულია 2155 სულით<sup>91</sup>. ვფიქრობთ, რომ ეს მეორე ციფრი უფრო ახლოს უნდა იყოს სინამდვილესთან, რადგან ამ საქმეშიც იმავე ტენდენციურობასთან გვაქვს საქმე, როგორც ეს აღნიშნული იყო ახოუიუს რაოდენობის განსაზღვრის დროს. მაგრამ ასეა თუ ისე, ყოველ შემთხვევაში, ახაშვალას რაოდენობა მაინც გაცილებით უფრო ნაკლებია იმაზე, ვიდრე ის იყო XVII-XVIII საუკუნეებში და XIX საუკუნის დასაწყისშიც კი. რით უნდა აიხსნას ეს გარემოება. რომ მისი რაოდენობა გასული საუკუნის 60-იანი წლებისათვის, წინა პერიოდებთან შედარებით, საგრძნობლად შემცირებულია? ზემოთ ჩვენ ამ კითხვას ნაწილობრივად უკვე გავეცით პასუხი მაშინ, როდესაც ახოუიუს წარმოშობის წყაროებს ვეხებოდით. ჩვენ იქ აღნიშნუ-

<sup>88</sup> საქ. ცსსა, ფონდი 416, საქმე 1014, ფურც. 44.

<sup>89</sup> საქ. სახელმწიფო მუზეუმში, განყ. IV, მ. თუმანიშვილის პირადი ფონდი. ს. № -37, ფურც. 3-4.

<sup>90</sup> ცსსა, ლენინგრადი, ფონდი 1266, აღწ. 12, საქმე 74, 1868 წ., ფ. 46.

<sup>91</sup> საქ. ცსსა, ფონდი 416, საქმე 278, ფურც 7.



ლი გვაქვს, რომ ფეოდალებისათვის უფრო ხელსაყრელი იყო ახაშვალას ცალკე კომლად დასახლება, ე. ი. მისი გადაყვანა ახოუიუს კატეგორიაში. გარდა ამისა, ახაშვალას შემცირების სხვა მიზეზებიც არსებობდა

აღსანიშნავია, რომ ამ საკითხზე გარკვეულ პასუხს ჩვენ ვპოულობთ აფხაზეთის თავადაზნაურობის დეპუტატთა მოხსენებით ბარათში. „წესრიგის შემოღებისთანავე ახაშვალა თავისთავად უნდა გამქრალიყო და მართლაცაა სამეგრელოსა და იმერეთში რუსული მმართველობის იქ შემოღების დროიდან ის სრულიად ამოშენდა, ხოლო აფხაზეთში მხარის დამშვიდებისა და ადამიანებით ვაჭრობის შეწყვეტასთან დაკავშირებით მისგან სულ უმნიშვნელო რაოდენობა დარჩა“<sup>92</sup>.

აფხაზეთის თავადაზნაურობა მონათა რაოდენობის გადიდებით მაშინ იყო დაინტერესებული, როდესაც ის თურქებთან ადამიანებით გაცხოველებულ ვაჭრობას ეწეოდა.

უნდა აღინიშნოს, რომ ადამიანებით ვაჭრობის, ამ სოციალური სენის, წინააღმდეგ ბრძოლა საქართველოში ერთი წუთითაც არ შეწყვეტილა; მას თავგამოდებით ებრძოდნენ მშრომელი მასები და თავადაზნაურობის მოწინავე ნაწილიც/ეს ბრძოლა რამდენადმე მაინც ზღუდავდა ადამიანებით ვაჭრობას. საქართველოს რუსეთთან შეერთების შემდეგ იქმნება ნიადაგი ადამიანებით ვაჭრობის სრულიად მოსასპობად. მეფის მთავრობის მიერ ადამიანებით ვაჭრობის აკრძალვის შემდეგ თურქ ვაჭრებს დასავლეთ საქართველოში და კერძოდ, აფხაზეთში მონების შესყიდვის ოპერაციების წარმოება შეეძლოთ მხოლოდ კონტრაბანდის გზით. არის დოკუმენტალური ცნობები, რომ აფხაზეთში ადამიანებით ვაჭრობა XIX საუკუნის პირველ ათეულ წლებში მთლიანად არ შეწყვეტილა, მაგრამ, რა თქმა უნდა, ის ძალიან შემცირებულ: იყო და ნიშანი წლების დასაწყისში უკვე სრულიად არ გვხვდება.

საქართველოს რუსეთთან შეერთების შემდეგ ომები ცალკეულ სამთავროებს შორის და სამთავროს შიგნით ფეოდალთა შორის უკვე არ წარმოებდა, რაც სპობდა მონების კონტინგენტის შევსების მთავარ წყაროს. ახაშვალას წარმოშობისა და შევსების მეორე მნიშვნელოვან წყაროს გლეხთა სხვადასხვა კატეგორიების (ანხაიუს, ახოუიუსა და სხვ.) დაკაბალება წარმოადგენდა; მაგრამ ახლა ამასაც ძლიერ იშვიათად მიმართავდნენ მებატონეები, რადგან ადამიანებით ვაჭრობას

<sup>92</sup> საქ. ცსსა. ფონდი 416, საქმე 1014, ფურც. 44.

უკვე არარეგულარული, შემთხვევითი ხასიით ჰქონდა. ხოლო მონების შენახვა მემაძღვლისათვის ხელააყრელი არ იყო.

მაშასადამე, ახანშვალას შეესებინა მთავარი წყაროები (სამხედრო ტყვეები, დაკაბალემა და სხვა) თანდათანობით ქრებოდა, ფეოდალური ოპიკი და მონებით ვაჭრობის ჯერ შეკვეცა-შეზღუდვისა და შემდეგ სრულიად შეწყვეტასთან დაკავშირებით, ხოლო ახანშვალას არსებული რაოდენობა თანდათანობით მცირდებოდა მებატონეების მიერ მისი ახოუიუს კატეგორიაში გადაყვანის შედეგად. აი რით უნდა აიხსნას ახანშვალას ასეთი მცირე რაოდენობა აფხაზეთში რეფორმის წინ.

✓ გლეხთა ამ სამი ძირითადი კატეგორიის (ანხაიუს, ახოუიუსა და ახანშვალას) გარდა, როგორც ზემოთ უკვე გვქონდა აღნიშნული, აფხაზეთში არსებობდა კიდევ სამი კატეგორია: შინაყმა (აშინაყუმა), აზატი და ამაწურაზქუ.

— შინაყმა ეკუთვნოდა, როგორც ეს წყაროებშია აღნიშნული, არათავისუფალ დამოკიდებული მოსახლეობის ნაწილს, თუმცა იგი თავს ანხაიუზე მალა აყენებდა და აამსთობას (ანხანურობას) ჩემობდა<sup>93</sup>. შინაყმები უმთავრესად თავად შარვაშიძეების კარზე მოსამსახურე ანხაიუსაგან შედგებოდნენ, რომლებმაც დროთა ვითარებაში ანხაიუს დანარჩენ მასასთან შედარებით ერთგვარ პრივილეგიებს მიიღწიეს.

შინაყმათა რაოდენობა რეფორმის წინ სულ 1800 კაცამდე ყოფილა<sup>94</sup>.

რადგან შინაყმებს ერთგვარი შუალედური მდგომარეობა ეკავათ ანხაიუსა და აამსთას შორის. აფხაზეთში საგლეხო რეფორმის მომზადებასთან დაკავშირებით. მათ პრეტენზია განაცხადეს აამსთას უფლებებზე, მაგრამ მთავრობამ უკანონოდ ჩათვალა მათი ასეთი განცხადება და ისინი ჩარიცხულ იქნენ ანხაიუს კატეგორიაში.

✓ შუალედური მდგომარეობა ეჭირა აგრეთვე გლეხთა მეორე დამოკიდებულ კატეგორიას, რომელიც ატარებდა ამაწურაზქუს (ამწურაზყანოში — მოინალეს) სახელწოდებას, მხოლოდ იმ განსხვავებით, რომ მას ასეთი მდგომარეობა ეკავა ანხაიუსა და ახოუიუს შორის.

— ისტორიკოს ავალიანის აზრით, ამაწურაზქუსა და ახოუიუს შორის სოციალურ-ეკონომიური მდგომარეობის მხრივ არსებითი განსხვავება არ იყო<sup>95</sup>.

<sup>93</sup> ესსა, ლენინგრადი, ფონდი 1268, აღწ. 12, საქმე 74, 1868 წ., ფურც. 45.

<sup>94</sup> იქვე.

<sup>95</sup> ს. ავალიანი, დასახელებული წიგნი. გვ. 69

მართლაც, თუ ჩვენ გვხვდა ამ ორი კატეგორიის ბეგარა-გადასახადებს ერთმანეთს შევადარებთ. ვნახავთ, რომ მათ შორის განსხვავება წერილმანებშია და მაინც დაძაინც არც ისე შესამჩნევი. ისინი, როგორც წყაროებიდან ჩანს, თითქმის ერთნაირ დამოკიდებულებაში იყვნენ თავიანთ მებატონეებთან; მათ ჰქონდათ დაახლოებით ერთი და იგივე ვალდებულება, ერთი და იგივე ფუნქციები<sup>96</sup>.

— ამიტომ სრულიად ბუნებრივი იქნება შემდეგი დასკვნის გამოტანა: ამაწურაზქუ, ისე როგორც ასოუიუ, დასახელებულია რა ცალკე კომლად და აქვს რა კერძო საკუთრებაში წერილი მეურნეობა. ბატონყმობის მძიმე უღელს ეწევა მრავალგვარი გადასახადებისა და საბატონო ბეგართა შესრულების დარგში. ამაწურაზქუ მიწაზე საბოლოოდ მიმაგრებული სწორედ ისეთივე ყმა გვხვია, როგორც ასოუიუ.

რეფორმის წინ ამაწურაზქუს რაოდენობა 1300 სული ყოფილა<sup>97</sup>.

✓ გვხვდა უკანასკნელ მეექვსე კატეგორიას აფხაზეთში აზატი ეკუთვნოდა. აზატი ნიშნავს გააზატებულს. თავდასხნილს. აზატები, აღნიშნულია „მოკლე ბარათში“. სხვადასხვა მიზეზების გამო, უფრო მეტად კი რელიგიური თვალსაზრისით ყმობისაგან განთავისუფლებული გლეხები იყვნენ<sup>98</sup>.

— აზატების წარმოშობის შესახებ ზუსტად ასეთივე აზრი აქვს გამოთქმული ჩერებოვსაც<sup>99</sup>.

არ არის სწორი საგლეხო რეფორმის მოსამზადებელი კომისიის ზოგიერთი წევრის აზრი იმის შესახებ, რომ აზატები თავისუფალი იყვნენ ყოველგვარი მოვალეობისაგან. ✓ წყაროთა უმრავლესობის მტკიცებით, აზატების მოვალეობას შეადგენდა თავისი ყოფილი პატრონის ხსოვნის უკდავსაყოფად მიღებული რელიგიური წესების დაცვა და სისრულეში მოყვანა. გარდა ამისა, მათ უნდა აღეზარდათ ფეოდალების ბავშვები<sup>100</sup>. ჩვენ გვაქვს ცნობები იმის შესახებაც, რომ ალაგ-ალაგ ისინი იხდიდნენ გარკვეულ რაოდენობით ნატურალურ გადასახადებს<sup>101</sup>. როგორც თქმულიდან ჩანს, აზატების თავისუფლება შედარებითია და არასრული.

<sup>96</sup> ცსა. ლენინგრადი, ფონდი 1268, აღწ. 12. საქმე 74, 1868 წ. ფურტ. 47.

<sup>97</sup> იქვე. ფურტ. 48.

<sup>98</sup> იქვე. ფურტ. 45.

<sup>99</sup> საქ. ცსა. ფონდი 416, საქმე 1032. ფურტ. 13-14.

<sup>100</sup> იქვე. აღწ. 3. 1865 წ. საქმე 1013, ფურტ. 1, 15.

<sup>101</sup> იქვე. ფონდი 220, აღწ. 1, საქმე 877, ფურტ. 78.

„მოკლე პარათში“ აზატები დასახელებულია როგორც მცირერიცხოვანი ჯგუფი<sup>102</sup>, რაც სრულიად გასაგებია და არ მოითხოვს საგანგებო კომენტარიებს.

დასასრულ, სოციალური ურთიერთობის სურათის სისრულისათვის საჭიროა რამდენიმე სიტყვა აფხაზეთის მოსახლეობის კიდევ ერთ ჯგუფზე, სახელდობრ — ასასებზე.

✓ ჩერეპოვი წერს: „ასასი სტუმარია: სიტყვა ასასით გამოხატავენ ყოველ უცხო პირს...“<sup>103</sup>.

შემდეგ ჩერეპოვი წერს, რომ ასასი შეიძლება ყველა წოდებისა იყოს და რომ მისგან არავინ არაფერს არ ლებულობს და არც გაბედავს აიღოს<sup>104</sup>. ჩერეპოვის ეს უკანასკნელი აზრი, სახელდობრ: ასასისაგან რომ არავინ არაფერს ლებულობს, არ არის სწორი. არის რიგი საბუთებისა, სადაც საწინააღმდეგო აზრია გამოთქმული; ასე მაგალითად, ერთ საბუთში პირდაპირი მითითებაა იმაზე, რომ ასასები პრივილეგიურ გვარებს უხდიდნენ სხვადასხვა გადასახადებს, კერძოდ: აქიძს<sup>105</sup> საკმაო დიდი რაოდენობით.

— ასასობას, როგორც სტუმრობის თავისებურ სახეს, მართლაც ადგილი ჰქონდა ფეოდალური აფხაზეთის სინამდვილეში. ასასი ეს იყო სხვადასხვა მიზეზების გამო (უფრო ხშირად კი ფეოდალური ექსპლოატაციის გამო) თავისი სამშობლო კუთხიდან სხვაგან გადახვეწილი და იქ რომელიმე გავლენიან და შეძლებულ პირს შეფარებული ადამიანი<sup>106</sup>. ცხადია, რომ ეს შეძლებული და გავლენიანი პირი უფრო მეტად გაბატონებული კლასის წრიდან იქნებოდა. ამ შემთხვევაში მასპინძელი, რომელმაც ახალი პირი სტუმრის სახით მიიღო, საბოლოო ჯამში მისი პატრონი ხდება, ხოლო მოსული კი — მასზე დამოკიდებული. ამრიგად ასასი ძირითადად მოსახლეობის ისეთი ჯგუფია, რომელიც თავის მასპინძელზეა დამოკიდებული, ანუ იმავე პატრონზე; იგი ასე თუ ისე ფეოდალური ექსპლოატაციის ობიექტს წარმოადგენს.

აფხაზეთის გლებთა ყველა კატეგორიის სოციალურ-ეკონომიურ უფლებათა დასახასიათებლად შემომოყვანილი ისტორიული ფაქტები ნათლად აღსატყობენ მარქსისტულ-

102 ცსა, ლენინგრადი, ფონდი 1268, აღწ. 12, საქმე 74, 1868 წ. ფურც. 45.

103 საქ. ცსა, ფონდი 416, საქმე 1032, ფურც. 15.

104 იქვე.

105 საქ. ცსა, ფონდი 416, აღწ. 3, საქმე 1014, ფურც. 19.

106 არ იყო გამორიცხული, რომ ასასი მალალი წრიდანაც ყოფილიყო. მაგრამ, საფიქრებელია, რომ ასეთები ასასების რაოდენობის სულ მცირე პროცენტს შეადგენდნენ.

ღენინურ დებულებას იმის შესახებ, რომ საწარმოო ძალების ხასიათისადმი წარმოებით ურთიერთობათა შესაბამისობის კანონი მოქმედებს ყოველ საზოგადოებრივ ფორმაციაში.

ფეოდალური წარმოების წესი, რომელიც ჩვენში მრავალი საუკუნის განმავლობაში არსებობდა, არ იყო გაყინული ერთ წერტილზე; იგი, უსათუოდ, თავისი ალ-სეაობის ხანგრძლივი პერიოდის მანძილზე განიცდიდა ცვლილებებს. ფეოდალური საწარმოო ძალების განვითარებასთან ერთად, მათ შესაბამისად ვითარდებოდნენ წარმოებითი ურთიერთობანიც, ეს განვითარება მიმდინარეობდა გლეხთა მიწების სრული ექსპროპრიაციის, ყველა მიწაზე ფეოდალური საკუთრების დამყარების და გლეხებისათვის, მათი სამუშაო ძალების ასაღწარმოებლად, ნაკვეთების „გამოყოფის“ მიმართულებით. მიწის ფეოდალური საკუთრება გლეხებზე მემამულეების გაბატონების საფუძველი იყო, წარმოებითი ურთიერთობათა განვითარება ელინდებოდა ფეოდალის მიერ გლეხის ზედმეტი პროდუქტის მითვისების გადიდებაში და თვით ამ მითვისების ფორმის ცვლილებებში პრიმიტიული შრომის ანაზღაურების რენტიდან ნატურალური რენტისაკენ, შრომის ანაზღაურების გაშლილი რენტისაკენ. ფულადი რენტისაკენ. ფეოდალურ წარმოებითი ურთიერთობათა განვითარება გამოიხატებოდა აგრეთვე გლეხის ფეოდალსა და მიწაზე ძალდატანებით მიმავრებაში, თავის გლეხების მიმართ ფეოდალების უფლებათა გაფართოებაში. ფეოდალური წარმოებით ურთიერთობათა ამ განვითარებაში სტიქიურად იჩენდა თავს საწარმოო ძალების ხასიათისადმი წარმოებით ურთიერთობათა სავალდებულო შესაბამისობის ეკონომიური კანონი.

ამრიგად, ყველა ზემოთქმულის შემდეგ ბუნებრივი იქნებოდა შემდეგი დასკვნა გაგვეკეთებინა: აფხაზეთის საგლეხო რეფორმის წინ წარმოადგენდა ფეოდალურ სამთავროს, სადაც ბატონყმური ურთიერთობა საკმაოდ განვითარებული იყო. განსაკუთრებით ზღვისპირა ნაწილში. ამ მხრივ აფხაზეთი გამონაკლისს არ წარმოადგენდა საქართველოს სხვა ფეოდალურ სამთავროთა შორის. მაგრამ ამასთან ერთად საჭიროა აღინიშნოს, რომ აფხაზეთში ფეოდალურ ურთიერთობას ერთგვარი თავისებურება ახასიათებდა, რომლის უგულებელყოფა არ იქნებოდა გამართლებული. ეს თავისებურება იმაში მდგომარეობდა, რომ აქაური ფეოდალური მეურნეობის სისტემაში უფრო მეტად იქნა შემორჩენილი პატრიარქალურ-გვაროვნული წყობის გადმონაშთები, ვიდრე აფხაზეთის მეზობელ ფეოდალურ სამთავროებში (სამეგრელო, გურია, იმე-

(რეთი და სხვა), რაც იმაზე ლაპარაკობს, რომ აფხაზეთში ბატონყმობა რამდენადმე მაინც ნაკლებად იყო განვითარებული და რაც გამოიხატებოდა ანხაიუს ერთი ნაწილის ჯერ კიდევ ~~დაწყებული~~ მდგომარეობის შენარჩუნებაში. მაგრამ ეს ფაქტი ჩვენ სრულიად არ გვაძლევს იმის უფლებას, რომ აფხაზეთში ბატონყმური ინსტიტუტის არსებობა უარვეყოთ და აქ არსებული ურთიერთობა გლეხებსა და ფეოდალებს შორის გავასაღოთ, როგორც ნებაყოფლობითი ხელშეკრულების ნიადაგზე აღმოცენებული მამაშვილური, მფარველ-მეფარებულის ურთიერთობა, როგორც ამას რევოლუციამდელი ავტორები ხაზიან. ცნობილი ისტორიკოსი ავალიანი, რომელიც ერთგვარ ხარკს უხდის ოფიციალურ ტენდენციურობას, იძულებულია განაცხადოს, რომ აფხაზეთში ფეოდალიზმი ხასიათდებოდა ბატონყმური ურთიერთობის შერბილებული ფორმით.<sup>107</sup>

ჩვენ ზემოთ დოკუმენტალურად დავამტკიცეთ, რომ აფხაზეთის გლეხობის ყველა კატეგორია (მცირერიცხოვანი ახატისა და ანხაიუს ერთი ნაწილის გამოკლებით) ყმურ მდგომარეობაში იმყოფებოდა და, რომ მისი უფლებრივი და ეკონომიური მდგომარეობა არსებითად არ განსხვავდებოდა სამეგრელოს ან იმერეთის ყმა გლეხთა მდგომარეობისაგან, რომ აღარაფერი ვთქვათ ახაშვალაზე, როგორც ნამდვილ მონაზე, რომლის სრულ უფუფლებობასა და არაადამიანურ პირობებს შეეწლო საქართველოს სხვა კუთხეების გლეხობის ყველაზე უფრო ჩაგრული ნაწილი — მოჯალაბეც კი გაეკვირვებინა. ამასთან ერთად ისიც უნდა აღინიშნოს, რომ ანხაიუს იმ ნაწილის მდგომარეობა, რომელიც ჯერ კიდევ მაწახე საბოლოოდ არ იყო მიმაგრებული, დიდად არ განსხვავდებოდა ყმა გლეხის მდგომარეობისაგან, ვინაიდან იგი ბეგარა-ვალდებულებათა მხრივ თითქმის ისეთივე მძიმე უღელს ეწეოდა, როგორც ეს უკანასკნელი. გადაუჭარბებლად შეიძლება ითქვას, რომ განსხვავება მათ შორის მხოლოდ და მხოლოდ ფორმალურ ხასიათს ატარებდა.

აფხაზეთის ფეოდალები ისეთივე ექსპლოატატორები, რა ვინ გლეხობისა, როგორც მათი მოძმე მეგრელი მემამულეები, მიუხედავად იმისა, რომ აფხაზეთში იმრომელი მასების ექსპლოატაცია ზოგჯერ ოსტატურად იჩქმალებოდა გებატონებული კლასების მიერ განზრახ კონსერვირებულ თემურ-გვაროვნული გადმონამუთების შემწეობით.

✓ ამიტომ მართალია პ. გიორგაძე, როდესაც იგი განეთ

„ივერიაში“ მოთავსებულ სტატიაში — „აფხაზეთი და აფხაზ-ნი“ შემდეგს მოკვითხრობს: „იმ დროს, როდესაც ბატონყმობა სრულს ძალაში იყო. დაბალი წოდება აფხაზეთშიაც ძლიერ შევიწროებული იყო. ბატონი ისე ეპყრობოდა თავის ქვეშევრდომს, როგორც უკანასკნელ ნივთსა: ართმევდა ყოვლისფერს, ჰყიდდა და აგირავებდა, როცა შემთხვევა და გარემოება მოითხოვდა“<sup>108</sup>.

გიორგაძეს დაატურს აწლევს ცნობილი ისტორიკოსი მ. ჭანაშვილიც<sup>109</sup>.

თავისთავად ცხადია, რომ აფხაზეთის გლეხობა ვერ შეუძლებოდა თავის ასეთ მეტად მძიმე ყმურ, მონურ მდგომარეობას და ბუნებრივია, რომ ის შეებრძოლებოდა ფეოდალმემამულეთა აღვირახსნილობას და შეეცდებოდა თავი ეხსნა იმ უწყალო ექსპლოატაციისაგან, რომელსაც ის საუკუნეთა განმავლობაში განიცდიდა.

### 3. გლეხთა მოძრაობა რეფორმის წინ

ზემოთ ჩვენ აღვნიშნეთ აფხაზეთის გლეხობის მეტად მძიმე მდგომარეობა. ვნახეთ, რომ გლეხობა, აღვირახსნილი, თავშეუკავებელი ფეოდალური ექსპლოატაციის ობიექტი იყო, რომ იგი ვმინავდა მებატონეთა ექსპლოატაციის მძიმე უღლის ქვეშ და ამავე დროს ცარიზმის კოლონიურ ჩაგვრასაც განიცდიდა. თავისთავად ცხადია, რომ გლეხობას ასეთი დუხჭირი ცხოვრების ომშიობებოლო ატანა არ შეეძლო, იგი უნდა შეებრძოლებოდა მის უმოწყალო მჩაგვრელებს, რათა ამით რამდენადმე მაინც გამოესწორებინა თავისი მდგომარეობა. და, მართლაც, აფხაზეთის გლეხობა სხვადასხვა ხერხითა და საშუალებით ეწეოდა შეუპოვარ ბრძოლას როგორც ადგილობრივი ფეოდალების, ისე ცარიზმის კოლონიური ჩაგვრის წინააღმდეგ. აფხაზეთის გლეხობის ეს ბრძოლა ორგანული ნაწილი იყო იმ ბრძოლისა, რომელსაც აწარმოებდა მთელი ქართველი გლეხობა თავის მჩაგვრელთა წინააღმდეგ. თუ რამდენად მძაფრ და შეუპოვარ ხასიათს ატარებდა ეს ბრძოლა, ამას ნათლად გვიჩვენებს იმ აჯანყებათა უბრალო ჩამოთვლაც კი, რომელთაც ადგილი ჰქონდა საქართველოში XIX

<sup>108</sup> გაზეთი „ივერია“, № 173, 1888 წ., პ. გიორგაძე, აფხაზეთი და აფხაზნი.

<sup>109</sup> М. Джанашивили, Абхазия и Абхазии, Тифлис, 1892, стр. 18.

საუკუნის დასაწყისიდან საგლებო რეფორმის გატარებამდე. აი, უმთავრესი მათგანი: 1804 წლის აჯანყება მთიულეთში, 1812-13 წლების აჯანყება კახეთში, 1841 წ. აჯანყება გურიაში, 1856-57 წლების აჯანყება სამეგრელოში, 1858 წ. აჯანყება იმერეთსა და ქსნის ხეობაში, 1863 წლის აჯანყება ს. მეგრელოში, 1866 წლის აჯანყება აფხაზეთში და სხვ.

აფხაზეთში გლებთა ფართო მასების ანტიფეოდალური მოძრაობა იშლება XIX ს. 20-იანი წლებიდან, ე. ი. მაშინ. როდესაც ადგილობრივი მემამულეები ძლევამოსილი რუსეთის ბატონყმური იმპერიის მფარველობის ქვეშ აძლიერებენ მშრომელი მასების ექსპლოატაციას.

ჩვენ ამჟამად გვაინტერესებს გლებთა მოძრაობა რეფორმის წინ; ამიტომ მხოლოდ გაკვირით შეგვხვებით ანტიფეოდალური ბრძოლის იმ ფაქტებს, რომელთაც მანამდე ვქონია ადგილი.

აფხაზეთში ჩვენ ვხვდებით გლებთა ბრძოლის ყველა იმ სახეს, რომელნიც საერთოდ დამახასიათებელია გლებთა მოძრაობისათვის ფეოდალურ-ბატონყმური ურთიერთობის პერიოდში: პასიურ პროტესტს (გლებები უჩივიან მეზატონეებს ადგილობრივი ხელისუფლების ან ცენტრალური მთავრობის წინაშე), გაქცევას, „უჩიობას“ (უარის თქმას ბეგარა-ვალდებულებათა შესრულებაზე), ინდივიდუალურ ტერორს, გლებთა შეიარაღებულ აჯანყებას და სხვ.

გლებები მიმართავენ ტერორისტულ აქტს არა მარტო რიგითი მემამულეების წინააღმდეგ, არამედ ოლქების მფლობელებისა და თვით მთავრის წინააღმდეგაც. ასე, მაგალითად, 1813 წელს გლებმა მაჯი კვარაცხელიამ მოკლა ყოველმხრივ განრწმნილი და საზიზღარი ადამიანი, სამურზაყანოს მფლობელი მანუჩარ შარვაშიძე. არსებობს გადმოცემა, რომ 1822 წ. 16 ოქტომბერს აფხაზეთის მთავრის დიმიტრი გიორგის-ძე შარვაშიძის მოულოდნელი სიკვდილი შედეგია მოწამკლისა, რაც მოუწყვია მის ერთ-ერთ მოსამსახურე გლებს. ასევე გასული საუკუნის 30-იანი წლების ბოლოს სოხუმის მფლობელი ხასანბეი შარვაშიძე მოკლა უშერეღმა გლებმა ხაყუც შამბამ.

1824 წელს აფხაზეთის მთავარი მ. შარვაშიძე მისი ამალითურთ და რუს ჯარისკაცთა ორი ასეულით რამდენიმე კვირის განმავლობაში ლიხნის სასახლეში იჯდა აჯანყებული გლებების მიერ ალყაშემორტყმული. ალყაშემორტყმულთ აუცილებელი დაღუპვა მოელოდა, რომ გენერალ გორჩაკოვს დრო-



ზე დახმარება არ აღმოეჩინა ქუთაისიდან სასწრაფოდ წამოყვანილი დიდძალი შეიარაღებული რაზმით<sup>110</sup>.

იმავე წელს სოხუმის მიდამოებში აჯანყების კერის ჩასაქრობად გენერალ გორჩაკოვს მეორე დამსჯელი ექსპედიციის გაგზავნა დასჭირდა, რასაც სისხლისძღვრელი ბრძოლა და დიდძალი მსხვერპლი მოყვა<sup>111</sup>.

ფეოდალებმა და მეფის მთავრობამ დიდი ძალ-ღონე დახარჯეს, რათა დროებით „დაეწყინარებინათ“ აჯანყებული გლეხობა.

✓ 30-იან წლებში გლეხთა მოძრაობის ცენტრმა გადაინაცვლა კოდორის რაიონში, სადაც მემამულეების წინააღმდეგ მშრომელთა ბრძოლას დიდხანს ხელმძღვანელობდა<sup>112</sup> გლეხი ისმაილ ჯაპუა.

რუსის აღმინისტრაცია და ფეოდალები 30-იანი წლების ბოლოს მტკიცედ დარწმუნდნენ იმაში, რომ ისინი აფხაზეთში გლეხთა მოძრაობას ვერ ჩააქრობდნენ, ვიდრე სავსებით არ დაიმორჩილებდნენ აფხაზეთის მთიან რაიონებს: პსსუს, ახჩი-პსუსს, დალსა და სხვ. ამ რაიონის მცხოვრებლები ჯერ-ჯერობით არც რუსებს ცნობდნენ და არც მთავრის ხელისუფლებას ემორჩილებოდნენ. ამავე დროს აქ ფეოდალური ურთიერთობაც სუსტად იყო განვითარებული. სწორედ ამ ადგილებს აფარებდნენ თავს გლეხები, რომლებიც გაურბოდნენ ბატონყმობის მძიმე უღელს ზღვისპირა აფხაზეთში. როგორც ცარიზმში, ისე მთავარიც ერთნაირად იყვნენ დაინტერესებული ამ თავისუფლების მოყვარულ მთიელთა და გამოქცეულ გლეხთა დათრგუნვა-დამორჩილებაში. გასაგებია, რომ ფეოდალებსა და ცარიზმისათვის გაცილებით ადვილი იყო ზღვისპირა გლეხთა მოძრაობის ჩაქრობა, ვიდრე თითქმის მიუვალი მთების კალთებზე მობინადრე მცხოვრებლების დამორჩილება. დაწყებული 30-იანი წლების ბოლოდან, ვიდრე სამთავრო ავტონომიის გაუქმებამდე, ამ რაიონებში არა ერთხელ ყოფილა გაგზავნილი დამსჯელი რაზმი, მაგრამ მიზანი მაინც მიუწვდომელი დარჩენილა. საქმეს ვერ უშველა, პოლკოვნიკ მურაგიოვის სიტყვებით რომ ვთქვათ, „ქავკასიაში უმაგალითო“ ზომების მიღებამაც კი, როგორც ამას ადგილი ჰქონდა 1841 წელს დალის მიმართ. ეს „უმაგალითო“ ზომები

110 Торнау, Воспоминания Кавказского офицера, Москва, 1864, 38-39.

111 ცსსა, აღწ. 847, ნაწ. I, შეკ. 6, № 114/35, 1824 წ., ფურც. 3.

112 ცსსა, ფონდი სსა, №-46-601, 1836 წ., ფურც. 3.

იმაში გამოიხატება, რომ დაღში არც ერთი ცოცხალი სულ-  
დგმული და არც ერთი სახლი არ დატოვეს. ბავშვები, ქალები.  
მოხუცები და ყველანი, ვინც კი დამსჯელ ექსპედიციას დაჰ-  
ნებდნენ, მთლიანად აყარეს. საცხოვრებელ ბინებს კი ცეცხ-  
ლი წაუკიდეს და გადაბუგეს<sup>113</sup>.

— მიუხედავად ასეთი სასტიკი ზომებისა. მთიანი აფხაზეთის  
გლეხობა ამის შემდეგაც განაგრძობდა შეუპოვარ ბრძოლას  
ცარიზმისა და ფეოდალების წინააღმდეგ.

✓ 1841 წელს გლეხთა მოძრაობა მოედო მთელ აფხაზეთს.  
აფხაზეთის გლეხთა მოძრაობაზე ამჟერად გარკვეული გავ-  
ლენა იქონია 1841 წლის გურიის აჯანყებამ. „ეს ამბავი ელვის  
სისწრაფით მოედო მთელი აღმოსავლეთის სანაპიროებს და  
ჩვენთვის ფრიად საზარალო გადატრიალება მოახდინა ხალხ-  
თა გონებაში“, — წერს სამხედრო ისტორიკოსი ნ. ვოლკონ-  
სკი<sup>114</sup>. გურიისავე აჯანყების ბრალი იყო ის, რომ იმ რაზმში.  
რომელშიაც უნდა გამოცხადებულყო 100 სვანი მილიციონე-  
რი მთიელთა წინააღმდეგ გააალაშქრებლად. გამოცხადდა მხო-  
ლოდ 60 კაცი. 600 სამურზაყანოელის მაგივრად რუსის  
სარდლობამ ძლივსძლივობით შეაგროვა მხოლოდ 336 კაცი.  
აფხაზეთში სრულიად ვერ მოახერხეს შეეყარათ მთიელთა  
წინააღმდეგ მეგრელთა, იმერთა და გურიის მილიცია<sup>115</sup>.

იმისათვის, რომ ცარიზმისა და ადგილობრივი ფეოდალე-  
ბის ბლოკი ექსპლოატირებული მასების წინააღმდეგ ბრძო-  
ლაში ურყევი ყოფილიყო, კავკასიის ხელისუფლება არ შურაე-  
და არავითარ სახსრებს და საშუალებებს. იგი უხვად არიგებ-  
და ორდენებს. ჩინებსა და ფულად საჩუქრებს. ადგილობრივი  
ხელისუფლება ყოველგვარ ღონისძიებას ხნარობდა. რათა მე-  
ბატონეებისათვის დაებრუნებინა გაქცეული ყმა გლეხები და  
იმ მიზნით. რომ გაქცევა საერთოდ შეეწყვიტა. სასტიკად  
უსწორდებოდა „ურჩ“ გლეხებს. რითაც ღიდ დახმარებას უწყევ-  
და აფხაზეთის თავადაზნაურობას გლეხთა მასის ექსპლოატა-  
ციის გაძლიერება-განმტკიცებაში. და, მართლაც, აფხაზეთის  
ფეოდალები, გონობდნენ რა ცარიზმის სამხედრო ძალის და-  
ხმარებას, აძლიერებდნენ და აორკეცებდნენ გლეხთა მასის  
ექსპლოატაციას. მაგალითად, 40-იან წლებში ფეოდალებმა  
ხელთ ჩაიგდეს სათემო ტყეებში ძვირფასი მერქანის (ბზის)  
მოჭრისა და ექსპორტირების მონოპოლიურა უფლება, რა-

113 ცსსა, ფონდი სსა, № 6392, ფურც., 43-46.

114 გ. ხაჭაპურიძე, გურიის აჯანყება 1841 წელს, თბილისი, 1931 წ.,

გორც ეს, მაგალითად, მოიძიებინა აბუყუს მარვაშიძეებმა სოფელ ჩგერდში. რითაც დიდად შეავიწროვეს მშრომელ გლეხები. თავადაწაურობა ცდილობდა შემოეღო მანამდე არყოფილი ბეგარა-ვალდებულებანი.

მეფის მთავრობის სრული მოწონებით მიხვილ მარვაშიძემ ბრძანება გასცა. როგორც ზემოთაც გვქონდა მოხსენებული, რომ „გლეხები არ დაშორებოდნენ თავიანთ მემამულეებს და არ შეფარებოდნენ სხვებს“, რაც ნიშნავდა ფაქტიურად დღემდე არაყმურ მდგომარეობაში მყოფი ანხაიუს მიმავრებას მემამულეებზე, მის ყმად გადაქცევას.

ცხადია, ასეთ გაძლიერებულ ექსპლოატაციას გლეხებმა ანტიფეოდალური მოძრაობის გაშლით უპასუხეს. ამ ბრძოლაში ბარის გლეხობას მოკავშირედ ნშირად მთიანი რაიონის მშრომლები ჰყავდა.

✓ 1848 წლის თებერვალში პსხუსა და დალის გლეხები თავს ესხმიან ღრანდის სიმაგრეს. მათ შეუერთდნენ კოდორის გლეხებიც. ამავე წლის აგვისტოში ახჩი-პსხუსა და აიბგეს მცხოვრებლები არბევენ კაც მარღანასა და როსტომ ინალ-იფას მამულებს ბზიფის ოლქში<sup>116</sup>.

1850 წ. ივლისში დაღელები ილაშქრებენ სოფ. გუპსა და კლოუში, სადაც მათ დაქრეს თავადი ზასხან მარშანია<sup>117</sup>.

ასეთ მოძრაობას შემდეგ წლებშიაც ჰქონდა ადგილი და მის წინააღმდეგ ბრძოლაში კიდევ დიდი ღროისა და ენერგიის დახარჯვა მოუხდათ ცარიზმსა და ადგილობრივ ფეოდალებს.

60-იანი წლების დასაწყისიდან მთელს საქართველოს მოედო გლეხთა მღელვარების მძლავრი ტალღა, რაც საგლეხო რეფორმის გატარებასთან იყო დაკავშირებული. ამ პერიოდის გლეხთა მოძრაობის მნიშვნელოვან მოვლენას წარმოადგენს 1866 წლის აჯანყება აფხაზეთში. ამ აჯანყების უშუალო ბიძგი საგლეხო რეფორმისათვის სამზადისის დასაწყისი იყო. მაგრამ ვიდრე თვით აჯანყებანზე შეეჩერებოდეთ, საჭიროა გაკვრით შევხვით იმ პოლიტიკურ ვითარებას, რომელიც შეიქმნა აფხაზეთში გასული საუკუნის 60-იანი წლების დასაწყისში.

როგორც ცნობილია, ყირიმის ომის ერთ-ერთი საომარი მოქმედება 1855 წლიდან დასავლეთ საქართველოშიც გაიშალა. ამ საომარი მოქმედების მსვლელობაში აფხაზეთის ტერი-

<sup>116</sup> ცხსა, აღწ. 272, შეკ. 124, №-173, ფურც. 113-116.

<sup>117</sup> იქვე, შეკ. 126, ფურც. 57-62.

ტორიის მნიშვნელოვანი ნაწილი ოკუპირებულ იქნა თერქების მიერ. დასავლეთ საქართველოს მთელი მოსახლეობა წინ აღუდგა მტერს და სასტიკი ბრძოლა გაუმართა მას. ქართველმა ხალხის ამ ბრძოლაში, რომელსაც უსლარი „სახალხო ომს“ უწოდებს. აფხაზეთის მოსახლეობამაც შეიტანა თავისი მნიშვნელოვანი წვლილი<sup>118</sup>.

მეფის მთავრობამ მიხეილ შარვაშიძეს ლალატი დასწამა ყირიმის ომში და სასჯელის სახით იგი რუსეთში გადაასახლა, სოლო სამთავროს ავტონომია გააუქმა და მის მაგივრად შექმნა „სოხუმის სამხედრო განყოფილება“, სადაც ე. წ. „სამხედრო-სახალხო მმართველობა“ იქნა შემოღებული.

✓ აკად. ს. ჯანაშიას აზრით, მიხეილის „ლალატი“ მეფის მოწვევებმა იმისთვის მოჰკორეს, რომ მთავრობას საბაბი ჰქონოდა სამთავროს გაუქმებისათვის. „სამთავროს ავტონომიის ბედი დამოკიდებული იყო რუსეთის საქმეების საერთო მდგომარეობაზე კავკასიაში“ და ამიტომ „არსებითად მთავრის ერთგულება-ორგულობას, რა თქმა უნდა, არავითარი მნიშვნელობა არ ჰქონდა სამთავროს არსებობის საკითხისათვის“<sup>119</sup>.

1864 წელს, როდესაც კავკასიაში მთიელეებთან ბრძოლა, რუსეთის სამხედრო ძალების სრული გამარჯვებით დამთავრდა, ამით, არსებითად, აფხაზეთის სამთავროს ბედიც გადაწყდა.

აფხაზეთის სამთავროს ავტონომიის გაუქმება მაშინდელ ისტორიულ ვითარებაში უსათუოდ პროგრესული მოვლენა იყო, რადგან ამით ისპობოდა ფეოდალური დაქუცმაცებულობისა და კარჩაქეტილობის პოლიტიკური ჩარჩო, რაც თავის მხრივ, ხელს უწყობდა — საქართველოს ეს კუთხეც, საწარმოო ძალთა განვითარების საერთო პროცესში. ეკონომიური აღორძინების ფერხულში ჩაბმულიყო. მაგრამ ეს როდი ნიშნავს იმას, რომ აფხაზეთში მთავრის ხელისუფლების მაგივრად რუსული მმართველობის შემოღება ადგილობრივი მშრომელი მასების კეთილდღეობას, მათი მდგომარეობის გაუმჯობესებას მოასწავებდა. პირიქით, რუსის მმართველობის შემოღებამ კიდევ უფრო გააუარესა ისედაც მძიმე პირობებში მყოფი გლეხთა მასების მდგომარეობა, რადგან ამიერიდან საბატონო ბეგარა-ვალდებულებათა გარდა ნათ სახელმწიფო გადასახადების მძიმე უღელიც უნდა ეზიდათ. ამას ზედ ისიც დაემატა, რომ აღმინისტრაცია, რომელიც აფხაზეთს მართავდა, უმთავ-

<sup>118</sup> მათ, ფონდი 111, აღწ. № -107, ფურც. 12, 16, 53; აქტები, ტ. XI, ნაწ. 1, გვ. 234.

<sup>119</sup> ს. ჯანაშია, გიორგი შარვაშიძე, სოხუმი, 1946 წ., გვ. 10-11.

რესად ისეთი რუსი მოხელეებისაგან შედგებოდა. რომელთაც სრულიად არ ესმოდათ ადგილობრივი პირობები და ზნე-ჩვეულებანი; ისინი თავიანთ თავს ამ მხარის უკონტროლო ბატონ-პატრონად გრძნობდნენ, ხალხს თვითნებურად და უხეშად ეპყრობოდნენ და ზშირად აშკარა ბოროტმოქმედებამდე მიდიოდნენ. საქმეს ისიც ართულებდა. რომ ადგილობრივმა მოსახლეობამ რუსული ენა არ იცოდა. ეს მაშინ, როდესაც საქმის წარმოება ადგილობრივ სხვადასხვა დაწესებულებებში ამ ენაზე მიმდინარეობდა. რუსული კაიონი, რომელიც აქ შემოღებულ იქნა მაშინვე სამთავროს გაუქმების შემდეგ, ადგილობრივ პირობებთან და ზნე-ჩვეულებებთან შეუფარდებლად, მოსახლეობისათვის უცხო და აუტანელი აღმოჩნდა.

ყველა ამან მშრომელი გლეხობის მდგომარეობა იმდენად გააუარესა, რომ თვით „სოხუმის სამხედრო განყოფილებას“ უფროსი იტყულებულია გლეხობის „უკიდურესად მძიმე მდგომარეობა“ აღიაროს<sup>120</sup>.

გაზეთ „კავკაზ“-ის კორესპონდენტი 1866 წლის გლეხთა აჯანყების მიზეზად თვლის მთავრობის მიერ ახლად შემოღებულ გადასახადებს<sup>121</sup> და „მეცარი და მტკიცე აღმინისტრაციის“<sup>122</sup> დაწესებას.

ასეთი იყო რუსული მმართველობის შემოღების როლი აფხაზეთის გლეხთა მდგომარეობის გუარესებაში. მაგრამ შეცდომა იქნებოდა ცარიზმის ხელისუფლების როლი გლეხთა მდგომარეობის გაუარესების საქმეში მარტო ამით შემოგვეფარგლა. ჩვენ ზემოთ უკვე ვნახეთ, რომ ცარიზმს მტკიცე ბლოკი ჰქონდა აფხაზეთის თავადაზნაურობის უმრავლესობასთან, რომ ცარიზმი ამ თავის დასაყრდენ სოციალურ ძალას ყოველმხრივ გაძლიერებისა და მშრომელი მასების ექსპლოატაციის საშუალებას აძლევდა. მთავრის ხელისუფლება ჩაგრავდა ხალხს, რუსები მხარს უჭერდნენ ამ ხელისუფლებას<sup>123</sup>, — წერდა გაზეთი, „კავკაზ“-ი 1866 წელს.

მშრომელი მასების ეკონომიური მდგომარეობის გაუარესება XIX საუკუნის 50-60-იან წლებში უფრო მეტად იმით

<sup>120</sup> საქ. ცსსა, ფონდი 545, საქმე 76, ფურტ. 256-258.

<sup>121</sup> რუსული მმართველობის მიერ ახლად შემოღებული გადასახადთა საერთო ჯამი 17 მან. 40 კაპ. აღწევდა ფულად, ნატურით კი ეს გადასახადი უდრიდა ერთ ძროხასა და 6 ცხვარს (საქ. ცსსა, ფონდი 545, საქმე 76, ფურტ. 256-258).

<sup>122</sup> გაზეთი «Кавказ», 1866, № -68.

<sup>123</sup> იქვე, №-80.

ახსენება, რომ ცარიზმის მხარდაჭერით ადგილობრივი ფეოდალები საზოგადოებრივ ცხოვრებაში თანდათანობით ფულადი ურთიერთობის შემოჭრასთან დაკავშირებით თავიანთი გლეხების ექსპლოატაციას კიდევ უფრო აძლიერებენ. ალებ-მიციემობის გაფართოებამ, ბაზრების გაჩენამ თავადაზნაურობის მოთხოვნილება ფუფუნების საგნებზე დიდად გაზარდა; რომელთა შეძენა ახლა მხოლოდ ფულის საშუალებით იყო შესაძლებელი და, რადგან მიმამულეებს არ ჰქონდათ თავისი რამდენადმე მაინც კეთილმოწყობილი საბატონო მეურნეობა, ამიტომ მათ მიმართეს გლეხთა გადასახადების უზომო გადიდებას, რაც აუტანელი გახდა ისედაც დაბეჩავებული და გაძვალტყავებული გლეხკაცობისათვის.

ერთ-ერთი ავტორი, რომელიც კარგად გაცნობილი ყოფილა აფხაზეთის მდგომარეობას XIX საუკუნის 60-იან წლებში, წერდა, რომ აფხაზეთის გლეხობა „დაეცა უკანასკნელ სილატაკემდეო“<sup>124</sup>.

— გლეხობის ასეთ სავალალო მდგომარეობას კიდევ 1864 წლის მოუსავლიანობა და შავი ყვავილის ეპიდემია დაემატა, რამაც მასიური სიკვდილიანობა გამოიწვია.

აი, ასეთ პირობებში მთავრობამ გამოგზავნა კომისია, რომელსაც უნდა შეესწავლა მიწათმოწყობისა და წოდებრივი ურთიერთობის საკითხი აფხაზეთში, რომ შემდეგ მის საფუძველზე აქ საგლეხო რეფორმა გაეტარებინა.

✓ გლეხობა განსაკუთრებით უკმაყოფილო შეიქმნა მის შემდეგ, რაც კომისიამ განაცხადა: დამოკიდებულმა წოდებამ თავისუფლება უნდა გამოისყიდოს მიმამულეებისაგან საკუთარი სახსრებით.

— ყველა ამან აღავსო აფხაზეთის გლეხობის მოთმინების ფიალა და მან მჩაგვრელთა წინააღმდეგ. საბრძოლველად იარაღს მოჰკიდა ხელი.

აფხაზეთის გლეხობამ კარგად იცოდა აღმოსავლეთ საქართველოსა და იმერეთ-გურიის მაგალითზე, თუ რას მოასწავებდა ბატონყმობის გაუქმება, გატარებული მეფის მოხელეებისა და თვით თავადაზნაურობის მიერ და ამიტომ კომისიას ცნობების მიწოდებაზე უარი განუცხადა.

✓ უკმაყოფილო იყო აფხაზეთის მთელი გლეხობა და განსაკუთრებით კი ანხაიუ იმ პირობებით, რომელთა საფუძველზე უნდა გატარებულიყო რეფორმა. უკმაყოფილო იყო მაღალი

124 ვახუთი «Кавказ», 1866, № 80.

წოდებაც, რადგან, მთავრობის რეფიციალური განცხადებით, არ ცნობდნენ მას მიწის მესაკუთრედ.

— რა თქმა უნდა, გლეხობისა და თავადაზნაურობის ინტერესები სრულიად სხვადასხვანაირი იყო. გლეხები იბრძოდნენ უსასყიდლოდ და მიწიანად განთავისუფლებისათვის. ხოლო შალაღი წოდება კი იმისათვის, რომ რაც შეიძლება მეტი გამოსასყიდი მიეღო გლეხობისაგან და ამავე დროს მთელი მიწის მასივიც მას დარჩენოდა. ე. ი. არსებითად იგი ყოველგვარ ძალღონეს ხმარობდა იმისათვის, რომ ყველაფერი ძველებურად დარჩენილიყო. თავადაზნაურობის ერთმა ნაწილმა პირველ ხანებში სწორედ იმიტომ მიიღო აქტიური მონაწილეობა გლეხთა იმ დიდ აჯანყებაში, რომ იგი თავისი კლასობრივი ინტერესების დასაცავად, თავისი დაკარგული პოლიტიკურ უფლებათა აღსადგენად გამოეყენებინა.

როგორც საბუთებიდან ჩანს, გლეხთა მღელვარება 1866 წლის 17 ივლისს სოფელ ბიჭვინთიდან დაწყებულა, სადაც პირველად მოხელე ჩერეპოვის, ბზიბის ოლქის უფროსისა და ორი მოსამართლის ტიტ მარლანიასა და კომჩაჩ ხაყის თანდასწრებით, საადგილმამულო და წოდებათა ურთიერთობის შესახებ ცნობათა მოგროვება დაუწყია<sup>125</sup>. როგორც წყაროები გვამცნობს, ჩერეპოვი ძალიან უხეშად და უტიფრად მოქცევია ცნობათა მისაცემად გამოძახებულ მოსახლეობას, რის შედეგად ამ უკანასკნელს უარი განუცხადებია ჩერეპოვის მიერ დასმულ კითხვებზე პასუხი გაეცა. ჩერეპოვი და იზმაილოვი დამუქრებიან მოსახლეობას — ძალას ვინძართო, მაგრამ ამ ზომასაც არ გაუჭრია და ცნობის მისაცემად გამოწვეული გლეხობა დაშლილა. 18 ივლისს ასევე გაუწიბილებია გლეხობას მთავრობის მოხელენი სოფ. კალდაზვარაშიაც. ასეთივე უარყოფითი პასუხი გაუციათ მუგუშირსვასა და სხვა სოფლებშიც<sup>126</sup>.

— მღელვარება ძალიან ჩქარა მოედო ბზიფის მთელ ოლქს, რამაც ჩერეპოვი და იზმაილოვი ჩააფიქრა და შეაშინა. მათ ეს ამბავი სასწრაფოდ სოხუმის სამხედრო განყოფილების უფროსს პოლკოვნიკ კონიარს აცნობეს. ეს უკანასკნელი ცნობის მიღებისთანავე 21 ივლისს ბზიფის ოლქის ცენტრში სოფ. ლიხნში ჩასულა, რათა თვითონ გაცნობოდა საქმის ვითარებას ადგილზე და სათანადო ზომები მიეღო. აქედან კონიარი იზმაილოვისა და სხვათა თანხლებით სოფ. დურიაშვილში გამგზავრებულა, სადაც ამ დროს დიდძალ მოსახლეობას მოეყარა თავი.

<sup>125</sup> ცსსა, ფონდი 400, აღწ. 258/908, აზ. ნაწ. 1866, საქმე 54, ფურც. 280.

<sup>126</sup> იქვე.

კონიარმა სცადა დაეყოლებინა დურიპშისა და მის მეზობ-  
ლად მდებარე სოფლების მოსახლეობა ყომისიისათვის საჭი-  
რო ცნობების მიცემაზე, მაგრამ ამაოდ.

ადგილზე საამისო სამხედრო ძალების უყოლობის გამო  
პოლკოვნიკმა კონიარმა, როგორც თვითონ წერს ქუთაისის  
გენერალ-გუბერნატორ სვიატოპოლ-მირსკისადმი გაგზავნილ  
23 ივლისის პატაკში, გადაწყვიტა უკან დახეულიყო და მოსა-  
ხლეობისაგან დროებით არაფერი მოეპოვა. იგი სთხოვს მირ-  
სკის, რომ მან რაც შეიძლება სასწრაფოდ გამოგზავნოს  
2 ბატალიონი და 2 ქვემეხი, რომელთა მეშვეობით ჰპირდება  
მას საქმის წარმატებით დამთავრებას, ე. ი. მღელვარების  
ჩაქრობას<sup>127</sup>.

მირსკიმ სასწრაფოდ გამოყო მნიშვნელოვანი სამხედრო  
ძალა აფხაზეთში გასაგზავნად, მაგრამ ბზიფის ოლქში გლეხ-  
თა მღელვარება იმაზე უფრო სწრაფად ვითარდებოდა. ვიდრე  
კონიარის დასახმარებლად გამოყოფილი სამხედრო ძალა ჩა-  
მოუსწრებდა მას იმერეთიდან.

24 ივლისს იზმაილოვმა აცნობა კონიარს, რომ მღელვარე-  
ბა მთელ ოლქს მოედო და ამჟამად ამბოხების ხასიათს ღე-  
ბულობსო.

მღგომარეობა მეტ მოცდას აღარ ითმენდა და კონიარმაც  
გადაწყვიტა ბზიფის ოლქში წასულიყო, მაგრამ არა სამხედრო  
ძალით, რომელიც მას საკმაო რაოდენობით ჯერჯერობით არ  
გააჩნდა, არამედ გიორგი და ალექსანდრე შარვაშიძეების  
(აფხაზეთის უკანასკნელი მთავრის მიხეილის შვილისა და  
ძმის) თანხლებით. ასე მოიქცა, ალბათ. იმიტომ, რომ მათი  
ავტორიტეტი აჯანყებულთა დასამშვიდებლად გამოეყენებინა.  
მაგრამ, როგორც ქვემოთ ვნახავთ, მათი ავტორიტეტი ამისა-  
თვის სრულიად საკმარისი არ აღმოჩნდა.

✓ 26 ივლისს, ნაშუადღევს, კონიარი, გიორგი და ალექსანდ-  
რე შარვაშიძეების, ოლქის სამმართველოსა და სასამართლოს  
წევრების თანხლებით, ლიხნში გამოცხადდა მთავრის სასახ-  
ლის წინ მდებარე მოედანზე, სადაც ამ დროს თავი მოეყარა  
ბზიფის ოლქის მცხოვრებლებს, 5 ათასი კაცის რაოდენობით<sup>128</sup>.

კონიართან მოსალაპარაკებლად გლეხებს თავის წრიდან  
8 კაცი აურჩევიათ.

გლეხების წრიდან გამოსული ორატორებიდან განსაკუთ-  
რებით აღსანიშნავია ეშერელი გლეხის ოსმან შამბას სიტყვა.

<sup>127</sup> ცსსა, ფონდი 400, აღწ. 258/908, აზ. ნაწ. 1866, საქმე 54,  
ფურტ. 112-118.

<sup>128</sup> «Кавказ», 1866 წ., №-68.



მან დაწვრილებით მოახსენა კონიარს, თუ რატომ ლელავდნენ გლეხები. შამბამ პირში უთხრა კონიარს, რომ გლეხები ძალიან უკმაყოფილო არიან პირადად მისი მმართველობით, რადგან იგი, აფხაზეთში რუსული მმართველობის დაწყებულადან ჩაგრავს და ავიწროებს მათ. „თქვენ იმდენად შეგვავიწროეთ და შეურაცხვეყავით, რომ აივსო ჩვენი მოთმინების ფიალა და ძალა არ შეგვწევს მეტი ავიტანოთ. გვეყოფა ისიც, რაც მოხდა, ნუ დაუმატებთ ახალ საწყენს... გულახდილად უნდა ვითხრათ, რომ ჩვენ არ გვჯერა, რომ ხელმწიფე იმპერატორმა და დიდმა მთავარმა კავკასიის ნაცვალმა ნება დართეს აფხაზეთში გლეხთა ისეთნაირად განთავისუფლებისა, როგორც თქვენ გადმოგვცემთ. ჩვენ ექვი არ გვეპარება, რომ თქვენ თვითონ წარმართეთ საქმე ასე იმისათვის, რომ დაიმსახუროთ უმაღლესი უფროსობის ყურადღება... ამასთანავე ჩვენ არ გვესმის გლეხების ისეთი განთავისუფლება, როგორც ამას გვიხსნიან. ჩვენ არ გვაქვს მებატონეებისაგან გამოსასყიდი თანხა“<sup>129</sup> (ხაზგასმა ჩემია. — ლ. ძ.).

დასასრულ, ოსმან შამბამ კონიარს გადასცა ხალხის თხოვნა, რომ მას ნება დაერთო გლეხთა დეპუტაციის გაგზავნისათვის თბილისში მეფისნაცვალთან.

✓ კონიარმა ყველა მოთხოვნა უხეშად უარყო და ბრძანა აღმინისტრაციის განკარგულებათა უსიტყვოდ შესრულება, წინააღმდეგ შემთხვევაში, განაცხადა მან, რომ ის ძალას იხმარს. ამ მუქარაზე ხალხში ჩოჩქოლი და განგაში ატყდა. როგორც საბუთებიდან ჩანს, პსირცხელ გლეხმა ლაზ განდლმა ატენა განგაში და წამოიძახა: „ვისაც ფიცი აქვს დადებულო, მოგროვდითო“<sup>130</sup>. ეს იყო ნიშანი, რომელსაც შეიარაღებული შეტაკება მოჰყვა. კონიარმა თავისი ამალითურთ მთავრის სასახლეს შეაფარა თავი.

— „ხალხმა, მიუხედავად ზოგიერთი თავადების, აზნაურებისა და მამასახლისების მოქმედებისა, რომლებიც არწმუნებდნენ მას, არ ჩაედინა უწესრიგობა და ფანტავდნენ მათრახებითა და ჯოხებით, მიიწია კონიარისაკენ და, ვიდრე კონიარი მოასწრებდა შარვაშიძის სახლში დამალვას, რამდენჯერმე გაისროლა, ხოლო მიაღწია რა საყარაულო სახლს, გაათავისუფლა პატიმრები“<sup>131</sup>.

<sup>129</sup> ცსსა, ფონდი 400, აღწ. 258/908, აზ. ნაწ. 1866 წ., საქმე 54, ფურც. 98-111.

<sup>130</sup> იქვე.

<sup>131</sup> იქვე.

✓ აჯანყებულებმა თოფები დაუშინეს სასახლეს, სადაც იმა-  
ლებოდა კონიარი თავისი ამალითურთ და ამავე დროს ბრძო-  
ლა გამართეს ასეულთან, რომელსაც საჯინიბოში შეეფარები-  
ნა თავი. აჯანყებულებმა შეანგრიეს სასახლის კარები, გარეთ  
გამოიყვანეს გიორგი და ალექსანდრე შარვაშიძეები, ხოლო  
დანარჩენები აქვე ადგილზე დახოცეს. აქ მოკლულთა რიცხვ-  
ში იყვნენ პოლკოვნიკი კონიარი, ბზიფცის ოლქის უფროსი  
იზმაილოვი, ჩინოვნიკი ჩერეპოვი, პოდპორუჩიკი სურინოვიჩი,  
მათი მოსამსახურენი და რამდენიმე კაზაკი.

— აჯანყებულთა მიერ ცეცხლწაქიდებული საჯინიბოდან  
კაზაკების ასეულმა დიდი გაქირვებით მიაღწია იქვე გვერდით  
მდგარ ნახევრად დანგრეულ ძველი ქვის სახლს, ხოლო შემ-  
დეგ აქედან ცოცხლად გადარჩენილი კაზაკები ალექსანდრე  
შარვაშიძის მეუღლემ იხსნა. შემდეგ ისინი მისივე დახმარე-  
ბით გაგზავნილ იქნენ სოხუმში<sup>132</sup>.

კაზაკების ასეულიდან, ოფიციალური ცნობით, დაღუპულა  
2 ოფიცერი, 2 ურიადნიკი, 48 რიგითი კაზაკი, ხოლო გადარ-  
ჩენილა 1 ოფიცერი, ორი ურიადნიკი და 53 კაზაკი. ეს ცნობა  
არ უნდა იყოს სრული. უსათუოდ, დაღუპულთა რიცხვი მეტი  
უნდა ყოფილიყო. ასე, მაგალითად, კონიარის თარჯიმან ტყე-  
ციშვილის ჩვენებით, კაზაკების ასეულიდან სულ გადარჩენი-  
ლა 4 თუ 5 კაზაკი, ხოლო დანარჩენი ყველა დახოცილა<sup>133</sup>.

ამავე დღეს (26 ივლისს) მეამბოხეთა ერთი ჯგუფი თავს  
დაესხა გუდაუთის საბაჟო საგუშაგოს, სადაც მოკლულ იქნა  
სამი კაცი, ხოლო გადარჩენილები ჩასხდნენ იქვე მდგარ შხუ-  
ნა „სოუქსუ“-ში და დაუყოფიებლად სოხუმში გაემგზავრნენ.

26 ივლისს, საღამო ჟამს, სოხუმში უკვე იცოდნენ ლიხნის  
ამბებისა და ქალაქზე მოსალოდნელი თავდასხმის შესახებ<sup>134</sup>.

ლიხნის სასახლეში მკვლელობის ჩადენის შემდეგ გიორგი  
და ალექსანდრე შარვაშიძეები აჯანყებულთა ხელში აღმოჩნ-  
დნენ. აჯანყებულებმა, როგორც ამას მოწმობს ოფიციალური  
საბუთები, გიორგი აფხაზეთის მთავრად გამოაცხადეს: „შენ  
აქლა ჩვენი მთავარი ხარ, სადაც შენ წახვალ, ჩვენ თან წამო-  
გყვებით; სადაც შენ, ჩვენც იქ უნდა დავიღუპოთ“<sup>135</sup>. გიორ-  
გი პირველად შეეყოყმანდა, მაგრამ, ნახა რა აჯანყებულთა  
მტკიცე გადაწყვეტილება, მათი წინადადება მიიღო<sup>136</sup>. გიორ-

<sup>132</sup> ცსა, ფონდი 400, აღწ. 258/908, აზ. ნაწ. 1866 წ., საქმე 54, ფურც. 98-111.

<sup>133</sup> იქვე, ფურც. 32-47.

<sup>134</sup> იქვე, ფურც. 98-111.

<sup>135</sup> იქვე, ფურც. 254.

<sup>136</sup> იქვე.

გის თანდასწრებით გაკეთებულ იქნა სამთავრო დროშა წითელი ყუმაშისაგან, ზედ ამოქარგული ხმლით, და აჯანყებულები საჩქაროდ დაიძრნენ სოხუმის მიმართულებით გადაწყვეტილი იყო სოხუმის დაუყოვნებლივ აღება. მაგრამ აჯანყებულთა სწრაფი ნობრაობა შეუჩერებია მდინარე გუმისთას, რომელიც სწორედ ამ დროს ძლიერი წვიმისაგან მეტად ადიდებულა. ამიტომ მათ მხოლოდ 27 ივლისს მიაღწიეს სოხუმს<sup>137</sup>.

ბზიფელეას დაუყოვნებლივ გამოეხმურნენ სოხუმისა და წებელდის რაიონის მცხოვრებლები, რომლებმაც აქტიური მონაწილეობა მიიღეს სოხუმზე თავდასხმაში<sup>138</sup>.

30 ივლისისათვის ჩვენი ხელისუფლება სოხუმის სამხედრო განყოფილებაში თითქმის არ არსებობსო, სწერდა სეიატობოლკ-მირსკი მეფისნაცვალს<sup>139</sup>.

27 ივლისს დღის 3 საათზე აჯანყებულებმა, დაახლოებით 2 ათასი კაცის რაოდენობით, პირველი იერიში მიიტანეს ქ. სოხუმზე და ცხარე ბრძოლის შემდეგ დაიკავეს მისი მთის მხარე გარეუბანი და ქალაქში ცეცხლი გააჩინეს<sup>140</sup>.

27 ივლისს მოწინააღმდეგეთა შორის მთელ დამეს ძლიერი სროლა წარმოებდა.

ცნობამ ბზიფში მომხდარი ამბებისა და სოხუმზე თავდასხმის შესახებ, რუსის სარდლობა ძლიერ შეაშინა. მეფისნაცვალმა მიხეილ რომანოვმა სასწრაფოდ მიიღო გადამწყვეტი ზომები აჯანყების ჩასაქრობად. მან პირველი ცნობა ბზიფის ამბებზე 27 ივლისს მიიღო ბორჯომში, სადაც ამ დროს მასთან ერთად ქუთაისის გენერალ-გუბერნატორი სეიატობოლკ-მირსკიც იმყოფებოდა. მიხეილ რომანოვი დაუყოვნებლივ აჯანყების სეიატობოლკ-მირსკის სოხუმში სასწრაფო ზომების მისაღებად აჯანყების წინააღმდეგ. მეფისნაცვალს მირსკის სრულ უფლებას ანიჭებს, ამოძრავოს და მოიხმაროს თავისი მიხედულობისამებრ ქუთაისის გუბერნიისაში განლაგებული ჯარის ნაწილები და დამატებით გამოუძახოს ყუბანის ოლქიდან 4 ბატალიონს, საკმარ რაოდენობით არტილერიას და საჭირო შემთხვევაში კიდევ ჩრდილო კავკასიიდან გენერალ-მაიორ გეიმანის ძლიერ რაზმს და აგრეთვე ამავე მიზნისათვის მოაგროვოს გურიისა და საშვეგრელოს მილიცია.

მეფისნაცვლის განკარგულების თანახმად სეიატობოლკ-მირსკის მეთაურობით სულ რამდენიმე დღის განმავლობაში

137 ცსსა, ფონდი 400 აღწ. 258/908, აზ. ნაწ. 1866 წ., საქმე 54, ვურც. 98-111

138 იქვე.

139 იქვე.

140 საქ. ცსსრ, ფონდი 545, საქმე 2784, ვურც. 10.

მოგროვდა სამხედრო ძალა 8 ათასი კაცის შემადგენლობით<sup>141</sup>. ძლიერი არტილერიითა და საზღვაო სამხედრო ფლოტით. ეს ისეთი ძალა იყო, რომლისათვის გამკლავება აჯანყებულებს, რა თქმა უნდა, არ შეეძლოთ. საბოლოოდ ამან გადაწყვიტა აჯანყების ბედიც.

30 ივლისს სისხლისნღვრელი ბრძოლის შემდეგ აჯანყებულები დამარცხდნენ და იძულებული შეიქნენ დაეტოვებინათ სოხუმი.

ამის შემდეგ აჯანყება მალე ჩაქრობილ იქნა აგრეთვე წებელდაშიც ადგილობრივი თავადების — მარშანიების აქტიური მონაწილეობით.

ქუთაისის გენერალ-გუბერნატორმა აჯანყებულთ შემდეგი ულტიმატუმი წარუდგინა: ჩაბარებულ იქნას იარაღი, მოტაცებული სახაზინო ქონება და აჯანყების „მეთაურნი“. პირველი ორი მოთხოვნა მოსახლეობამ შეასრულა, მაგრამ მესამეზე (აჯანყების მეთაურებისა და აქტიურ მონაწილეთა გაცემაზე) უარი განაცხადა<sup>142</sup>.

— ბზიფისა და სოხუმის რაიონების მოსახლეობას იარაღი აყარეს იმ მიზნით, რომ შემდეგში არასოდეს არ გამეორებულყო 1866 წლის ივლისის ამბები. აჯანყების მეთაურები, რომელნიც ხელთ იგდეს (გლეხები ხანაში კალგი და კაკუჩალია, აზნაური კაზილბეკი მარღანია) დახვრიტეს, ხოლო ისინი, ვისაც აჯანყებაში აქტიური მონაწილეობის მიღება დაბრალდა (უპირატესად გლეხები), ციმბირში გადაასახლეს<sup>143</sup>.

— ასე სასტიკად გაუსწორდა მეფის მთავრობა აჯანყებულებს.

1866 წლის აჯანყების დამარცხება გამოწვეულია იმ სუსტი მხარეებით, რითაც ხასიათდება ფეოდალური ეპოქის გლეხთა ყველა აჯანყება.

1866 წლის აჯანყების ერთ-ერთი სუსტი მხარე ის იყო, რომ გლეხებს ჯერ კიდევ სჯეროდათ „ქარგი მეფისა“. მათ ეგონათ, რომ ახალგაზრდა გიორგი „ქარგი მთავარი“ იქნებოდა, რომელიც გამოეხარჩლებოდა მათ ინტერესებს. სწორედ ამიტომ გამოაცხადეს აჯანყებულებმა აფხაზეთის მთავრად გიორგი შარვაშიძე. ან კიდევ გლეხობას პირველ ხანებში გაგონებაც კი არ სურდა იმის შესახებ, რომ იმპერატორი ან დიდი მთავარი ბატონყმობას ისეთ პირობებში გააუქმებდა, როგორც ეს კომისიის წევრებმა გამოაცხადეს. აჯანყების მსვ-

<sup>141</sup> «Кавказ», 1866 წ., №70.

<sup>142</sup> იქვე.

<sup>143</sup> გ. ა. ძიძარია, დასახელებული წიგნი, გვ. 466-467.

ლელობაში, უსათუოდ, უარყოფითი როლი შეასრულა თავადაზნაურობამ, ჩვენ ზემოთ აღნიშნული გვაქვს, რომ აჯანყებაში თავიდანვე მონაწილეობა მიიღო აფხაზეთის თავადაზნაურობის ნაწილმა. რა თქმა უნდა, გლეხობისა და თავადაზნაურობის ინტერესები სრულიად სხვადასხვაგვარი, ერთი მეორისათვის დიამეტრალურად საწინააღმდეგო იყო. თავადაზნაურობას თავისი ვიწრო კლასობრივი, პოლიტიკური ინტერესები ამოცრავებდა. თავადაზნაურობის ეს ნაწილი ამ აჯანყებაში იმდენად ღებულობდა მონაწილეობას, რამდენადაც მას იგი თავისი დაკარგული პოლიტიკური უფლებების აღდგენის საშუალებად მიაჩნდა, ეს განსაკუთრებით მის შემდეგ. რაც აჯანყებამ მეტად ფართო ხასიათი მიიღო და მნიშვნელოვან წარმატებებსაც მიაღწია. თავადაზნაურობა ცდილობდა და ყველათერს აკეთებდა იმისათვის, რომ აჯანყებას მხოლოდ და მხოლოდ ანტირუსული ხასიათი ჰქონოდა. მაგრამ თავადაზნაურობა რწმუნდებოდა რა იმაში, რომ აჯანყება ადგილობრივი რუსული ადმინისტრაციის წინააღმდეგაა მიმართული იმდენად, რამდენადაც მასში გლეხობა ხედავს ფეოდალურ-ეკსპლოატატორების დასაყრდენ ძალას და ამრიგად უმთავრესად მიზნად ისახავს ბრძოლას ფეოდალური კლასის წინააღმდეგ<sup>144</sup>, იგი მაშინვე ზურგს აქცევს აჯანყებას. მართლაც, თავადაზნაურობის ეს ნაწილი აჯანყებაში მონაწილეობას იღებდა, სანამ მას ერთგვარი წარმატება ჰქონდა ადგილობრივი ადმინისტრაციის და სამხედრო ძალის წინააღმდეგ ბრძოლაში; მაგრამ გამოჩნდა თუ არა წარუმატებლობის პირველი ნიშნები, იგი არამც თუ დაშორდა აჯანყებას, არამედ მოწინააღმდეგე ბანაკში გადავიდა და მასთან ერთად ბრძოლა გაუმართა აჯანყებულთ.

აჯანყებაში ჩაბმული ფეოდალები იმთავითვე მერყეობას იჩენდნენ, რაც მათივე ორკოფული მდგომარეობით იყო გამოწვეული: ერთი მხრით, მათ აჯანყების გამოყენება თავისი დაკარგული პოლიტიკური უფლების აღსადგენად სურდათ და, მაშასადამე, ცდილობდნენ იგი ადგილობრივი რუსული ადმინისტრაციის წინააღმდეგ მიემართათ, მაგრამ მეორე მხრით, მათ ეშინოდათ. რომ ადმინისტრაციის ლიკვიდაციას ფეოდალური კლასის მოსაზრობა არ მოჰყოლოდა საერთოდ. სწორედ

<sup>144</sup> რომ აჯანყებას ანტიფეოდალური ხასიათი ჰქონოდა ამას სხვათა შორის შემდეგი ფაქტი დასტურებს: 1866 წლის ივლისში, სოხუმზე თავდასხმის დროს, აჯანყებულმა გლეხებმა დაარბიეს გ. შარვაშიძის მამული სოფ. კელასურში, გაიტაცეს მისი მამულიდან მნიშვნელოვანი ქონება (სხა, ფონდი 110, აღწ. 1, ფურც. 1).

ამით აიხსნება ის, რომ ფეოდალებმა 21 ივლისს სოფ. ღურბუშში დალუპვისაგან იხსნეს კონიარი და მისი ამაღლა<sup>145</sup>. ამავე მიზეზებით თავადაზნაურობის ნაწილი თუმცა ამაოდ, მაგრამ მაინც თავგამოდებით იცავდა კონიარსა და მის თანმხლებლებს ლიხნში 26 ივლისს<sup>146</sup>. ამიტომ უღალატა აჯანყების საქმეს აბეჯავის თავადმა ბესლან ჩაბალურხვამაც<sup>147</sup>. ასე მერყეობდა თავადაზნაურობის ის ნაწილი, რომელიც თავიდან ჩაება აჯანყებაში. მაგრამ იყო თავადაზნაურობის მეორე მნიშვნელოვანი ნაწილი, რომელიც თავიდანვე მეფის ჯარებსა და ადმინისტრაციას ემხრობოდა; სე, მაგალითად სოხუმის ოლქის ფეოდალების ერთი ნაწილი ამავე ოლქის უფროსის ბუტლი-დე-კაცმანის მეთაურობით იმთავითვე ღებულობდა მონაწილეობას ქ. სოხუმის თავდაცვაში და თავგამოდებით იბრძოდა აჯანყებულთა წინააღმდეგ<sup>148</sup>. წებულდამი რუსის გარნიზონი აჯანყებულებისაგან იხსნეს თავად მარშანიებმა, რისთვისაც მეფის მთავრობის მიერ უხვად იქნენ დაჯილდოებულნი<sup>149</sup>.

აჯანყების დამარცხების შენდები მიზეზი იყო მისი სტიქიური, არაორგანიზებული და ლოკალური ხასიათი.

აჯანყების ერთ-ერთი სუსტი მხარე ისიც იყო, რომ მას თავიდანვე არ ჰყოლია ხელმძღვანელი, არც თავადაზნაურობისა და არც გლეხობის წრიდან. გ. შარვაშიძე ამ აჯანყებისათვის სრულიად შემთხვევითი პირია და, როგორც საბუთებიდან ჩანს, მას არც სურვილი ჰქონია და არც განზრახვა; არამც თუ ეხელმძღვანელა, არამედ მონაწილეობაც მიელო მასში. გარდა ამისა, გიორგი შარვაშიძე მაშინ ძალიან აბალგაზრდაც იყო (19 წლისა იქნებოდა) და, რა თქმა უნდა, ისეთი რთული საქმისათვის, როგორც აჯანყების ხელმძღვანელობაა, მას არც გამოცდილება ეყოფოდა და არც ნებისყოფა.

1866 წლის აჯანყებას, თუ მთელი რიგი სუსტი მხარეები ჰქონდა და დამარცხდა კიდევ — ეს იმიტომ, რომ მას არ გააჩნდა ის მტკიცე მარჯვანიზებული და ხელმძღვანელი ძალა, რომელსაც, საზოგადოდ, რევოლუციური მოძრაობისათვის მუშათა კლასი წარმოადგენს.

1866 წლის ლიხნის აჯანყება გლეხთა უკანასკნელი დიდი აჯანყება იყო საქართველოში, მიმართული ბატონყმური

145 ცსსა, ფონდი 400, აღწ. 258/908, აზ. ნაწ. 1866, საქმე, 54, ფურც. 233.

146 იქვე, ფონდი 1110, აღწ. 1, 1866-1873, № 24, ფურც. 238.

147 იქვე, ფურც. 259.

148 საქ. ცსსა, ფონდი 545, საქმე 2784, ფურც. 13.

149 ცსსა, ფონდი 400, აღწ. 258/908, აზ. ნაწ. საქმე 54, ფურც. 259.

ურთიერთობისა და ცარიზმის კოლონიზატორული პოლიტიკის წინააღმდეგ. ამ აჯანყებამ კიდევ ერთხელ დაარწმუნა მეფის ადგილობრივი ხელისუფლება იმაში, რომ აქაც დაუყოვნებლივ საჭირო იყო საგლეხო რეფორმის მომზადება და გატარება. სწორედ ამით აიხსნება ის ფაქტი, რომ მთავრობა აჯანყების ჩაქრობის პირველი დღეებიდანვე შეუდგა საგლეხო რეფორმის მომზადებას აფხაზეთში და ამისათვის 1867 წელს ხელშეორედ გამოყო სპეციალური კომისია. ამ მეორე კომისიის მუშაობის პერიოდშიც არ ყოფილა აფხაზეთში ისეთი „სრული სიმშვიდე“, როგორც რუს მოხელეებს სურდათ. გლეხთა ცალკეულ გამოსვლებს, ბეგარა-ვალდებულებათა შესრულებაზე უარის თქმასა, თუ სხვა სახის პროტესტს საკმაოდ ხშირად ჰქონდა ადგილი.

✓ აღნიშნოთ რამდენიმე მათგანი.

✓ გიორგი შარვაშიძის მეურნეობის საქმეთა მმართველი პანომოვი 1868 წლის 29 ივნისს შესჩივის სოხუმის განყოფილების უფროსს, რომ თავად გიორგის კუთვნილმა გლეხებმა უარი განაცხადეს გადასახადებზე და რომ მან ამ საქმეზე უფრო ადრე პიცუნდის ოლქის უფროსს მიმართა, მაგრამ ამ უკანასკნელმა ურჩია დახმარებისათვის უფრო მაღლა მიემართა, რადგან მას ძალა არ შესწევდა გლეხების მორჩილებაში მოსაყვანად<sup>150</sup>. ამავე საბუთიდან ჩანს, რომ გლეხები არ უხდნან გადასახადებს სხვა თავადებსაც და რომ ამისათვის საჭიროა ადგილობრივი ხელისუფლებისაგან ყოველდღიური დახმარება. ასე, მაგალითად, პიცუნდის ოლქის უფროსი დახმარებია მურზაყან ანჩაბაძეს გლეხების მორჩილებაში მოსაყვანად<sup>151</sup>.

— პანომოვი სოხუმის განყოფილების უფროსისაგან ითხოვს, რათა მან აიძულოს გლეხები გადასახადები თავის დროზე გადაიხადონ და მომავალშიაც კანონიერი დახმარება აღმოუჩინოს, რათა გლეხებმა მათზე დაკისრებული ვალდებულებანი უსიტყვოდ შეასრულონ<sup>152</sup>.

— ამ საბუთში აღნიშნული ფაქტები იმას მოწმობენ, რომ პიცუნდის ოლქში გლეხების მიერ ბეგარა-ვალდებულებათა შესრულებაზე უარის თქმას ისეთი ფართო და მტკიცე ხასიათი მიუღია, რომ ოლქის უფროსებიც კი უძლური ყოფილან გლეხების წინააღმდეგ რაიმე ზომები ეხმარათ და ამიტომ

<sup>150</sup> ცსსა, ლენინგრადი, ფონდი 1087, აღწ. I, 1865 წ., საქმე 29, ფურც. 307-310.

<sup>151</sup> იქვე.

<sup>152</sup> იქვე.

საქიროდ უცენიათ თვით განყოფილების უფროსის ჩარევა ამ საქმის მოსაგვარებლად.

ჩვენ ხელთაა სხვა საბუთიც. რობელიც მოწმობს იმას, რომ გ. შარვაშიძის გლეხებმა „ურჩობის“ ეს ფაქტი შემთხვევითი არ ყოფილა, რომ გლეხების მიერ გადასახადებზე უარის თქმას აქ ხშირად ჰქონია ადგილი. ასე, მაგალითად, 1870 წ. დეკემბერში იგივე პახომოვი უჩივის სოფ. მერხეულის მცხოვრებ გლეხებს, რომ ისინი არ იხდიან გადასახადებს, „რაც ფრად მაცდურ და ცუდ მაგალითს წარმოადგენს ჩემი მრწამსებელის სხვა ხელქვეითებისათვის“-ო<sup>153</sup>.

— 1866 წელს „სოხუმის წოდებრივ-საადგილმამულო კონცისიის“ მუშაობასთან დაკავშირებით, სოხუმის განყოფილების ნებართვის საფუძველზე პახომოვი შესდგომია გიორგი შარვაშიძის მამულის დაწვრილებით აღწერას. აღწერა მას სოფ. იაშტუხიდან დაუწყია, სადაც ძლიერ ჩქარა გავრცელებულა ხმა, რომ აღწერა მოგონილა გლეხების გასაძარცვადო. ამიტომ 60-ზე მეტი გლეხი, ჯობებით შეიარაღებული, თავს დასხმია გუმბათის „ფერმას (ხუტორს)“, რომ დაერბია იგი და ამავე დროს დაესაჯათ გიორგის წარმომადგენლები აზნაური იურჩია და პახომოვი, რომელთაც ბრალი ედებოდათ ბორცუ-განზრახვაში. ამ ორ უკანასკნელს გლეხები მოკვლით დაჰქურებიან<sup>154</sup>.

— ერთ-ერთ საბუთში მოცემულია 12 სოფლის მცხოვრებთა გლეხ ანხაიუს სია საბეგრო სამუშაოზე გამოსვლისა და არ გამოსვლის აღნიშვნით. სიაში სულ 250 გლეხია. ამათგან 1869 წელს 151 კაცს, ე. ი. უმრავლესობას, უარი განუცხადებია სამუშაოდ გამოსვლაზე<sup>155</sup>. ზოგ სოფელში საბეგრო სამუშაოდ გამოსვლაზე უარის თქმას მასიური ხასიათი მიუღია. ასე, მაგალითად, სამუშაოდ გამოსვლაზე უარი უთქვამს სოფ. ბაგოვეშტეში 15 ანხაიუს, სოფ. დრანდაში 18-ს, აბყაყვაში 30-ს. იაშტუხაში 40-ს და ა. შ.<sup>156</sup>

რის მიჩვენებელია ზემომოყვანილი ფაქტები? ეს ფაქტები ყოველგვარი ეჭვის გარეშე, იმაზე მეტყველებენ, რომ მიუხედავად 1866 წლის გლეხთა დიდი აჯანყების დამარცხებისა და აჯანყების მონაწილეთა სასტიკად დასჯისა, გლეხთა ცალკეულ გამოსვლებს, „ურჩობას“, ბეგარა-ვალდებულებათა შესრულებ-

160 სსრკ ისტორია, პანკრატოვას რედაქციით, ნაწ. II. თბილისი, 1947 წ., გვ. 318.

154 იქვე.

155 იქვე.

156 იქვე.



ბაზე უარის თქმას და სხვა სახის პროტესტს, მეზღვეშიაც ფართოდ ჰქონია ადგილი აფხაზეთში. მაშასადამე, ბატონყმობის ინსტიტუტის იმ სახით დატოვება, როგორც აქამდე იყო, შეუძლებელი გამხდარა და ამან კიდევ ერთხელ დაარწმუნა ადგილობრივი მთავრობა მისი გაუქმების უცილებლობაში.

აპრილად, ზემოთქმულის შემდეგ ბუნებრივი იქნება ასეთი დასკვნა გამოვიტანოთ:

როგორც ცნობილია, საგლეხო რეფორმა გატარებულ იქნა რუსეთში იმითომ, რომ ეკონომიური განვითარების მთელი მსვლელობა ბიძგს იძლეოდა ბატონყმობის მოსპობისათვის: მეფის მთავრობა ყირიმის კამპანიის დროს ომში დამარცხებით დასუსტებული და მემამულეთა წინააღმდეგ გლეხთა „ბუნტებით“ წეშინებული, იძულებული გახდა 1861 წელს ბატონყმობა გაეუქმებინა. ის პირობები, რომელთაც 1861 წლის რეფორმა გამოიწვიეს, მეტ-ნაკლები ძალით მოქმედებდნენ რუსეთის იმპერიის მთელ რიგ სხვა ოლქებში და განაპირა ნაციონალურ ქვეყნებშიც<sup>157</sup>.

1. საგლეხო რეფორმა, რუსეთის ცენტრალური გუბერნიების შემდეგ, ადრე თუ გვიან, საქართველოშიაც უნდა განხორციელდებინათ, რადგან ამას, ერთი მხრით, დაეინებით მოითხოვდა მეტროპოლიის მეფაბრიკე-მექარხნეებისა და მემამულეთა ინტერესები, ხოლო მეორე მხრით, ამისათვის ნიადაგი ასე თუ ისე მომზადებული იყო თვით საქართველოს ეკონომიური განვითარებითაც. ასე, საქართველოში რეფორმის წინ საკმაოდ დიდი ადგილი ჰქონდა აღებ-მიცემობასა და ვაჭრობას, ქალაქისა და საქალაქო ცხოვრების ზრდას, ნატურალური მეურნეობის დაშლასა და ამ მეურნეობის კაპიტალიზაციის პროცესის განვითარებას. მოწინავე პროგრესული იდეების გავრცელებას<sup>158</sup>.

საქართველოს მოწინავე რაიონებში ახალი, ბურჟუაზიული ურთიერთობის განვითარებას, რომელიც გასული საუკუნის 50-იანი წლებიდან შესამჩნევი გახდა, ბუნებრივია, კიდევ უფრო მეტი გასაქანი ეძლევა იმის შემდეგ, რაც ბატონყმობა გაუქმებულ იქნა ქართლ-კახეთსა და იმერეთ-გურიაში. ამ ახალი ურთიერთობის შემდგომი გაშლა და გაფართოება საქართველოს დასახლებულ რაიონებში, ცხადია, აფხაზეთზედაც მოქმედებდა. მართალია, აფხაზეთი ეკონომიური განვითარების მხრივ ჩამორჩა საქართველოს ცენტრალურ რაიონებს,

157 ე. ა. მოროზოვეცი, 1861 წლის საგლეხო რეფორმა, თბილისი, 1938 წ., გვ. 140.

158 შ. ჩხეტია, საისტორიო მოამბე, №-4, თბილისი, 1948 წ., გვ. XLI.

მაგრამ, მიუხედავად ამისა, იმ გარდაუვალ პროცესს, რომლითაც მოცული იყო ფეოდალურ-ბატონყმური მეურნეობის სისტემა, მთლიანად ადრე თუ გვიან არ შეიძლებოდა არ ეჩინა თავი აქაც. მართლაც, ჩვენ ზემოთ უკვე დავინახეთ, რომ ფეოდალურ-ნატურალური მეურნეობა აფხაზეთშიც ირღვევოდა, რომ სასაქონლო წარმოება სულ უფრო და უფრო ვითარდებოდა და შესამჩნევი ხდებოდა საზოგადოებრივ ცხოვრებაში.

აფხაზეთში სასაქონლო წარმოებას ისეთ ისტორიულ ვითარებაში, როდესაც რუსეთსა და საქართველოს სხვა მხარეებში საგლეხო რეფორმა უკვე გატარებულიყო, არ შეეძლო არ მიეცა ერთგვარი ბიძგი ახალი ურთიერთობის განვითარებისათვის. თავისთავად ამ ახალი ურთიერთობის ელემენტების განვითარებას, რომელიც თანდათან აფხაზეთის საზოგადოებრივ ცხოვრებაში იჭრებოდა, ჯერ კიდევ არ შეეძლო ბატონყმობის ინსტიტუტის გაუქმება გამოეწვია. მაგრამ სწორედ ამ ახალი ურთიერთობის შემდგომი გაღრმავება-განვითარებისათვის, რაშიც თვით მეტროპოლიის ეკონომიკა იყო დაინტერესებული, რადგანაც ის მას გზას უკაფავდა ამ მხარის კოლონიალური ექსპლოატაციისათვის. — საჭირო იყო საგლეხო რეფორმის გატარება.

2. როგორც ცნობილია, რუსეთში გლეხთა „ბუნტებმა“ მთავრობა შეაშინა და ბატონყმობის გაუქმება დააჩქარებინა. საქართველოს სხვადასხვა სწრაფში, და მათ შორის აფხაზეთშიც, გლეხთა ანტიბატონყმურ მოძრაობას ისეთი ფართო, მასიური ხასიათი ჰქონდა, რომ მეფის მთავრობას არ შეეძლო მისთვის ანგარიში არ გაეწია, ე. ი. გლეხთა მოძრაობა აქაც ისეთ ნიაფრსა და საწიშ ხასიათს ღებულობდა, რომ ცარიზმმა მისი თავიდან აცილება საგლეხო რეფორმის გატარების დაჩქარებით გადაწყვიტა.

3. დასასრულ. საგლეხო რეფორმის გატარების საქმეში ყირიმის ომის მნიშვნელობაც უნდა მოვიხსენიოთ. როგორც საყოველთაოდ ცნობილია, „ყირიმის ომმა გამოამქლავნა ბატონყმური რუსეთის სიღამპლე და უძლეულება“<sup>159</sup>. ყირიმის ომის შედეგად შექმნილმა მდგომარეობამ იმპერატორი ალექსანდრე II აიძულა ეთქვა: „ყმათამფლობელობის არსებული წესი არ შეიძლება დარჩეს, უმჯობესია ბატონყმობა ზევიდან გაუქმდეს, ვინემ ველოდოთ იმ დროს. როდესაც იგი თავისთა-

ვალ გაიუქმებს თავს ქვევიდან<sup>160</sup>. ყირიმის ომის ეს მნიშვნელობა საგულისხმოა როგორც მთლიანად საქართველოსათვის, ისე მისი ერთ-ერთი მხარის — აფხაზეთისათვისაც. „თუ ყირიმის ომმა გამოავლინა საერთოდ ცარიზმის სიღამპლე, კავკასიის ფრონტზე გაშლილმა საომარმა მოქმედებებმა გამოაშქარავა, კერძოდ, კავკასიის ადმინისტრაციის სიღამპლეც, ომის შედეგებმა ცხადი გახადა, რომ საქართველოში ბევრი რამ რიგზე არ იყო და რომ, მაშასადამე, საჭირო იყო აქაც გარკვეული ცვლილებების გატარება“<sup>161</sup>. ყირიმის ომმა ცარიზმის ადგილობრივი ადმინისტრაციის სიღამპლესთან ერთად გამოავლინა აფხაზეთისა და სამეგრელოს ავტონომიური სამთავროების უვარგისობა და დრომოქმელობა. ადგილობრივმა საომარმა მოქმედებებმა კიდევ უფრო გაამწვავა ამ ორ სამთავროს სახლთა შორის არსებული მტრობა, რომელიც აბრკოლებდა თურქ-აგრესორების წინააღმდეგ ბრძოლის წარმატებით დამთავრებას. ომის შედეგად მთავრობისათვის ცხადი გახდა, რომ აფხაზეთისა და სამეგრელოს სამთავროთა ავტონომიის არსებობას მხოლოდ ზიანის მოტანა შეეძლო და რომ საჭირო და დროული იყო მათი ლიკვიდაცია. და, მართლაც, თიტქმის მაშინვე, ომის დამთავრების შემდეგ, ფაქტიურად ლიკვიდირებულ იქნა სამეგრელოს ავტონომია. სოლო მალე, მის შემდეგ, აფხაზეთის ავტონომიაც გაუქმდა. მაშასადამე, ყირიმის ომმა დააჩქარა აფხაზეთის სამთავროს ავტონომიის ლიკვიდაცია. ხოლო ამან კი, თავის მხრივ, ადგილობრივი საგლეხო რეფორმის გატარების დაჩქარება გამოიწვია.

ამგვარად, მეტროპოლიის ეკონომიური ინტერესები ამ მხარეში, საქართველოს წამყვან რაიონებში ფეოდალურ-ნატურალური მეურნეობის რღვევა და ბურჟუაზიული ურთიერთობის განვითარება, რომელიც თანდათანობით ითრევედა აფხაზეთს თავის ეკონომიურ-საზოგადოებრივ ცხოვრებაში და გლეხთა შეუპოვარი „ბუნტები“, მიმართული ბატონყმობის წინააღმდეგ — აი, ის ფაქტორები, რომლებმაც დღის წესრიგში დააყენეს საგლეხო რეფორმის გატარება აფხაზეთში.

160 სსრკ ისტორია, პანკრატრვას რედაქციით. ნაწ. II, თბილისი, 1947 წ., გვ. 318.

161 შ. ჩხეტია, საისტორიო მოამბე, №-4, თბილისი, 1947 წ., გვ. XLIV.

## თავი მეორე

### საზღვანო რეფორმის მომზადება პლანეტში

#### 1. „სოხუმის წოდებრივ-საადგილმამულო კომისიის“ შექმნა და მისი მუშაობის შედეგები

1964 წელს, მას შემდეგ, რაც აფხაზეთის მთავარი მიხეილ შარვაშიძე გადაყენებულ იქნა, ხოლო აფხაზეთის ავტონომიური სამთავრო ლიკვიდირებული, მეფის მთავრობამ აფხაზეთ-ქუთაისის გუბერნიაში შემავალ „სოხუმია სამხედრო განყოფილებად“ გამოაცხადა. სადაც შემოღებულ იქნა ე. წ. „სამხედრო-სახალხო მმართველობა“. მმართველობის ასეთი სახელწოდების შემოღების მიზანი იყო შენიღბვა იმ სამხედრო დიქტატურისა, რომელიც დამყარებულ იქნა აქ მაშინვე სამთავროს ავტონომიის ლიკვიდაციის შემდეგ. მთავრობა ძალიან ფრთხილობდა, რომ რუსული სამხედრო მმართველობის შენობებს ადგილობრივ მცხოვრებთა შორის უქმყოფილება არ გამოეწვივებინათ მან გადაწყვიტა მისთვის „ხალხური“ ელფერით შელამაზებული, გარეგნული მოჩვენებითი სახე მიეცა, რათა ამით ისეთი შთაბეჭდილება შეექმნა, რომ თითქოსდა რუსულ სამხედრო მმართველობას აფხაზეთში საქმის წარმართვა „ადგილობრივი წესებისა“ და „ხალხის ჩვეულებების“ მიხედვით სურდა. სინამდვილეში, რა თქმა უნდა, არაერთარ ამის მსგავსს არ ჰქონია ადგილი. „სოხუმის სამხედრო განყოფილება“-ში, ყოველგვარ შესაძლებელ გარეშე, მბრძანებლობდნენ მეფის ოფიცრები და ჩინოვნიკები, რომლებიც სრულიად არ იცნობდნენ „ხალხის ჩვეულებებს“ და რომლებსაც არც უნარი და არც სურვილი ჰქონდათ გაცნობოდნენ ადგილობრივ პირობებს, და, თავდაპირველად, მაინც ხალხში განმტკიცებული ადათ-წესების მიხედვით ემართათ მხარე.

აფხაზეთის ავტონომიური სამთავროს ლიკვიდაცია და

რუსული მმართველობის შემოღება აღმოსავლეთ საქართველოში საგლეხო რეფორმის გატარებას დაემთხვა. აღმოსავლეთ საქართველოს შემდეგ დასავლეთ საქართველოს ჩერიც დადგა. როგორც ცნობილია, საგლეხო რეფორმა იმერეთსა და გურიაში 1865 წელს იქნა გატარებული, ხოლო სამეგრელოში — 1866 წელს. ამის შემდეგ მთავრობის მოქმედების დღის წესრიგში ადგილი დაიკავა ამავე საკითხის გადაწყვეტამ აფხაზეთში.

სამხალისი საგლეხო რეფორმის გასატარებლად აფხაზეთში რუსული მმართველობის შემოღებისთანავე დაიწყო. ჯერ კიდევ 1865 წლის 28 თებერვალს კავკასიის არმიის მთავარი შტაბის უფროსმა ქუთაისის გენერალ-გუბერნატორს ცნობები მოსთხოვა აფხაზეთში არსებული წოდებრივი და საადგილმამულო ურთიერთობის შესახებ<sup>1</sup>. 1865 წლის 26 მარტს ასეთივე ცნობები მოსთხოვა კავკასიის არმიის მთავარმა შტაბმა სახელმწიფო ქონებათა დეპარტამენტის დირექტორს სამურზაყანოსა და წებელდის შესახებ. რადგან ეს ორი ოლქი, მანამდე, ე. ი. სამთავროს ავტონომიის გაუქმებამდე, სამოქალაქო უწყებებაში შედიოდა<sup>2</sup>. 1865 წლის 25 აპრილს სახელმწიფო ქონებათა დეპარტამენტიდან მიღებულ იქნა ცნობა, რომ მოთხოვნილი მონაცემები იქ არ გააჩნიათ<sup>3</sup>. 1865 წლის 10 მაისს ქუთაისის გენერალ-გუბერნატორს დამატებით მიეცა წინადადება რომ მას დაეჩქარებინა საჭირო ცნობათა მიწოდება<sup>4</sup>. 1865 წლის მარტში კავკასიის არმიის მთავარსარდალმა განკარგულება მისცა ქუთაისის გენერალ-გუბერნატორს, ერთი ოლქიდან მეორე ოლქში დამოკიდებულ პირთა გასხვისების აკრძალვისა და გაყიდვის აქტების საოლქო სასამართლოების მიერ დამოწმების შესახებ<sup>5</sup>.

პოლკოვნიკი კონიარჩი 1865 წლის 22 ნოემბერის პატაკში ქუთაისის გენერალ-გუბერნატორ კარცოვის სახელზე წერდა, რომ ჩამდინარე წლის დასაწყისში ოლქების უფროსებმა სახალხა აღწერა ჩატარეს და აფხაზეთის კამერალური აღწერის სტატისტიკა შეადგინესო. ამ აღწერაში ბევრ არა სიზუსტესა და შეცდომებს ჰქონია ადგილი. რაც გამოვლინებულია აფხაზეთის ყოფილი მთავრის ქონების გამომრკვევი კომისიის მუ-

<sup>1</sup> საქ. ცსა. ფონდი 416. საქმე 399, ფურც. 1.  
<sup>2</sup> იქვე.  
<sup>3</sup> იქვე.  
<sup>4</sup> იქვე.  
<sup>5</sup> იქვე.

შაობის შედეგად<sup>7</sup>. კონიარს შეცდომათა თავიდან აააცილებლად საჭიროდ მიაჩნია ხელახლა იქნეს მოგროვილი დაწერილებითი ცნობები წოდებათა ურთიერთობის შესახებ. მაგრამ აქვე დასძინს. რომ ეს საქმე დიდ დროსა და ენერჯიას მოითხოვს და, მაშასადამე, ამისათვის საჭირო იქნება სპეციალური კომისიის გამოყოფა<sup>7</sup>.

1865 წლის 23 დეკემბერს სოხუმის სამხედრო განყოფილების უფროსმა პოლკოვნიკმა კონიარმა ქუთაისის გენერალ-გუბერნატორის სამხედრო სამმართველოში წარადგინა ოლქების უფროსების მიერ შედგენილი პასუხი კავკასიის არმიის მთავარი შტაბის კითხვებზე<sup>8</sup> თავისი პირადი შენიშვნებით, რომლებშიც იგი წერდა, რომ ეს პასუხები შეიძლება ჩაითვალოს სრულად და ზუსტად, მაგრამ არ გამოდგება საფუძვლად გლებთა საკითხის გადასაწყვეტად, რომ დამოკიდებულ წოდებათა ვალდებულება-გადასახადები საფასურია არა მიწის სარგებლობისათვის, არამედ მფარველობისა და დაცვისათვის<sup>9</sup>.

ცოტა უფრო გვიან იგივე კონიარი ქუთაისის გენერალ-გუბერნატორს უგზავნის თავის ბარათს აფხაზეთში არსებული წოდებრივი და საადგილმამულო ურთიერთობის შესახებ. თავისი მხრით გენერალ-გუბერნატორი სვიატოპოლკ-მირსკი 1866 წლის 28 იანვარს ამ ბარათს თავისი შენიშვნებით უგზავნის მთავარსარდლის თანაშემწეს თბილისში<sup>10</sup>.

აქ ჩვენ საჭიროდ მიგვაჩნია მოკლედ შევჩერდეთ კონიარსა და სვიატოპოლკ-მირსკის შეხედულებათზე აფხაზეთში წოდებრივ-საადგილმამულო ურთიერთობათა და წოდებრივი და მიწათმოწყობის საკითხების პრაქტიკულად გადაწყვეტა-განხორციელების შესახებ. თანაც არანაკლებ საინტერესო იქნება

<sup>6</sup> 1864 წელს აფხაზეთის სამთავროს ლიკვიდაციის შემდეგ მთავრობამ შეადგინა მიხეილ შარვაშიძის ქონების აღსაწერად კომისია გენერალ პონსეს თავმჯდომარეობით, რომელიც მუშაობდა აფხაზეთში 1864-1865 წლებში.

<sup>7</sup> საქ. ცსსა. ფონდი 545, საქმე 1809. ფურც. 1-6.

<sup>8</sup> ეს კითხვები იყო: „... 1-დამოკიდებულ წოდებათა როგორი სახეები არსებობენ აფხაზეთსა, სამურზაყანოსა და წებელდაში; 2 — ამ წოდებათა უფლებების შესახებ იმ მიწაზე, რომელსაც ისინი ამუშავენ; 3 — ფულადი და ნატურალური გადასახადების რაოდენობა და სახეები; 4 — მიწაზე საშუალო ფასის რაოდენობის შესახებ; 5 — გამოსასყიდი თანხისა და არათავისუფალ წოდებათა პირების გასასყიდ საშუალო ფასების რაოდენობის შესახებ; 6 — დამოკიდებულ წოდებათა პირების განოავისუფლების ხვეულებათა შესახებ; 7 — მათი რაოდენობის შესახებ; 8 — მათი კუთვნილი საკუთრების შესახებ“ (საქ. ცსსა, ფონდი 416, საქმე 309, ფურც. 1.

<sup>9</sup> იქვე, ფურც. 2.

<sup>10</sup> იქვე, ფონდი 545, საქმე 180. ფურც. 41.

კავკასიის მთელთა სამმართველოს დასკვნები ამავე სა-  
კითხებზე.

პოლკოვნიკი კონიარი თავის ჩანაწერში, ეხება რა აფხა-  
ზეთის საადგილმამულო ურთიერთობის საკითხს, შემდეგ  
დასკვნას აკეთებს: „წმინდა იურადული თვალსაზრისით.  
აფხაზეთში არსებითად არავინ შეიძლება ცნობილ იქნას მიწის  
მესაკუთრედ; მთელი მიწა-წყალი შეადგენს სახელმწიფო საკუ-  
თრებას. რომელსაც შეუძლია იგი იქონიოს თავის სრულ გან-  
კარგულებაში და გამოიყენოს სურვილისამებრ. მაგრამ, თუ  
ჩვენ მოვისურვებთ ანუ საფუძველზე საადგილმამულო სა-  
კითხის გადაქრას, მაშინ, უეჭველია, გამოვიწვევდით საერთო  
აღმჯობობას, თავის თავზე ავიღებდით ბრალდებას მიკერძოე-  
ბის, უსამართლოებისა და ჩაგვრის განზრახვაში“<sup>11</sup>.

თანახმად ამ შეხედულებისა, — აგრძელებს კონიარი, —  
წოდებრივი და საადგილმამულო საკითხი შემდეგი ვარაუდით  
უნდა გადაწყდეს: მთელი მიწა, რომლითაც დამოკიდებული  
წოდება სარგებლობდა ამ დებულების გამოცხადების დროს,  
მათ საკუთრებაში რჩება ყოველგვარი გამოსასყიდის გარეშე.  
დანარჩენი მიწა კი — იმ გვარის პირად საკუთრებაში გადა-  
დის, რომლის მფარველობის ქვეშ იმყოფებოდა მთელი თემი.

ტყე მხოლოდ მიწათმფლობელის საკუთრებას წარმოად-  
გენს, მაგრამ ისინი მოვალენი არიან უფლება მისცენ თავის  
ყოფილ ხელქვეითებს, ისარგებლონ ტყით ოჯახის საპიროე-  
ბისათვის.

აქამდე სრსებული ურთიერთობა ხელქვეითებსა და პატ-  
რონებს შორის უქმდება. რისთვისაც ეს უკანასკნელნი  
გამოსასყიდს ღებულობენ წლიური ბეგაზა-ვალდებულებ-  
ათა ღირებულების 6 პროცენტიდან კაპიტალიზაციის  
გზით მიღებული თანხის რაოდენობით. ამ თანხას ერთბა-  
შად იხდის ხაზინა. ხოლო მას 49 წლის მანძილზე ფარავენ  
გლებები ამ თანხის გარკვეული ნაწილის ყოველწლიური შე-  
ტანით<sup>12</sup>.

პოლკოვნიკ კონიარის ამ დასკვნას სვიატოპოლკ-მირსკი  
შენიშვნებს უკეთებს. იგი არ ეთანხმება კონიარს იმაში, რომ  
თითქოს აფხაზეთში არ არსებობდა საკუთრება მიწაზე. მისი  
აზრათ, მიწა ეკუთვნოდა ან ყოფილ მთავარს, ან უმაღლესი  
წოდების გვარეულობას. მაგრამ მირსკი აქვე აღნიშნავს, რომ  
კონიარსა და მის შეხედულებათა შორის სხვაობა ეხება მხო-

11 საქ. ცსსა. ფონდი 545. საქმე 180. ფურც. 15-23.

12 იქვე.

ლოდ ამ საკითხის თეორიულ მხარეს, კერძოდ სოხუმის განყოფილებაში საადგილმამულო უფლების წარმოშობის ისტორიას და არა საკითხის გადაწყვეტის პრაქტიკულ მხარეს, რაზეც იგი სავსებით ეთანხმება პოლკოვნიკ კონიარის ზემოხსენებულ აზრს.

კონიარის ეს აზრი მირსკის შენიშვნებით განხილულ იქნა კავკასიის მთიელთა სამმართველოში. სამმართველო არ დაეთანხმა კონიარსა და მირსკის იმ აზრს, რომ აფხაზეთში არსებული წოდებრივი და საადგილმამულო ურთიერთობის საკითხის გადაწყვეტისას ეკონომიურად პირველ რიგში უზარუნველყოფილი უნდა იქნეს აუცილებლად უმადლესი წოდება, ე. ი. მთელი მიწის ფართობი უნდა იქნეს ცნობილი ამ წოდების საკუთრებად. გარდა დამოკიდებული წოდების მოხმარებაში მყოფი მიწის ნაკვეთებისა. სამმართველო აღგენს სახელმძღვანელო მითითებებს კომისიისათვის, რომელიც უნდა გაიგზავნოს სოხუმის განყოფილებაში წოდებრივი და საადგილმამულო საკითხის დეტალურად შესწავლისათვის. ჩვენ ცალკეული ცნობებიდან, — ნათქვამია ამ მითითებებში, — ვიცით რომ აფხაზეთში თუმცა ბევრი აცხადებს პრეტენზიას თავდაზნაურობაზე, მაგრამ სინამდვილეში არისტოკრატია იმ გაგებით, როგორც ეს იყო რუსეთში, აქ არ არსებობს. მათ ასეთ განცხადებას 20 ან 30 წლის წინათ შეიძლება რაიმე გამართლება ჰქონდა ადმინისტრაციული თვალსაზრისით, მაგრამ ანუამად მას არავითარი ფასი არ აქვს<sup>13</sup>.

„ახლა. — ნათქვამია იმავე საბუთში, — ჩვენს წინაშე დგას სხვა ამოცანა; უკვე თავისუფალი ვართ უწინდელი მცდარი ადმინისტრაციული შეხედულებებისაგან; არაა საჭირო ლაქუცი იმ პირობა წინაშე, რომლებიც თავიანთ თავს აკუთვნებენ უმადლეს წოდებას და ამით ხაზს უსვამენ თავიანთ გავლენას ხალხზე; რუსული ბატონობა იმდენად მტკიცეა, რომ ასეთი ზომების მიღების გარეშეც შეიძლება უკუვავლოთ ჩვენს მიერვე შექმნილი არისტოკრატის უსაფუძვლო პრეტენზია“<sup>14</sup>.

ასეთი განცხადების აზრი სრულიად გასაგებია: ცარიზმის ბატონობა აფხაზეთში ახლა იმდენად მტკიცეა, რომ არავითარ საჭიროებას არ წარმოადგენს ლაქუცი ფეოდალების წინაშე. რამდენადაც ნაკლები რაოდენობით იქნება კომისიის მიერ თავადაზნაურობის რიცხვი ცნობილი, მით უფრო მეტი მიწა-წყალი დარჩება ხაზინას თავის განკარგულებაში.

13 საქ. ცსსა, ფონდი 545, საქმე 180, ფურც. 41-90.

14 იქვე.



მეორე დოკუმენტში კიდევ უფრო გარკვევით არის ნათქვამი ამ საკითხის შესახებ: მიწათსარგებლობისა და წოდებათა ურთიერთობის წესი, რომელსაც ადგილი აქვს აფხაზეთში, უძველესი დროიდან არსებობს. იყო ისეთი სამხედრო შეტაკებათა მოუსვენარი ხანა, როდესაც ცალკეული ტომები, ცალკეული ჯგუფები და პირები ძლიერ მფარველს ეძებდნენ. მფარველის როლში ხშირად გამოდიოდნენ ცალკეული თემები, გვარები და ზოგჯერ ცალკეული პირებიც. ისინი თავისი ფიცია ქვეშ ღებულობდნენ მფარველობის მაძებრათ, ხოლო უკანასკნელნი კი დამოკიდებულნი ხდებოდნენ. მიწით სარგებლობა თავიაუფალი იყო. ასეთი იყო ხალხის ძველი ჩვეულება, საუკუნეებით განმტკიცებული, რომელიც ყოველგვარი ახალი გაგების გავრცელებას მიწის საკუთრებაზე ხელს უშლიდაო<sup>15</sup>.

„ახლა დადგა დრო, — ნათქვამია იქვე, — ვასწავლოთ მას შეხედოს ამ საგანს ისე, როგორც ეს საჭიროა. ამასთანავე მთავრობამ ხელიდან არ უნდა გაუშვას ის უპირატესობა და სარფიანობა, რაც მას ეძლევა ამ მხარეში საადგილმამულო საკითხის სამართლიან გადაჭრასთან დაკავშირებით (ხაზგასმა ჩემია. — ლ. d.).

შეცვალა რა ის ფიცი, რომელიც შეადგენდა უშიშროების უზრუნველყოფას, მთავრობას შეუძლია სრული სამართლიანობით განაცხადოს, რომ მიწა ეკუთვნის მას ისევე, როგორც ამ უზრუნველყოფის სხვა წარმომადგენელს“<sup>16</sup>.

ამაზე უფრო გარკვევით ლაპარაკი საჭირო არ იყო. აქ ჩვენ აშკარა ტენდენციურობასთან გვაქვს საქმე. მფეის ადგილობრივ მთავრობას სურდა პირველ ხანებში აფხაზეთში საგლესო რეფორმა ისე გაეტარებინა, რომ მიწა მთლიანად მის განკარგულებაში დარჩენილიყო, რათა ამით შეერყია პოლიტიკური მნიშვნელობა აფხაზეთის ფეოდალების იმ ნაწილისა. რომელიც ცარიზმს სხვადასხვა მიზეზების გამო ოპოზიციაში ედგა. ამ მიზნის განხორციელებისათვის მთავრობას ესაჭიროებოდა ხელთ ჰქონოდა, ფორმალურად მაინც, გასამართლებელი საბუთი. აი, სწორედ ეს ფორმალური მხარე უნდა მოეგვარებინა კომისიას, რომელიც აფხაზეთში იგზავნებოდა წოდებრივ და საადგილმამულო საკითხების შესასწავლად. კავკასიის მთიელთა სამმართველოს ვარაუდით, კომისიას ადგილზე უნდა შეეგროვებინა მასალები, რომლებიც დაამტკიცებდნენ,

<sup>15</sup> საქ. ცსსა, ფონდი 416. საქმე 1033, ფურც. 3-4.

<sup>16</sup> იქვე.

რომ აფხაზეთში არავითარი ფეოდალურ-ბატონყმურ ურთიერთობას არ ჰქონდა ადგილი, რომ ბატონი და ყმა. ჩვეულებრივი გაგებით, იქ არ ყოფილან, რომ იქ იყვნენ მხოლოდ მფარველი და თავშეფარებული და რომ მათ შორის არსებული ურთიერთობა მთლიანად ნებაყოფლობითი ხელშეკრულების საფუძველზე იყო დამყარებული. ამიტომ თავშეფარებულ გლეხს უფლება ჰქონდა, საჭირო შემთხვევაში დაეტოვებინა თავისი მფარველი და სხვაგან გადასვლიყო. თანახმად ხალხში გაბატონებული ადათ-ჩვეულებისა, გლეხის ნებასურვილს მფარველი წინ ვერ აღუდგებოდა. მიწაზე კერძო საკუთრება არ არსებობდა. კერძო პირთ უფლება ჰქონდათ მხოლოდ მიწის იმ ნაკვეთზე, რომელზედაც მათი შრომა იყო გაწეული. დაუმუშავებელი მიწა არ ეკუთვნოდა არავის. ახდა ეკუთვნოდა მთელ საზოგადოებას. ან სახელმწიფოს.

ცხადია, რომ ასეთი მითითებების შემდეგ კომისიას ობიექტურად არ შეეძლო შეესწავლა ბატონყმური ურთიერთობის საკითხი აფხაზეთში. ამიტომაც, რომ კომისიის მიერ შედგენილ ცნობებში, მასალებსა და დასკვნებში თავიდან ბოლომდე ასე ამკარად გამოსკვივის ტენდენციურობა. სწორედ ამიტომ გეჰქირდება სიფრთხილე და კრიტიკული განხილვა კომისიის მიერ შედგენილი დასკვნებისა. 1866 წელს მეფისნაცვლის განკარგულებით გამოიყო განსაკუთრებული კომიტეტი, მთავარსარდლის თანაშემწის, გენერალ-ადიუტანტის კარცოვის პეტაურობით. რომელსაც ევალებოდა კავკასიის მთიელ ტომთა წოდებრივი ურთიერთობის შესწავლა დამოკიდებულ წოდებთა განთავისუფლების პირობების შესამუშავებლად<sup>17</sup>.

ამ კომიტეტის პირველი სხდომა 1866 წლის 4 ივნისს შედგა, სადაც განხილულ იქნა სხვადასხვა დროს შეგროვილი ცნობები სოხუმის განყოფილების დამოკიდებულ წოდებათა შესახებ. გლეხთა საკითხის გადასაწყვეტად კომიტეტმა საჭიროდ მიიჩნია დამატებითი ცნობების შეგროვება და მისი სისრულეში მოყვანა კავკასიის მთიელთა სამმართველოს დაავალა. კომიტეტის ამ დავალების შესასრულებლად სამმართველომ გადაწყვიტა გამოეყო სპეციალური კომისია სამი წევრის შემადგენლობით. კომისიის წევრებად დანიშნულ იქნენ ტიტულიარნი სოვეტნიკი ჩერეპოვი, რომელიც 1864-1865 წლებში მონაწილეობას ღებულობდა გენერალ პონსეს კომისიაში. მაიორი თავადი ბარათოვი და მაიორი მომბელი, მაგრამ ამ

17 საქ. ცსსა. ფონდი 545, საქმე 1012, ფურც. 5, საქმე 399, ფურც 2-3.

ჟენასკნელის ავადმყოფობის გამო, მის მაგივრად კაპიტან-ლეიტენანტი კარგახოვი დაინიშნა<sup>18</sup>.

1866 წლის 28 ივნისს ტიტულიარნი სოვეტნიკ ჩერეპოვს კავკასიის მთიელთა სამმართველომ დაწვრილებითი ინსტრუქცია მისცა. თუ როგორი წესით უნდა ყოფილიყო შეგროვილი მასალები და რა საკითხებისათვის უნდა მიექციათ ყურადღება დაპოკიდებულ წოდებათა და მათ მფლობელთა შორის არსებული ურთიერთობის გამოსარკვევად. ასეთივე ინსტრუქცია მიიღეს მაიორმა ბარათოვმა 1866 წლის 30 ივნისს და კარაგანოვმა ამავე წლის 12 ივლისს.

ინსტრუქციაში. რომელიც გადაეცა ჩერეპოვს, როგორც უკვე აღვნიშნეთ, მითითებული იყო, თუ როგორი წესით უნდა ყოფილიყო შეგროვილი ცნობები. იქ ნათქვამი იყო, რომ ყველა ააქირო ცნობა, თითოეული თემის შესახებ უნდა შეგროვდეს ცალ-ცალკე. მოსახლეობის პირადი დაკითხვით. პირადად დაკითხულ უნდა იქნენ როგორც მემამულეები. ისე დამოკიდებული წოდების წარმომადგენლები. მოსახლეობის დაკითხვა უნდა მოხდეს ოლქის უფროსის, ან ოლქის სამმართველოს წევრის, ოლქის ორი მოსამართლისა და თემის მამასახლისის თანდასწრებით. მცხოვრებთა დაკითხვის დროს, რათა არ მოხდეს გაუგებრობა და უთანხმოება დამოკიდებულ წოდებასა და მის მფლობელთა შორის და, ამასთანავე ერთად, არ იქნეს დამოკიდებულ პირთა რიცხვი და მათი გადასახადების რაოდენობა გადიდებულად ნაჩვენები, ვიდრე ეს სინამდვილეშია, — საჭიროა გამოცხადდეს, რომ დამოკიდებული წოდების გასათავისუფლებელ გამოსასყიდ თანხას გაიღებს არა მთავრობა, არამედ ის, ვინც დამოკიდებულებისაგან თავისუფლება.

„თქვენ დამოკიდებულ წოდებათა პირებს, — ნათქვამია იქვე, — უნდა აუხსნათ, რომ მთავრობა მხოლოდ იწყებს მათი პირადი დამოკიდებულებისაგან განთავისუფლების შესახებ საკითხის გადაწყვეტას, მაგრამ ჯერ არ გაუთავისუფლებია ისინი და ამიტომ მათ ევალებათ საკითხის გადაწყვეტამდე დარჩნენ იმ ურთიერთობაში, როგორშიც წინათ იყვნენ, სოლო თავიანთ ვალდებულებათა დარღვევის შემთხვევაში გადაიხდიან იმაზე მეტს, ვიდრე მანამდე იხდიდნენ“<sup>19</sup>.

— ტიტულიარნი სოვეტნიკი ჩერეპოვი მთიელთა სამმართველომ პირდაპირ ბზიფის ოლქში მიაგვლინა, რადგან იგი იქაური

<sup>18</sup> საქ. ცსსა. ფონდი 545. საქმე 1012. ფურც. 3-4.

<sup>19</sup> იქვე. საქმე 1012. ფურც. 6-7.

პირობებს ნაწილობრივ უკვე გაცნობილიყო ჯერ კიდევ გენერალ პონსეს კომისიის ოქმობის დროს. ბზიფის ოლქში მუშაობის დამთავრების შემდეგ ჩერებოვი სოხუმის ოლქის შესწავლას უნდა შესდგომოდა<sup>20</sup>.

ჩინოვნიკი ჩერებოვი და მაიორი ბარათოვი სოხუმში 1866 წლის 10 ივლისს ჩავიდნენ. აქედან მოვალეობის შესასრულებლად ისინი ცალ-ცალკე გაემგზავრნენ: პირველი — ბზიფის ოლქში, ხოლო მეორე — სოხუმის ოლქში. კაპიტან-ლეიტენანტი კარგანოვი ცნობათა შესაგროვებლად წებელდაში გაემგზავრა<sup>21</sup>.

ამრიგად, კომისიის წევრები სხვადასხვა ოლქებში ცალ-ცალკე მუშაობდნენ ადგილობრივი საოლქო ადმინისტრაციის დახმარებით; მათთვის საერთო ხელმძღვანელობის გაწევა სოხუმის სამხედრო განყოფილების უფროსს პოლკოვნიკ კონიარს ჰქონდა დავალებული.

რადგანაც მთავრობას ეჩქარებოდა საგლეხო საკითხის მოგვარება აფხაზეთში, ამიტომ მან კომისიის წევრებს მტკიცედ განსაზღვრული დრო მისცა, რომლის განმავლობაში აუცილებლად უნდა დამთავრებულიყო ადგილზე მუშაობა. კომისიას მიეცა სამი თვის ვადა (ივლისი, აგვისტო, სექტემბერი). სექტემბრის ბოლოს მას სავსებით უნდა დაემთავრებინა საკითხის შესწავლა და ყველა შეგროვილი მასალა თავისი დასკვნებით წარედგინა მთიელთა სამმართველოში. ასეთი იყო მთავრობის სურვილი. მაგრამ აფხაზეთში ზემოაღნიშნული კომისიის მუშაობის დროს საქმის ვითარება ისე დატრიალდა, რომ ამ სურვილის სისრულეში მომყვანი კომისია გლეხთა აჯანყების აბოზოქრებულმა ტალღამ წალეკა სამუშაოთა დასამთავრებლად დანიშნულ ვადაზე გაცილებით უფრო ადრე.

კომისიის ერთი წევრი მოხელე ჩერებოვი 1866 წლის გლეხთა აჯანყების პირველი მსხვერპლთაგანი იყო. იგი მოკლულ იქნა აჯანყებულთა მიერ ლიხნში 26 ივლისს. კომისიის მეორე წევრს მაიორ ბარათოვს კი შემდეგი ბედი სწვევია: მაიორი ბარათოვი, როგორც კავკასიის მთიელთა სამმართველოსადმი 29 ივლისს გაგზავნილ პატაჟში წერს, 27 ივლისს გარიჟრაჟზე სოფ. აძიუბუჟაში ლეხულობს ცნობას ლიხნის კატასტროფის შესახებ და დაუყოვნებლივ მიემგზავრება სოხუმის ოლქის უფროსთან ერთად ქ. სოხუმში, სადაც ისინი ამავე

20 საქ. ცსსა, ფონდი 545, საქმე 1012, ფურც. 5-8.

21 იქვე, ფურც. 8.

22 იქვე, ფურც. 9.

დღის 11 საათზე ჩასულან. სოხუმი ამ დროს უკვე სააღყო  
მდგომარეობაში ყოფილა. „ამ დროიდან, — წერს ამავე პატაჯ-  
ში მაიორი ბარათოვი, — ჩემი მუშაობა შეწყვეტილია და არ  
ვიცი როდის იქნება შესაძლებელი მისი გაგრძელება“<sup>22</sup>. მაგ-  
რამ მის მიერ დაწყებული საქმის გაგრძელება წილად არ რგე-  
ბია ბარათოვს; იგი, როგორც წყაროებიდან ჩანს, 1866 წლის  
31 აგვისტოს გარდაცვლილა კავკასიის სახაზო №34 ბატალიო-  
ნის ლაზარეთში<sup>23</sup>.

კაპიტან-ლეიტენანტი კარგანოვი 26 ივლისს გაგზავნილ  
პატაჯში სწერდა, რომ მან წებელდაძი მუშაობა შესწყვიტა ბზი-  
ფის ოლქის „უწესრიგობასთან“ დაკავშირებით<sup>24</sup>

ამრიგად, კომისიის მუშაობა, რომლის შემადგენლობაში  
შედიოდნენ ჩერეპოვი, ბარათოვი და კარგანოვი, ჩაშალა  
1866 წლის გლეხთა აჯანყებამ. კომისიის სამი წევრიდან მხო-  
ლოდ ერთი (კარგანოვი) გადარჩა ცოცხალი.

მართალია, ამ კომისიის მუშაობა ჩაიშალა, მაგრამ მისი  
წევრების ნამუშევარი უკვალოდ არ დაკარგულა. კერძოდ,  
არქივში ხელნაწერის სახით შემორჩენილა ჩინოვნიკ ჩერეპო-  
ვის საკმაოდ მონრდილი სტატია სათაურით: „მოკლე შენიშე-  
ნები აფხაზეთის ბზიფის ოლქის მცხოვრებთა წოდებრივი  
ურთიერთდამოკიდებულების შესახებ“<sup>25</sup>.

ასევე შემორჩენილა კარგანოვის მიერ შედგენილი „ცნო-  
ბები წებელდის მცხოვრებთა ურთიერთდამოკიდებულების  
შესახებ“<sup>26</sup>. 1866 წლის გლეხთა აჯანყებამ აფხაზეთში მხო-  
ლოდ დროებით ჩაშალა ადგილობრივი ადმინისტრაციის მიერ  
რეფორმის გატარებისათვის სამზადისი. აჯანყების ჩაქრო-  
ბისთანავე, სახელდობრ, 1866 წლის 9 სექტემბერს ქუთაისის  
გენერალ-გუბერნატორმა სვიატოპოლკ-მირსკიმ სოხუმის  
სამხედრო განყოფილების უფროსისადმი გაგზავნილ მიწე-  
რილობაში ისევ აღძრა აფხაზეთში საგლეხო რეფორმის მო-  
ზნადების საკითხი. აი რას წერდა მაშინ მირსკი:

23 იქვე, ფურც. 12; წყაროებიდან არ ჩანს ბარათოვის სიკვდილის  
მიზეზები, თედო სახოკიას კი ჰგონია, რომ ბარათოვი ლიხნშია დაღუპუ-  
ლი (იხ. თედო სახოკია, მოგზაურობანი, თბილისი, 1950 წ., გვ. 310).  
ჩინოვთის მისაწვდომი საბუთები გამორიცხავს ასეთ რამეს, რადგან ბარა-  
თოვი, როგორც ამას თვითონ წერს, 10 ივლისიდან 27 ივლისამდე განუწყ-  
ვეტლივ იმყოფებოდა მდ. კოდორის მარცხენა ნაპირზე (საქ. ცსსა, ფონდი  
416, საქმე 1012, ფურც 9.) და, მამასადაპე, მას არ შეეძლო 26 ივლისს,  
როდესაც დახოცეს კონიარი და მისი თანმხლებლები, ლიხნში ყოფილიყო.

24 იქვე.

25 იქვე, საქმე 1032, ფურც 10-18.

26 იქვე, საქმე 1012, ფურც. 18-20.

„დამოკიდებულ წოდებათა მომავალი განთავისუფლება აქაურ მხარეში შეადგენს უმთავრეს ამოცანას; ამ საკითხზე ცნობათა შეგროვება და ჩვენების მიცემა გახდა საბაბი, ან მიზეზი აჯანყებისათვის. ყოველმხრივ საჭიროა ეს საქმე გაგრძელდეს, მაგრამ ისეთი წესითა და საშუალებით, რომლებიც საუკეთესოდ იქნება აღიარებული. ამიტომ გთხოვთ, თქვენო აღმატებულებავ, რაც შეიძლება ჩქარა წარმომიდგინოთ თქვენი მოსაზრება ამ საგანზე, სახელდობრ, რა ცვლილებების შეტანა მიგაჩნიათ საჭიროდ ცნობათა შეგროვების იმ ინსტრუქციასში, რომელიც გადასცა მთიელთა სამმართველომ მივლინებულ მოხელეს (იგულისხმება ჩერეპოვი. — ლ. ძ.)“<sup>27</sup>.

1866 წლის 12 ოქტომბერს მთავარი სამმართველოს უფროსმა წერილობით აცნობა ქუთაისის გენერალ-გუბერნატორს, რომ მეფისნაცვალს სურს აღადგინოს ცნობათა შეკრება, რაც შეწყვეტილ იქნა აფხაზეთში ამბოხების გამო და ითხოვდა მისგან რჩევას, თუ როგორ შეიძლებოდა დაწყებული საქმის აუცილებლად გაგრძელება, რადგან ცნობათა შეკრების შეჩერებამ აფხაზეთში შეიძლება მავნე ზეგავლენა იქონიოს დაღესტნისა და თერგის ოლქებშიც მსგავსი საქმის მოგვარებაზეო<sup>28</sup>.

✓ ამის საპასუხოდ ქუთაისის გენერალ-გუბერნატორი მირსკი ამავე წლის 27 ოქტომბერს უგზავნის კავკასიის მთიელთა სამმართველოს უფროსს წერილს, რომელშიაც იგი გამოსთქვამს თავის აზრს ამ საქმეზე. მისი აზრით, ადგილობრივ მცხოვრებთა პირადი და საადგილმამულო უფლებათა შესახებ ცნობების უკეთ მოსაგროვებლად განსაკუთრებული კომისიის შექმნა იყო საჭირო<sup>29</sup>.

✓ 1866 წლის 3 დეკემბერს კავკასიის მთიელთა სამმართველოს უფროსმა აცნობა ქუთაისის გენერალ-გუბერნატორს, რომ გადაწყვეტილია შეიქმნას „სოხუმის წოდებრივ-საადგილმამულო კომისია“. ამავე წლის ბოლოს სამმართველომ შეადგინა კომისიის მოქმედების პროგრამა და მისი საშტატო პროექტი<sup>30</sup>.

— 1867 წლის 23 აპრილს კავკასიის არმიის მთავარსარდალმა დაამტკიცა სოხუმის წოდებრივ-საადგილმამულო კომისიის შტატი და დროებითი დებულება<sup>31</sup>, რის შესახებაც აცნობა

27 საქ. ცსსა, ფონდი 545, საქმე 2784, ფურც. 132-134.

28 იქვე, ფონდი 416, საქმე 399, ფურც. 5.

29 იქვე.

30 იქვე, ფურც. 6.

31 იქვე, ფონდი 231, საქმე 109, ფურც. 2.

პეტერბურგს. რომ ამაზე საბოლოო დასტური მიეღო. იმპერატორმა ალექსანდრე II-მ, კავკასიის მეფისნაცვლის განკარგულება სოხუმის წოდებრივ-საადგილმამულო კომისიის შექმნის შესახებ. 1867 წლის 16 მაისს დაამტკიცა<sup>32</sup>.

კომისიის თავმჯდომარედ დანიშნულ იქნა პოდპოლკოვნიკი კრავეიჩი, წევრებად პოდპოლკოვნიკი შრედერი და მაიორი მომბელი.

შემდეგ კომისიის შემადგენლობაში ცვლილებები მოხდა. 1868 წელს პოდპოლკოვნიკი შრედერისა და მაიორ მომბელის მაგივრად წევრებად დანიშნულ იქნენ არტილერიის კაპიტანი შავროვი და ვედენსკი<sup>33</sup>.

ღროებით დებულების თანახმად კომისიას უნდა შეეკრიბა ცნობები ხალხური ჩვეულების საფუძველზე გამომუშავებული ადგილობრივი მოსახლეობის (სამურზაყანოს მცხოვრებთა გამოკლებით<sup>34</sup>) წოდებრივი და საადგილმამულო უფლებათა შესახებ<sup>35</sup>.

ამ დებულებით კომისია სოხუმის სამხედრო განყოფილების უფროსს ჩვემდებარებოდა. კომისიას ყველა ცნობა, რომელთაც იგი აფხაზეთში არსებულ წოდებრივ და საადგილმამულო ურთიერთობის შესახებ მოაგროვებდა, თავისივე მოსახროების თან დართვით, სოხუმის განყოფილების უფროსისათვის უნდა წარედგინა; ეს უკანასკნელი კი ვალდებული იყო ყველა მასალა თავისი შენიშვნებითა და დასკვნებით კავკასიის ზთელთა სამმართველოსათვის გაეგზავნა<sup>36</sup>.

სოხუმის წოდებრივ-საადგილმამულო კომისია მთელი თავისი შემადგენლობით მუშაობას 1867 წლის 3 იელისს შეუდგა.

მეფისნაცვლის დავალებით იგი პირველი ოთხი თვის განმავლობაში ყოფილი მთავრის მიხეილ შარვაშიძის უძრავი ქონების აღწერის დამთავრებაზე მუშაობდა, რაც 1865 წელს გენერალ პონსეს კომისიას დაეწყო. 13 ნოემბრისათვის კომისიამ დაამთავრა აღნიშნული სამუშაო და თავისი მოხსენება

<sup>32</sup> ცსა, ლენინგრადი, ფონდი 1268, აღწ. 12, საქმე 74, ფურც 2.

<sup>33</sup> საქ. ცსა, ფონდი 545, საქმე 180, ფურც. 289.

<sup>34</sup> თავდაპირველად სამურზაყანოს წოდებრივი და საადგილმამულო საკითხის შესწავლა ევალებოდა ზუგდიდის კომისიას, რომელიც 1865 წელს შეიქმნა. მაგრამ სოხუმის წოდებრივ-საადგილმამულო კომისიის შექმნის შემდეგ სამურზაყანოს შესწავლა ამ უკანასკნელს გადაეცა (ცსა, ლენინგრადი, ფონდი 1268, აღწ. 12, საქმე 74, ფურც. 20-22).

<sup>35</sup> იქვე, ფურც. 29.

<sup>36</sup> იქვე, ფურც. 32.

ამის შესახებ სოხუმის განყოფილების უფროსს გადასცა კომისია ამავე დროის მანძილზე ნაწილობრივად ეწეოდა მოსა-  
მზადებელ მუშაობას წოდებრივი და საადგილმამულო საკით-  
ხის შესასწავლად, ხოლო 1867 წლის ნოემბრის ბოლო რიცხვე-  
ზიდან იგი მთლიანად შეუდგა თავისი უშუალო მოვალეობის  
შესრულებას<sup>37</sup>.

კომისიამ 1867-1869 წლების მანძილზე დიდი მუშაობა ჩა-  
ატარა და მდიდარი მასალაც შეაგროვა აფხაზეთის წოდებრივი  
და საადგილმამულო ურთიერთობის შესახებ. მან აღნიშნული  
მუშაობის შედეგად შეადგინა:

ჩანაწერი სოხუმის განყოფილების დამოკიდებულ წოდე-  
ბათა შესახებ და მათი განთავისუფლების პროექტი, ჩანაწერი  
აფხაზეთისა და სამურზაყანოში არსებული საადგილმამულო  
ურთიერთობის შესახებ, სოხუმის სამხედრო განყოფილებაში  
წოდებრივ-საადგილმამულო რეფორმის საფუძვლების პროექ-  
ტი, სოხუმის სამხედრო განყოფილების მოსახლეობის საად-  
გილმამულო წოდებათა უფლებების განსაზღვრის პროექტი  
და სხვ<sup>38</sup>. თავის მხრივ კომისიის თავმჯდომარემ პოლკოვნიკმა  
კრაუციჩმა დამატებით წარადგინა „ჩანაწერი წოდებრივ-საად-  
გილმამულო ურთიერთობის შესახებ აფხაზეთსა და სამურზა-  
ყანოში“<sup>39</sup>.

მოსხენებული ერცელი მასალა გადაეგზავნა კავკასიის  
მთიელთა სამმართველოს. რომელმაც მისი შესწავლისა და  
დაბუშავებისა საფუძველზე თავის მხრივ შეადგინა: „მოკლე  
შენიშვნები წოდებრივი და საადგილმამულო ურთიერთობის  
შესახებ აფხაზეთსა და სამურზაყანოში“ და იგი კომისიის  
სწავა მასალასთან ერთად შემდგომ განსახილველად გადასცა  
კავკასიის მთიელი ტომების დამოკიდებულ წოდებათა განთავი-  
სუფლების კომიტეტს. რომელსაც მაშინ ქუთაისის ყოფილი  
გენერალ-გუბერნატორი სვიატოპოლკ-მირსკი ხელმძღვანე-  
ლობდა.

ვიდრე კომიტეტის მიერ კომისიის პროექტების განხილვის  
შევეხებოდეთ, საჭიროა მოკლედ მაინც შევჩერდეთ თვით  
კომისიის დასკვნებზე აფხაზეთში არსებული წოდებრივი და  
საადგილმამულო ურთიერთობის შესახებ.

როგორც ზემოთ უკვე იყო აღნიშნული, კომისიას, მთავრო-  
ბის სპეციალური დავალებების გამო, არ შეეძლო არატენდენ-

37 საქ. ცსსა, ფონდი 545, საქმე 180, ფურც. 230-233.

38 იქვე, ფონდი 416, საქმე 399, ფურც. 6-7.

39 იქვე.



ციურად, ობიექტურად ემსჯელა იმ საკითხების გარშემო, რომლებიც უნდა შეესწავლა მას აფხაზეთში საგლეხო რეფორმის გატარებისათვის. სწორედ ამით აიხსნება ის ამბავი, რომ კომისიის ყველა დასკვნასა და პროექტებს ტენდენციურობის ეჭვარა კვალი ემჩნევა.

სოხუმის წოდებრივ-საადგილმამულო კომისიის დასკვნით, აფხაზეთის საზოგადოებრივ წყობილების საფუძველს წარმოადგენდა ცალკეული კავშირები — თემები (აქითა), რომლებიც მთავრის უძღურებისა და ქვეყნის შიგნით საერთო არეულობის გამო წარმოიშვა და რომელთა უშუალო მოვალეობა იყო თემის მცხოვრებლებს უფლებათა დაცვა და საშინაო და საგარეო უშიშროების უზრუნველყოფა. ამ თემებს ჰქონდათ თავისი განსაკუთრებული ორგანიზაცია, რომელიც უძველესი დროიდან მათ წევრთა შორის შექმნილი ურთიერთდამოკიდებულების საფუძველს ეყრდნობოდა. თემთა წევრები იყოფოდნენ მფარველებად (ახილანშიუ) და შეფარებულებად (ხიფში). ყოველ თემს ჰყავდა თავისი მფარველი. უმაღლესი მფარველი წოდება შედგებოდა თავადებისა და აამსთებისაგან. მფარველი გვარის უმთავრეს მოვალეობას წარმოადგენდა: თემის წევრთა დახმარებით მტრების თავდასხმის უკუგდება, სისხლის აღების მიზნით, მტრის ტერიტორიაზე შეჭრა, ქვეყნის შიგნით დაღვრილი სისხლის ანაზღაურება, მოპარულის დასაბრუნებლად საჭირო ღონისძიებათა მიღება და თემთა კუთვნილი სამოვრების, ტყეებისა და სხვათა დაცვა გარეშე პირთა შეცადებისა და ჩარევისაგან<sup>40</sup>.

კომისიის დასკვნით დაბალ — შეფარებულ წოდებას ეკუთვნიან: ანხაიუ (ფიოში), ამაწურაზჭუ (მოინალე), ახოუიუ (დელჰახორე), ახაშვალა (მოჯალაბე), აზატი. ამათ გარდა, აღმოჩნდა აგრეთვე მოსახლეობის განსაკუთრებული თანრიგი, რომელიც ატარებდა შინაყმის სახელწოდებას<sup>41</sup>.

კომისია, ეხება რა დამოკიდებულ წოდებათა პირად ვანთავისუფლების საკითხს, იმ აზრს გამოთქვამს, რომ დაბალი წოდების ყველა თანრიგი, მიუხედავად პირადი და ქონებრივი თავისუფლებისა, მფარველობისა და დაცვისათვის მაინც უზდიდა მფარველ გვარს გარკვეული სახის გადასახადებს. ამიტომ კომისიას კანონიერად მიაჩნია, რომ დაბალი წოდების ყველა კატეგორიამ თავიანთ მეპატრონეებს გადაუხადოს გამოსასყიდი შემდეგი რაოდენობით:

<sup>40</sup> საქ. ცსსა, ფონდი 231, საქმე 109, ფურც. 4-5.

<sup>41</sup> იქვე.

17 1. ახაშვალა წლოვანებისა და სქესის მიხედვით იხდის 50-დან 120 მანეთამდე. ის ახაშვალა, რომელიც არ გადაიხდის გამოსასყიდს აქ ნაჩვენები თანხის ჩაოდენობით, ანღა მფლობელის მიერ არ იქნება ნებაყოფლობითი შეთანხმების საფუძველზე განთავისუფლებული, ვალდებულია სავალდებულო დამოკიდებულების 4 წლის განმავლობაში თავისი მებატონისათვის წინანდელ საფუძველებზე შეასრულოს ყველა სამუშაო, რაც გამოსასყიდის სამაგიეროდ ჩაითვლება<sup>42</sup>.

✓ 2. ახოუიუს კომლი, იმისდა მიხედვით, თუ რამდენი მუშა-ჩელისაგან შედგება იგი, გამოსასყიდს იხდის 107-დან 200 მანეთამდე. ახოუიუს იმ კომლმა, რომელიც გამოსასყიდს არ გადაიხდის, ან არ იქნება განთავისუფლებული მებატონესთან ნებაყოფლობითი შეთანხმების საფუძველზე, უნდა შეასრულოს ბეგარა-ვალდებულებანი, რომლებიც დებულების პროექტით განსაკუთრებულად იქნება განსაზღვრული<sup>43</sup>.

✓ 3. ანხაიუს კომლის გამოსასყიდი თანხა გამოიანგარიშება დებულების პროექტით გაუქმებულ ბეგარა-ვალდებულებათა ღირებულებიდან, რომელიც მრავლდება 6-ჯერ, ე. ი. სავალდებულო დამოკიდებულების წელთა რიცხვზე. ამრიგად, გამოიანგარიშებული ანხაიუს გამოსასყიდი თანხა 54 მან. და 40 კაპ. აღწევს<sup>44</sup>.

✗ 4. ამაწურაზქუს (მოინალეს) გამოსასყიდი თანხა განსაზღვრულია 90 მანეთის ჩაოდენობით<sup>45</sup>.

საადგილმამულო ურთიერთობის საკითხის გადაწყვეტის შესახებ კომისია შემდეგ დასკვნამდე მივიდა:

ადგილობრივი მოსახლეობის ჩვეულებრივი გაგებით, დაუმუშავებელი მიწა არ შეიძლება კერძო საკუთრებია საგანს შეადგენდეს: ის მხოლოდ გარკვეული შრომის გაწევის შემდეგ შეიძლება კერძო მფლობელობაში გადავიდეს.

ყველა წოდებისათვის. გამოუკლებლივ, კერძო საკუთრებაში მიწის შექენის მთავარ საშუალებას წარმოადგენს დაუკავებელი მიწის დაუბრკოლებელი გატეხა (გაწმენდა). პრივილეგიური წოდების პირთა ყოველგვარი ნებართვის გარეშე, ამათან, მიწის გატეხა როგორც წინათ, ისე ახლაც, დაშვებულია არა მარტო თავის რაიონში, არამედ სხვა თემის ტერიტორიაზედაც. მიწის შექენის მეორეხარისხოვანი საშუალებაა: მემ-

42 საქ. ცსსა, ფონდი 545, საქმე 180, ფურც. 318-374.

43 იქვე.

44 იქვე.

45 იქვე.

კვიდრეობა და ყიდვა იმ პირებისაგან, რომლებმაც მიწა ჩაკუ-  
ლებრივი უფლებით კერძო საკუთრებად შეიძინეს<sup>46</sup>.

ცოტა უფრო ქვემოთ კომისია დასძენს: „ამრიგად, სოხუ-  
მის განყოფილების ყველა მცხოვრებს ერთნაირი უფლება აქვს  
ისარგებლოს თავისი თემის რაიონში და იალალებზე სველა  
მიწით. რომელნიც არ იმყოფება კერძო პირთა უშუალო  
მფლობელობაში<sup>47</sup>.

აქედან გამომდინარე, კომისიამ საჭიროდ ჩათვალა:

1) გამოუკლებლივ ყველა წოდებას მიეცეს კერძო საკუ-  
თრებაში საკარმიდამო, საბალ-ვენახე და სახნავ-სათესი მიწები.

2) იმ პირთ. რომელთაც თავის ხელქვეითებად ჰყავთ  
ფიოშები (ანხაიუ), მიეცეთ განსაკუთრებული ნაკვეთი, ფიოშის  
თითო კომლზე ორ-ორ დესეტინის რაოდენობით.

3) თავადებსა და ამსთებს. რომელთა მაღალი პრივი-  
ლეგიური წარმოშობა საეჭვო არაა, თითო კომლზე მიეკუთ-  
ნოს 100 დესეტინა მიწა. შარვაშიძეების საგვარეულოს თი-  
თო კომლს მიეზომოს 300 დესეტინა მიწა.

4) ახაშვალას მიეცეს ნაკვეთი სულზე 5 დესეტინის რაო-  
დენობით.

5) სოფლის თემს საზოგადოებრივი მოხმარებისათვის: კო-  
მლზე გამოეყოს 5-დან 15 დესეტინის რაოდენობით.

6) ყველა დანარჩენი მიწა დარჩეს მთავრობის უშუალო  
განკარგულებაში.

7) სამრევლო ეკლესიებისა და სასულიერო კრებულთა  
საჭიროებისათვის გამოეყოს განსაკუთრებული ნაკვეთი<sup>48</sup>.

ამრიგად, კომისიამ თავისი მუშაობითა და დასკვნებით  
საერთო ჯამში სრულიად გაამართლა ის იმედები, რომლებსაც  
ამყარებდა მასზე მთავრობა. კომისიამ წოდებრივი და საად-  
გილმამულო ურთიერთობის ყველა საკითხი გადაწყვიტა და  
მოაგვარა მთავრობის მითითების საფუძველზე. კომისიამ უარ-  
ყო ბატონყმური დამოკიდებულების არსებობა და ფორმალუ-  
რად არ ცნო ფეოდალების საადგილმამულო უფლებები. მაგ-  
რამ ამავე დროს კომისიამ ვერ შეძლო, რაც სრულიად ბუნე-  
ბრივია, გვერდი აეხვია აფხაზეთის ფეოდალების კლასობრივი  
ინტერესებისათვის. როგორც ჩვენ ზემოთ ვხანხეთ, მთავრობას  
პირველ ხანებში სურდა აფხაზეთის ფეოდალების გარკვეული  
ნაწილის ხარჯზე საგლეხო რეფორმის გატარების შედეგად.  
რაც შეიძლება მეტი მიწის ფარხობი დარჩენილიყო ხაზინის

46 საქ. ცსსა; ფონდი 416, აღწ. 3, საქმე 1014, ფურც. 1-3.

47 იქვე.

48 იქვე, ფურც. 5-6.

განკარგულებაში<sup>49</sup>. როდესაც კომისია მთავრობას ამ ხაზის განხორციელებისათვის ნიადავის მომზადებას შეუთვს, იგი ფეოდალების მტკიცე წინააღმდეგობას წააწყდა. ფეოდალებმა პარტიკული განაცხადეს კომისიას ასეთი აკვიატებული მიზანშეუღლების გამო. ბუნებრივია, რომ საბოლოო ჯამში მთავრობასა და კომისიას საერთო ენა უნდა გამოენახათ ადგილობრივ ფეოდალებთან და, მართლაც, ასეც მოხდა.

ამიტომ იყო, რომ კომისიამ, გაითვალისწინა რა ფეოდალების ინტერესები, იშუამდგომლა მთავრობის წინაშე. რათა მან სასარგებლოდ გამოეყოს „განსაკუთრებული ნაღელი“. ხოლო დამოკიდებული წოდების პირადი განთავსუფლებებისათვის გასათავისუფლებელ პირებს გაეღოთ გამოსაყიდი თანხა დიდი რაოდენობით. როგორც ჩვენ ამას ქვემოთ დავინახავთ, მთავრობამ არამც თუ მიიღო კომისიის მიერ ნაგაზაფხუდი „განსაკუთრებული ნაღელის“ რაოდენობა, არამედ კიდევ უფრო გაადიდა იგი და ამით მაქსიმალურად დაიცვა აფხაზეთის ფეოდალური კლასის ინტერესები ისე, როგორც ეს ყველგან ხდებოდა ხოლმე რუსეთის იმპერიაში საგლეხო რეფორმის გატარების დროს.

ამასთან ერთად კომისიას კარგად ესმოდა, რომ გლეხობის უშიწაწყლოდ განთავისუფლება თვით სახელმწიფოსათვის არ იყო ხელსაყრელი ორი მოსაზრებით: ერთი მხრით, იმიტომ, რომ უშიწაწყლოდ განთავისუფლებული გლეხობა ვერ იქნებოდა სახელმწიფოს წინაშე გადასახადებისა და სხვადასხვა ვალდებულებათა წესიერი გადამხდელი და შემსრულებელი, და, მეორე მხრით, უშიწაწყლო გლეხობა მთავრობისათვის პოლიტიკურად არასაიძველად იქნებოდა. რაც არსებულნი წყობილებისათვის ყოველთვის საფრთხე იქნებოდა. ვარდა ამისა, რეფორმის მომზადების პერიოდში კომისიას არ შეეძლო არ ეზრუნა გლეხობის კეთილგანწყობილებაზე კომისიის მუშაობისადმი, წინააღმდეგ შემთხვევაში მოსალოდნელი იყო 1866 წლის ივლისის ამბების განმეორება. აი ამიტომ, კომისიას თავისი მუშაობითა და დასკვნებით ისეთი შთაბეჭდილება უნდა შეექმნა, რომ ის თითქოს ძლიერ ზრუნავდა გლეხთა ინტერესების დასაცავად. სწორედ ამ მიზნით კომისიამ გამოაცხადა, რომ გლეხებსა და მემამულეებს ერთნაირი სა-

<sup>49</sup> მთავრობამ მართლაც მიიღწია იმას, რომ საგლეხო რეფორმის გატარების შედეგად აფხაზეთში მის განკარგულებაში აღმოჩნდა ათეული ათასობით დეკანინა მიწა. მაგრამ ეს მოხდა არა ფეოდალების ინტერესების ხარჯზე, არამედ მშრომელი გლეხობის უმრავლესობის ან სრულიად უშიწოდ დატოვების, ან მინიატურული ნაღელების გამოყოფის გამო.

ადგილმამულო უფლება აქვთ, რომ გლეხობას ყოველგვარი გამოსასყილია გარეშე რჩება ის სახნავ-სათესი და საბალენახე ნაკვეთი. რომლითაც ის აქამდე სარგებლობდა, და დაშატებით თემის მფლობელობაში იქნება საკმაო რაოდენობით მიწა, რომელიც გლეხს საჭირო შემთხვევაში მიეცემა.

კომისიის ეს განცხადება, თავისთავად ცხადია. გაკეთებული იყო გლეხთა კლასის მოსატყუებლად. მისი თეალის ასახვევად, თორემ საგლეხო რეფორმა, რომელიც თვით ამ კომისიამ მოამზადა და რომლის დასკვნის საფუძველზეც გატარდა იგი, ფაქტიურად თავიდან ბოლომდე ბატონყმურ ხასიათს ატარებდა და, მაშასადამე, მისი მიზანი იყო არა გლეხობის ინტერესების დაცვა, არამედ, პირიქით, ზრუნვა თავად-ახნაურობის კეთილდღეობისათვის.

**კომისიის მიერ შემუშავებული პროექტების განხილვა  
კავკასიის მთიელი ტომების დამოკიდებულ წოდებათა  
გათავისუფლების კომიტეტში**

სოხუმის წოდებრივ-საადგილმამულო კომისიის მიერ შემუშავებული პროექტები უნდა განეხილათ კავკასიის მთიელი ტომების დამოკიდებულ წოდებათა გათავისუფლების კომიტეტში.

1869 წლის 26 სექტემბერს კომიტეტის თავმჯდომარემ სენატოპოლკ-მირსკიმ შუამდგომლობა აღწრა მეფისნაცვლის მიხედვით რომანოვის წინაშე. კომისიის მიერ დამოკიდებულ წოდებათა განთავისუფლებისა და ადგილობრივი მოსახლეობის საადგილმამულო მოწყობის შესახებ შემუშავებული პროექტების განსახილველად კომიტეტის ახალი წევრებით გაძლიერების შესახებ. მეფისნაცვალმა, თანახმად სენატოპოლკ-მირსკის შუამდგომლობისა, კომიტეტის წევრებად დამატებით დანიშნა გ. ბაგრატიონი მუხრან-ბატონი, სენატორი სტარიცკი და გენერალ-მაიორი პონსე. ამრიგად, როდესაც კომიტეტი კომისიის მიერ შემუშავებული პროექტების განხილვას შეუდგა, მას სენატოპოლკ-მირსკი თავმჯდომარეობდა, ხოლო წევრებად იყვნენ: სენატორები თავადი გიორგი მუხრან-ბატონი და სტარიცკი, გენერლები პონსე, სტაროცელსკი და გეიმანი, თავადი მ. თუმანიშვილი, პოლკოვნიკები პავლოვი და კუტაისოვი და პოდპოლკოვნიკი დუკასოვი. კომიტეტის სხდომებზე მონაწილეობის მისაღებად მოწვეულ იქნა სოხუ-

მის წოდებრივ-საადგილმამულო კომისიის თავმჯდომარე პოლკოვნიკი კრაევიჩი.

კომიტეტის სხდომებზე 1869 წლის 9, 10 და 22 ნოემბერს განხილულ იქნა კომისიის მიერ შემუშავებული დებულების პროექტები სოხუმის სამხედრო განყოფილების დამოკიდებულ წოდების განთავისუფლებისა და მოსახლეობის საადგილმამულო მოწყობის შესახებ.

რადგანაც ჯერ კიდევ ოქტომბერში კომიტეტის მთელი შემადგენლობა გაეცხო კომისიის მასალასა და აზრს, ამიტომ სვიატოპოლკ-მირსკიმ სხდომის განხილვისთანავე წინადადება მისცა მის მონაწილეთ. მოესმინათ კავკასიის მთიელთა სამმართველოს მიერ შედგენილი მოკლე ჩანაწერი სოხუმის განყოფილების წოდებრივი და საადგილმამულო ურთიერთობის შესახებ, რომელიც კომისიის დასკვნებისა და პროექტების ერთგვარ რეზიუმეს წარმოადგენდა<sup>50</sup>. ამ ჩანაწერის წაკითხვის შემდეგ კომიტეტის წევრთა შორის გაიმართა კამათი. კამათი უმთავრესად აფხაზეთში საადგილმამულო უფლების არსებობას შეეხო. ე. ი. ეკუთვნის თუ არა მიწა მხოლოდ თავადაზნაურობას. ამ საკითხის გარშემო სიტყვა პირველად თავად გიორგი მუხრან-ბატონმა ითხოვა, რომელმაც განაცხადა, რომ როგორც კომისიის მიერ შეგროვილ მასალებიდან ჩანს, სოხუმის განყოფილების საზოგადოებრივი წყობილება არაფრით არ განსხვავდება სანეგრელის საზოგადოებრივი წყობილებისაგან და, თუ მთავრობამ იქ იცნო ძალადი წოდების საკუთრების უფლება მიწაზე, არავითარი საფუძველი არ არსებობს, რომ ასეთივე უფლება უარეყოთ აფხაზეთსა და სამურზაყანოში<sup>51</sup>.

თავადი გიორგი მუხრან-ბატონის შემდეგ სიტყვა გენერალ-მაიორმა გეიზინმა ითხოვა. მან გაილაქრა თავადი მუხრან-ბატონისა ზემოაღნიშნული აზრის წინააღმდეგ და მხარი დაუჭირა კომისიის დასკვნას იმის შესახებ, რომ სოხუმის განყოფილებაში არ არსებობს ბატონყმობა ჩვეულებრივი გაგებით. რომ დამოკიდებულ წოდებათა ურთიერთობა თავადაზნაურობისადმი მხოლოდ პირადული და არა საადგილმამულო საფუძველზე აღმოცენებული ურთიერთობაა. თუ ჩვენ პრივილეგიური წოდების მიწაზე საკუთრების აღიარებამდე მივალთ, ეს საუკუნეების მანძილზე არსებული მიწით საოგებლობის წესრიგის უბეში დარღვევა იქნება<sup>52</sup>.

50 საქ. ცსსა. ფონდი 416. საქმე 400. ფურც. 3.

51 იქვე, ფურც. 4.

52 იქვე.

კომიტეტის წევრმა ვენერალ-მაიორმა პონსემ თქვა, რომ ის პირადად აფხაზეთში ყოფნის დროს. როდესაც კომისია მისი მეთაურობით ყოფილი მთავრის შარვაშიძის მოძრავი და უძრავი ქონების აღწერას ახდენდა, დარწმუნდა იმაში, რომ იქ მართლაც არ არსებობს საკუთრება დაუმუშავებელ მიწაზე. რომ აფხაზეთის მცხოვრებლები კეჩო პირთა უფლებას მიწაზე მხოლოდ იმ შემთხვევაში ცნობენ, თუ მათ მიწის ნაკვეთზე გაკვეთილი შრომა აქვთ გაწეული, ანდა მიწის ნაკვეთი მათ ზეირ ნაყრიდა. ან შთაბოძავლობითაა მიღებული. მიწა, რომელიც არ არის ზემოაღნიშნული წესის მიხედვით შექმნილი, საზოგადოებას ეკუთვნის, ან უკეთ სახელმწიფოს და მისი გამოყენება ჩვეულებისამებრ. საჭიროებისდა მიხედვით შეუძლია ყველას. მართალია, პრივილეგიური წოდების წარმომადგენლები ამ საკითხზე აფხაზეთამდგ მიღწეული რუსული საადგილმამულო უფლების ცნების ზეგავლენით პრეტენზიას აცხადებენ თემის მიწის საკუთრებაზე, მაგრამ მათ ასეთი პრეტენზიის გასამართლებლად ვერ შესძლეს წარედგინათ რაიმე საბუთი; ამიტომ მათი განცხადება სრულიად უსაფუძვლოა და არც არის ჩვენი ყურადღების ღირსი<sup>53</sup>.

პონსესა და გეიმანის აზრს მტკიცედ დაუჭირა მხარი კავკასიის მთიელთა სამმართველოს უფროსმა ვენერალ-მაიორმა სტაროსელსკიმ. მან აღნიშნა, რომ ერთ-ერთ ძლიერ საბუთად სოსუმის განყოფილებაში პრივილეგიური წოდების საადგილმამულო უფლების არ არსებობის დასამტკიცებლად ის ფაქტიც გამოდგება, რომ როგორც კი აღძრულ იქნა მოსახლეობის წოდებრივი და საადგილმამულო ურთიერთობის გამორკვევის საკითხი, ერთსა და იმავე მიწაზე, არამცთუ განაპირა მხარეში. არაქვე მთელ რაიონებზეც კი რამდენიმე პრეტენდენტი გამოჩნდა. მან ამ თავისი დებულების დასამტკიცებლად მოიყვანა მთელი რიგი მაგალითი. ერთგან მან აღნიშნა ყოფილი მთავრის ნემკვიდრეობის სახელით გაკეთებული განცხადების შესახებ. რომ დაუმუშავებელი მიწა და ტყეები გამოუქვლებლივ მხოლოდ მთავრის საკუთრებას წარმოადგენდაო, მაშინ როდესაც ამ მიწისა და ტყეების ნაწილზე პრეტენზია გიორგი დიმიტრისძე შარვაშიძემაც განაცხადაო<sup>54</sup>.

სოსუმის წოდებრივ-საადგილმამულო კომისიის თავმჯდომარემ კრავევიჩმა, მიუთითა რა კომისიის მიერ შეგროვილ ფაქტებზე, განაცხადა, რომ უხსოვარი დროიდან არსებული ჩვეუ-

53 საქ. ცსა. ფონდი 416, საქმე 400, ფურც. 3.

54 იქვე.

ლებით სოხუმის განყოფილებაში ყველა დამუშავებული მიწა. ე.ი. საკარმიდამო, საბაღე და სახნავ-სათესი წარმოადგენდა და წარმოადგენს წოდებისდა მიუხედავად იმ პირთა სრულ საკუთრებას, რომლებმაც ის, ჩვეულებრივი გზით — ტყის გაჩეხვით, დამუშავებით, შესყიდვითა და შთამომავლობით შეიძინესო. გატეხილი და დამუშავებული მიწების გარდა, მთელი მოსახლეობა თავისუფლად სარგებლობდა ავრეთვე საბალახო ადგილებითა და ტყეებით მოთხოვნილებისამებრ თავის თემის რაიონში, სრულიად უფასოდ. მაღალ წოდებასთან ყოველგვარი შეთანხმების გარეშე. ზეგარა-გადასახადები, რომლებსაც იხდიდა დამოკიდებული წოდება პრივილეგიური წოდების სასარგებლოდ, მხოლოდ პირადული იყო და არა მიწის სარგებლობით გამოწვეული.

✓ დასასარულ. კრავეიჩმა ხაზი გაუსვა იმ მდგომარეობას, რომ არავითარ შემთხვევაში არ შეიძლება გააგიჟება აფხაზეთისა და სამურზაყანოს საზოგადოებრივი წყობილების ენგურის იქეთა მხარია, საშეგრელოს წყობილებასთან, სადაც, მართლაც, არსებობდა ჩვეულებრივი ბატონყმური ურთიერთობა მთელი თავისი დამახასიათებელი თავისებურებით<sup>55</sup>.

✓ კომიტეტის წევრს მიხეილ თუმანიშვილს<sup>56</sup> ამ საკითხის გარშემო კამათში მონაწილეობა არ მიუღია და არ გამოუთქვამს თავისი აზრი, მაგრამ მისი შეხედულება საადგილმამულო უფლების არსებობის საკითხის შესახებ ნათლად ჩანს მისი შენიშვნებიდან, რომელნიც მას თავისი ხელით გაუკეთებია სოხუმის წოდებრივ-საადგილმამულო კომისიის მიერ ზემო-აღნიშნულ საკითხზე შედგენილი მასალების გაცნობის დროს. ამ შენიშვნებიდან ცხადი ხდება, რომ თუმანიშვილი მთლიანად იზიარებდა თავად გიორგი მუხრან-ბატონის აზრს იმის შესახებ, რომ აფხაზეთში ისეთივე წოდებრივ-საადგილმამულო უფლება არსებობდა, როგორიც საქართველოს სხვა ნაწილში იყო<sup>56</sup>.

✓ კომიტეტის ზემოაღნიშნული წევრების შემდეგ შემაჯამებელი სიტყვით გამოვიდა სვიატოპოლკ-მირსკი. რომელმაც მთლიანად გაიზიარა გეიმანის, პონსეს, სტაროსელსკისა და კრავეიჩის აზრი გიორგი მუხრან-ბატონი იძულებული შეიქნა დაეთმო ამ საკითხში თავისი პოზიცია ამრიგად. საბოლოოდ, კომიტეტმა ეროვნად გამოთქვა აზრი, რომ ყველა მიწა, რომე-

<sup>55</sup> საქ. ცსსა. ფონდი 416, საქმე 400. ფურც. 4-5.

<sup>56</sup> საქართველოს სსრ ცენტრალური მეზეუმი, განკ. 4, მ. თუმანიშვილის ფონდი, №-473.



ლიც აქამდე ჩვეულებისამებრ, წოდებისდა მიუხედავად, მცხოვრებთა კერძო საკუთრებას შეადგენდა, მათვე დაუმტკიცდეს კანონით, ყოველგვარი შეზღუდვის გარეშე და დამატებით თითოეულ თემს გამოეყოს საერთო სარგებლობისათვის მიწის გარკვეული ნაწილი, აუცილებელი მოთხოვნების დასაკმაყოფილებლად<sup>57</sup>.

ამის შემდეგ, კომიტეტის წევრების წინაშე წამოიჭრა საკითხი, თუ ვის განხარგულებაში უნდა დარჩენილიყო ის მიწა, რომელიც გადარჩებოდა ცალკეულ პირთათვის და თემის სარგებლობისათვის, ზემოაღნიშნული წესის მხედვით, გამოყოფილი ფართობის შემდეგ.

✓ კომიტეტის წევრთა უმრავლესობამ სამართლიანად ცნო სოხუმის წოდებრივ-საადგილმამულო კომისიის მიერ წარდგენილი აზრი განყოფილების მცხოვრებთა საადგილმამულო მოწყობის შესახებ, რომლის თანახმად, დამოკიდებული წოდების პირთა მიწით უზრუნველყოფის შემდეგ გადარჩენილი მიწა ხაზინის განხარგულებაში უნდა დარჩენილიყო, რათა მთავრობას შეეძლება ჰქონოდა თავადაზნაურობის სათანადო მიწის ნაკვეთებით დაკმაყოფილებისა, მისი პრივილეგიების მიხედვით<sup>58</sup>.

✓ კომიტეტის წევრებმა — პონსემ, თავადმა გიორგი მუხრანბატონმა და მიხეილ თუმანიშვილმა ამ საკითხის გარშემო „განსაკუთრებული აზრი“ გამოთქვეს. პონსემ განაცხადა, რომ მას არ მიაჩნია სამართლიანად აფხაზეთსა და სამურზაყანოს უმაღლესი წოდებისათვის მიწის განსაკუთრებული ნაწილების გამოყოფა, ვინაიდან მას აქამდე არავითარი უპირატესობანი არა ჰქონია მიწის სარგებლობის საკითხში სხვა წოდებასთან შედარებით<sup>59</sup>.

გიორგი მუხრან-ბატონმა და მიხეილ თუმანიშვილმა წინადადება შეიტანეს, რომ ყველა მიწა, რომელიც დარჩება თავისუფლად თემის რაიონში გლეხებისათვის დადგენილი რაოდენობით გამოყოფის შემდეგ, თავადაზნაურობის უდავო საკუთრებად იქნეს ცნობილი<sup>60</sup>.

გიორგი მუხრან-ბატონისა და მიხეილ თუმანიშვილის წინადადების წინააღმდეგ გაილაშქრნენ სტაროსელსკი და სენატორი სტარიცკი. მათ ის აზრი გამოთქვეს, რომ ყველა „თავისუფალი“ მიწა მთავრობის უშუალო განხარგულებაში დირ-

57 საქ. ცსსა, ფონდი 416, საქმე 400, ფურც. 5.

58 იქვე, ფურც. 6.

59 იქვე.

60 იქვე.

ჩენილიყო, რათა მას შესაძლებლობა მისცემოდა თავისი მიხედულებისამებრ გამოეყო მიწა პრივილეგიური წოდების თითოეული გვარის უზრუნველსაყოფად<sup>61</sup>.

ამრიგად. კომიტეტის პირველ სამ სხდომაზე გაიმართა კამათი მოსახლეობის საადგილმამულო მოწყობის საკითხის გარშემო. რუს მოხელეებს, მთავრობის ამ ოფიციალურ წარმომადგენლებს. საგლეხო რეფორმის გატარება აფხაზეთში სახელმწიფო ინტერესების მაქსიმალური დაცვით სურდათ. თქმული არ ნიშნავს იმას, რომ მთავრობა სრულიად ივიწყებდა და უგულებელყოფდა აფხაზეთის თავადაზნაურობის ინტერესებს. როგორც ცნობილია. მეფის მთავრობა საბოლოო ჯამში ყველგან და ყოველთვის პრივილეგიური კლასის ინტერესების დამცველად გამოდიოდა. რადგან თვით იგი ამ კლასის წარმომადგენელი იყო. ცხადია, მას თავისი კლასობრივი ბუნებით არ შეეძლო სხვანაირად მოპყრობოდა ადგილობრივ გაბატონებულ წოდებას. მართლაც. თუ რაიმე სხვაგვარობას პქონდა ამ მხრივ ადგილი. ეს იყო ადგილობრივი თავადაზნაურობის მხოლოდ იმ გარკვეული ნაწილის მიმართ, რომელიც ოპოზიციაში ედგა (კარიზმს). სწორედ ამიტომ იყო. რომ კომიტეტის სხდომებზე მთავრობის ოფიციალური წარმომადგენლები მოითხოვდნენ ე. წ. „თავისუფალი“ მიწის მთლიანად მთავრობის განკარგულებაში გადაცემას და შემდეგ კი მის განაწილებას თავადაზნაურობისათვის, მხოლოდ მთავრობის გადაწყვეტილებით. ეს იმას ნიშნავდა. რომ მთავრობა მიწას საკმაო რაოდენობით თავადაზნაურობის იმ ნაწილს მისცემდა, რომელიც მისი ერთგული და დასაყრდენი იქნებოდა. მანასაღამე, დაისჯებოდა და უმიწოდ დარჩებოდა მხოლოდ კარიზმის ურჩი ნაწილი.

გარდა ამისა. მთავრობის ადგილობრივ წარმომადგენლებს. გლეხთა შეუპოვარი მღელვარებითა და აჯანყებებით შეწინებულებს, ისეთი შთაბეჭდილება სურდათ შეექმნათ. რომ თითქოსდა ისინი გლეხობაზე ძლიერ ზრუნავდნენ და რეფორმასაც მათი ინტერესების დაცვით ატარებდნენ. ამიტომ იყო, რომ, როგორც კომისიის პროექტებში, ისე კომიტეტის სხდომებზე ოფიციალურად იყო თქმული. გლეხობას რჩება საკუთრებაში ის მიწა, რომელიც აქამდე მის ფაქტიურ სარგებლობაში იყო და დამატებით გამოეყოფა თემის საერთო სარგებლობისათვის მიწის გარკვეული რაოდენობა. ისიც კია საგულისხმო. რომ მთავრობას არ შეეძლო გლეხობა სრულიად უმიწაწყლოდ

<sup>61</sup> საქ. ცსსა. დონდი 416. საქმე 400. ფურც. 6

დაეტოვებინა. რადგან ამას კარნახობდა საგადასახადო სისტემა და სახელმწიფოს პოლიტიკური ინტერესები.

ჩვენ ქვემოთ დავინახავთ, რომ განცხადება გლეხობის მიწით უზრუნველყოფის შესახებ მხოლოდ განცხადებად დარჩა. ასე რომ იგი რეფორმის შედეგად ოდნავადაც არ ყოფილა დაკმაყოფილებული მიწით.

✓ კომიტეტის წევრებმა — ქართველმა თავადებმა გიორგი ანუხიან-ბატონმა და მიხეილ თუშანიშვილმა, როგორც თავადაზნაურობის ინტერესების დამცველებმა, საერთოდ და კერძოდ, საგლეხო რეფორმის გატარების საქმეში, უალრესად რეაქციული ხაზის გამტარებლებმა, სცადეს კომიტეტის სხდომებზე აფხაზეთში საგლეხო რეფორმის ბედი გადაეწყვიტათ ადგილობრივი თავადაზნაურობის ინტერესების მაქსიმალური დაცვით. ამიტომ იყო, რომ ისინი მტკიცედ მოითხოვდნენ რეფორმის გატარებას აფხაზეთში ისეთსავე პირობებში, როგორც ეს სამეგრელოში, ან საქართველოს სხვა კუთხეში მოხდა. ისინი მოითხოვდნენ ე. წ. „თავისუფალი“ მიწის მთლიანად თავადაზნაურობისათვის გადაცემას.

1869 წლის 22 ნოემბერს კომიტეტმა დაადგინა, რომ კომისიის მონაცემების საფუძველზე და კომიტეტის სხდომებზე გაკეთებული შენიშვნების გათვალისწინებით, კავკასიის მთელთა სამმართველოს შემეშუავეებინა და წარედგინა დასამტკიცებლად, კანონმდებლობის წესით, საგლეხო რეფორმის ძირითადი საწყისების პროექტი.

მთიელთა სამმართველომ ორი თვის მუშაობის შედეგად შეიმუშავა აღნიშნული პროექტი და წარუდგინა იგი კომიტეტს. 1870 წლის 23 იანვარსა და 2 და 4 თებერვალს სხდომები ამ პროექტის განხილვას მიეძღვნა. სხდომებზე, აღნიშნულ პროექტში, თანახმად კომიტეტის წევრების შენიშვნებისა, შეტანილი იქნა რიგი შესწორებანი, მაგრამ მისი საბოლოო რედაქციისაგან კომიტეტმა თავი შეიკავა მანამდე, სანამ კომიტეტის მიერ თბილისში არ იქნებოდნენ გამოძახებულნი და დაკითხულნი სოხუმის განყოფილების მოსახლეობის დეპუტატები<sup>62</sup>.

აფხაზეთის თავადაზნაურობამ კარგად იცოდა, თუ როგორი გეზი ჰქონდა აღებული თავიდანვე სოხუმის წოდებრივ-საადგილმანულო კომისიას საგლეხო რეფორმის მომზადების საქმეში. აფხაზეთის გაბატონებული წოდება მეტად უკმაყოფილო იყო კომისიის მიერ შემუშავებული პროექტებით და ამიტომ

62 საქ. ცსსა. ფონდი 416. აღწ. 3. საქმე 1014, ფურც 6-7.

იგი ყოველივე ხერხს ხმარობდა იმისათვის, რომ ზემდგომ ორგანოებში მაინც ეცადა მათში ისეთი შესწორებანი შეიტანა, რომლებიც მაქსიმალურად გაითვალისწინებდა მის კლასობრივ ინტერესებს და საერთოდ საგლეხო რეფორმის გატარების საქმეს მთლიანად მის სასარგებლოდ წაიყვანდა/ამიტომ, ჯერ კიდევ მანამ, სანამ კომისია აფხაზეთის წოდებრივ და საადგილმამულო ურთიერთობის შესახებ თავის საბოლოო დასკვნას გამოიტანდა, თავადაზნაურობის წარმომადგენლებმა კომისიას წარუდგინეს მოხსენებითი ბარათი თავადებისა და აამსთების უფლებათა შესახებ, სადაც თავგამოდებით ამტკიცებდნენ აფხაზეთში ისეთივე ბატონყმური ურთიერთობის არსებობას, რომელსაც ადგილი ჰქონდა საქართველოს სხვა მხარეებშიაც<sup>63</sup>. როდესაც კომისიამ საგლეხო რეფორმის მთელი საქმე კავკასიის მთიელთა სამმართველოს მეშვეობით კომიტეტს განსახილველად გადასცა, თავადაზნაურობამ დაბეჯითებით მოითხოვა თბილისში საქმის განხილვისას მოესმინათ მისი წარმომადგენლებისათვის, რადგან კომისია, მისი აზრით, მას მიკერძოებით მოეპყრო და უგულებელყო მისი ინტერესები. მთავრობამ ანგარიში გაუწია თავადაზნაურობის თხოვნას და თბილისში გამოიწვიეს აფხაზეთის გაბატონებული კლასის დეპუტატები<sup>64</sup> პრივილეგიური წოდების დეპუტატებთან ერთად გამოძახებულ რჩენ აგრეთვე გლეხობის დეპუტატებიც, რადგან ფრთხილობდნენ, რომ გლეხობაში მღლეჯაება არ მომხდარიყო და არ გაბეორებულიყო 1866 წელი. კავკასიის ადმინისტრაციას კარგად ახსოვდა, რომ 1866 წლის 26 ივლისს ბზიფის ოლქის გლეხთა ერთ-ერთი მოთხოვნა იყო, რომ ნება დაერთოთ მათი დეპუტატებისათვის გამგზავრებულიყვნენ თბილისში, მეფისნაცვალთან მოსალოდნელი რეფორმის ნამდვილი არსის გასაგებად და, როდესაც სოხუმის სამხედრო განყოფილების უფროსმა უხეშად უარყო, სხვასთან ერთად, გლეხების ეს მოთხოვნაც, მაშინ სწორედ ის ამბავი დატრიალდა, რომელიც ოფიციალურ საბუთებში „ლიხნის კატასტროფით“ არის ცნობილი და სწორედ იმისათვის, რომ თავიდან აეცილებინათ მოსალოდნელი

63 საქ. ცსსა, ფონდი 57, საქმე 5, ფურც. 165-179.

64 თავადაზნაურობის დეპუტატებად იყვნენ თავადები: გრიგოლ შარვაშიძე, ბათუ ემუხვარი, კონსტანტინე ინალიფა, მისოუსტ მარშანი და აზნაური ტიტ მარლანია (იქვე, ფონდი 416, აღწ. 3, საქმე 1014, ფ. 30-33).

უსიამოვნება. თბილისში გამოუძახეს ანხაიუს წარმომადგენლებად<sup>65</sup>.

დეპუტატების დაკითხვა კომიტეტის სხდომაზე მოხდა 1870 წლის 28 თებერვალს. კომიტეტის დავალებით კავკასიის მთიელთა სამმართველოს უფროსმა სტაროსელსკიმ დამატებით აწარმოა დეპუტატების ცალკე დაწვრილებითი დაკითხვა, რის შედეგად მან შეადგინა „ჩანაწერი სოხუმის განყოფილების მოსახლეთა დეპუტატების დაკითხვის შედეგების შესახებ ამ მოსახლეობის წოდებრივ-საადგილმამულო ურთიერთობის საკითხზე“<sup>66</sup>.

ამ „ჩანაწერი“-დან და კომიტეტის სხდომების მასალებიდან ჩანს, რომ ანხაიუსა და პრივილეგიური წოდების დეპუტატებს შორის არსებითად გაგრძელებულა ის ბრძოლა, რომელიც მანამდე, ე. ი. სოხუმის წოდებრივ-საადგილმამულო კომისიის მუშაობის პერიოდში, წარმოებდა გლეხებსა და თავადაზნაურობას შორის.

ანხაიუს დეპუტატებმა უკმაყოფილება გამოთქვეს იმის შესახებ, რომ „მათ აიძულებენ გადაიხადონ თავიანთი თავისუფლებისათვის“<sup>67</sup>. თავადაზნაურობის დეპუტატები კი პირიქით. პრ. ზოგავდნენ არაფერს იმისათვის, რომ დაემტკიცებინათ ბატონის სრული უფლება გლეხებზე და საკუთრება — მიწაზე. მათ ამ თავიანთი განცხადების დასასაბუთებლად მრავალი მაგალითი მოიყვანეს როგორც მიწის ყიდვა-გაყიდვის, ისე ანხაიუს მიწიანად, ან უმიწოდ გაყიდვა-გასაჩუქრების შესახებ<sup>68</sup> თავის მხრივ ანხაიუს დეპუტატებმაც მოიყვანეს მაგალითები გლეხების მიერ მიწის ყიდვა-გაყიდვის შესახებ იმის დასადასტურებლად, რომ მიწა, რომელსაც გლეხი ამუშავებდა, მის საკუთრებას წარმოადგენდა<sup>69</sup>. მთიელთა სამმართველოს უფროსმა გენერალ-მაიორმა სტაროსელსკიმ, რომელმაც დეპუტატების დაკითხვას 10 დღეზე მეტი დრო მოანდომა, დაწვრილებით განიხილა დეპუტატების მიერ მოყვანილი მაგალითები. სტაროსელსკიმ გლეხების დეპუტატებს მოსთხოვა აეხსნათ, უარეყოთ, ან დაედასტურებინათ თავადაზნაურობის დეპუტატების მიერ გლეხთა გაყიდვის თითოეული შემთხვევა. ჩლსანიშნავია, რომ ანხაიუს დეპუტატებმა ვერ შესძლეს გლეხების გაყიდვის ვერც ერთი შემ-

65 საქ. ცსსა, ფონდი 416, აღწ. 3, საქმე 1014, ფურც. 30-33.

66 იქვე.

67 იქვე.

68 იქვე, ფურც. 34-37.

69 იქვე, საქმე 1017, ფურც. 40-47.

თხვევის საბუთიანი უარყოფა მათ განაცხადეს, რომ ზოგიერთი შემთხვევა თავად აზნაურობის დეპუტატების მიერ მოყვანილი მაგალითებიდან არ ახსოვთ, ან არ იციან, ხოლო ზოგს მართლაც ჰქონდა აღვლილი, რადგან გეგმატონეს შეეძლო გაეყიდა, ან გაესაჩუქრებინა გლეხი იმ შემთხვევაში, თუ იგი განაცხადებდა ამაზე სურვილს, ან დავალიანებული იქნებოდა, ან კიდევ დაჯარიმებული ქურდობის, ან სხვა უწყისო საქციელის გამო; დანარჩენ შემთხვევაში გლეხი შესაძლოა გაყიდულიყო მხოლოდ მებატონის ძალდატანების შედეგად<sup>70</sup>. თავის მხრივ, თავად-აზნაურობის დეპუტატებმაც ვერ უარყვეს გლეხების მიერ მიწის ყიდვა-გაყიდვის ფაქტები. მაგრამ ეს იმით ახსნეს, რომ ასეთ შემთხვევაში გლეხებს ნებართვა უნდა ჰქონოდათ თავიანთი მებატონეებისაგან<sup>71</sup>.

როგორც ზემოთ აღვნიშნეთ, სტაროსელსკიმ დეპუტატების დაკითხვის შემდეგ კომიტეტისათვის შეადგინა „ჩანაწერი“, რომელშიაც იგი ცდილობდა დაერწმუნებინა კომიტეტი თავდაზნაურობის წარმომადგენლების ჩვენების არა სისწორეში, არა ობიექტურობაში, რათა ამით კიდევ უფრო მეტი ფორმალური საფუძველი მისცემოდა მთავრობას ბატონყმობის ინსტიტუტის უარსაყოფად აფხაზეთში. მაგრამ ამავე დროს სტაროსელსკი თანაგრძნობით გამოეხმაურა ფეოდალების წარმომადგენლების განცხადებას, რომელშიც, სტაროსელსკის აზრით, მათ თავიანთი სწრაფვის საბოლოო მიზანი დასახეს. დეპუტატებს განუცხადებიათ, რომ „სად და როგორი მიწის ნაკვეთიც არ უნდა გამოუყოს მათ მთავრობამ, თუ დაბალი წოდება მიწით სავსებით იქნება უზრუნველყოფილი. მაშინ მათი, უმაღლესი წოდების მდგომარეობა დიდი ხნის განმავლობაში ფრიად შევიწროებული იქნება. რადგან ეს მიწები მუშებისა და მოიჯარადრეების გარეშე დარჩება. თვით ისინი მუშაობას არ არიან ჩეიუღნი, ხოლო ფულადი სახსრები სხვისი ხელით მიწის დასამუშავებლად მათ არ აქვთ“<sup>72</sup>. დეპუტატების ამ გულახდილ განცხადებას სტაროსელსკი თანაგრძნობით შემდეგ შენიშვნას უკეთებს. „ამაში, რა თქმა უნდა, არ შეიძლება არ დავინახოთ სიმართლის მნიშვნელოვანი ნაწილი“<sup>73</sup>.

70 საქ. ცსსა, ფონდი 416, აღწ. 3, საქმე 1017, ფურც. 40-47.

71 საქართველოს სსრ ც. მ. განყ. 4, მ. თუმანიშვილის პირადი ფონდი, № 473.

72 საქ. ცსსა, ფონდი 416, აღწ. 3, საქმე 1014, ფურც. 30-33.

73 იქვე.

ჩანს. დეპუტატების ზემოაღნიშნული სიტყვები ღრმად ჩაძვდარა მეფის ამ მახვილი მოხელის გულში, რაც ადვილი მისახვედრია და არ საჭიროებს ახსნა-განმარტებას.

1870 წლის 23 მარტს, თავის მხრივ, აფხაზეთის თავაღან-ნაურობის დეპუტატებმა კომიტეტის თავმჯდომარეს (სეიატოპოლკ-მირსკის) წარუდგინეს ვრცელი მოხსენებითი ბარათი<sup>74</sup>, რომელშიც დაწვრილებით აღწერენ თავიანთ შეხედულებას აფხაზეთში არსებული წოდებრივი და საადგილმამულო ურთიერთობის შესახებ. ეს მოხსენებითი ბარათი საკმაოდ საინტერესო დოკუმენტია და ამიტომ ჩვენ მიზანშეწონილად მიგვაჩნია, მოკლედ მაინც შევჩერდეთ მის შინაარსზე. დეპუტატები თავგამოდებით ამტკიცებენ, რომ აფხაზეთი უძველესი დროიდან საქართველოს ორგანულ ნაწილს შეადგენდა, რომ მას სრულიად ისეთივე საზოგადოებრივი წყობილება ჰქონდა, როგორც არსებობდა საქართველოს სხვა ოლქებში და ამიტომ, მათი აზრით, აქ განსხვავებული ხასიათის საგლეხო რეფორმის გატარება არაფრით არ იქნება გამართლებული.

ძველთაგანვე აფხაზეთი საქართველოს ყოფილ სამეფოს ნაწილს შეადგენდა. საქართველოს მეფენი არასოდეს არ გამოჩივნიდნენ აფხაზეთს დიდი ქართული ოჯახიდან და როგორც სამეფოს დაყოფამდე, ისე მის შემდეგაც თავისი არსებობის უკანასკნელ დრომდე ქართლელების, აფხაზების, იმერლებისა და კახელების მეფეების ტიტულს ატარებდნენ. როდესაც გასული საუკუნის დასაწყისში ვახტანგ VI-მ გადაწყვიტა კანონთაგან მოციმე და როდესაც ამ საქმისათვის მან საქართველოს ყოფილ სამეფოს პროვინციებიდან დეპუტატებს გამოუძახა, მათ შორის აფხაზეთიდანაც იყვნენ წარმომადგენლები. ცნობილია, რომ აფხაზეთში უკანასკნელ დრომდე შემორჩენილია უძველესი ქართული ჩვეულებანი. არანაკლებ მნიშვნელოვან მოწმედ იმისა, რომ აფხაზეთი საქართველოს ეკუთვნის, ქრისტიანული ტაძრების გარდა, გამოდგება სხვადასხვა საერო და სამხედრო ნაგებობათა ნანგრევები, როგორცაა: პსირცხის კოშკები; კელასურის ქვის კედელი, ციხე-დარბაზები სოფელ იამტუხაში. ოცარცეში და სხვა მრავალი.

ყურადღების ღირსია ისიც, როგორც ძველ დროში, ისე ახლაც, ტანისამოსი, საჭმელი, სამიწათმოქმედო იარაღები, სოფლის მეურნეობის წარმოების საშუალებანი აფხაზეთში სავსებით ისეთივეა, როგორც სამეგრელოში. მხოლოდ ერთ რა-

<sup>74</sup> საქ. ცსსა. ფონდი 416. აღწ. 3. საქმე 1014. ფურც. 38-45.

მეს შეუძლია ბოგვეცეს საბაბი იმისა, რომ აფხაზეთი საქართველოდან დაშორებულად ეცნოთ—ეს არის ენა; განსხვავება ენებში არ ნიშნავს განსხვავებას კანონებსა და ჩვეულებებში. ჩვენ ვერ ვიტყვით იმას, რომ ჩვენში ოდესმე ოფიციალურად შემოღებული ყოფილიყო ვახტანგ მეფის კანონები, მაგრამ თვით ეს კანონები წარმოადგენენ მხოლოდ სისტემატიზირებულ; წერილობით ფორმას იმ ჩვეულებებისა, რომლებიც საერთო იყო როგორც ჩვენთვის, ისე მთელი საქართველოსათვის. ყველაფერი ზემოთ გადმოცემულის შემდეგ, ადვილი შესამჩნევია, რომ აფხაზეთში არ შეიძლებოდა სხვა სამოქალაქო წყობილება ყოფილიყო გარდა იმისა, რომელიც ყოველთვის არსებობდა სხვა ქრისტიანულ ამიერკავკასიაში. ამიტომ ჩვენი წოდებრივი და საადგილმამულო უფლებები ისეთივე იყო, როგორიც აღმოსავლეთ საქართველოში, სამეგრელოში, იმერეთსა და გურიაში, სრულიად უმნიშვნელო თავისებურებებით, რომლებიც გამოწვეული იყო წმინდა ეკონომიური პირობებით და რომლებიც არ აღემატებოდა იმ სხვაობას, რომელიც არსებობდა საქართველოს სხვა დანარჩენ ოლქებს შორის, როგორც, მაგალითად, ქართლსა და იმერეთს შორის. ეს სხვაობა შეიძლება მხოლოდ ზოგიერთ წვრილმანებს ეხებოდეს, მაგრამ საერთოდ სრულიად არ არღვევს აფხაზეთის სრულ მსგავსებას სხვა ოლქებთან, რომლებიც ქართველ მეფეთა სამფლობელოების შემადგენლობაში შედიოდნენ<sup>75</sup>.

✓ მოხსენებით ბარათში აგრეთვე დაწვრილებითაა მოთხრობილი აფხაზეთის მოსახლეობის წოდებრივ დაყოფასა და წოდებათა საადგილმამულო და პოლიტიკურ უფლებებზე. დეპუტატები თავგამოდებით ამტკიცებენ, რომ აფხაზეთის გლეხობა არასოდეს არ ყოფილა თავისუფალი, რომ გლეხი<sup>76</sup> მთლიანად ეკუთვნოდა და ეკუთვნის ახლაც თავის მემამულეს, რომ ამ უკანასკნელს სრული უფლება აქვს გაყიდოს იგი მიწიანად და უმიწოდაც, ან გაასაჩუქროს კიდევ. გლეხები თავის მოვალეობას მემამულის წინაშე ღალისა და ბეგარის სახით იხდიდნენ. აქვე მოცემულია დაწვრილებითი ჩამოთვლა, თუ რა და რა სა-

75 საქ. ცსსა, ფონდი 416, აღწ 3, საქმე 1014, ფურც. 38-45.

76 საჭიროა აღინიშნოს, რომ სიტყვა გლეხში — დეპუტატები გულისხმობენ მხოლოდ ანხაიუს, ხოლო დანარჩენ გლეხთა კატეგორიებს არც კი ხლიან ღირსად იწოდებოდნენ გლეხებად. მათი მტკიცებით ახაშვალა და ახოუიუ ნამდვილი მონებია, ხოლო ამაწურაზქუ ნახევრად მონა, ნახევრად გლეხი (იქვე).



ხის სამუშაოებისაგან შედგება ბეგარა და რა იგულისხმება ლალის ქვეშ.<sup>77</sup>

დეპუტატები არ ზოგავდნენ მქვერმეტყველებას, რომ დაემტკიცებინათ აფხაზეთის თავადაზნაურთა სრული შესაკუთრის უფლება მიწაზე. „აფხაზეთში რუსული მმართველობის შემოღების დროიდან და ვანსაკუთრებით სოსუმის წოდებრივ-საადგილმამულო კომისიის დაწესების დღიდან გლეხებმა დაიწყეს ლაპარაკი, რომ თითქოსდა მთელი მიწა ეკუთვნის არა მემამულეებს, არამედ მათ, გლეხებს. იმის საფუძველზე, რომ გლეხები მიწაზე დასახლდნენ უწინ, ხოლო მემამულეები გაჩნდნენ უფრო გვიან და მხოლოდ თავისი ძალის გამოყენებით აიძულეს გლეხები ემსახურათ მათთვის და მთელი მიწა ხელთ იგდეს. მაგრამ გლეხების ასეთ ჩვენებას არა აქვს არავითარი მნიშვნელობა უკვე იმიტაც, რომ მთელს ქვეყანაზე თავიდანვე იყვნენ ყველანი — გლეხები ან თავისუფალი ადამიანები, ხოლო მემამულეები გაჩნდნენ გაცილებით გვიან. როგორი გზითაც არ უნდა წარმოშობილიყვნენ მემამულეები და რა დროსაც არ უნდა გაჩენილიყვნენ ისინი, გლეხებს არ შეუძლიათ უარყონ აფხაზეთში უხსოვარი დროიდან მემამულეების არსებობის ფაქტი ყველა იმ უფლებით, რომლებიც არსებობენ ახლაც. თუ ეს ფაქტი თავიდანვე ძალადობის შედეგი იყო, მაშინ ის სხვა ქვეყანაშიც ძალადობა ყოფილა და ეს ძალადობა ისტორიული ხანდაზმულობით გადაიქცა უფლებად, რომელიც აღიარებულია მთავრობის მიერ არა მარტო საქართველოში, სადაც ის, ისე როგორც აფხაზეთში, არსებობდა ჯერ კიდევ ქრისტეს დაბადებამდე. არამედ რუსეთშიც, სადაც ბატონყმობა წარმოიშვა გაცილებით უფრო გვიან. ამრიგად, გლეხებსა და მიწის მფლობელობაზე მემამულეთა უფლება, საუკუნეებით დადგენილი და მთავრობის მიერ ცნობილი იმპერიის სხვა ნაწილში, არ შეიძლება სამართლიანობის მიხედვით უარყოფილ იქნეს აფხაზეთში“<sup>78</sup>.

დასასრულ. დეპუტატები ამ თავისი ვრცელი ბარათის ბოლოს გამოთქვამენ იმედს, რომ თვით სვიატოპოლკ-მირსკი და კომიტეტის წევრები ყურადღების გარეშე არ დატოვებენ თავადაზნაურობის საჭირბოროტო საკითხებს და რომ საგლეხო რეფორმა აფხაზეთსა და სამურზაყანოში ისეთივე პირობებში გატარდება, როგორც საქართველოს ყოფილ სამეფოს სხვა ნაწილებში<sup>79</sup>.

77. საქ. ცსსა, ფონდი 416, აღწ. 3, საქმე 1014, ფურც. 38-45.

78. იქვე.

79. იქვე, ფურც. 45.

თავადაზნაურთა დეპუტატები არ შემცდარან, მათი თხოვნა საბოლოო ჯამში მიღებულ და შეწყნარებულ იქნა კომიტეტის მიერ, მიუხედავად იმისა, რომ მის უმრავლესობას სურდა თავი-სუ კოლონიური მიზნის უკეთ განხორციელებისათვის თავიდან-ვე აფხაზეთის მთელი მიწის მასივს, ცთავრობას დარჩენოდა.

აფხაზეთის თავადაზნაურობის დეპუტატების დაწვრილებითი დაკითხვისა და მათი მოხსენებითი ბარათის გარჩევის შემდეგ კომიტეტმა ხელახლა განიხილა კომისიის დასკვნების საფუძველზე მის მიერვე პირველ სხდომებზე დაპროექტებული გადაწყვეტილება და შემდეგ დასკვნამდე მივიდა:

„მის (კომისიის. — ლ. დ.) მიერ შემუშავებული ამ რეფორმის საწყისები, შეესაბამებიან რა აფხაზეთსა და სამურზაყანოში მოქმედ წოდებრივ და საადგილმამულო ურთიერთობათა არსს, მთლად არ ეთანხმებიან ამ მხარეთა მფლობელი კლასების შეხედულებებსა და მოლოდინს, მათი თანამედროვე საზოგადოებრივი მდგომარეობის ნაწილობრივად შენარჩუნების საქმეს“<sup>80</sup>.

თუმცა თავადაზნაურობის დეპუტატების მოხსენებითი ბარათი, — ვკითხულობთ 1870 წ. 30 მაისის კომიტეტის სხდომის უფრინალში, — ისეთი მოთხოვნის დაჩემებას წარმოადგენს, რომელიც ვერ პოულობს თავის გამართლებას ამ ქვეყნების მოსახლეობაში, ნამდვილად არსებული წოდებრივი და საადგილმამულო ურთიერთობის წყობაში. მაგრამ მიუხედავად ამისა, კომიტეტს არ შეეძლო არ მიექცია ყურადღება მათი სამართლიანი განცხადებისათვის იმის შესახებ. რომ მაღალი წოდება, სოხუმის განყოფილებაში პირვანდელი ვარაუდის საფუძველზე გატარებული წოდებრივ-საადგილმამულო რეფორმის შედეგად, უსათუოდ ჩავარდება ფრიად შევიწროებულ მდგომარეობაში. ამიტომ კომიტეტმა საჭიროდ მიიჩნია კომისიის მიერ გამოტანილი დასკვნების საფუძველზე წინასწარ დაპროექტებულ გადაწყვეტილებაში შესწორება შეეტანა. შესწორება შეეხო, კერძოდ, უმაღლესი წოდებისათვის „განსაკუთრებული ნადელის“ გამოყოფის საკითხს. კომიტეტმა მიზანშეწონილად ცნო უმაღლესი წოდებისათვის „განსაკუთრებული ნადელი“ გადიდებულიყო თითოეული კომლისათვის 250 დესეტინამდე იმ 100 დესეტინის ნაცვლად, რომელიც მათთვის ნავარაუდები იყო მანამდე შარვაშიძეთა გვარეულობის გამოკლებით, რომელთაც ამავე გადაწყვეტილებით უნდა მისცემოდათ

80 საქ. ცსსა, ფონდი 416, აღწ. 3, საქმე 1014, ფურც. 6-7.

კომლზე 300 დესეტინა მიწა. დამატებით იმ პირთათვის, რომელთაც მფლობელობის ქვეშ ანხაიუ ჰყავდათ. უნდა გამოეყოთ ორ-ორი დესეტინა ანხაიუს თითო კომლის განთავისუფლები-სათვის და აგრეთვე ათ-ათი დესეტინა მთავრობის ყოველი ორ-ჯენისათვის. კომიტეტმა ესეც არ მიიჩნია საკმარისად და გადაწყვიტა, მათ უფლება მისცემოდათ, ამავე დროს ესარგებლათ საერთო საფუძველზე საზოგადოებრივი მიწებით, საბალახოე-ბით, სათიბი ადგილებით, ტყეებითა და სხვ<sup>81</sup>.

კომიტეტი კიდევ უფრო შორს წავიდა აფხაზეთის თავადაზ-ნაურობის ინტერესების დაცვის საქმეში. მან საჭიროდ ჩათვალა: «для поддержания хозяйства и значения Абхазо-самур-заканских владельцев, крайне необходимо возместить, по возможности, полностью те потери, кои понесут они с прекращением личной зависимости от них низших сос-ловий, и что вместо предварительно-проектированного выкупа повинностей сих сословий по 4-х летней слож-ности их годовой стоимости, предстоит изыскать такой способ возмещения потерь владельцев, который заклю-чил бы в себе, по возможности, действительное и полное вознаграждение их за отходящие от них повинности под-властных, представляя собою капитализацию годовой стоимости их повинностей...»<sup>82</sup> (ნაზი ჩემია. — ლ. დ.).

კომიტეტმა თავადაზნაურობისათვის „ნამდვილი და სრული ანაზღაურების“ საშუალებად ცნო, «чтобы зависимость под-властных, а именно: ахуию (дельмахоре), амацюрасгу (мойнале) и анхае (пиошей), выкупалась по капитали-зации стоимости регулированных повинностей сих под-властных из 10%, вместо принимаемой в подобного рода операциях капитализации из 6%. შემდეგ კომი-ტეტმა მიზანშეწონილად ჩათვალა 10 პროცენტიდან კაპიტა-ლიზირებულ ბეგარა-ვალდებულებათა ღირებულების თანხის  $\frac{2}{5}$  ნაწილი დაფარულიყო თვით გასათავისუფლებელ პირთა მიერ, ან 4 წლის განმავლობაში მათზე დაკისრებული რეგული-რებული ბეგარა-ვალდებულებათა ნატურის სახით მოხდით. ან ამ ბეგარა-გადასახადთა ღირებულების გამოსყიდვით, ხოლო დანარჩენი 10 პროცენტიდან კაპიტალიზირებული თანხის  $\frac{3}{5}$

<sup>81</sup> საქ. ცსსა. ფონდი 416, აღწ. 3, საქმე 1017, ფურც. 40.

<sup>82</sup> იქვე. საქმე 1014, ფურც. 8-9.

ნაწილი მემამულეებს მისცემოდა ხაზინიდან. ახაშვალას, კომიტეტის გადაწყვეტილების თანახმად, ევალეობოდა ემსახურა თავისი მებატონისათვის 4 წლის განმავლობაში გათავისუფლების დაპროექტებული წესის საფუძველზე, რის შემდეგ მის მფლობელს ხაზინიდან უნდა მისცემოდა ახაშვალას თითო .სულზე 25 მანეთი. კომიტეტის აზრით, გამოსყიდვის ასეთი რეკონსტრუქციისათვის ხაზინას დაახლოებით 400 ათ. მანეთის გაღება დასჭირდებოდა<sup>83</sup>.

კომიტეტმა გამოსყიდვის ზემოდასახელებულ სისტემა ყველაზე უფრო მიზანშეწონილად მიიჩნია. რადგან მისი განხორციელების შედეგად მემამულეთა ეკონომიური მდგომარეობა არ შეიწყობოდა იმიტომ, რომ ისინი თითქმის დაუკლებლივ მიიღებდნენ ყველა იმ ბეგარა-გადასახადის საფასურს, რომელსაც აქამდე მათ სასარგებლოდ მათივე ხელქვეითები იხდიდნენ.<sup>84</sup>

ამრიგად, კომიტეტის აზრით, გამოსყიდვის ზემოაღნიშნული სისტემის დროს, ერთი მხრით, მემამულეებს შეუძლიათ მთავრობის ასეთი დახმარებით, მათთვის მიწის საკმაო ფართობის გამოყოფით თავიანთი მეურნეობა ახალ ეკონომიურ საწყისებზე მოაწიონ ისე, რომ შეიქმნან ხელააყრელი ეკონომიური პირობები. მეორე მხრით, დამოკიდებული წოდება, არ იქნება რა დამძიმებული ბეგარა-გადასახადების ღირებულების გამოსყიდვის მთელი თანხით, რაც გადააჭარბებდა მის სახსრებს. მოკლე ხნის განმავლობაში გახდება შეძლებული მეურნე, საშუალება მიეცემა მას გადაიხადოს გადიდებული სახელმწიფო გადასახადები და ამით გადაჭარბებით აანაზღაუროს ის დახმარება, რომელსაც გაუწევს მთავრობა მას დამოკიდებულების გამოსყიდვის საქმეში<sup>85</sup>.

კომიტეტმა გადაწყვიტა. ზემოაღნიშნული მოსაზრების საფუძველზე შესწორება შეეტანა კავკასიის მთიელთა სამმართველოს უფროსის მიერ რედაქტირებულ სოხუმის განყოფილების წოდებრივ-საადგილმამულო რეფორმის პროექტში. საქირო შესწორების შეტანის შემდეგ აღნიშნული პროექტი კავკასიის მეფისნაცვალისათვის უნდა წარედგინათ.<sup>86</sup>

მაშასადამე, თავადაზნაურობის თხოვნა-მუდარას იმის შესახებ, რომ საგლეხო რეფორმის პირობების გამომუშავებისას

83 საქ. ცსსა, ფონდი 416, აღწ. 3, საქმე 1017, ფურც. 19-29.

84 იქვე.

85 იქვე.

86 იქვე.

მთავრობას გაეთვალისწინებინა და დაეცვა მისი ინტერესები, უშედეგოდ არ ჩაუვლია და თავისი მიზნისათვისაც მიუღწევია. სწავგვარად არც შეიძლებოდა დატრიალებულიყო საგლეხო რეფორმის საქმე. ვინაიდან თვით მთავრობაც და ამ შემთხვევაში კომიტეტიც სწორედ რომ მემამულეების ინტერესების დამცველი იყო. ამიტომ კომიტეტის წევრებს, რომლებიც თვითონ მსხვილი მემამულეები და ამავე დროს მეფის სამსახურში მყოფი თვალსაჩინო თანამდებობის პირები იყვნენ, საბოლოო ჯამში არ შეეძლოთ ცყირდი აეგლოთ და უგულუბელყოთ აფხაზეთის მემამულეების ინტერესები. პირიქით, როგორც ვნახეთ. კომიტეტმა ყველაფერი გააკეთა იმისათვის, რომ თავადაზნაურობა რეფორმის გატარების შედეგად ყოველმხრივ უზრუნველყოფილიყო. ეს სრულიად ნათლად მოჩანს ჩვენ მიერ შემოაღწერილი კომიტეტის გადაწყვეტილებიდან.

კომიტეტის მიერ რედაქტირებული და წარდგენილი საგლეხო რეფორმის დებულების პროექტი მეფისნაცვალმა მიხეილ რომანოვმა მოიწონა და თავისი ახსნა-განმარტებით პეტერბურგში სამხედრო მინისტრს გაუგზავნა. მეფისნაცვალმა თავის მოხსენებით ბარათში, ასაბუთებდა რა პროექტში მოცემული მუხლების საფუძვლიანობას, სთხოვდა მინისტრს ეშუამდგომლა იმპერატორის წინაშე პროექტის დამტკიცების შესახებ. მიხეილ რომანოვი განსაკუთრებით სთხოვდა მილიუტინს, რომ მას თავის მხრივ ყოველგვარი ზომა მიეღო, რათა მთავრობას გამოეყო აფხაზეთის თავადაზნაურობის დასახმარებლად კომიტეტის მიერ დაპროექტებული თანხა 400 ათასი მანეთის რაოდენობით, ურომლისოდ, მისი აზრით, არც შეიძლებოდა წოდებრივ-საადგილმამულო რეფორმის გატარების დაწყებაც კი. ამასთან ერთად. დიდი მთავარი შუამდგომლობდა მომრავლებილი შუამავლებისა და დამოკიდებული წოდების საქმეთა განსაკუთრებულ საკრებულოს შტატის დამტკიცებასა და ამისათვის საჭირო თანხის გამოყოფაზე.<sup>87</sup>

თავის მხრივ სამხედრო მინისტრმა მილიუტინმა ეს პროექტი თავისი და ფინანსთა მინისტრ რეიტერნის შენიშვნებითა და შუამდგომლობით კავკასიის კომიტეტს გადასცა განსახილველად.

მილიუტინის მიერ წარდგენილი პროექტი განხილულ და მოწონებულ იქნა ყოველგვარი შესწორებისა და დამატების გარეშე 1870 წლის 2 ნოემბერს, კავკასიის კომიტეტისა და სო-

<sup>87</sup> საქ. ცსსა, ფონდი 1268, აღწ. 12, საქმე 74, ფურც. 37-38.

ფლის მდგომარეობის მომწყობი მთავარი კომიტეტის გაერთიანებულ სხდომებზე<sup>88</sup>, რის შემდეგ საბოლოო დასამტკიცებლად წარუდგინეს იმპერატორ ალექსანდრე II-ს, რომელმაც მას 1870 წლის 8 ნოემბერს მოაწერა ხელი. მაგრამ „დებულება სოხუმის განყოფილებაში მოსახლეობის პირადი დამოკიდებულების გაუქმებისა და საადგილმამულო მოწყობის შესახებ“ გამოქვეყნებულ იქნა მხოლოდ 1871 წლის 19 თებერვალს, ზუსტად რუსეთში ბატონყმობის გაუქმების 10 წლისთავზე.

ამ დებულების მთავრობისათვის საჭირო მიმართულებით გასავეითარებლად, 1871-74 წლებში შემუშავებული და გამოცემული იქნა რიგი ინსტრუქციები და წესები.

1872 წლის 10 ივლისს მეფისნაცვალმა წინადადება მისცა სოხუმის სამხედრო განყოფილების უფროსს, დაუყოვნებლივ გაეხსნა საადგილმამულო საქმეთა გასაკუთრებული საკრებულო და შეადგომოდა აფხაზეთ-სამურზაყანოს მოსახლეობის მიწით მოწყობის საქმეს, თანახმად 1872 წლის 29 მაისის ინსტრუქციისა<sup>89</sup>.

საადგილმამულო საქმეთა განსაკუთრებული საკრებულო გაიხსნა საზეიმოდ 1872 წლის 30 ივლისს. განსაკუთრებული საკრებულოს თავმჯდომარედ დანიშნულ იქნა სოხუმის განყოფილების უფროსი, თავმჯდომარის მოადგილედ — სოხუმის წოდებრივ-საადგილმამულო კომისიის თავმჯდომარე. ხოლო წევრებად — ამავე კომისიის წევრები<sup>90</sup>.

საადგილმამულო საქმეთა განსაკუთრებული საკრებულოს გახსნის დღიდან აფხაზეთში 8 ნოემბრია დებულების ცხოვრებაში გატარება იწყება, მაგრამ მისი სისრულეში მოყვანა, ე. ი. საგლეხო რეფორმის დამთავრება, სხვადასხვა დამაბრკოლებელი მიზეზების გამო, ჯამდენიმე ათეული წლის განმავლობაში გაგრძელდა.

88 საქ. ცსსა, ფონდი 1268, აღწ. 12, საქმე 74, ფურც. 59.

89 იქვე, ფონდი 416, აღწ. 3, საქმე 1721, ფურც. 36

90 იქვე, საქმე 190, ფურც. 42.

## თავი მისამი

### 8 ნოემბრის დებულება

1870 წლის 8 ნოემბრის „დებულება სოხუმის განყოფილებაში მოსახლეობის პირადი დამოკიდებულების გაუქმებისა და საადგილმამულო მოწყობის შესახებ“<sup>1</sup>; როგორც თვით ამ დებულების სახელწოდებიდან ჩანს, გლეხთა ყოფა-ცხოვრების ორ მხარეს ეხებოდა: პირად დამოკიდებულებასა და საადგილმამულო კავშირუერთიერთობას.

ამ დებულების მეორე მუხლი აცხადებდა, რომ „ყველა სხვადასხვა სახელწოდების დამოკიდებული პირები, სახელდობრ: ახაშვალა, ახოუიუ (დელმახორე), ამაწურაზქუ (მოინალე) და ანხაიუ (ფიოში)“ ამიერიდან „პოულობენ სოფლის თავისუფალი მოსახლეობის უფლებებს“.

დებულების შემდეგი მუხლები განმარტავდნენ, თუ რას ნიშნავდა და როგორი იყო გლეხის „განთავისუფლების“ პირობები.

მეამე მუხლი განმარტავდა, რომ „პირადი დამოკიდებულებისაგან გასათავისუფლებელი პირები (მ. მე-2) აგრძელებენ თავისი მემამულეების წინაშე 4 წლის განმავლობაში სამსახურის, მუშაობისა და სხვა ბეგარა-ვალდებულებათა მოხდას. რომელნიც სრულდებოდნენ ჩვეულებისამებრ ამ დებულების გამოქვეყნებამდე. ანდა ამის ნაცვლად, თუ სურვილი ექნებათ. გადაუხდიან მფლობელებს განსაკუთრებულ გამოსასყიდ თანხას“.

ამის შემდეგ დებულება ეხებოდა გლეხთა ცალკეულ კატეგორიებს და განსაზღვრავდა თითოეული მათგანის მოვალეობას თავისი მემამულის წინაშე „დროებითი ვალდებულების“

<sup>1</sup> ცსსა. ლენინგრადი, ფონდი 1268, აღწ. 12, საქმე 74, 1868 წ., ფურც. 39-42.

პერიოდში, ხოლო გამოსყიდვის შემთხვევაში გამოსასყიდი თანხის რაოდენობას.

ახაშვალა დროებით სავალდებულო სამაახურის პერიოდში (ე. ი. 4 წლის განმავლობაში) კანონისა და ჩვეულების თანახმად მფლობელთა სრულ განკარგულებაში რჩებოდა (მ. მე-4).

ახაშვალას გამოსასყიდი თანხის რაოდენობა, სქესისა და წლოვანების მიხედვით, განსაზღვრული იყო 50-დან 120 მანეთამდე (მ. მე-6).

როგორც დებულების მე-4 მუხლიდან ჩანს ახაშვალა რჩებოდა დროებით, სავალდებულო პერიოდში, მფლობელის სრულ განკარგულებაში. ე. ი. ისეთივე სრულიად უუფლებო, ნონურ მდგომარეობაში, როგორც რეფორმამდე იყო. მართალია, თანახმად მე-6 მუხლისა, ახაშვალას იურიდიული უფლება ეცლებოდა თავი დაეხანა უუფლებო, მონური მდგომარეობიდან იმ შემთხვევაში. თუ იგი დებულებით განსაზღვრული თანხის რაოდენობას გადაიხდიდა, მაგრამ ეს მისთვის მიუწვდომელი იყო, რადგან არავითარი საშუალება ამისათვის ახაშვალას არ გააჩნდა. მართლაც, საიდან უნდა ეშოვნა მან გამოსასყიდად 120 მანეთი? იმისათვის, რომ წარმოვიდგინოთ ამ თანხის რაოდენობა. საკმარისია აღვნიშნოთ, რომ ერთი ძროხის ღირებულება მაშინ (როგორც ამას ჩერკეოვი და სხვა ავტორები აღნიშნავენ) 10 მანეთს უდრიდა<sup>2</sup>. მაშასადამე, სრულწლოვან ახაშვალას პირადი დასაკიდებულებისაგან გასათავისუფლებლად უნდა ეშოვნა 12 ძროხა. თუ აქ გავიხსენებთ ამ შრომის პირველ თავში ჩვენ მიერ აღწერილ ახაშვალას არააღამიანურ, მონურ მდგომარეობას, რომ იგი მთლიანად მფლობელს ეკუთვნოდა, რომელსაც შეეძლო მისი, როგორც ნივთის გაყიდვა, გასაჩუქრება და ფიზიკურად მოსპობაც კი; თავისთავად ცხადია, რომ დებულების მიერ ახაშვალასათვის მინიჭებულ გამოსყიდვის უფლებას არავითარი პრაქტიკული მნიშვნელობა არ ჰქონდა და, მაშასადამე, სრულიად არ აუმჯობესებდა მის აუტანელ, მძიმე მდგომარეობას. ეს გასაგებიცაა იმიტომ, რომ დებულება არც ისახავდა მიზნად ექსპლოატირებული მასის მდგომარეობის გაუმჯობესებას. პირიქით, იგი უფრო მეტად იმაზე ზრუნავდა, რომ აფხაზეთის გემამულეები, რეფორმის შედეგად, არ დარჩენილიყვნენ მუშახელისა და მონა-მოსამსახურეთა გარეშე. მთავრობამ კარგად იცოდა, რომ ახაშვალას არ შეეძლო თავის გამოსყიდვა და იმიტომ იგი იძულებული იქნებოდა მფლობელის სრულ

<sup>2</sup> АН СССР, Исторический архив, V. 1950, гл. 413.



განკარგულებაში დარჩენილიყო „სავალდებულო დამოკიდებულების“ მანძილზე.

შემდგომ მთავრობისა და მემამულეების მოქმედებით საქმე ისე წარიმართა, რომ სავალდებულო დამოკიდებულების პერიოდი 4 წლის გავლის შემდეგ კიდევ მრავალი წლის მანძილზე გაგრძელდა არა მარტო ახაშვალას, არამედ გლებთა სხვა კატეგორიების მიმართაც.

ღებულების მე-9 მუხლში ჩამოთვლილი იყო ის მოვალეობანი, რომელნიც უნდა შეესრულებინა ახოუიუს მემამულისათვის დროებითი ვალდებულების პერიოდში. აქედან გამომდინარეობდა, რომ ყველა ის ძირითადი მოვალეობანი, რომელთაც ასრულებდა ახოუიუ რეფორმის გამოცხადებამდე, იალაში რჩებოდა, ვიდრე იგი თავს არ გამოისყიდოდა სათანადო გამოსასყიდი თანხის ვალდებით. ახოუიუს კომლისათვის გამოსასყიდი თანხის რაოდენობა, ღებულების მე-10 მუხლით, 100-დან 180 მანეთამდე განისაზღვრებოდა, იმისდა მიხედვით, თუ რამდენი სრულსააკოვანი მუშახელი ასრულებდა საბატონო სამუშაოებს ოჯახიდან. თუ ოჯახიდან მემამულის სამინდვრე სამუშაოების შესასრულებლად სამი მუშახელი გადიოდა, რაც ჩვეულებრივ მოვლენად უნდა ჩაითვალოს, მაშინ ახოუიუს კომლი 180 მანეთს, ან 18 ძროხას იხდიდა. ადვილი წარმოსადგენია, რომ ასეთი თანხის გადახდა აღემატებოდა ახოუიუს ყოველგვარ შესაძლებლობას. მაშასადამე, ახოუიუ რჩებოდა ისეთსავე ყმურ მდგომარეობაში, რომელშიც იგი აქამდე იმყოფებოდა.

მუხლი მეთორმეტე ესეზოდა: ამაწურაჰქუს (მოინალეს). მის თითოეულ კომლს სავალდებულო კავშირურთიერთობის პერიოდში ეკისრებოდა შეესრულებინა მფლობელის სასარგებლოდ „სამინდვრე სამუშაო წინანდებურად ჩვეულებრივი რაოდენობით, ე. ი. ერთი მუშახელით 2-3, ან 5-6 დღე კვირაში“.

✓ „თანხმად ამისა (მ. მე-12), გამოსასყიდი თანხა ამაწურაჰქუს (მოინალეს) წოდებისათვის განსაზღვრულია:

ა) იმ კომლთათვის, რომელნიც ვალდებულნი არიან სამინდვრე სამუშაო შეასრულონ 2-დან 3 დღემდე — 40 მან..

ბ) იმ კომლთათვის, რომელნიც მფლობელს აძლევენ ერთ მუშახელს 5-დან 6 დღემდე კვირაში — 80 მან...“ (მ. მე-13).

— მე-15 მუხლში ჩამოთვლილი იყო ანხაიუს (ფიოშის) ის ვალდებულებანი, რომლებიც მას უნდა შეესრულებინა. ამ მუხლიდან გაჩვეულად ჩანდა, რომ ანხაიუსაც რჩებოდა შესას-

ჩულებლად ყველა ის ძირითადი მოვალეობანი, რომელნიც მას აქამდე ეკისრა.

გამოსასყიდი თანხის რაოდენობა ანხაიუს თითოეული ოჯახისათვის განსაზღვრული იყო მე-15 მუხლში ჩამოთვლილი ბეგარა-ვალდებულებათა 4 წლიური ოდენობის გაანგარიშებით, რაც 54 მან. და 60 კაპ. შეადგენდა (მ. მე-16).

სწორიგად, გლეხებს პირადი დამოკიდებულებისაგან გათავისუფლებისათვის — კომიტეტის გადაწყვეტილების ფორმულა რომ ეიხმართ — მთლიანად უნდა აენაზღაურებინათ მფლობელებისათვის „დანაკლისი“, რომელსაც ისინი მათგან დამოკიდებული წოდების ჩამოშორებით ნახავდნენ. ანაზღაურება შეიძლებოდა 4 წლის განმავლობაში ყველა ძირითადი ფეოდალური ბეგარა-ვალდებულების შესრულებით, ან მათი ღირებულების ერთბაშად, ან ნაწილ-ნაწილ გადახდით. ამასთან, 1870 წლის 8 ნოემბრის დებულების საფუძველზე შემუშავებული „ინსტრუქცია სოხუმის განყოფილების დაწესებულებებს აფხაზეთის და სამურზაყანოს საადგილმამულო მოწყობის შესახებ“ ადგენდა გლეხების მიერ მემამულეების წინაშე ვალდებულების მოხდის მკაცრ წესებს. მოხსენებული ინსტრუქციის 106-ე პარაგრაფი განმარტავდა: მიწის მუშა, რომელიც სამუშაოზე გამოცხადდება უვარგისი იარაღით. ან დაგვიანებით, მემამულეს შეუძლია სამუშაოზე არ დაუშვას და სამუშაო დღეც გაცდენილად ჩაუთვალოს. თუ კი ასეთი შემთხვევა გამეორდა ორჯერ, სამჯერ და ა. შ., მაშინ ის პროგრესულად მზარდ ჯარიმას იხდის.

120-ე პარაგრაფი ავალდებულებდა სოფლის ადმინისტრაციას, ყოველგვარი დაყოვნების გარეშე. ხელი შეეწყო მფლობელისათვის, რომ გლეხებს სავალდებულო ურთიერთობის პერიოდში დროულად შეესრულებინათ თავიანთი მოვალეობა.

თუ მფლობელი საჩივარს შეიტანდა გლეხებზე. სოფლის ნამასახლისი ვალდებული იყო დაუყოვნებლივ. საჩივრის შეტანის დღეაღე, მიეღო სასწრაფო ზომები, რათა გლეხებს დროულად მოეხადათ თავიანთი ვალდებულება (§ 121-ე).

გამოსასყიდი თანხის თავის დროზე გადახდის ზედამხედველობა უმთავრესად მომრიგებელ შუამავლებს ევალებოდათ საოლქო, საუბნო უფროსებისა და სოფლის მამასახლისის ხელისშეწყობით (§-130).

თუ მფლობელი საჩივარს შეიტანდა სათემო სასამართლოში, გლეხის მიერ გამოსასყიდი თანხის არაწესიერი გადახდის

შესახებ, სასამართლოს უფლება ჰქონდა დადგენილება გამოეტანა. დავალიანების დასაფარავად უწესივრო გადაძხდელის მოძრავი ქონების ნაწილის გაყიდვის შესახებ (§-132).

ჩვენ ზემოთ ვნახეთ. რომ დებულებაში განსაზღვრული გამოსასყიდი თანხის რაოდენობა იმდენად დიდი იყო, რომ მისი გადახდის შესაძლებლობა გლეხების საშუალებას აღემატებოდა და ამიტომ ისინი განწირული იყვნენ კიდევ მრავალი ხნის განმავლობაში. ძველებურად ფეოდალურ კაბალაში დარჩენილიყვნენ.

მიუხედავად ამისა, 8 ნოემბრის დებულებას ვლახებისათვის მაინც დიდი მნიშვნელობა ჰქონდა. რადგან მათ რიგი სამოქალაქო უფლებები მიიღეს. დღიდან ამ დებულების გამოქვეყნებისა გლეხი უკვე არ წარმოადგენდა სრულიად უფუფლებო ყმა-მონას, რომლის გაყიდვა-გასაჩუქრება დაუბრკოლებლად შეეძლო მანამდე მის მებატონეა. გლეხს ახლა უკვე ეძლეოდა გარკვეული კანონიერი უფლებები. მართალია, ძლიერ შეზღუდული, მაგრამ მაინც სახელმწიფო კანონმდებლობით მინიჭებული. მემამულეს უკვე არ შეეძლო იგი გაეყიდა, გაესაჩუქრებინა, ჩარეოდა პირად საოჯახო ცხოვრებაში. აეკრძალა, ან ხელი შეეშალა ცოლის შერთვის, ან გათხოვების საქმეში. გლეხს უკვე უფლება ჰქონდა თავისი სურვილისამებრ მოეწყო პირადი ცხოვრება, ჩაბმულიყო ვაჭრობაში, სხვადასხვა ხელობაში, შეეძინა უძრავი და მოძრავი ქონება და სხვა. „ყოველივე ეს დიდი ნაბიჯი იყო ფეოდალურ უფლება-სამართლიდან ბურჟუაზიული უფლება-სამართლისაკენ მიმავალი გზით გადადგმული. მაგრამ ამ მხრივაც რეფორმა შუაგზაზე გაჩერდა: მემამულეებმა შეინარჩუნეს მთელი რიგი უფლებები, რაც მათ რეფორმამდე ჰქონდათ“<sup>4</sup>. განსაკუთრებით ეს დროებითი ვადლებული გლეხების მიმართ ითქმის, რომლებიც რეფორმის შედეგად ჩავარდნენ რა მემამულის ეკონომიურ კაბალაში, ფაქტიურად უფლებრივადაც ერთგვარად შეზღუდულნი და მისგან დამოკიდებულ მდგომარეობაში აღმოჩნდნენ.

მეტად შეზღუდული იყო აგრეთვე გლეხობის არჩევითი მმართველობის ორგანოები, ე. წ. სოფლისა და თემის ყრილობები. სოფლის მამასახლისი, სათემო გამგეობა და სათემო სასამართლო ექვემდებარებოდნენ ადგილობრივ ადმინისტრაციას, საუბნო და საოლქო უფროსობას, მომრიგებელ შუამავ-

4 ე. ა. შოროხოვეცი. 1861 წლის საგლეხო რეფორმა, თბილისი, 1938 წ., გვ. 126.

ლებს<sup>5</sup>. გლახობის მართვა-გამგეობის არჩევითი ორგანოების მოვალეობას შეადგენდა მხოლოდ გადასახადების გაწერა და აკრეფა, გლახების მიერ მემამულეების წინაშე თავისი ვალდებულების წესიერად შესრულების ზედამხედველობა, სახელმწიფო გადასახადების თავის დროზე გადახდის მოგვარება და სხვ.

„ამრიგად, საგლახო სამმართველოს უპირველეს ყოვლისა კქონდა საბეგრო ხასიათი. ეს იყო უმთავრესად ისეთი ორგანო, რომლის ამოცანას შეადგენდა ის, რომ სახელმწიფო გადასახადები წესიერად შესულიყო და მემამულის მიმართ არსებული ბეგარაც წესიერად შესრულებულიყო“<sup>6</sup>.

საადგილმამულო საკითხიც 8 ნოემბრის დებულების მიხედვით ფეოდალების კლასობრივი ინტერესების სრული დაცვით იქნა გადაჭრილი. პირველი შეხედვით მუხლი 24-ე ისეთ შთაბეჭდილებას ტოვებდა, რომ თითქოსდა იგი მიწათმოწყობის საქმეში აფხაზეთის ყველა კლასის ინტერესების დასაცავად იყო მიმართული, მაგრამ ეს მხოლოდ პირველი შეხედვით, რადგან იქვე დებულებაში გაკეთებული იყო მთელი რიგი შენიშვნები, რომელნიც ფაქტიურად აბათილებდა ამ მუხლის განცხადებას, რომ „სოხუმის განყოფილების ყველა მცხოვრებს, როგორც უმაღლესი, ისე დაბალი წოდებისას, სახელდობრ: თავადს, ააწათას ან ჟინოაქუას, შინაყმას, ანხაიუს ან ფიოშს, ამაწურაზქუს ან მოინალეს, ახოუიუს ან დელმანორეს და ახაშვალას. უმტკიცდება საკუთრების სრულ უფლებაში საკარმიდამო, სახნავ-სათეაი და დამუშავებული საბაღე მიწები, რომელნიც ადგილობრივი სახალხო ჩვეულებით შეადგენდნენ თითოეული პირის ან კომლის კერძო საკუთრებას“.

აქვე გაკეთებული იყო შენიშვნა, რომლის თანახმად „კავკასიის არმიის მთავარსარდალს“ ენიჭებოდა უფლება „საგანგებო წესით დაადგინოს ჩვეულებრივი უფლების საზღვარი“. რას ნიშნავდა ეს? ეს იმას ნიშნავდა, რომ გლახის ნადელის სიდიდე მთლიანად მეფის მოხელეების ნება-სურვილზე იყო დამოკიდებული. ეს შენიშვნა გაკეთებული იყო სწორედ არა გლახების ინტერესების დასაცავად, არამედ, პირიქით, მის წინააღმდეგ. რომ მართლაც ეს ასე იყო, ამას გარკვევით ადასტურებდა 26-ე და 27-ე მუხლები. 26-ე მუხლში ნათქვამი იყო, რომ იმ პირთ, რომელთაც თა-

5 საქ. ცსსა, ფონდი 416. აღწ. 3, საქმე 1025. ფურც. 1-45.

6 ე. ა. შოროხოვეცი, ციტირებული წიგნი, გვ. 130.

ვის ხელქვეითებად ანხაიუ (ფიოში) ჰყავთ, საგანგებო ნადელები“ მიეცემათ თითო ანხაიუს კოზლზე ორი დესეტინის რაოდენობით. 27-ე ძვესლი 'ხეძღეგს განმარტავდა: დამატებით. ხეიოხსენებულ მუხლში ნაჩვენები მიწის რაოდენობისა; იმ გვარებს, რომელნიც კავკასიის არძიის მთავარსარდალის მიერ დამტკიცებული საგანგებო წესებია საფუძველზე. ცნობილი იქნება თავადის, ამათას. ან ჟინოსქუაა წოდების გვარებად. კერძო საკუთრებაში გამოეყოფათ „საგანგებო ნადელები“ თითო მოსახლეზე 25-დან 250 დესეტინის რაოდენობით; ამავე დროს კავკასიის არძიის მთავარსარდალს უფლება ენიჭება. ცალკეულ შემთხვევაში, გაადიდოთ ამ მუხლში ნაჩვენები ნორმა, თუ იგი, ამა თუ იმ პირის შესანიშნავი მთამომავლობისა და დამსახურების მიხედვით, ან კიდევ სხვა მოსახურებებით. ამას სამართლიანად ჩათვლის. აქვე გაკეთებული შენიშვნის თანახმად, მიუხედავად „საგანგებო ნადელის“ გამოყოფისა პრივილეგიურ გვარებს ეძლევათ საზოგადოებრივი მიწის სარგებლობის ისეთივე უფლება; როგორც თემის სხვა მცხოვრებლებს აქვთ მინიჭებული.

29-ე მუხლში აღნიშნული იყო, რომ ქალაქ სოხუმს, სოხუმის განყოფილების სავაჭრო დაბებს და აგრეთვე ეკლესიებს მთავარსარდალის მიხედულებებისამებრ გამოეყოფათ მიწის ნადელები. ამის მომდევნო მუხლი ლაპარაკობდა, რომ ყველა მიწა, რომელნიც კერძო პირთათვის ნადელებისა და საზოგადოებრივი მოხმარებისათვის მიწის მასივების გამოყოფის შემდეგ გადარჩებოდა, მთავრობის უშუალო განკარგულებაში გადადიოდა.

✓ ამრიგად, როგორც ზემოთ უკვე ნათქვამი იყო, ✓ საადგილმამულო მოწყობის საკითხშიც მთავრობამ მაქსიმალურად დაიცვა აფხაზეთის ფეოდალებისა და ცარიზმის კოლონიური ინტერესები. ფეოდალებს, დებულებისა და შემდეგ მთელი რიგი სხვა ინსტრუქციების, დამატებითი წესებისა და კანონების თანახმად, მიწის ისეთი დიდი რაოდენობა მისცეს, რომელიც სრულიად უზრუნველყოფდა მათ მდიდრულ ცხოვრებას, და, მაშასადამე, ეშრომელ მასებზე გაბატონებულ მდგომარეობას.

მიწათმოწყობის ინსტრუქციის 27-ე მუხლის თანახმად, გლეხის ერთი კომლისათვის საკარმიდამო, სახნავ-სათესი და საბაღე მიწის რაოდენობა განსაზღვრული იყო 3-დან 7 დესეტინამდე იმისდა მიხედვით, თუ რამდენი სულისაგან შედგებო-

და იგი; სახელდობრ, თუ ოჯახი შედგებოდა ერთი სულისაგან. მაშინ მას 3 დესეტიანა გამოეყოფოდა, თუ 2 ან 3 სულისაგან — 5 დესეტიანა, თუ 4 ან 5 სულისაგან — 6 დესეტიანა და უფრო მეტი სულისაგან — 7 დესეტიანა.

ამავე ინსტრუქციის 56-ე მუხლის თანახმად ჩამოსახლებულ არაფხანურ წარმოშობის გლეხებს სრულიად არ ეძლეოდათ მიწა კერძო საკუთრებაში. ამით აფხანეთის გლეხობის არც ისე უმნიშვნელო ნაწილი სრულიად უმიწოდ რჩებოდა, რაც. რა თქმა უნდა, იმავე ფეოდალებისა და ცარიზმის კოლონიური ინტერესების დაცვისათვის იყო გაკეთებული.

ინსტრუქციის 73-ე მუხლში ნათქვამი იყო, რომ პრივილეგიური გვარებისათვის საგანგებო ნადელების ჩაოდენობა განსაზღვრული იქნება კავკასიის არმიის მთავარსარდლის საგანგებო ინსტრუქციით მის შემდეგ, რაც გარკვეული იქნება გვარები და პირები, რომლებიც „თავადებისა და ამსთების წოდებას“ ეკუთვნით.

სწორედ იმისათვის, რომ გარკვეულიყო თავადებისა და აზნაურების ჩაოდენობა ზუსტად, მთავარსარდალმა მიხეილ რომანოვმა 1870 წლის 8 ივლისს სოხუმის წოდებრივ-საადგილმამულო კომისიისათვის სპეციალური ინსტრუქცია<sup>8</sup> დაამტკიცა. ინსტრუქციაში ნათქვამი იყო, რომ სოხუმის განყოფილების უმაღლესი წოდების, სახელდობრ: თავადებისა და ამსთების (ჟინოსქუჟას) მოდგმის გამორკვევა და დადგენა. იმ თავადებისა და აზნაურების გათვალისწინებით, რომლებიც ხალხში ყოველთვის პრივილეგიური მდგომარეობით სარგებლობდნენ, ევალება სოხუმის წოდებრივ-საადგილმამულო კომისიას (მუხ. 1-3). „თავადთა წოდებაზე უსათუოდ მიკუთვნებულ გვარებად ცნობილია: შარვაშიძე, ინალიფა. ჩაბალურხვა, მარშანია, ანჩაბაძე, ძიამშიფა, ჩხორტუა, ემუხვარი და ცამბა“ (მუხ. 4). „აზნაურთა ან ჟინოსქუჟების წოდებაზე უსათუოდ მიკუთვნებულ გვარებად ცნობილია: მარღანია (მაანი), ზვანზაია (ზეენი), ლაკერბაია (ლაკერი). აქირთაა და მიქამბა“ (მუხ. 5).

კომისიას ევალებოდა მოეგროვებინა ცნობები და დაწერილობებით შეესწავლა ვინაობა იმ დანარჩენი გვარებისა, რომლებმაც პრეტენზია განაცხადეს ან თავადობაზე, ანდა აზნაურობაზე. ამ მიმართულებით კომისიის მუშაობის დამთავრების შემდეგ, სოხუმის განყოფილების უფროსმა კომისიის მიერ

<sup>8</sup> მუხ. ცსა. ფონდი 57, საქმე 4, ფურც. 2-8.

შეგროვილი მასალები და დასკვნები თავისი შენიშვნებით კავკასიის მთიელთა სამმართველოს წარუდგინა 1876 წლის 4 აპრილს<sup>9</sup>. სამმართველოს უფროსმა, თავის მხრივ, კომისიის მიერ შეგროვილი მასალებისა და დასკვნების საფუძველზე, შეადგინა მოხაზვები. რომელიც მეფისნაცვალს მიართვა. ამ უკანასკნელმა იგი უცვლელად დაამტკიცა. ჩქარა აიის შემდეგ სოხუმის წოდებრივ-საადგილმამულო კომისია გადაკეთდა სოხუმის საადგილმამულო კომისიად, რომლის კომპეტენციაში მართლედენ ადგილობრივი მოსახლეობის მიწათმოწყობის საქმიანობა შედიოდა<sup>10</sup>.

კომისიის მასალებიდან ჩანს, რომ უმაღლესი წოდების კუთვნილებაზე პრეტენზია განუცხადებია 234 გვარს. „მაგრამ შეწყნარებულია მხოლოდ 70 გვარის განცხადება, რომლებიც ჰქმნიან 823 ოჯახს. მათი რიცხვიდან ცნობილ იქნა თავადების გვარებად 11 გვარი (310 ოჯახი), ამსთების — 34 გვარი (396 ოჯახი), შთამომავლობითი აზნაურების — 4 გვარი (6 ოჯახი), აფხაზეთის ყოფილი მთავრების შინაყმების — 16 გვარი (96 ოჯახი) და სახელმწიფო სამსახურით უფლება მოპოვებული (5 ოჯახი)“<sup>11</sup>.

1874 წლის 14 თებერვალს კავკასიის არმიის მთავარსარდალმა დაამტკიცა — „დებულება სოხუმის განყოფილების ადგილობრივი დაწესებულებებისათვის აფხაზეთსა და სამურჯაყანოში საადგილმამულო მოწყობის შესახებ“<sup>12</sup>.

ამ დებულებით საადგილმამულო მოწყობის შესახებ დადგენილებების სისრულეში მოყვანა მომრიგებელ შუამავლებსა და საადგილმამულო საქმეთა საგანგებო საკრებულოს ევალებოდა (§-2).

მომრიგებელი შუამავლები და მათი კანდიდატები ინიშნებოდნენ სოხუმის განყოფილების უფროსის წარდგენით მთავარსარდლის მიერ (§-3), მომრიგებელი შუამავლები და მათი კანდიდატები იმყოფებოდნენ საადგილმამულო საქმეთა საგანგებო საკრებულოს უშუალო განკარგულებაში (§-6).

საკრებულოს საქმიანობაში შედიოდა მოსახლეობის საადგილმამულო მოწყობის შესახებ მიღებული დადგენილებების სისრულეში მოსაყვანად საგანმკარგულებლო ღონისძიება-

9 საქ. ცსსა, ფონდი 431, საქმე 109, ფურც. 1-16.

10 იქვე.

11 იქვე, აღწ. 1, საქმე 412, ფურც. 2.

12 იქვე, ფონდი 426, აღწ. 3, საქმე 1027, ფურც. 1-28.

ნი, მომრიგებელ შუამავლებზე შეტანილი საჩივრის გარჩევა; მომრიგებელი შუამავლების მიერ კერძო საკუთრებაში დასამტკიცებლად მიწის ნაკვეთების ოდენობის შესახებ შედგენილი აქტების განხილვა და დამტკიცება (§-95).

საჩივრის შეტანა საგანგებო საკრებულოს მოქმედების შესახებ მხოლოდ მთავარსარდლის სახელზე შეიძლება (§-113).

როგორც ზემოთ იყო აღნიშნული, საადგილმამულო საქმეთა საგანგებო საკრებულო სონუმში გაიხსნა 1872 წლის 30 ივლისს და ამ დღიდან იგი თავისი მოვალეობის აღსრულებას შეუდგა<sup>13</sup>.

აფხაზეთში დანიშნულ იქნა 4 მომრიგებელი შუამავალი. პირველ მომრიგებელ შუამავლებად იყვნენ: გუდაუთის უბანში — კაპიტანი ნეიმანი, ვუშიხთის — კაპიტანი ჩუღინოვი, კოდორის — კაპიტანი მალინოვსკი და სამურზაყანოს — კაპიტანი გერასიმოვი<sup>14</sup>.

მის შემდეგ, რაც სონუმის წოდებრივი-საადგილმამულო კომისიის მიერ დადგენილ იქნა თავადებისა და აზნაურების რაოდენობა აფხაზეთში, საადგილმამულო საქმეთა საგანგებო საკრებულო და მომრიგებელი შუამავლები პირველ რიგში შეუდგნენ თავადაზნაურობის მიწით მოგვარების საკითხს. ეს იმიტომ, რომ მთავრობამ რეფორმის გატარების პროცესში შეცვალა თავისი დამოკიდებულება აფხაზეთის თავადაზნაურებისადმი. თუ მთავრობა საგლეხო რეფორმის მომზადების დასაწყისში ქედმაღლურად უყურებდა ადგილობრივ მემანულებს და არაფრად ავდებდა მათ განწყობილებას, ახლა ის თითქოსდა გონს მოვიდა. აღაპარაკდა მასში ფეოდალურ-კლასობრივი სინდისი და რეფორმის გატარების დროს ისევ აფხაზეთის გაბატონებულ კლასს დაუქმობილდა. სხვაგვარად არც შეიძლება ყოფილიყო. ერთ-ერთი საარქივო დოკუმენტში პირდაპირაა მითითებული, რომ მთელი საგლეხო რეფორმა, რომელიც გადატრიალებას ახდენს წოდებრივ-საადგილმამულო ურთიერთობაში და რომელიც პრივილეგიურ წოდებას არაბნელსაყრელ მდგომარეობაში აყენებს, ისე უნდა ჩატარდეს და ისეთი ღონისძიება უნდა იქნეს მიღებული, რომ შეუწყობუქოს მას მდგომარეობა, ზრუნვა თავადაზნაურობის კეთილდღეობაზე საჭიროა იმისათვის, რომ მოპოვებულ იქნეს ამ

13 საქ. ცსსა. ფონდი 426, აღწ. 3, საქმე 1021. ფურც. 42.

14 ა. ნ. დიჩკოვი-ტარასოვი, დასახელებული შრომა, გვ. 203.



კლასის კეთილმოსურნეობა რეფორმისადმი“ და „სიმპატიან რუსული გავლენისადმი“<sup>15</sup>.

მეფის მთავრობას კარგად ესმოდა, რომ ადგილობრივი ფეოდალების „კეთილმოსურნეობისა“ და „სიმპატიის“ მოპოვება შესაძლებელი იყო მხოლოდ მათთვის მიწის დიდი რაოდენობით გამოყოფის გზით. სწორედ ამ მიმართულებით წარმართა მთელი თავისი მოღვაწეობა სოხუმის საადგილმამულო საქმეთა საგანგებო საკრებულომ.

უპირველესად ყოვლისა, საკრებულოს უნდა დაეზუსტებინა 1870 წლის 8 ნოემბრის დებულების ის ადგილი, რომელიც განმარტავდა, რომ თავადებისა და აზნაურებისათვის გამოყოფილიყო განსაკუთრებული ნადელი 25-დან 250 დესეტინის რაოდენობით. საკრებულომ ამისათვის საჭიროდ ცნო თავად-აზნაურობა სამ კატეგორიად დაეყო. პირველ კატეგორიას მიაკუთვნეს ყველა თავადი, მეორეს — ის აზნაურები, რომელთა პრივილეგიური წარმოშობა და მდგომარეობა ექვს არ იწვევდა და შესამეს—ისინი, ვინც სოხუმის წოდებრივ-საადგილმამულო კომისიის გამოკვლევით იქნენ ცნობილნი აზნაურებად. თანახმად ამისა, საკრებულომ დაადგინა: „ყველა ამ კატეგორიის ოჯახებისათვის ნორმალურ ნადელად მიღებულ იქნეს — პირველისათვის 100-დან 250 დეს. ოჯახზე, მეორესათვის — 50-დან 150 დეს. და შესამესათვის 25-დან 75 დესეტინამდე. ნადელის გადადება უნდა მოხდეს ოჯახში შემავალ სულთა რაოდენობასთან პროპორციულად ისე, რომ პირველი კატეგორიის ოჯახები, რომლებსაც თავის შემადგენლობაში ერთი სული ჰყავთ, იღებენ — 100 დეს., 2-3 სული — 150 დეს., 4-5 სული — 200 დეს., 6 და უფრო მეტი სული — 250 დეს. მეორე კატეგორიის ოჯახზე, რომელსაც ერთი სული ჰყავს — 50 დეს., 2-დან 3 სულამდე — 80 დესეტინას, 4-დან 5 სულამდე — 100 დესეტინას, 6 და უფრო მეტი — 50 დეს. შესამე კატეგორიის ოჯახებზე, რომელთაც ჰყავთ ერთი სული — 25 დეს., 2-დან 3 სულამდე — 40 დეს., 4-დან 5 სულამდე — 55 დეს., 6 და უფრო მეტი — 70 დესეტინას. დამოუკიდებლად ამ ნორმალური ნადელისა, ის პირები, რომლებმაც სახელმწიფოებრივ სამსახურში მიიღეს ჩინი იუნკარის წოდებიდან შტაბ-ოფიცრის ჩინამდე, ლებულობენ დამატებით ათ-ათ დესეტინას თითო ჩინზე; შტაბ-ოფიცრის ჩინზე მაღლა 30-30 დესეტინას. პირები, რომელთაც ორდენები აქვთ ან სამხედრო ორდენის

<sup>15</sup> საქ. ცსსა, ფონდი 416. აღწ. 3, საქმე 1021, ფურც. 29.

წარჩინების ნიშანი, თითო მათგანზე ლებულობენ ათ-ათ დესეტინას, სორმალური ნადელის ზევით. პირები, რომელთაც განსაკუთრებული დამსახურება (იგულისხმება მეფის მთავრობის წინაშე.—ლ. ძ.) აქვთ, სოხუმის განყოფილების უფროსისა და სოხუმის წოდებრივ-საადგილმამულო კომისიის დამოწმებით, ნორმის ზევით ლებულობენ ნადელს პროპორციულად დამსახურებისა<sup>16</sup>.

საკრებულოს ეს გადაწყვეტილება განიხილა მთიელთა სამმართველომ და იგი უცვლელად მიიღო, რის შემდეგ სამმართველოს უფროსმა დასამტკიცებლად წაუდგინა იგი მთავარსარდალს.

ამ უკანასკნელმა ძირითადად მოიწონა საკრებულოს ეს გადაწყვეტილება, მაგრამ მასში ზოგიერთი ცვლილება შეიტანა. მთავარსარდალის მიერ შეტანილი ცვლილება კერძოდ შემდეგი იყო: იმ პირობით, რომელთაც სამხედრო ორდენის წარჩინების ნიშანი აქვთ და დაბალ ჩინს ეკუთვნიან, ემატებათ ათ-ათი დესეტინა მიწა, ხოლო ოფიცრებსა და შტაბ-ოფიცრებს ოც-ოცი დესეტინა<sup>17</sup>.

ასეთი იყო ის „ორგინალური ღონისძიება“. დიაჩკოვ-ტარასოვის სიტყვები რომ ვიხმაროთ, რომელსაც მიმართა მთავრობამ ფეოდალების თვალში ჩინებისა და ორდენების მნიშვნელობის ამალღებისათვის. სავსებით მართალია დიაჩკოვ-ტარასოვი, როდესაც ზემოაღნიშნულ საკითხს შესახებ დაასკვნის: „თავად-აზნაურები ამ პარაგრაფით ძალიან კმაყოფილი დარჩნენ. რადგან მათი უმრავლესობა მილიციაში იბრუნებოდა...“<sup>18</sup>

დაახ. აფხაზეთის თავადაზნაურობის უმრავლესობა იმ დროს სწორედ ცარიზმის სამსახურში იყო ჩაბმული და იმისათვის, რომ ისინი ერთგულნი ყოფილიყვნენ რუსეთის ტახტისადმი, მთავრობამ გადაწყვიტა მათთვის დამატებით მიეცათ ათობითა და ასობით დესეტინა მიწის მასივი სათემო ფართობიდან, რააკვირველია, მშრომელთა მანების ხარჯზე.

მეფის ადგილობრივი ადმინისტრაცია ხელიდან არ უშვებდა არც ერთ შემთხვევას, არც ერთ ფორმალურ შესაძლებლობას ისე, რომ ცარიზმისადმი ერთგული მემამულეების განკარ-

<sup>16</sup> საქ. ცსსა, ფონდი 229, საქმე 2589, ფურც. 27-28.

<sup>17</sup> იქვე, ფურც. 30.

<sup>18</sup> ა. ნ. დიაჩკოვ-ტარასოვი, დასახელებული შრომა, გვ. 203.

გულებამი დაბატებითი ძიწის ფართობი არ გადაეცა. ასე, მაგალითად, სოხუმის წოდებრივ-საადგილმამულო კომისიის დადგენილებაში შეჰდევს ვკითხულობთ:

1) დაჯილდოებულ იქნენ დამატებითი ნადელებით 50-დან 100 დესეტინამდე დეპუტატები პრივილეგიური წოდებიდან, რომლებიც მონაწილეობას ღებულობდნენ კომისიის მუშაობაში მოსახლეობის წოდებრივ და საადგილმამულო უფლებათა განსაზღვრა-დადგენის მიზნით; 2) თარჯიმანები, რომლებიც სასარგებლო სამსახურს ეწეოდნენ როგორც კომისიის; ისე მომრიგებელ შუამავლებსა და ოლქების უფროსების მუშაობაში, დაჯილდოებულ იქნენ დამატებითი ნადელებით 25-დან 50 დესეტინამდე და, ბოლოს, 3) დაჯილდოებულ იქნან ნადელებით 100 დესეტინის რაოდენობით ადგილობრივი მოსახლეობიდან ის პირები, რომელთაც უმალღესი სკოლის კურსი დაამთავრეს, ხოლო საშუალო სკოლის კურსდამთავრებულები — 50 დეს. ფართობით. ვინაიდან მათ შეუძლიათ სასარგებლო ზნეობრივი გავლენა იქონიონ ადგილობრივ მოსახლეობაზე<sup>19</sup>.

როგორც საბუთებიდან ჩანს, მთავრობა დიდად ზრუნავდა თავადაზნაურობის ბედზე. ამიტომ ზეიძლება თამამად ითქვას, რომ აფხაზეთის გაბატონებული კლასის შიში, რომ იგი რეფორმის გატარების შედეგად ყოველგვარ პრივილეგიებს დაკარგავდა და სრულიად უსახსროდ დარჩებოდა, უსაფუძვლო აღმოჩნდა. მართალია, მთავრობამ, როგორც ჩვენ ეს ზემოთ დავინახეთ, 1870 წლის 8 ნოემბრის დებულებით ფორმალურად უარყო ფეოდალების საკუთრების უფლება მიწაზე და გამოაცხადა „თანახმად ადგილობრივი სახალხო ჩვეულებისა“ მთელი დამუშავებული მიწა როგორც „უმალღესი“, ისე „დაბალი“ წოდების უდაო საკუთრებად. მაგრამ ამავე დებულებაში იმდენი შენიშვნები იყო გაკეთებული, რომ საბოლოო ჯამში ეს განცხადება თითქმის სავსებით კარგავდა თავის მნიშვნელობას. მართლაც, თუ ფეოდალებს 8 ნოემბრის დებულებისა და ამ დებულებაში მოცემული საფუძვლების განსავეითარებლად გამოცემული სხვადასხვა ინსტრუქციებისა და წესების თანახმად რჩებოდათ საკუთრებაში „ადგილობრივი სახალხო ჩვეულებით“ ყველა მათი კუთვნილი დამუშავებული მიწა და დამატებით გამოეყოფოდათ კიდევ განსაკუთრებული ნადელი ოჯახზე 25-დან 250 დესეტინის რაოდენობით და ორ-ორი დესეტინა ყოველი გასათავისუფ-

<sup>19</sup> საქ. ცსსა, ფონდი 229. საქმე 2589, ფურც. 32.

ლებელი ანხაიუს კომლზე, თუ მეფისნაცვალს ამასთან ერთად უფლება ჰქონდა თავისი მიხედულებისამებრ ცალკეულ შემთხვევაში<sup>20</sup> მრავალჯერ გაედიდებინა ეს განსაკუთრებული ნაღელი ამა თუ იმ პირის „შესანიშნავი ჩამომავლობისა და დასახურების მიხედვით“, ან კიდევ სხვა მოსაზრებათა გამო, თუ ორდენებს. ჩინებს დამატებით ეძლეოდა მიწა და ყველა ჩამოთვლილთან ერთად პრივილეგიურ გვარებს მიეცემოდათ საზოგადოებრივი მიწით სარგებლობის უფლებაც და სხვა. თუ გლეხებს თავის „გასათავისუფლებლად“ აიძულებდნენ გადაეხადათ გამოასაწყიდი თანხა დიდი რაოდენობით. ან ე. წ. დროებით ვალდებულების პერიოდში, ძირითადად ისეთივე მძიმე ბეგარავალდებულებების შესრულებას დააკისრებდნენ, როგორც ეს რეფორმამდე იყო, თუ მთავრობა 400 ათას მანეთს გაიღებდა თავადაზნაურობის ერთდროული დახმარებისათვის და ა. შ. ნაშინ, ცხადია, აფხაზეთის გაბატონებულ კლასს შეეძლო სრულიად დამშვიდებული ყოფილიყო თავისი მომავალი ბედით.

<sup>20</sup> ჩვენ ქვემოთ ვნახავთ, რომ ასეთი შემთხვევები არც ისე იშვიათი იყო.

## თავი მეოთხე

### როგორი პათარია

როგორ გატარდა რეფორმა სინამდვილეში? მიიღო თუ არა აფხაზეთის თავადაზნაურობამ ყველაფერი ის, რაც ზემოთ იყო აღნიშნული? როგორ პირობებში აღმოჩნდნენ, ერთი მხრით, ფეოდალები და, მეორე მხრით, გლეხები რეფორმის გატარების შედეგად? აი, ის კითხვები, რომლებზედაც ჩვენ პასუხი უნდა გავცეთ. მაგრამ ვიდრე ამას შევუდგებოდეთ, საქმის ვითარება მოთხოვს, გავკვირდეთ მაინც შევჩერდეთ ერთ ანბანზე, რომელმაც მნიშვნელოვანი როლი შეასრულა საგლეხო რეფორმის გატარების საქმეში და დროებით მისი მსვლელობა სრულიად შეწყვიტა. ჩვენ მხედველობაში გვაქვს 1877-1878 წლების რუსეთ-თურქეთის ომი. როგორც ცნობილია, რუსეთ-თურქეთის ეს ომი უშუალოდ საქართველოსაც შეეხო. კერძოდ, აფხაზეთში გადმოსხმულ იქნა თურქეთის ჯარების დესანტი რამდენიმე ადგილას. რუსის მცირერიცხოვანი ჯარი, რომელიც აქ იყო დისლოკაცირებული, იძულებული შეიქნა დროებით დაეტოვებინა აფხაზეთი, რომელსაც თურქი დამპყრობლები დაეპატრონენ.

თურქი ბარბაროსები კიდევ ერთხელ ეწვივნენ აფხაზეთს (ამჯერად უკანასკნელად) და მას აუნაზღაურებელი ზიანი მიაყენეს; თითქოს არ ყოფილიყო საქმარისი ის უბედურება, ნგრევა-გაჩანაგება. რომელიც მათ მთელს საქართველოსა და, კერძოდ, აფხაზეთს საუკუნეთა მანძილზე მიაყენეს. ამ შემოსევის დროს დიდად დაზარალდა აფხაზეთის მთელი ზღვისპირა ტერიტორია, მაგრამ განსაკუთრებით კი — ქ. სოხუმი.

უურნალ „ივერიის“ კორესპონდენტი 1881 წელს ქ. სოხუმის მდგომარეობაზე წერდა: „ეს პატარა და ღამაზი ქალაქი თუმცა სრულიად გააოხრეს ოსმალებმა... 1877 წელს, მაგრამ ზოგიერთის სახლების აშენება და ძველების განახლება კიდევ

ვაც მოუხწრიათ, ერთი ბატალიონი რუსის ჯარისა, რომელიც ომიანობის დროს მთაში გაიხიზნა, დაბრუნებულა და თითქმის ყოველდღე ათამაშებენ მას სოხუმის ვრცელს მოედნებზე; ბევრი სახლები გაუახლებიათ, მაგრამ უმრავლესი კი ნანგრევს წარმოადგენს; ზოგან წარმოადგენს მხოლოდ ოთხს კედელს, რომელთა შუაჲ სამს-ოთხს წელიწადში კარგა მოზრდილი ხეები ამოსულან და, ადამიანების მაგივრად, ფრინველებს აძლევენ ბინას; ზოგი სახლები, მეტადრე რომლებშიაც დაწესებულა იყო რამე, მიწასთან გაუსწორებიათ და კედლებიც კი არ დაუნდვიათ<sup>1</sup>. შემდეგ კორესპონდენტი აღნიშნავს, რომ „წასვლის წინად ოსმალებმა... იმ აზრით იმოქმედეს, რომ თუ მე არ შექნება, თუნდ ქვა ქვაზედაც ნუ იქნებაო და ბოლო მოუღეს ყოვლისფერს. რაც კი ხომალდებზედ არ დავიდა. აფხაზების აუარებელი საქონელი და ცხენი გასწყვიტეს მაშინ სოხუმის ახლო-მანლო, ასე რომ თურმე ორ-სამს თვეს მძოვრის სული ანდიოდა იმ არე-მარეს. სოხუმის სახლები სულერთიანად დაანგრიეს და მოსწვენს“<sup>2</sup>.

სათანადო რუკების უქონლობისა და ადმინისტრაციული აპარატის მოუქნელობის გამო, ისედაც გაჭიანურებული საგლებო რეფორმა ამ ომმა დროებით სრულიად შეწყვიტა. ომის დამთავრებისა და სან-სტეფანოს საზავო ხელშეკრულების დადებიდან წელიწადნახევრის გავლის შემდეგ 1879 წლის 16 სექტემბერს მთავარსარდლის სახელზე გაგზავნილ პატაკში სოხუმის განყოფილების უფროსი არაკინი წერდა: „მიწია საკითხი, რომელიც ხალხის კეთილდღეობის ქვაკუთხედს წარმოადგეს, თითქმის შეჩერებულაო“<sup>3</sup>.

რეფორმის გატარება იმავე მიზეზებით არც ომის შემდეგ წასულა ჩქარი ტემპით; რეფორმა დამთავრდა 80-იანი წლების ბოლოს და ისიც მხოლოდ ძირითადად. თორემ მისი მთლიანად დამთავრება კიდევ დიდ ხანს გაჭიანურდა.

რეფორმის გატარების ძლიერ ნელი ტემპი. მისი გაჭიანურება მეტად მძიმე უღლად დააწვა კისერზე აფხაზეთის გლეხობას, რადგან ასეთ პირობებში ფეოდალები თვითნებურად ნოქმედებდნენ და კიდევ ზედმეტად ავიწროებდნენ გლეხებს. გლეხობა თავის პოლიტიკურ უუფლებობას, მისგან უკანონოდ მიწების ჩამორთმევის მეტად განზიარებულ ფაქტებს, სათემო-

<sup>1</sup> ეურნ. „ივერია“, 1881 წ., № 11, ვვ. 96-97.

<sup>2</sup> იქვე.

<sup>3</sup> საქ. ცსსა. ფონდი 416, საქმე 4, ფურც. 1-6.

ს. ზოგადობრივი მიწების ყაჩაღურ დატაცებას, უსამართლობას ნადელების გამოყოფის დროს, გამოსასყიდი ოპერაციების სისტემისა და მრავალი სხვადასხვა სახის გადასახადების სიმძიმეს ბრძოლითა და აჯანყებებით უპასუხებდა. ეს ანტიფეოდალური, კლასობრივი ბრძოლის გამწვავება, მიმართული აფხაზეთის ფეოდალების წინააღმდეგ. მეფის ადმინისტრაციასა და მშრომელ მასებს შორის ურთიერთობის გამწვავებას იწვევდა. რა თქმა უნდა, გლეხთა ბრძოლა, მიმართული ადგილობრივი ფეოდალების წინააღმდეგ. მეფის ადმინისტრაციის წინააღმდეგ ბრძოლას ერწყმოდა და ამიტომ მთავრობა ორმაგი მკაცრი ზომებით ილაშქრებდა გლეხთა მღელვარების გასაწინააღმდეგობად.

იმდროინდელ ოფიციალურ საბუთებში აღნიშნულია, რომ გლეხთა მღელვარებანი „პერიოდულად მეორდებოდნენ“ აფხაზეთშიო. და აი იმისათვის, რომ გლეხთა მღელვარების „პერიოდულ“ გამეორებებს არ ჰქონოდა ადგილი, მთავრობა განსაკუთრებულ ღონისძიებებს მიმართავს. — აძლიერებს ჯარებს და კოლონიზატორების დასახლების ვრცელ გეგმას ადგენს, რისთვისაც წინასწარ ხელსაყრელ ნიადაგს ამზადებს. ადგილობრივი ადმინისტრაცია საბაბად იყენებს რუსეთ-თურქეთის ომს და მისი მსვლელობის დროს მომხდარ გლეხთა ანტიფეოდალურ მღელვარებას „მოლაღატურ“ მოძრაობად ნათლავს, თუმცა სინამდვილეში ასეთი დასკვნისათვის მას არავითარი საფუძველი არ ჰქონდა. მთავრობა „მოლაღატეების“ წინააღმდეგ სპეციალურ ზომებს ღებულობს, რის შედეგად ისედაც დუხჭირ მდგომარეობაში მყოფი გლეხობა კიდევ უფრო აუტანელ პირობებში ჩაეარდა.

✓ სოხუმის განყოფილების უფროსი ერთ-ერთ თავის მოხსენებათ ბარათში „როგორი ზომები უნდა იქნეს მიღებული დამნაშავე აფხაზეთი მოსახლეობის წინააღმდეგ და რის საფუძველზე უნდა გატარდეს საადგილმამულო რეფორმა“, შემდეგს წერდა: ადგილობრივი მოსახლეობა უნდა დაისაჯოს. ის უნდა იქნეს ჩაყენებული ისეთ პირობებში, რომ გლეხთა მღელვარების მოვლენები მომავალში შეუძლებელი გახდეს. ამისათვის კი, მისი აზრით, საკიროა:

1) ყველა დამნაშავე მოსახლეობა დაიბეგროს გადიდებული გადასახადით, 2) დადასტურდეს წინანდელი გაეკარგულეობა იარაღის ტარების აკრძალვის შესახებ და 3) ცალკეული

პირები, რომლებიც ამკარად მონაწილეობენ აჯანყებაში. აღმინისტრაციული წესით მხარიდან გასახლებულ იქნან.<sup>4</sup>

1878 წლის 23 აგვისტოს კავკასიის მთიელთა სამმართველოს უფროსი მთავარსარდალს სწერდა: „დამნაშავე აფხაზურ მოსახლეობა ისე უნდა დევაჯგუფოდ, რომ ა) იგი არ უნდა წარმოადგენდეს ერთ მთლიან მასას, არამედ შერეულ იქნეს თავისუფალ მიწაზე ახლად ჩამოსახლებულთა შორის და ბ) იგი დასორებული უნდა იქნეს კოლონისტების მიერ დასახლებული ხაზით ზღვის სანაპიროდან“<sup>5</sup>.

რა თქმა უნდა, მთავრობამ არ დააყოვნა იმეთი ზომები მიეღო, რომლებიც სოხუმის განყოფილებისა და კავკასიის მთიელთა სამმართველოს უფროსების რეკომენდაციებშია მოცემული. ანეთი რეპრესიების შედეგად, „აფხაზური მოსახლეობა“, ან უფრო უკეთ რომ ვთქვათ, გლეხობა, აუტანელ პირობებში აღმოჩნდა და რამდენიმე ათასი ოჯახი იძულებული შეიქნა ოსმალეთში გადასვენებულიყო. თავისთავად ცხადია, რომ ეს გადასახლება არ მომხდარა თურქეთის აგენტების აგიტაციის გარეშე, რომლებიც მეფის ადგილობრივი აღმინისტრაციის ბოროტმოქმედების შედეგად თავისი სამშობლოდან უნებლიედ აყრილ მცხოვრებლებს იქ, თურქეთში, საუკეთესო პირობებს, მიწიერ სამოთხეს პირდებოდნენ. სინამდვილეში კი რა აღმოჩნდა?! როგორი პირობები დახვდა იქ გადასახლებულთ? ჩვენ მრავალი ისტორიული დოკუმენტი მოგვეპოვება, რომელნიც თურქეთში გადასახლებულთა აუწერელ, საშინელ პირობებს ცხადყოფენ. 80-იან წლებში ეს ამბავი ყურადღების გარეშე არ დარჩენია ქართულ პერიოდულ პრესას. ჩვენ აქ ერთ ადგილს მოვიყვანთ ქრახანას სტატიიდან თურქეთში გადასახლებულთა მდგომარეობის შესახებ, რომელიც მოთავსებულ იქნა გაზეთ „დროებაში“ 1882 წლის 16 იანვარს.

„ისტორიაშიც კი იშვიათად შეხვდებით იმ ნაირ უბედურ და წაშებულ ხალხს, როგორც აფხაზებია. წარსულისა და მომავლის იმედის დაკარგვის გარდა, არც ახლა იციან, თუ რანაირ მათთვის მოუფიქრებელ მდგომარეობაში არიან. ვინ მოსთვლის იმ უბედურებასა და ტანჯვას, რაც შეემთხვა ამ ბედისაგან გაქრანებულ ხალხს, თუ სოხუმის მაზრიდამ გაფანტვისა და ბათუმის მაზრაში და ოსმალის სხვადასხვა ადგილებში გაფანტვის შემდეგ.“

4 საქ. ცსსა. ფონდი 416. საქმე 190. ფურც. 1-4.

5 იქვე. ფონდი 229. საქმე 2586. ფურც. 36-37.



მე თვითონ ვარ მოწამე იმ უბედურებისა, როდესაც იმათ შიმშილმა არა თუ უკანასკნელი მოძრავი ქონება გააყიდვინა, არამედ საყვარელ შვილს, ძმას, დას და ნათესავეებს, როგორც იტყვიან „ერთი კიტრის ფასად“ ჰყიდდნენ და ამნაირად ამსობდნენ სვავ ოსმალების არემს და ყმებდალ სახლებს“. <sup>6</sup>

ასეთვე შემადრწუნებელ სურათს გვიხატავს მთელი რიგი სხვა დოკუმენტი თურქეთში გადასახლებულთა მდგომარეობის შესახებ. ამიტომ იყო, რომ შიმშილითა და წყურვილით გარდაუვალი დაღუპვის საშიშროებამ ემიგრანტებს ისევ აბრუნებინა პირი სამშობლოსაკენ წამოსასვლელად. სოხუმის განყოფილების უფროსის პატაკში მთავარსარდლის სახელზე აღნიშნულია „აფხაზეთის ემიგრანტების მასიურად დაბრუნება თურქეთიდან“<sup>7</sup>. თავისთავად გასაგებია, რომ სამშობლოში დაბრუნდა არა ყველა ემიგრანტი, რადგან მათი მნიშვნელოვანი ნაწილი ზემოაღნიშნული მიზეზებით ან სრულიად დაიღუპა, ამოწყდა ფიზიკურად, ანდა დასაბრუნებლად საჭირო სახსრების უქონლობის გამო, იქ სამუდამო, მონურ მდგომარეობაში დარჩა.

ასე იყო, თუ ისე, ცარიზმის ადმინისტრაციის მიერ წაქეზებულმა ემიგრაციამ „მთავრობის განკარგულებაში დატოვა“ სოხუმის განყოფილების კულტურულ ზონაში, თავისუფალი მიწის მნიშვნელოვანი რაოდენობა (60 ათას დესეტინაზე მეტი), რომელსაც შეუძლია კარგად და თავისუფლად დააკმაყოფილოს 2-დან 4 ათასამდე ოჯახი“<sup>8</sup>.

მთავრობამ გადაწყვიტა ამ თავისუფალ მიწაზე, უფრო მეტად ზღვისპირა ზონაში, დაესახლებინა „ნაცადი ერთგულების“ მოსახლეობა, ე. ი. კოლონისტები „მხოლოდ რუსი ეროვნებით“<sup>9</sup>. მაგრამ რუსული ეროვნული თვისების გარდა, კოლონისტები სხვა თვისებების მატარებელნიც უნდა ყოფილიყვნენ. სახელდობრ: მათ უნდა შეექმნათ რუსული მოსახლეობის კულაკური ფენა, რადგან მხოლოდ მაშინ იქნებოდნენ ისინი ცარიზმისათვის დასაყრდენი, „ნაცადი ერთგულების“ მოსახლეობა. თუ როგორ პირობებს უქმნიდა ცარიზმი კოლონისტებს

<sup>6</sup> გაზეთი „დროება“, № 10, 1882 წ., 16 იანვარი. კრაზნანს სტატია, „აფხაზეთის მდგომარეობის შესახებ“ („ბათუმის აფაზაკები“).

<sup>7</sup> საქ. ცსსა, ფონდი 229, საქმე 2589, ფურც. 41.

<sup>8</sup> იქვე, ფონდი 416, საქმე 190, ფურც. 6

<sup>9</sup> იქვე, ფურც. 7.

აფხაზეთში, ამაზე საგანგებოდ ჩვენ ქვემოთ შევჩერდებით, ახლა კი საჭიროა დავუბრუნდეთ ადგილობრივი მოსახლეობის მიწათმოწყობის საკითხს და გავარკვიოთ იგი.

ზემოთ ჩვენ უკვე აღვნიშნეთ, რომ 8 ნოემბრის დებულება და მის გასავითარებლად გამოცემული მთელი რიგი ინსტრუქციები და წესები თავადაზნაურობის მიწით უზრუნველყოფისათვის დიდად ზრუნავდა და თუ ყველაფერი ის. რაც მათში იყო მოცემულა, პრაქტიკულად გახზორციელდებოდა, მაშინ შემამულის თითოეულ ოჯახს ასეული და ათასეული დესეტინის რაოდენობით უნდა მიეღო მიწა. ეს ასეც მოხდა სინამდვილეში.

1893 წლის ოფიციალური მონაცემებიდან ჩანს, რომ პრივილეგიური წოდების 600 ოჯახისათვის 67.195 დესეტინა მიწა გამოუყვიათ<sup>10</sup>. გამოდის, რომ საშუალოდ მარტო ძირითადი ნადელი მათ მიუღიათ ოჯახზე 112 დესეტინის რაოდენობით. მაგრამ, ამის გარდა, მათ აგრეთვე მიიღეს დამატებითი ნადელებიც, რომლებიც ძალიან ხშირად დიდი ზომის იყო. მოვიყვანოთ ამის დასადასტურებლად მაგალითები. პრაპორშჩიკ თავად პავლე ძიაპშიფას ორდენისა და ჩინისათვის მიუღია 50 დესეტინა, ხოლო მთავაროსარდლის განკარგულებით მთავრობის წინაშე განსაკუთრებული დამსახურებისათვის 170 დესეტინა მიწა. სულ 220 დესეტინა, დამატებითი ნადელი<sup>11</sup>; პრაპორშჩიკ თავად კონსტანტინე ინალიფას ჩინ-ორდენებისათვის — 40 დესეტინა. ხოლო განსაკუთრებული დამსახურებისათვის — 150; სულ დამატებით — 190 დესეტინა მიწა;<sup>12</sup> მაიორ კიწ წამბას ჩინ-ორდენებისათვის — 150 დესეტინა, განსაკუთრებული დამსახურებისათვის — 250. სულ 400 დესეტინა<sup>13</sup>; მისოუსთ მარშანიას ოჯახს ჩინ-ორდენებისათვის — 30 დესეტინა, განსაკუთრებული დამსახურებისათვის — 150. სულ — 180 დესეტინა<sup>14</sup>; აამსთა კონსტანტინე მარლანიას ჩინ-ორდენებისათვის — 20 დესეტინა, ხოლო განსაკუთრებული დამსახურებისათვის — 250 დესეტინა<sup>15</sup>; როს-

<sup>10</sup> ЗКОИРГО. кн. XVIII. 1896, вв. 375; «Кавказский календарь». 1896 г., вв. 218.

<sup>11</sup> საქ. ცსსა, ფონდი 545. საქმე 3103. ფურც. 68-73.

<sup>12</sup> იქვე, ფურც. 199-209.

<sup>13</sup> იქვე.

<sup>14</sup> იქვე.

<sup>15</sup> იქვე.

ტისლავ მარშანიას ოჯახს განსაკუთრებული დამსახურებისათვის რგებია 200 დესეტინა<sup>16</sup>; სოფელ ოტობაიას მცხოვრებ კვადარა ანჩაბაძეს 20 დესეტინა მიუღია მის ხელქვეითყოფი ფიოშების რაოდენობის მიხედვით, 10—იუნკრისა და 30—პოლპორუჩიკის წოდებისათვის, 100 — მთავარსარდლის განკარგულებით: მაშასადამე, სულ — 160 დესეტინა დამატებით ნადელი<sup>17</sup>; ნაბაკევის თემის მცხოვრებ მანუჩარ ანჩაბაძეს 201 დესეტინა მიუღია. აქედან: 46 — ფიოშების რაოდენობის მიხედვით, 125 — განსაკუთრებული დამსახურებისათვის და 30 — პოლპორუჩიკის ჩინისათვის<sup>18</sup>.

ასევე ჩინ-ორდენებისა და განსაკუთრებული დამსახურებისათვის ათეული და ასეული დესეტინა მიწა რგებიანთ კაცია მარშანიას ქვრივს ანასტასია მარშანიას, აამსთა კიუჭუჩაიას. აამსთა რუგ იაშბას, პრაპორუჩიკ ივანე შარვაშიძეს და სხვებს.<sup>19</sup>

მიწა ათასეული დესეტინობით მიიღეს უკანასკნელი მთავრის მიხეილ შარვაშიძის მემკვიდრეებმა და ნათესაულებმა, აგრეთვე სხვა მსხვილმა მემამულეებმა. მიხეილის ორმა ვაჟი-შვილმა მიიღო 1.700 დესეტინა მიწა. გიორგი დიმიტრის-ძე შარვაშიძემ მოახერხა 6.000 დესეტინა მიწის მისაკუთრება. სამსონ და პროკოფი შარვაშიძეებმა ხელთ იგდეს 4.125 დესეტინა. გენერალ-მაიორ თავად გრიგოლ შარვაშიძეს ერგო 4.000 დესეტინა; აამსთა ტიტ მარლანიას — 1.000 დესეტინა.<sup>20</sup> თავადის ქალს დარია მარშანიას (ალმასხიტ მარშანიას ქვრივს) სოფელ ჭგერდში მიუზომეს 1.500 დესეტინა მიწა<sup>21</sup>.

გენერალ-ლეიტენანტ თავად გიორგი ერისთავს ალექსანდრე II-ის 1875 წლის 13 ნოემბრის განკარგულებით გადასცეს სოხუმის განყოფილების სახელმწიფო მიწიდან მუდმივ და სამემკვიდრეო მფლობელობაში 2.501 დესეტინა და 1.200 კვ. საყენი მიწა<sup>22</sup>.

16 საქ. ცსსა, ფონდი 545, საქმე 3103, ფურც. 199-209.

17 აფხ. ცსა, ფონდი 57, საქმე 17, ფურც. 1.

18 იქვე, საქმე 12, ფურც. 14.

19 საქ. ცსსა, ფონდი 545, საქმე 3103, ფურც. 68-73.

20 იქვე, ფონდი 229, საქმე 2589, ფურც. 40.

21 იქვე, ფონდი 545, საქმე 3103, ფურც. 240.

22 ცსსა. ლენინგრადი, ფონდი 1268, აღწ. 12, საქმე 75; ფურც. 11.

მიწის დიდძალ ფართობებს ურიგეცდნენ არა მარტო ადგილობრივ მემამულეებს, არამედ რუს გენერლებს, ოფიცრებმა და მოხელეებს. ამან ისეთი ფართო ხასიათი მიიღო, რომ 1870 წელს სოხუმის განყოფილების უფროსი პოლკოვნიკი არაკინი იძულებული შეიქნა განეცხადებინა — გლეხებისათვის ნაკვეთების გამოყოფა შეფერხებულია სხვა დაბრკოლებებთან ერთად „უცხო პირთათვის ნაკვეთების გაცემასთან დაკავშირებით“ და ამას შეუძლია მომავალში შექმნას „უკიდურესი შევიწროება მიწის საკითხში“<sup>23</sup>.

თუ რაოდენ ფართო ხასიათი მიიღო უცხო პირთათვის მიწის დარიგებამ, ამას ნათლად გვიჩვენებს ქვემოთ ჩამოთვლილი მაგალითები.

ჯერ კიდევ 1871 წელს იმპერატორის განკარგულებით გენერალ-მაიორი პილენკოს გამოუყვეს მიწა 402 დესეტინის რაოდენობით<sup>24</sup>.

აფხაზეთში, უფრო მეტად კი ქ. სოხუმის ახლომახლო მიდამოებში, მიწები მიუღიათ შემდეგ პირებს: სტატსკი სოვეტნიკ მიხნევიჩს — 200 დესეტინა; პოლკოვნიკ ფრაიერს — 500 დესეტინა; ნადვორნი სოვეტნიკ სემენიკოვს — 1.500 დესეტინა, გენერალ-ლეიტენანტ კრაევიჩს — 1.497,5 დესეტინა; თავად ვიტგენშტეინს — 7.443,5 დესეტინა; ნამდვილ სტატსკი სოვეტნიკ მოშინს — 500 დესეტინა; გოგომეისტერს — 500 დესეტინა; მაიორ რეშიკოვს — 400 დესეტინა; პროფესორ ბუტლეროვსა და კონდრატიევს ას-ასი დესეტინა; გენერალ-ლეიტენანტ კოლუბაკინის ქერიეს — 600 დესეტინა და სხვ.<sup>25</sup>

წებელდაში 24 მემამულეს ჰქონია თავის განკარგულებაში 16 ათასი დესეტინა მიწა, აქედან ნახევარი, ე. ი. 8 ათასი დესეტინა, ეკუთვნოდა გრაფ ბობრინსკის. დალის ხეობაში 23 მემამულიდან ერთ-ერთ მათგანს. სტატსკი სოვეტნიკ სარაჯიევს 1.000 დესეტინა მიწა ჰქონია, ხოლო დანარჩენებს 300-დან 500 დესეტინამდე<sup>26</sup>.

ასევე დიდი რაოდენობით მიიღეს მიწები მონასტრებმა და ეკლესიებმა. ასე, მაგალითად, ახალი ათონის მონასტერი 4.500

23 საქ. ცსსა, ფონდი 229, საქმე 2589, ფურც. 41.

24 ცსსა, ლენინგრადი, ფონდი 1268, აღწ. 16, საქმე 133, ფურც. 1.

25 იქვე, ფონდი 40.

26 Г. А. Рыбинский, Абхазия в сельскохозяйственном и бытовом отношении, Тиф. 1894 წ, გვ 10.

დესეტინა ფართობს ფლობდა<sup>27</sup>; დრანდის მონასტერს თავის განკარგულებაში რამდენიმე ასეული დესეტინა მიწა ჰქონია<sup>28</sup>. ათეული ათასი დესეტინა მიწა გამოყვეს აგრეთვე უცხო ეროვნების კოლონისტების დასასახლებლად.

ამიტომ იყო, რომ უფრონაღ „ივერიის“ კორესპონდენტი 1881 წელს გულისტყვივით აღნიშნავდა: „უხვად მომცემი მიწა უხვად დაურიგებიათ ამ უცხო ქვეყნელებისათვის“<sup>29</sup>.

იგივე კორესპონდენტი მკაფიოდ აგვიწერს. თუ რა ფართო ხასიათი მიიღო უცხო პირთათვის ქ. სოხუმის მახლობლად მდებარე მიწების გაცემა.

„გავედით თუ არა სოხუმიდან და დავყევით ზღვისპირად, გზია მარცხნივ რამდენიმე რიჯიანად შემუშავებული მამული დაგვხვდა. ეს მამულები ეკუთვნის ვიღაც ვოლკოვებს. ვედენსკის და სხვ.

— მაშ ვინ ეპატრონება ესა აფხაზეთის მიწებს. — ვკითხე მე ჩემს თანამგზავრს?

— აი ეს ტყე, ქვრივი რომ არის კოლუბაკინისა, იმისია, — მიპასუხა მან.

— ააღამდის?

— ჯერ შორს არის... აი ხევს რომ მივალთ, იქამდის სულ მისია.

— იმის იქით ვილასია?

— ღენერალ კრავჩენკოსი.

— რომელ კრავჩენკოსი. სოხუმში რომ უფროსობდა ოსმალებს შემოსვლის დროს?

— ჰო, სწორედ იმისი.

— ეს ვილასია? — ვკითხე იმას რამდენიმე ვერსის გავლის შემდეგ.

— ეგ კომენდანტად იყო სოხუმში და იმის ქვრივისაა.

„უხვად გასცემდი, ზღვათაცა შესდის და გაედისების“.

მომავონდა ჩვენი რუსთაველის სიტყვები და ვიფიქრე — ეს ჭურიცხველი სიმდიდრე შავი ზღვის შემწეობით ჩვენს ქვეყანას მალე „გაედინება“, მაგრამ „შეედინება“ თუ არა, ეგ ღმერთმა უწყის. ერთის სიტყვით, სოხუმის მაზრის მამულებზე ყურთაგლეჯა ყოფილა; დიდსა და პატარას, მღვდელსა, თუ ერსა, ყველას წაუტანებია ხელი და ყველა დაჰპატრონე-

<sup>27</sup> აფხ. ცხ. ფონდი 12, საქმე 345, ფურც. 11-14.

<sup>28</sup> იქვე.

<sup>29</sup> ურ. „ივერია“. 1881 წ., № 11, გვ. 106.

ბია... მამულებს. მე სიტყვის მასალად როდი ვამბობ აქ: „მღვდელსა თუ ერსა“ მეტი: მღვდლებსაც თავისი წილი არ დაჰკლებიათ და რასაკვირველია მათაც ხარისხოვნების კვალობაზე ერგებოდათ მიწები; ბევრგან უბრალო მღვდლებს სამოც-სამოც დღიური რგებიან და ბლალოჩინებს კი თითოს ას-ოცი“.<sup>30</sup>

რისი მაჩვენებელია ეს მაგალითები? ლაპარაკობს თუ არა ყველაფერი ეს თავადაზნაურობის ცხოვრებია ეკონომიური პირობების სრულ უზრუნველყოფაზე? დიან, ლაპარაკობს. თუ ფეოდალებმა ააყულო და ათასეული დესეტინა მიწა მიიღეს და ისიც საუკეთესო ხარისხისა, თუ ამავე დროს, ე. წ. დროებითი ვალდებულების პერიოდის განმავლობაში, რომლის ხანგრძლიობა კანონით 4 წლით იყო გასაზღვრული, მაგრამ რომელიც, სინამდვილეში, 1871 წლიდან 1912 წლამდე გაგრძელდა. გლეხობა იხდიდა ყველა ძირითად ფეოდალურ გადასახადს, ე. ი. ფაქტიურად ძველქართულ უნურ მდგომარეობაში იყო, თუ თავისი გამოსყიდვის შემთხვევაში გლეხი ვალდებული იყო მებატონისათვის გამოსასყიდი თანხა დიდი რაოდენობით ეხადა და სხვა, ცხადია, მათი მდგომარეობა ისე კარგად ყოფილა მოწყობილი, რომ უკეთესს ვერც კი ისურვებდნენ. მართლაც, იმდროინდელ საბუთებში არაერთგზის აღნიშნულა რეფორმის შედეგად თავადაზნაურობის მატერიალურად უზრუნველყოფილი მდგომარეობის შესახებ.

მივმართოთ საბუთებს, რომლებიც ოფიციალურად აცხადებენ ერთი მხრით, თავადაზნაურობის უზრუნველყოფას, ხოლო, მეორე მხრით, გლეხობის სავალალო მდგომარეობის შესახებ.

1889 წელს, როდესაც ქუთაისის გენერალ-გუბერნატორმა კავკასიის სამოქალაქო ნაწილის მთავარმართებელს სთხოვა სანქცია სოხუმის ოლქის „პრივილეგიური კლასისათვის“ დამატებითი „ნადელების“ გამოსაყოფად თემების სარგებლობაში მყოფი ფართობიდან 10 ათასი დესეტინა მიწის ჩამოკრის შესახებ, „კავკასიის მხარის სამხედრო-სახალხო მმართველობის ნაწილებში წოდებრივ-საადგილმამულო საკითხის დამამთავრებელმა კომისიამ“<sup>31</sup> საჭიროდ არ ჩათვალა მისი სისრულეში

<sup>30</sup> ეურ. „ივერია“. 1881 წ., № 11, გვ. 101-103.

<sup>31</sup> ეს კომისია დაწესებული იქნა 1883 წელს და მას, სხვათა შორის, სოხუმის საადგილმამულო კომისიის გაუქმების (1883 წ.) შემდეგ, აფხაზეთში საგლეხო რეფორმის დამთავრების საქმეც დაეწალა (საქ. ცსსა, ფონდი 229, საქმე 2070, ფურც. 18).

მოყვანა. კოპისიამ ამ საკითხზე განაცხადა: „...ასეთი ზომების განხორციელებისას ეკონომიურად ცუდად უზრუნველყოფილი მასების ინტერესები მსხვერპლად შეეწირება... კერძო მესაკუთრეებს (ე. ი. მემამულეებს. ლ. ძ.), რომლებიც მატერიალურად, შედარებით, ძალიან ფართოდ არიან უზრუნველყოფილი“.<sup>32</sup>

მეორე საბუთში — თავადაზნაურობის საადგილმამულო მოწყობის შესახებ — შემდეგს ვკითხულობთ: „მეურნეობის განვითარების მხრივ განსაკუთრებით ხელსაყრელ პირობებში იმყოფებიან პრივილეგიური წოდებათა პირები“.<sup>33</sup>

აქვე, ცოტა უფრო ქვემოთ, აღნიშნულია: „საადგილმამულო რეფორმის გატარების ნელი ტემპის გამო ოლქში მოსახლეობა იბუნებულ იყო ეცხოვრა თითქმის ძველებურად, ე. ი. როგორც ეს იყო 1870 წლის 8 ნოემბრის კანონის გამოცემამდე; იგი საჭიროებისამებრ ტყის გაჩეხვის საშუალებით ძველ გამოფიტულ ყანებს ახლით ცვლიდა, კარმიდამო ახალი ყანების ახლოს გადაჰქონდა. ყველაფერმა ამან 24 წლის განმავლობაში ისეთი არევ-დარევა შეიტანა უფლებებში, რომ მოსახლეობის უმრავლესობამ, თანახმად აღნიშნული ინსტრუქციისა (იგულისხმება 1885 წლის ინსტრუქცია. — ლ. ძ.), არსებითად დაკარგა იგი. ამის გამო, ყველაზე უფრო მეტად დაიტანჯა მოსახლეობის უღარიბესი ნაწილი, რომელმაც ვერ მოასწრო მიწის დაკავება იმ რაოდენობით, რამდენიც საჭიროა მათი ოჯახების გამოსაკვებად“ (ხაზგასმა ჩემია. — ლ. ძ.).

მაშასადამე, საგლეხო რეფორმის გატარების შედეგად, მთავრობის ოფიციალური ორგანოების განცხადებით გამოდის, რომ, ერთი მხრით, თავადაზნაურობა ეკონომიურად „უზრუნველყოფილია ძლიერ ფართოდ“ და „ჩაყენებულია განსაკუთრებით ხელსაყრელ“ პირობებში, მაგრამ სამაგეროდ, მეორე მხრით, გლეხები „იტანჯებიან“, რადგან „ვერ მოასწრეს მიწის დაკავება იმ რაოდენობით, რომელიც აუცილებელია მათი ოჯახების გამოსაკვებად“. სურათი სრულიად ნათელია: თავადაზნაურობა აღმოჩნდა განსაკუთრებით ხელსაყრელ პირობებში, ეკონომიურად სრულიად უზრუნველყოფილი, ხოლო გლეხობა მეტად არახელსაყრელ პირობებში, ეკონომიურად ყოველგვარი უზრუნველყოფის გარეშე. სხვანაირად არც შეიძლებოდა ყოფილიყო, რადგან საგლეხო რეფორმა გატარდა მემამულეების კლასობრივი ინტერესების დაცვის დევიზით.

<sup>32</sup> საქ. ცსსა, ფონდი 231, საქმე 319, ფურც. 1-5.

<sup>33</sup> იქვე, ფონდი 416, საქმე 1031, ფურც. 4.

ამიტომ სრულიად არ შეეფერება სინამდვილეს და კანონიერ აღშფოთებას იწვევს მკითხველებში ს. ესაძის შემდეგი განცხადება: „უპირატესად საჭიროა აღინიშნოს, ის სამწუხარო და სავალალო მდგომარეობა, რომელშიც აღმოჩნდა პრიველიგიური წოდება“. 34

ცხადია, საგლახო რეფორმის გატარების შედეგად აფხაზეთში თავადაზნაურობის მდგომარეობის შესახებ ისეთი დასკვნა, როგორც ეს ესაძემ გამოიტანა, სხვა არაფერია თუ არა ისტორიული სინამდვილის აშკარა დამახინჯების წინასწარგანზრახული სურვილი.

მაშასადამე, აფხაზეთის თავადაზნაურობის მდგომარეობა რეფორმის შედეგად ჩვენთვის სრულიად ნათელია. მართალია, ზემოთქმულიდან აგრეთვე გარკვეულად ჩანს გლეხობის მდგომარეობაც, მაგრამ მაინც შეიძლება დაისვას კითხვა — გაუმჯობესდა თუ გაუარესდა გლეხთა ეკონომიური მდგომარეობა რეფორმამდელ პერიოდთან შედარებით? უნდა ითქვას, რომ გლეხთა ეკონომიური მდგომარეობა რეფორმის შედეგად გაუარესდა. ჩვენ უკვე ვიცით, რომ აფხაზეთში ბატონყმობის არსებობის დროს გლეხები მეტად მძიმე პირობებში იმყოფებოდნენ. ამიტომ როდესაც „გათავისუფლების“ შემდეგ მათი მდგომარეობის გაუარესებაზე ვლაპარაკობთ. ამას არ შეუძლია არ გამოიწვიოს ერთგვარი გაკვირვება. მაგრამ ასე თუ ისე, ჩვენ ეს უნდა ვაღიაროთ, რადგან იგი სინამდვილეა.

იმისათვის, რომ ნათელი წარმოდგენა ვიქონიოთ რეფორმის შემდეგ გლეხობის ეკონომიური მდგომარეობის შესახებ, საჭიროა, შეძლებისამებრ, ზუსტად დადგინდეს, თუ რა ზომის მიწის ნაკვეთი ერგო გლეხის თითოეულ კომლს. ან მიწის რა ფართობი მოდიოდა გლეხის თითო სულზე. წინასწარ უნდა აღინიშნოს, რომ აფხაზეთის გლეხთა მიწით მომარაგების შესახებ დღემდე გამოქვეყნებული ოფიციალური მონაცემები არ შეიცავს სიზუსტეს. ამიტომ საჭიროა მათში შეტანილ იქნეს გარკვეული შესწორებანი. განვიხილოთ ის სტატისტიკური მონაცემები, რომლებსაც იძლევა 1883 წლის „კავკაზსკი კალენდარ“-ი გლეხობასა და თავადაზნაურობას შორის მიწის განაწილების შესახებ.

ამ ცნობებით მიწები ოლქების მიხედვით შემდეგნაირად განაწილებულა: ბიკვინთის ოლქში 14.276 სულ გლეხს ნადეულად 61.306 დესეტინა მიწა ჰქვებია, ხოლო პრივილეგიური კლასის 601 სულს — 29.073 დესეტინა მიუღია; ოჩამჩირის

34 ს. ესაძე, დასახელებული წინი. გვ. 523.



ოლეში 43.633 სულ გლეხს მიეცა 120.145 დესეტიანა, ხოლო თავადაზნაურობიდან 1.244 კაცს — 58.938 დესეტიანა; წებელდის საბოქაულოში 660 გლეხისათვის 6.290 დესეტიანა მიუციათ, ხოლო დანარჩენი 12.082 დესეტიანა პრივილეგიური წოდებისათვის გამოუყვიათ“.<sup>35</sup>

„ამგვარად უბრალო კლასის ნადელისათვის, რომელიც მოსახლეობის 96,3%-ს შეადგენს, იხმარება მთელი კულტურული ზოლის 62,2%, ანუ 3,1 დესეტიანა სულზე; პრივილეგიური კლასის ნადელისათვის კი, რომელიც 3,6%-ს შეადგენს — 32,4%, ანუ 47,2 დესეტიანა სულზე, კულტურული ზოლის დანარჩენი 5,4% რჩება თავისუფალი“.<sup>36</sup>

ამ ცნობებში უსათუოდ მნიშვნელოვანი შესწორებანი უნდა იქნეს შეტანილი არა მარტო იმიტომ, რომ „უბრალო კლასის“ შემადგენლობაში, როგორც სამართლიანად შენიშნავს ა. ოლონეცკი, შედიოდნენ კოლონისტები (გადმოსახლებულნი), რომელთაც ეძლეოდათ გაცილებით მეტი მიწის ფართობი. ვიდრე ადგილობრივ გლეხს<sup>37</sup> (რაც, რა თქმა უნდა, ადიდებდა საერთოდ გლეხობის საშუალო ნადელის რაოდენობას, მაგრამ რომელსაც სინამდვილეში ადგილობრივი გლეხობა არ ფლობდა), არამედ იმიტომაც, რომ 1881 წლისათვის, ე. ი. იმ დროისათვის, რომელსაც ეკუთვნის ეს მონაცემები, საგლეხო რეფორმა მთლიანად არ იყო დამთავრებული და მთელი რიგი საბუთების დამოწმებით გლეხობის უმრავლესობას სრულიადაც არ ჰქონია მიზომილი მიწები იმ ნორმით, რომელიც იყო ნაჩვენები 8 ნოემბრის დებულების გასავეითარებლად გამოცემულ ინსტრუქციაში. ამიტომ ეს მონაცემები, რომლებსაც გვაწვდის „კავკაზსკი კალენდარ“-ი, უსათუოდ, საეკვოა. მართლაც, თუ ამ დროისათვის გლეხობის უმრავლესობას ჯერ კიდევ არ ჰქონდა „ნორმალური“ ფართობი, საიდან შეიძლებოდა ამ მონაცემების შედგენა? ვფიქრობთ, ეს ცნობები ალებულია არა ფაქტიურად გლეხებისათვის უკვე მიზომილი მიწის ფართობის გაანგარიშებიდან, არამედ, ასე ვთქვათ, თეორიული მოსაზრებებიდან, ე. ი. ეს მიწის ის რაოდენობაა, რომელიც ჯერ არ მიუღია გლეხობას, მაგრამ რომელიც უნდა მიეღო მას

<sup>35</sup> «Кавказский календарь», 1883 წ., გვ. 247.

<sup>36</sup> იქვე.

<sup>37</sup> ა. ანთელავა, რეფორმის შემდგომი დროინდელ აფხაზეთში აგრარული მოძრაობის ისტორიიდან (1870-1883 წლები), საქართველოს სსრ მეცნიერებათა აკადემიის „მოამბე“, ტ. 10, № 4, 1949 წ., გვ. 451-452.

კანონით. რეფორმის შედეგად. ჩვენი ამ მოსაზრებას დასამტკიცებლად მივმართოთ ფაქტებს.

ერთ-ერთ საარქივო დოკუმენტში, რომელშიც არაა ნაჩვენები, თუ ვის მიერაა იგი შედგენილი, მაგრამ რომლის შინაარსის მიხედვით შეგვიძლია იგი სოხუმის ოლქის უფროსს მივაკუთვნოთ (1883 წლიდან სოხუმის განყოფილება იწოდება სოხუმის ოლქად. — ლ. ბ.), ნათქვამია, რომ „ოლქში საადგილმამულო რეფორმის გატარების დაგვიანებამ“ შექმნა ისეთი პირობები, რითაც „ყველაზე უფრო მეტად იტანჯება მოსახლეობის უღარიბესი ნაწილი, რომელმაც ვერ მოასწრო მიწების დაკავება თავისი ოჯახების გამოკვებიანათვის აუცილებელი ზომით“. <sup>38</sup> აქვე, ცოტა უფრო ქვემოთ, ნათქვამია. რომ „გლეხობის უმრავლესობას მიწა ნორმაზე უფრო ნაკლები აქვს“. <sup>39</sup> ეს დოკუმენტი შედგენილია რეფორმის გამოცხადებიდან 24 წლის გავლის შემდეგ, ე. ი. 1894 წელს. თუ ვერ კიდევ 1894 წელს გლეხობის უმრავლესობამ ვერ მოასწრო კანონით გათვალისწინებული მიწის ჩაოდენობის მიღება და ამიტომ მას ჰქონდა ნორმაზე გაცილებით უფრო ნაკლები. (ნორმა. როგორც ეს ჩვენ ზემოთ დავინახეთ, 1872 წლის ინსტრუქციით უღარიბედა გლეხის ოჯახისათვის, მასში შემავალი სულის ჩაოდენობისდა მიხედვით, 3-დან 7 დესეტინამდე). ცხადია, რომ ამ შემთხვევაში „კავკასიის კალენდარი“-ი არ არის მართალი და მისი მიერ წარმოდგენილი ცნობები, რომ გლეხის თითო სულზე 1881 წელს ნადელი 3.1 დესეტინის ჩაოდენობით მოდიოდა. არ შეეფერება სინამდვილეს. ეს ჩვენი დასკვნა ნით უფრო საჩუქნობაა, რომ 90-იან წლებში და უფრო გვიანაც საგლეხო რეფორმის დაუმთავრებლობაზე სხვა ავტორებიც ლაპარაკობენ. ასე, მაგალითად, დიაჩკოვ-ტარასოვი ჩვენ მიერ უკვე ციტირებული შრომის 210-ე გვერდზე ლაპარაკობს, რომ მხარის განვითარების დღის წესრიგში. სხვასთან ერთად, აფხაზეთში მიწათმოწყობის საკითხის დამთავრება დგასო. მაშასადამე, გამოდის, რომ მიწის საკითხი, ე. ი. გლეხობისათვის ნადელების გამოყოფა, არ ყოფილა დამთავრებული დიაჩკოვ-ტარასოვის აზრით მე-20 საუკუნის დასაწყისშიც. ამასვე ამტკიცებს რიბინსკი თავის შრომაში, რომელიც 1894 წლითაა დათარიღებული. „...აფხაზეთის გლეხობა ვერჯერობით იმყოფება სათემო მფლობელობის პირობებში და საკმაოდ მძიმე გარდამავალ მდგომარეობას განიცდის“. <sup>40</sup>

<sup>38</sup> საქ. ცსსა. ფონდი 416, საქმე 1031, ფურც. 4.

<sup>39</sup> იქვე.

<sup>40</sup> გ. ა. რიბინსკი, დასახელებული წიგნი. გვ. 17.

დასასრულ. მოვიყვანოთ კიდევ ერთი ცნობა, რომელიც შედგენილია 1917 წლის პირველ იანვარს. აი. რას ვკითხულობთ იქ: „შინაგანი გამიჯვნა და მიწათმომწყობა დამთავრებულია 14 თემში (აფხაზეთში მაშინ სულ 32 თემი ყოფილა. — ლ. 6.), 60.011 დესეტინა ფართობზე. ამრიგად, არ არის დაწყებული სამიწათმომწყობო სამუშაოები 18 თემში, 87.323 დესეტინა ფართობზე...“<sup>41</sup> მაშასადამე, სამიწათმომწყობო სამუშაოები თემის მცხოვრებთა შორის, ე. ი. ჯლებებისათვის, ნადელების გამოაყოფად, უმრავლეს შემთხვევაში 1917 წლისათვისაც კი არ ყოფილა დამთავრებული. მაგრამ შეიძლება გუიხონან, რომ თემის შიგნით მიწებზე განაწილებას არა აქვს მნიშვნელობა, რადგან თემის მიწა იგივე გლეხის მიწაა და მისი გამოყენება-მოხმარება სურვილისამებრ გლეხთა საზოგადოების განკარგულებაშიაო.

საქმე სწორედ იმაშია, რომ ეს ასე არ არის. ვინაიდან, ჯერ ერთი, თემის კუთვნილი ფართობის გამოყენება კანონის ძალით თავადაზნაურობასაც შეეძლო. სამართლიანობა მოითხოვს აღინიშნოს, რომ პრივილეგიური წოდება თავის ამ უფლებებს დიდი წარმატებით იყენებდა და სშირად იტაცებდა თემის მიწას, ე. წ. „ჩვეულებრივი უფლების“ მომიწეზებითა და აგრეთვე ყოველგვარი საბაბის გარეშეც. ასე, მაგალითად, თავად პროკოფი შარვაშიძეს სოფ. ანუხვაში თვითნებურად ჩაუვდია ხელში დიდძალი მიწა, რითაც ადგილობრივი გლეხობა მეტად შეუვიწროებია.<sup>42</sup> მეორე მხრით, თვით მთავრობა თემის მიწას უყურებდა როგორც ერთგვარ სარეზერვო ფონდს, რომლისგანაც ჩვეულებრივად გამოუყოფდა ასეულ და ათასეულ დესეტინა მიწას ცალკეულ პირებს. ან დაწესებულებებს და სხვ. ზემოთ ჩვენ უკვე მოვიყვანეთ მაგალითი იმისა, რომ ქუთაისის გენერალ-გუბერნატორი გროსმანი საჭიროდ თვლიდა 10 ათასი დესეტინა მიწის ჩამოკრას თემების ფართობებიდან გაბატონებული კლასის ნადელის გასადიდებლად. ჩვენ აგრეთვე მოვიყვანეთ ერთი ადგილი სოხუმის ოლქის უფროსის შენიშვნებდან. სადაც იგი მოითხოვდა, რომ ფეოდალებს მიწით კარგად უზრუნველყოფის გამო აკრძალოდათ სათემო ფართობის გამოყენება, რათა საბოლოოდ არ გაჩანაგებულყო გლეხობა, რომელიც ისედაც დიდად იყო შევიწროებული მცირემიწიანობით. რა თქმა უნდა, სოხუმის ოლქის უფროსს ეს იმისათვის კი არ განუცხადებია, რომ მას გული შეს-

41 საქ. ცსსა, ფონდი 23, აღწ. 1, საქმე 370, ფურც. 27.

42 იქვე, ფონდი 231, საქმე 319, ფურც. 73.

ტკიოდა გლეხობის სილატაკეზე, არამედ იმიტომ, რომ „ადგი-  
ლობრივ მოსახლეობაში იქმნება სრულიად უმიწაწყლო ან თი-  
თქმის უმიწაწყლო ელემენტი, რომელიც განსაკუთრებით არა  
სასურველია სამეურნაეანოსა და აფხაზეთის მოსახლეთა შო-  
რის...“.<sup>43</sup>

მოვიყვანოთ მთავრობის მიერ სათემო მიწის თავის სურვი-  
ლი-სამებრ გამოყენების კიდევ ერთი მაგალითი. 1895 წელს  
კავკასიის სამოქალაქო ნაწილმა დაადგინა, რომ სათემო მიწის  
ფართობ-დან თითოეული ეკლესიისათვის გამოყოფილიყო 25-  
დან 50 დესეტინამდე.<sup>44</sup> ასეთი მაგალიტების მოყვანა კიდევ  
შეიძლებოდა. მაგრამ ესეც საკმარისია იმისათვის, რომ წარმო-  
ვიდგინოთ. თუ რას ნიშნავდა ე. წ. სათემო მიწა. იგი გლეხო-  
ბას ეკუთვნოდა ქალაქლზე, ფორმალურად და არა ფაქტობრი-  
ვად, ნამდვილად.

ყოველივე ამის შემდეგ, ცხადია, რომ ცნობა, რომელსაც  
„კავკასსკი კალენდარ“-ი გვაწვდის გლეხის ნაკვეთის ოდენო-  
ბის შესახებ (სულზე — 3,1 დეს.), განვიადლებულია.

ჩვენ მიერ აღნიშნული ფაქტებიდან ნათლად ჩანს, რომ  
გლეხის ნადელი ძალზე მცირე ზომისა იყო. მაგრამ მაინც ბუ-  
ნებრივია კითხვის დასმა: რას უღრიდა ის ზუსტად? არის თუ  
არა შესაძლებლობა დაახლოებით მაინც გამოანგარიშებულ იქ-  
ნეს გლეხის საშუალო ნადელის ოდენობა? როგორც ცნობი-  
ლია, აფხაზეთის მე-19 საუკუნის ისტორიის მასალები ააზ-  
თოდ მეტად ღარბია სტატისტიკური მონაცემებით. ამიტომ  
იქ, სადაც საჭიროა რომელიმე ისტორიული ფაქტის განსაზღვ-  
რა ზუსტად, ციფრობრივი მონაცემებით. მკვლევარები იმუ-  
ლებული არიან მხოლოდ მიახლოებით იმსჯელონ. აფხაზეთის  
გლეხთა საკითხის ისტორიის მკვლევარები (მხედველობაში  
გვყავს საბჭოთა პერიოდის ისტორიკოსები) სრულიად სპარტ-  
ლიანად იქცეოდნენ, როდესაც წერდნენ რეფორმის შემდეგ-  
დროინდელი გლეხის მიწის სიმცირეზე. მაგრამ მათ ამის დასა-  
დასტურებლად არ მოჰყავდათ არცერთი ციფრობრივი მონა-  
ცემი. ეს აიხსნება იმით, რომ ასეთი მონაცემებისათვის მიკე-  
ლევა ძნელი შეიქნა. საკითხის კვლევა-ძიების დროს წავაწყ-  
დით ერთ საბუთს. რომელსაც, ჩვენი აზრით, შეუძლია გარ-  
კვეულობის შეტანა ამ საქმეში. ეს არის „წოდებრივ-საადგილ-  
ძამულო საკითხის გადაწყვეტი კომისიის ცნობები“. იქ ნათ-  
ქვამია: „1908 წელს გამოიჯნულია 6.300 დესეტინა ფართობზე

43 საქ. ცსსა, ფონდი 416. საქმე 1031, ფურც. 1-5.

44 იქვე. ფონდი 231. საქმე 424. ფურც. 13.

2.530 ნაკვეთი, 1909 წელს 7.030 დესეტინა ფართობზე —  
2.480 ნაკვეთი და 1910 წელს 6.180 დესეტინა ფართობზე —  
2.950 ნაკვეთი. სულ სამი წლის გასმავლობაში 1908-1910 წწ.  
გამიჯნულია 19.540 დესეტინა ფართობზე 7.960 საკომლო ნაკ-  
ვეთი<sup>45</sup>.

აქედან იჩვენება, რომ ამ წლებში გამიჯნული გლეხის სა-  
შუალო ნადელის ფართობი არ აღემატება 2,4 დესეტინას. მაგ-  
რამ შეიძლება ეს გამოჩვენდეს? შეიძლება ამ წლებში იმიჯნე-  
ბოდა ნადელი ნაკლები ზომით, ვიდრე წინათ, ან ამის შემდეგ?  
ამ კითხვებზე პასუხს ისევ ეს საბუთი იძლევა: გულაუთის, კო-  
ლონისა და სამურზაყანოს რაიონში (ე. ი. მთლიანად აფხაზეთ-  
ში, — ლ. ძ.) 145.500 დესეტინა ფართობზე უნდა მოეწყო  
34 თემი, რომლებშიც 70.000-მდე საკომლო ნაკვეთი ირიცხე-  
ბაო<sup>46</sup>.

გამოდის, რომ საერთო ჯამში, ამ მონაცემების მიხედვით,  
აფხაზეთში გლეხის საშუალო საკომლო ნადელის ოდენობა 2  
დესეტინა ყოფილა. მაგრამ ამასთან ერთად არ უნდა დაგვი-  
ვიწყდეს ის ამბავი, რომ ამ საერთო მიწის ფართობიდან კო-  
ლონისტებს ეძლეოდათ გადიდებული მიწის ნაკვეთები. <sup>47</sup> რაც,  
რა თქმა უნდა, ამცირებდა ადგილობრივი გლეხის საშუალო ნა-  
დელის აქ წარმოდგენილ ნორმას, ე. ი. ადგილობრივი გლეხის  
კომლს ფაქტობრივად საშუალოდ მიუღია არა 2 დესეტინა,  
არამედ უფრო ნაკლები. ჩვენი აზრით, მკვიდრი გლეხის სა-  
კომლო საშუალო ნადელის ოდენობა არ უნდა ყოფილიყო 1.5  
დესეტინაზე მეტი.

თუ ვიასტარებთ ერთი კომლის შემადგენლობაში საშუა-  
ლოდ 5-6 სულს, რაც ჩვეულებრივი მოვლენა იყო აფხაზეთში,  
გამოდის გლეხის ერთ სულზე საშუალოდ ერთ-მესამედ დესე-  
ტინაზე ნაკლები მიწის ფართობი, ეს მაშინ, როდესაც რუსე-  
თის ცენტრალურ გუბერნიებში მამრობითი სქესის თიჯო  
სულზე 3,3 დესეტინა სანადელო მიწა მოდიოდა.

აი, როგორ იქნა გლეხი „უზრუნველყოფილი“ მიწით. ასე-  
თი მცირე, მინიატურული ნადელი აკმარეს გლეხს რეფორმის

<sup>45</sup> საქ. ცსსა, ფონდი 231, აღწ. 1, საქმე 370, ფურც. 26

<sup>46</sup> იქვე.

<sup>47</sup> 1896 წლის «Кавказский календарь» აღნიშნავს, რომ ჩამოსახლებუ-  
ლებს (კოლონისტებს) თითო კომლზე ეძლეოდათ 5-დან 30-მდე დესეტინა  
მიწის ფართობი. 1894 წლამდე სულ 1.560 ოჯახს 23.839 დესეტინა მიწა  
მიუღია, ე. ი. საშუალოდ კოლონისტის საკომლო ნაკვეთის ოდენობა უდ-  
რიდა 15-16 დესეტინას (გვ. 219).

შედგად, მაშინ, როდესაც რეფორმამდე მის სარგებლობაში საშუალოდ დაახლოებით 6 დესეტინა მიწის ფართობი<sup>48</sup> იყო. ამასთან ერთად ისიც უნდა აღინიშნოს, რომ გლეხის ეს მცირე ზომის ფართობი დაბალი ხარისხისა იყო, ხოლო ზოგჯერ სრულიად უვარგისი. ამას ისიც უნდა დავუმატოთ, რომ გლეხს ნადელი ეძლეოდა სულ პატარ-პატარა ნაჭრებად, ასე რომ ხშირად მისი სანაკვეთო მიწის ცალკეული ნაჭრები ერთმანეთისაგან დიდი მანძილით იყო დაშორებული.

ხშირი იყო ისეთი შემთხვევა, როდესაც გლეხის მამაკაპეულის მიერ მრავალი წლის მანძილზე დამუშავებული, ოფლით მორწყული სახნავ-სათესი მიწა და გაშენებული ბალ-ვენახი ე. წ. გამიჯვნის გზოს მიუზომიათ მემამულეებისათვის, რომელთაც არაფერი საერთო არ ჰქონდათ ამა თუ იმ თემთან, ან თემის ტერიტორიასთან. ამ შემთხვევაში გლეხებს დამუშავებული მიწისა და გაშენებული ბალ-ვენახის მაგივრად აძლევდნენ სრულიად დაუმუშავებელი და უვარგისი მიწის ნაჭრებს. ასეთი უკანონობის შესახებ გლეხები როგორც ცალ-ცალკე. ისე კოლექტიურად. მთელი სოფლებითა და თემებით ჩიოდნენ სულ მაღალ ინსტანციებში; ყოფილა შემთხვევა, როდესაც საჩივარს პეტერბურგამდეც კი მიუღწევია, მაგრამ, როგორც წესი, ამ საჩივრებსაგან არაფერი გამოდიოდა და გლეხების ყოველგვარი ცდა ამ მიმართულებით საბოლოო ჯამში ან უშედეგოდ რჩებოდა, ანდა მათივე მარცხით მთავრდებოდა. ამ მხრივ ფრიად საინტერესო ამბავს ჰქონდა ადგილი გუდაუთის უბანში.

1881 წლის 22 მაისს გუდაუთის უბანს, სახელდობრ, ბარმიშის, ჭირხვის. ზვანდრიფშისა და დუზიფშის თემების მცხოვრებლების მიერ არჩეულმა დეპუტატებმა ბიჭვინთის ოლქის სამმართველოში ამავე ოლქის უფროსის სახელზე შეიტანეს თხოვნა, რომელშიც აღნიშნული იყო, რომ მათი, 120 კომლის, ბალ-ვენახი, სახნავ-სათესი და საკარნიდამო ადგილები გამიჯვნის დროს პრივილეგიურ წოდებას ვადაეცა, ხოლო მათ სამაგიეროდ მიუზომეს სრულიად უვარგისი და დაუმუშავებელი მიწის ფართობი, რის გამოც ისინი გამოუვალ, გაჭირვებულ მდგომარეობაში ჩავარდნენ. დეპუტატები წერდნენ: „1. ჯერ კიდევ ომამდე და შემდეგაც სხვადასხვა პირობების შემოვლისას ჩვენ გამოგვიცხადეს, რომ მიწის დარიგების დროს უპირველესად ნადელებს გამოუყოფენ თემება. ხოლო მის შემდეგ დაურიგებენ პრივილეგიური კლასის ცალკეულ პი-

<sup>48</sup> ცსსა, ლენინგრადი. აღწ. 1, 1870. საქმე 36. ფურც. 345-346.

რებს. ამასობაში, როდესაც დაიწყო დაპროექტება. უპირველესად. მიწა ნისკეს პრივილეგიური კლასის პირებს, რის შემდეგ უკვე დაიწყეს გამოყოფა თემებისათვის.

2. ამიტომ ჩვენ ვვარაუდობდით. როგორც ამაზე მანამდეც გვეკონდა დაპირება, ყველა ჩვენი ბალი და კარ-მიდამო თემში დარჩებოდა; ამასობაში, დაწყებული გამიჯვნისას, თურმე უმრავლესობა ამ ადგილ-მამულებისა პრივილეგიური კლასის ნადელებად გადადის. სოლო ჩვენ გვაძლევენ სრულიად დაუმუშავებელ მიწას; ამასთან, ეს მიწები ეძლევათ პრივილეგიური კლასის იმ პირებსაც კი, რომლებიც სრულიად არ ეკუთვნიათ თემს. ასე, მაგალითად: სოფ. ბარმიშში ბალები გადაეცა მუჟიხირხვის მცხოვრებ სოლომონ ნარლანის ქალიშვილს. ამავე სოფელში 20 ბაღზე უფრო მეტი სხვა პრივილეგიურ პირებს ეძლევათ!“. 49

საინტერესოა, რომ ამ თხოვნამ განვლო თითქმის ყველა ის ბიუროკრატიული ააფეხური, რომლითაც ააე იყო ცნობილი მეფის რუსეთი. ბიჭვინთის ოლქის უფროსმა დეპუტატები გაგზავნა სოხუმის განყოფილება უფროსთან. რომელმაც თავის მხრივ ისინი მიავლინა კავკასიის მთიელთა სამმართველოში. სამმართველომ კი საჭიროდ ჩათვალა დეპუტატებს ამ საკითხზე მიემართათ მეფისნაცვლისათვის. ამ უკანასკნელმა მთელი საქმე საბოლოო დასკვნისათვის ისევ სოხუმში დააბრუნა. 50 აღსანიშნავი ის არის, რომ სოხუმის საადგილმამულო კომისიამ ეს საკითხი განიხილა მხოლოდ თავის 1888 წლის 28 ივნისის სხდომაზე, ე. ი. 7 წლისა და ერთი თვის შემდეგ. რა თქმა უნდა, გასაკვირი აქ არაფერია, თუ მივიღებთ მხედველობაში ცარიზმის აპარატისა და მოხელეების ჩვეულებრივ ბიუროკრატიზმს. მერე და რით დამთავრდა ყველა ეს საქმე? იქნებ 7 წლის შემდეგ მაინც შეიწყნარეს თითქმის უმიწოდ დარჩენილი 120 მოსახლე? არა, არ შეუწყნარებიათ.

კომისიამ უშედეგოდ დატოვა მცხოვრებლების თხოვნა. მან განაცხადა: „რადგან ამ უბნის ყველა მცხოვრები ეკუთვნის მოსახლეობის დამნაშავე ნაწილს... კომისიას შეეძლო არც მიექცია ყურადღება, სახელდობრ, რომელ ადგილას არის განლაგებული თითოეული პირის ნაკვეთიო“. 51

საგულისხმაოა, რომ კომისიას არ უარყვია დეპუტატების თხოვნაში მოხსენებული ფაქტი იმის შესახებ. რომ გლენებმა

49 საქ. ცსსა. ფონდი 545. საქმე 2412, ფურც. 11-14.

50 იქვე.

51 იქვე, ფურც. 19.

გამიჯვნის დროს დაკარგეს თავისი დამუშავებული და გაშენებული ადგილები და სამაგიეროდ მიიღეს სრულიად უვარგისი, დაუმუშავებელი მიწა და ისიც სულ მცირე რაოდენობით. მაგრამ მიუხედავად ამისა, კომისიამ მაინც კანონიერად ჩათვალა გლეხებისაგან იმ მიწა-ადგილების ჩამორთმევა, რომლებიც მათ ეკუთვნოდა, 8 ნოემბრის დებულების ფორმულა რომ ეიხზაროთ, „ადგილობრივი სახალხო ჩვეულებით“ იმ შოტივით, რომ ჩამორთმეული მიწები გადაეცა „უმაღლეს წოდების იმ პირებს, რომლებიც გასულ ომში (იგულისხმება რუსეთ-თურქეთის უკანასკნელი ომი. — ლ. დ.) იყვნენ რუსის ჯარების რიგებში“ და იმიტომაც, რომ ეს ადგილები ზღვისპირა ზოლშია განლაგებული, სადაც „დამნაშავე მოსახლეობას“ (ე. ი. გლეხებს. — ლ. დ.) აკრძალული აქვთ ცხოვრებაო<sup>52</sup>.

იმის მაგიერად, რომ მოეებნა საშუალება დახმარებოდა მეურნეობისათვის გამოსადეგი მიწის არამქონე გლეხებს, კომისიამ ამავე სხდომაზე მთელი თავისი ყურადღება მიაქცია ისედაც კარგად უზრუნველყოფილი მემამულეების მდგომარეობას. „კომისია ძლიერ შეწუხებულია პრავილეგიური პირების ბედით“ და მათ „მიაჩნია თავის ვალად, რაც შეიძლება უკეთ მოაწყოს მათი საქმეო“<sup>53</sup>.

✓ ასევე ჩიოდნენ 1883 წელს გალის თემის გლეხები კომისიის მიერ აზნაურ ძვაძვა მარლანიასათვის თემის კუთვნილი მიწის უკანონოდ მიზომვის შესახებ. მაგრამ მათი თხოვნაც არავინ შეწყნარა და ისინი იძულებულნი შეიქნენ მიემართათ ბალადობ-სათვის მარლანიას წინააღმდეგ<sup>54</sup>.

✓ 1880 წლის 20 მაისს სოხუმის საადგილმამულო კომისიაში შეტანილ იქნა სოფელ ლიხნის მცხოვრებლებს არჩეულ პირთა მიერ საჩივარი, რომელშიც გლეხის 315 ოჯახი თავისი მცირემიწიანობის გამო თხოულობდა ბომბორის ველიდან, რომლითაც ისინი წინათ სარგებლობდნენ. გაპოყოთ მათთვის დამატებითი ნადელები. სოხუმის საადგილმამულო კომისიამ, განიხილა რა ეს თხოვნა, თავის 1880 წლის 23 აგვისტოს სხდომაზე გამოიტანა დადგინლება, რომ სოფელ ლიხნის მცხოვრებლების თხოვნა, მათთვის ბომბორის ველის სანადელოდ გამოყოფის შესახებ, არ შეიძლება შეწყნარებულ იქნეს იმიტომ, რომ ისინი ჯერ 1877 წლის 15 აპრილს, ე. ი. მხარეში მტრის ჯარების შემოსვლამდე, აჯანყდნენ და დაბა გუდაუთას თავს

52 საქ. ცსსა. ფონდი 545. საქმე 2412. ფურც. 20.

53 იქვე. ფურც. 21.

54 იქვე. ფურც. 10-11.



დაეხსნენ, რითაც პთავრობის გულისწყრომა დაიმძახურესო<sup>55</sup>.

ასე უშედევოდ რჩებოდა გლეხების ასეთი სახის ყველა თხოვნა. ვინაიდან მიწით გლეხების მოთხოვნილებების მინიმუმის დაკმაყოფილებაც კი მთავრობას არ შეეძლო მემამულეების ინტერესებია ცოტათ თუ ბევრად შელახვის გარეშე. რაპიც, რა თქმა უნდა, მთავრობა თავისი კლასობრივი ბუნების გამო არ შეიძლება დაინტერესებული ყოფილიყო.

ჩვენ უკვე აღვნიშნეთ, რომ გლეხების ია მცირე ნაკვეთები, რომლებიც მათ ერგოთ რეფორმის შედეგად, იყო დაქუცმაცებული და, მაშასადამე, მეურნეობისათვის სრულიად არახელსაყრელი. ნ. ვ. ფონ-დერვიზი თავის წიგნში „სახუმის ოლქი“ აღნიშნავს, რომ მკვიდრ მოსახლეთა ნაკვეთებს შორის ყველაზე საშინელი მარათდაქსასულობა არსებობს<sup>56</sup>.

სააქციო საზოგადოების აგენტი გ. ა. რიბინსკი, რომელსაც ჩვენ ვერავითარ შემთხვევაში ვერ დავსწამებთ აფხაზეთის გლეხთა მდგომარეობის მუქ საღებავებში აღწერას. აღნიშნავს: „ამ მეთემურთა შორის მიწის განაწილება სრულიად ქაოსურ მდგომარეობაში იმყოფება; ვინც ძლიერია. ის უკეთესსა და უფრო მეტი ზომის ნაკვეთებს ფლობს. ყველაფერი ეს კი შობს ბევრი მათგანის უკიდურეს სიღატაკეს. რაც მიზეზია პირუტყვთა ქურდობის, სისხლის აღებისა და სხვა დანაშაულებრივი მოქმედებისა. სასურველია უბედური აფხაზი გლეხების ყოფა-ცხოვრების დაუყოვნებლივ მოწესრიგება“<sup>57</sup>.

ამას წერს ცარიზმის ერთგული მსახური რიბინსკი. თნელია ამაზე უფრო მკაფიოდ გლეხთა სავაეალო მდგომარეობის დასურათება.

ამრიგად, ყოველივე ზემოთქმულიდან ნათლად ჩანს: გლეხის მინიმუმამდე დაყვანლი მცირემიწიანობა და მისი „საშინელი მიწათდაქსასულობა“, ამ მინიატურული ნაკვეთების უვარგისობა, რომელნიც შედგება მართოდენ „ქვისაგან, ცეცხლგამძლე თისისა და ჭანბისაგან“, „მეთემურთა შორის მიწის განაწილების სრულიად ქაოსური მდგომარეობა“. „ვინც ძლიერია“ მათ შორის, „ის ფლობს უკეთესსა და უფრო მეტი ზომის ნაკვეთებს“ და აქედან—„უკიდურესი სიღატაკე“. განა. შეიძლება უარესი მდგომარეობის წარმოდგენა? მაგრამ ეს ზომ სრული სურათი არაა აფხაზეთის გლეხთა მდგომარეობისა!

55 საქ. ცსსა. ფონდი 545, საქმე 3103. ფურც. 213.

56 Н. В. Фон-Дервиз, Сухумский округ, гл. 30.

57 გ. ა. რიბინსკი, დასახელებული წიგნი, გვ. 17.

ღიახ, გლეხობის მდგომარეობა არ იქნებოდა სრული, თუ ამას არ დავუმატებდით შემდეგ გარემოებას; საქმე ისაა, რომ ტყეები, საბალახო ადგილები და სხვა მთლიანად სახაზინო საკუთრებად იქნა გამოცხადებული, რომელთა სარგებლობისათვის გლეხს ხაზინისათვის უნდა ეხადა გადასახადები დიდი რაოდენობით. გარდა ამისა, გლეხებისათვის მრავალი სხვა სახელმწიფო გადასახადი და სამუშაო იქნა შემოღებული. ყველაფერი ეს მძიმე ულღად დააწვა გლეხის ისედაც გათვალცხავებულ კისერს.

თუ რამდენად მძიმე იყო ყოველივე ამის შესრულება და რა პირობებში აღმოჩნდა ზეფორმის შემდეგ გლეხი. ამას ნათლად გვიხატავს ჩვენი ცნობილი საზოგადო მოღვაწე. ეთნოგრაფი თედო სახოკია, რომელიც აფხაზეთში მე-19 საუკუნის ბოლოსა და მე-20 საუკუნის დასაწყისში მოგზაურობდა.

თ. სახოკია აგვიწერს ერთ-ერთი ტიპიური გლეხის ოჯახს. სადაც მას მოუხდა ღამის გათევა. აგვიწერს რა ამ გლეხის ჩვეულებრივ ღარიბულ მორთულობას. იგი ასკვნის: „პა, მთელი ავლადიდება გუძაჲ (სახელია ოჯახის პატრონისა.—ლ. დ.). ერთ დღეა გაყიდვა და ფულად ქცევა რომ მოუნდომოს გუძამ მთელ მორთულობას მ-სი ფაცხიასს, მთელს ტუალეტს აჲ ფაცხის წვერებისას. სულ ბევრი, ხუთი მანეთის პატრონი თუ გახდება“. და იქვე ქვემოთ განაგრძობს: „გუძა კმაყოფილიც იქნება ხოლმე. თუ თავის საჩხო სიმინდს მოიწვეს: კმაყოფილია, თუ სადილ-ვახშმად ფქვილის ღომი, ნაჭერი ყველი აწვეს; უმეტეს კმაყოფილია გუძა. თუ თავია დედიშობილად მორბენალ ბავშვებს თითო ნაზმის პერანგი ჩააცვა „სააღდგომოდ“. გუძას სხვა ყველა საჭიროება, სხვა მოთხოვნილება — ხორციელი თუ სულიერი — ავიწყდება, როცა მოაგონდება საბედისწერო „ფომტის“ (სახელმწიფო გადასახადი) და მამასახლის-მწერლის ფული. წელიწადი — თორმეტი თვე ერთ აზრსა ჰყავს მისი ფიქრი-გონება მიჯაჭვული ამირანივით. შეპყრობილი: დასახელებული გადასახადი როგორ მოვიშორო თავიდანო? ამ გადასახადისთვის-ღა იდგამს გუძა წილებზე ფეხებს. დარწმუნებულია. გლეხი, ჩემსავით შავი ღლის დაბადებული გლეხი, ამ გადასახადისათვის არის გაჩენილიო. არ არსებობს გუძასათვის ეკლესია; არ დასდევს. მისმა ბავშვმა წიგნი იცის, თუ არა. ამიტომ, ადვილი წაზმოსადგენია, რა ცათაფრენა შეუდგება, როცა ამ გადასახადს მოიშორება, რომელიც დამოკლესის სატყუარით მის გაშავებულ ქედს დასცქერის საბედისწეროდ. თითქო მძიმე ღორი გადაუგორდა მამინ გულიდანო. მამინ შიშავალ წლამდე განცხრობამა. ნეტარობს: არ-

ხეინად ჰანს ფეკელის დომს გაძღომამდე, საღამოს მზის ჩასვლისას იძინებს, მეორე დღეს მზეს ისიც აჰყვება, რათა იმავე ფეკელის ღომით გაიღონისათვისვე იზრუნოს. წლით-წლობამდე ჩაჰკირკიტებს დედა-მიწას, ჩაჰკირკიტებს მანამდის, სანამ იმავე მიწას არ შეუერთდება მისი სხეული. მისს ალაგას მისი შვილი, ტაგუ, ჩადგება, ისიც გუქასავით შეებრძოლება შავს მიწასა... და ვინ იცის, სანამდე გაგრძელდება ეს პირუტყვეული. პირველყოფილი ბრძოლა; ვინ იცის როდის შეეცვლება ხასიათი და ფერი ამ ძალღ-უმადურ ბრძოლასა? "...<sup>58</sup>.

გლახს ტყავი ძვრებოდა „კანონიერი“ სახელმწიფო გადასახადებისა და სამუშაოების გასტუმრებისაგან, მაგრამ მას კიდევ უფრო მეტად უმძიმდა უკანონო გადასახადების გაღება, რასაც საკმაოდ ხშირად ჰქონდა ადგილი გაიძვერა მოხელეების მეოხებით.

თ. სახოკია მოგვითხრობს ასეთი უკანონო გადასახადების გლახებიდან აკრეფაზე. ვითომცდა სოხუმსა და ზუგდიდს შორის სახელმწიფო გზის გასაყვანად.

„1885 წელს, სოხუმის ოლქის უფროსად პოლკოვნიკ ვედენსკის ყოფნის დროს, სამურზაყანოელთაგან კომლზე 2 მანეთი მოჰბოქეს, — გზა უნდა გაეკეთათ. ამნაირად თავი მოუყარეს 14.000 მანეთს. მაგრამ გზა მაინც არ გაკეთდა და მკვიდრთ ძველებურად ტყავი ძვრებოდათ უგზობობითა“<sup>59</sup>.

1892 წელს ისევ აღძრულა საკითხი გზის გაყვანის შესახებ. ადგილობრივი ადმინისტრაციას ამჟამადაც გადაუწყვეტია გზა გაკეთებულყო მკვიდრთა ხარჯზე. მცხოვრებლებს ერთხმად განუცხადებიათ, რომ მათ სიღარიბის გამო არ შეუძლიათ მონაწილეობის მიღება გზის გაკეთებაში. ის, ვინც გადაჭრით უარს ამბობდა და ამ საქმეს იცავდა, ხელისუფლებას გადაუწყვეტია გადაესახლებინა ადმინისტრაციული წესით<sup>60</sup>.

ძალა იხმარეს და „ბოლოს მაინც გააღებინეს მკვიდრთ ფული. კოდორის საბოქაულომ 31.000 მანეთი გადაიხადა, ხოლო სამურზაყანოელთ კიდევ გადაახდევინეს კომლზე 9 მანეთი. ანუ წინათ გადახდილ 14.000 მანეთითურთ. სულ 68.000 მან. ესე იგი თითოეულ კომლს სამურზაყანოელს შეექნა გადაუხდილი 11 მანეთი. სამურზაყანოელ განიორწყლებულ გლახთათვის 11 მანეთის გაღება ადვილი არ იყო. ესენი თხოულობ-

<sup>58</sup> თედო სახოკია, სამურზაყანო. ეურნალი „მოამბე“, 1896 წ., № 12, გვ. 16.

<sup>59</sup> იქვე.

<sup>60</sup> იქვე. გვ. 15-17.

დნენ — რამდენიც გნებავდეთ, გვამუშავეთ, მხოლოდ ფულად ნურას გამოგვართმევთ“<sup>61</sup>.

„სოფ. გუდავას დღესაც ვალად აწევს ამ გზის გასაკეთებელი 700 მანეთი, ადმინისტრაცია ძალას ატანს, გინდა თუ არა. მოგვეციო. ერთი ჭრისტეს ტირილია მთელ სოფელში... მით უფრო უჭირთ სოფელთ ფულის გადახდა, რომ წლებულ სიმინდის ფასიც დაეცა. ხოლო აქაურმა გლეხებმა თუ სიმინდი არ გაჰყიდა, ისე ფულს ვერსაიდან იზოვნის. უკანასკნელ შემთხვევაში მის ერთადერთი მარჩინალ საქონელს — კამეჩს უყიდიან“<sup>62</sup>.

1878 წ. ეურნალ „ივერიაში“ მოთავსებულ წერილში ლაპარაკია სამურზაყანოს უფროსის შტაბის-კაპიტან სალომქას ბოროტმოქმედებაზე. წერილიდან ჩანს. რომ გაიძვერა სალოაკა თვითნებურად აწერდა გადასახადებს მოსახლეობას და თვითონ ითვისებდა უკანონოდ შეგროვილ თანხას. „სამურზაყანოში დადიან ახლა ვილაც კაცები და უფალის სალომქის ბრძანებით, ახდევინებენ ვის მანეთს, ვის ორს, ვის სამს და ვისაც არ შეუძლიან ფულად გადახდა პირუტყვის ართმევენ; ეს არ არის არც სახელმწიფო გადასახადი და არც საზოგადოების სასარგებლოდ; ვილაც ადვოკატს ვჭირაობთო და იმის მისაცემად გვინდაო! და არის ამაზე შეყენებული ერთი დიდი ამბავი და უსიამოვნება“<sup>63</sup>.

აი, როგორ პირობებში აღმოჩნდა აფხაზეთის გლეხობა რეფორმის შედეგად; აი, რა მიაცა მას „გათავისუფლებამ“.

61 თედო სახოკია. სამურზაყანო, ეურ. „მოამბე“, 1896 წ. № 12, გვ. 17.  
62 იქვე.

63 ეურნალი „ივერია“, 1878 წ., № 26, გვ. 2.

## თავი მესამე

### გლეხთა მოძრაობა რეფორმის გატარებასთან დაკავშირებით

ეს მეტად მძიმე, აუტანელი ეკონომიური პირობები, რომლებშიაც აღმოჩნდა აფხაზეთის გლეხობა საგლეხო რეფორმის გატარების გამოცხადების დღიდან. ქმნიდა მშრომელთა მასებში დიდ უკმაყოფილებას, რაც ვლინდება მათს მღელვარებაში. კლასობრივ ბრძოლაში და რაც მიმართული იყო როგორც აფხაზეთის თავადებისა და აზნაურების, ისე რუსეთის ცარიზმის კოლონიური ჩაგვრის წინააღმდეგ.

როგორც ზემოთ უკვე იყო ნათქვამი, აფხაზეთის გლეხობის მძიმე მდგომარეობა განიცხადებდა იყო გაძლიერებული ექსპლოატაციით, პოლიტიკური უფლებობით, მიწების უკანონოდ ჩამორთმევით, მრავალნაირი გადასახადის სიმძიმით და საერთოდ რეფორმის გატარების დროს ჩადენილი ბოროტმოქმედებითა და შეფის მოხელეთა უსამართლობით. ამას ზედ დაემატა 1877-1878 წლების რუსეთ-თურქეთის ომის მძიმე შედეგებიც, რაც აფხაზეთის მშრომელთათვის მეტად აუტანელი აღმოჩნდა.

რეფორმის გატარების გაჭიანურებით გამოწვეულ გლეხთა მძიმე მდგომარეობაზე წერდა გაზეთ „დროების“ კორესპონდენტი 1876 წ.

„თითქმის ათი წელიწადი იქნება, რაც აფხაზეთში მართებლობისაგან დანიშნული კომისია მუშაობს ბატონყმობის და მიწა-წყლის საქმის თაობაზე...

ათი წლის განმავლობაში, არც ერთ მიწის პატრონს არ შეეძლო ესარგებლა თავის მიწით, როგორც მას სურდა და მოეკიდა საფუძვლიანად ოჯახებისათვის ხელი, რადგანაც არ

იცოდა დარჩებოდა თუ არა უწინდელს ადგილზე: ამის გამო ცოტა არ იყოს მთელი ხალხის ოჯახობა დაეცა“.<sup>1</sup>

1878 წლის 13 მაისს გაზეთ „დროებაში“ მოთავსებულ კორესპონდენციაში — აფხაზეთის გლეხების მდგომარეობის გაუარესებაში რუსეთ-თურქეთის ომის შედეგების შესახებ — შემდეგს ვკითხულობთ: „ესენი (გლეხები. — ლ. დ.) ძალიან დიდს შევიწროებაში და შეწუხებაში ჰყრიან; მათთვის არ დარჩენილა სახლ-კარი, საკმელ-სასმელი, სულ ერთიანათ გაფუჭებული და აონრებული იყო ოსმალეთის ჯარებისაგან. რაც შენობა და საზრდო იყო: სიმინდი, ღომი, ფეტვი სულ ერთიანად ცეცხლს მისცეს; რაც პირუტყვი ყვანდათ, აგრეთვე სახლის ავეჯეულობა, ტანისამოსი სულ წაიღეს.

ამნაირს გარემოებაში დარჩენილი აფხაზები იყვნენ და ჯერაც არიან შიმშილითა და სიცივიტ ტანჯვაში“.<sup>2</sup>

ასეთ ტანჯვაში ჩავარდნილი გლეხები ხშირად მიმართავენ ბრძოლის ისეთ ხერხებს, როგორცაა: წინააღმდეგობის გაწევა იმ შემამულებების მიმართ, რომლებიც უკანონოდ იტაცებენ გლეხების მიწებს; ასეთივე წინააღმდეგობის გაწევა იმ მოხელეთა მიმართაც, რომლებიც თავიანთი ბოროტმოქმედებითა და გაიიწერობით დიდად ავიწროებდნენ მშრომელებს; ცეცხლის წაქიდება შემამულეთა კარ-მიდამოსათვის, ინდივიდუალური ტერორი, გადასახადების გაღებაზე უარის თქმა და სხვ. ზოგჯერ წინააღმდეგობის გაწევა ლებულოზს ჯგუფურ, შედარებით ორგანიზებულ ხასიათს.

მაშინდელი ოფიციალური საბუთები ლაპარაკობენ იმის შესახებ, რომ გლეხთა აჯანყებანი „მხარეში პერიოდულად მეორდებოდნენ“.<sup>3</sup>

სოხუმის სამხედრო განყოფილების უფროსის გენერალ კრავჩენკოს 1875 წლის 31 მაისის საიდუმლო წერილში, რომელიც გავგზავნა ბიჭვინთისა და ოჩამჩირის ოლქების უფროსებს; ნათქვამია, რომ სოხუმის განყოფილებაში ადგილი აქვს უკმაყოფილებასა და მღელვარებას, რაც საადგილმამულო ხაჯითხის გადაჭრასთანაა დაკავშირებული. ამჟამად „დაბალი წოდებისათვის“ მთავარია მიწის ნაკვეთების გამოყოფის საკითხი. ამიტომ იგი წარმოადგენს ხელსაყრელ ნიადაგს უკმაყოფილებისა და მღელვარების გასავრცელებლად“.<sup>4</sup>

<sup>1</sup> გაზეთი „დროება“, 1876 წ., № 7, გვ. 2.

<sup>2</sup> გაზეთი „დროება“, 1878 წ., № 100, გვ. 3.

<sup>3</sup> «Кавказский календарь», 1883 წ., გვ. 246.

<sup>4</sup> საქ. ცსსა. ფონდი 545, საქმე 2887, ფურც. 2-4.

გენერალ კრავჩენკოს ეს შიში აფხაზეთში მშრომელი მასე-  
ბის უკმაყოფილებისა და მღელვარების ზრდის გამო უსაფუძვე-  
ლო რომ არ ყოფილა, ეს ჩანს მისივე დეპეშიდან, რომელიც  
1877 წლის 5 მაისს გაეგზავნა ფოთის კომენდანტს. მასში  
ნათქვამია, რომ „მთელი აფხაზეთი აჯანყდა კელასურამდე და  
მღელვარებაა კოდორამდე“<sup>5</sup>.

და მართლაც, აჯანყებას ფართო ხასიათი მიუღია რუსეთ-  
თურქეთის უკანასკნელი ომის პერიოდში. კერძოდ, აჯანყებას  
ადგილი ჰქონია ბიჭვინთის ოლქში<sup>6</sup> (დევანდელი გუდაუთისა  
და სოხუმის რაიონები. — ლ. ი.).

გლეხთა ცალკეულ გამოსვლებს 1877 წ. ადგილი ჰქონდა  
აგრეთვე კოდორისა და სამურზაყანოს უბნებში.

გლეხთა ამ აჯანყებებს, რადგანაც ისინი დაემთხვენენ 1877-  
1878 წწ. რუსეთ-თურქეთის ომს, ძეფის მთავრობა უყურებ-  
და როგორც „ლალატს“ და სასტიკ ზომებს იღებდა მათ წინა-  
აღმდეგ.

ეს გამოსვლები, რა თქმა უნდა, მიმართული იყო არა მარ-  
ტო ცარიზმის კოლონიური ჩაგვრის წინააღმდეგ, არამედ  
თავადაზნაურობის წინააღმდეგაც. ამას მოწმობს ჩვენ მიერ  
უკვე ციტირებული გენერალ კრავჩენკოს მომართვის ერთი ად-  
გილი. სადაც ნათქვამია, რომ „დაბალი წოდებები... მტრულად  
ეკიდებოდნენ მაღალ წოდებებსო“.<sup>7</sup> ამასვე მოწმობს იმავე  
კრავჩენკოს 1877 წლის განკარგულება, რომელიც მას პიცუნ-  
ლის ოლქის უფროსისათვის გაუგზავნია და რომელშიც მითითე-  
ბული იყო ადგილობრივი მოსახლეობიდან მთავრობის „ერთ-  
გული პირების პირადი უშიშროებისა და ქონების დაცვის  
მიზნით... განსაკუთრებული მფრინავი რაზმის“ ჩამოყალიბე-  
ბის საჭიროებაზე<sup>8</sup>. მართლაც, კრავჩენკოს აქტიური მონაწი-  
ლეობით მფრინავი რაზმები ჩამოყალიბდნენ ბიჭვინთისა და  
ოჩამჩირის ოლქებში. მიუხედავად მთავრობის მიერ გან-  
საკუთრებული ღონისძიების მიღებისა, გლეხთა მღელვარება-  
სა და გამოსვლებს რუსეთ-თურქეთის ომის შემდეგ პერიოდ-  
შიც ხშირად ჰქონდა ადგილი. გლეხთა ეს გამოსვლები უშუა-  
ლოდ იყო დაკავშირებული საგლეხო რეფორმის გატარებას-  
თან. რეფორმის გაზვიადებამ და მის შედეგად გლეხების თით-  
ქმის უშიშაწყლოდ დარჩენამ ეს უკანასკნელნი აიძულა საჩივ-

<sup>5</sup> საქ. ცსა, ფონდი 4, საქმე 517, ფურც. 2-103.

<sup>6</sup> იქვე.

<sup>7</sup> იქვე, ფონდი 545, საქმე 2687, ფურც. 3.

<sup>8</sup> იქვე, ფონდი 4, საქმე 517, ფურც. 2-103.

რებიდან უსაბარტლოების შესახებ, საიდანაც მათ სასარგებლოდ არაფერი გამოდიოდა, გადასულიყვნენ ბრძოლაზე თავად-აზნაურებისა და ადგილობრივი მოხელეების წინააღმდეგ.

1878 წლის მარტში ხმა გავარდნილა სამურზაყანოში, რომ „ახალი უფროსი სოხუმის მაზრისა პოლკოვნიკი არაკინი მრდის ხალხის დასახედავად, რათა შეისმინოს მათი თხოვნა, რადგან ამ ომის დროს ბევრი შევიწროება დაემართა ამ ქვეყანას“<sup>9</sup>. ეს შემთხვევა გამოუყენებიათ და სამურზაყანოს მთელ გლეხობას არაკინისათვის შემდეგი თხოვნით მიუმართავს: „ჩვენ ბევრი გვაქვს სათხოვარი თქვენთან, მაგრამ ჯერ სხვა სათხოვარს ვტოვებთ, და უნდა მოგახსენოთ — ის, რომლისგანაც მთელი სამურზაყანო არის შეწუხებული; ეს ის არ-ს, რომ ჩვენ ნაჩაღნიკათ არის დანიშნული შტაბს-კაპიტანი სკლომკა; ეს კაცი სამურზაყანოში იყო ომის გამოცხადებამდის თანაშემწედ ოჩამჩირის ნაჩაღნიკისა; მაგრამ, რადგანაც მთელი ხალხი წინააღმდეგი იყო იმისი, იმიტომ შეიტანეს საჩივარი და კიდევ. დროებით თუ სულ. გადაყენებულ იყო ადგილიდან, და დღეს კიდევ იგივე დაგვინიშნეთ ნაჩაღნიკათ... იმისა და ჩვენი მოწყობა არ შეიძლება... ამის გამო გთხოვთ. გვიპატიოთ ამ კაცისაგან და დაგვინიშნოთ სხვა ვინმეო“<sup>10</sup>.

„სამურზაყანოს დახედვა ისე გაათავა არაკინმა, რომ რომელ საზოგადოებაშიც მივიდოდა, პირველი მათი — დილის და პატარას — თხოვნა იყო, რომ სალომკისაგან გავანთავისუფლებოთ“<sup>11</sup>.

არაკინი დაპირებია მთხოვნელებს. ერთი კვირის განმავლობაში სხვა უფროსს გამოვეზახებითო, მაგრამ თხოვნის დღიდან გასულა 4 თვე და დაპირება შესრულებული არ ყოფილა. გაიძვერა სალომკა კი არ ცხრებოდა და მოსახლეობის აწიოკებას გაორკეცებით განაგრძობდა<sup>12</sup>.

რეფორმის გაქიანურებით და გლეხების მიმართ აშკარა ბოროტმოქმედებით გამოწვეულ წოდებათა შორის ურთიერთობის გაიწვავებაზე ლაპარაკობენ მეფის ის მოხელეებიც კი, რომლებიც თვით იყვნენ ამის მიზეზი.

ასე, მაგალითად, სოხუმის განყოფილების უფროსი 1883 წლის 29 აპრილს კავკასიის სამხედრო-სახალხ. სამმართველოს უფროსის სახელზე გაგზავნილ საიდუმლო დეპეშაში წერდა:

<sup>9</sup> ურნალი „ივერია“, 1878 წ., № 26, გვ. 1.

<sup>10</sup> იქვე.

<sup>11</sup> იქვე.

<sup>12</sup> იქვე, გვ. 2.



„საადგილმამულო ურთიერთობა მწვევდება, ადგილი აქვს თვითნებობის გამოვლინების შემთხვევებსო“.<sup>13</sup>

პოლკოვნიკი ფრაიერი თავის მხრივ არაკინის ამ ტელეგრამასთან დაკავშირებით სამმართველოს უფროსს სწერდა: „სოხუმის განყოფილებაში საადგილმამულო მდგომარეობის უკიდურესად დაძაბულობის“ შესახებ<sup>14</sup>.

1883 წელს ბნიშენელოვანი მღელვარებას ჰქონდა ადგილი სამურზაყანოში (გალის თემში), რომელსაც, როგორც საბუთებიდან ჩანს, მეტად შეუშინებია განყოფილების ადმინისტრაცია. ამ მღელვარების ჩასაქრობად არაკინს საჭიროდ მიუჩნევია ჯარის ნაწილების გამოყენება, რის ნებართვასაც ის დეპეშით სთხოვდა კავკასიის სამხედრო-სახალხო სამმართველოს<sup>15</sup>.

კავკასიის სამხედრო ოლქის მთავარსარდალი ამის საპასუხოდ გაგზავნილ დეპეშაში გენერალ არაკინს სწერდა: „მხოლოდ სასწრაფო საჭიროების შემთხვევაში გაძლევთ ასეულის ამოძრავების უფლებას“<sup>16</sup>.

1883 წელს გალის თემში მომხდარი გლეხთა მღელვარების ვითარება შემდეგნაირად გვევლინება<sup>17</sup>: სოხუმის საადგილმამულო კომისიამ ჟინოსქუა (აზნაურ) მარლანიას გამოუყო მიწა, რომელიც მანამდე მარლანიას ხელქვეითი გლეხების სარგებლობაში იყო. ბუნებრივია, რომ გლეხებმა კომისიის გადაწყვეტილება უკანონოდ ჩათვალეს და ამის თაობაზე საჩივარი შეიტანეს გლეხთა საქმის საგანგებო საკრებულოში; აზნაურ მარლანიას კი სთხოვეს, ვიდრე საჩივარი არ იქნებოდა განხილული, სადაო მიწის ნაკვეთი არ შემოეკავებინა, მაგრამ მარლანიამ გლეხების თხოვნას ყური არ ათხოვა და, სანამ გლეხების საჩივარზე რამე გარკვეული პასუხი მოვიდოდა, სადავო მიწის ფართობს შემოლობვა და დამუშავება დაუწყო. მარლანიას ასეთმა მოქმედებამ გლეხებს მოთმინება დაუქარგა და გადაწყვიტეს ძალა ეხმარათ. ამ მიზნით „ლამით 24-25 აპრილს ჟინოსქუა ძვაძვა მარლანიას სახლთან მივიდა ხალხის მნიშვნელოვანი ბრბო და, როდესაც ის, ყვირილით გამოღვიძებული,

13 საქ. ცსსა, ფონდი 545, საქმე 2742, ფურც. 3.

14 იქვე.

15 იქვე.

16 იქვე.

17 იხ. ი. ანთელავა რეფორმის შემდეგდროინდელ აფხაზეთში აგრარული მოძრაობის ისტორიიდან (1870-1883 წლები), საქ. სსრ მეცნ. აკად. „შობაძე“. ტ. X, 1949 წ., გვ. 254-256.

აივანზე გამოვიდა და ჰკითხა. თუ რა უნდათ მათ. გაისმა ცალკეული შეძახილები და მუქარა, რომ არ მისცემენ გამოყოფილი მიწის სარგებლობის უფლებას. ძვაძვა მარღანიამ თხოვნით, შეუწარჩუნონ მას სიცოცხლე, ხოლო მიწას ისე მოექცნენ. როგორც თვითონ მოესურვებათ, — შეძლო მიეღწია, რომ ბრბო მოშორებოდა სახლს, ამავე დროს. როდესაც ბრბო სახლს ტოვებდა, ისმოდა ხმაური სადავო მიწდვრიდან, სადაც მეორე ბრბო ღობეს ამტვრევდა. პოლიციის გამორკვევით დადასტურებულია სამიჯნო ნიშნის მოსპობა და მარღანიასათვის გამოყოფილი ნაკვეთის გარშემო შემოვლებული ღობის დამტვრევა 150 საყენის მანძილზე. თავდასხმის ფაქტისა და მუქარის წარმოთქმის მოწმეებად არიან მხოლოდ ძვაძვა მარღანიას ოჯახის უახლოესი წევრები; მისი მსახურები და მუშები. რომლებიც იმყოფებოდნენ მეზობელ სახლში, არაფერ ამის მსგავსს არ დასტურებენ, ამბობენ, რომ მათ ეძინათ და არაფერი გაუგონიათ. სამიჯნო ნიშნისა და ღობის მოსპობის დამნაშავენი ჯერჯერობით არ არიან აღმოჩენილნი<sup>18</sup>

საქმის ვითარება ისე წავიდა, რომ ხელისუფლებამ ბოლომდე ვერ შეძლო აღმოეჩინა დამნაშავენი. ეს იმიტომ მოხდა, რომ თავდასხმის მონაწილეებმა ერთხმად უარყვეს ბრალდება. ხოლო ასეთ დროს საქმის გამოსარკვევად აუცილებელი მოწმეებიც არ აღმოჩნდნენ. როგორც არაკინის ზემოთ მოყვანილ მოწმენებით ბარათში იყო აღნიშნული, მეზობელ სახლში მყოფმა მსახურებმა და გლეხებმა უარი თქვეს მომხდარი ამბის დადასტურებაზე, იმის მომიზეზებით, რომ მათ ეძინათ და არაფერი გაუგონიათ. ძნელია იმის დაჯერება, რომ მათ არ გაეგონათ „დიდიძალი ბრბოს“ მისვლა და ხმაური. მაშ, რატომ განაცხადეს მათ მომხდარი ამბის შესახებ რაიმე გარკვეული ცნობის მიწოდებაზე უარი? ამ კითხვაზე ერთადერთი სწორი პასუხი იქნება. თუ ვიტყვით, რომ მსახურები და გლეხები, რომლებიც მარღანიას სახლში იმყოფებოდნენ, ადვილი შესაძლებელია წინასწარ ყოფილიყვნენ გაფრთხილებულნი თავდასხმის ორგანიზატორების მიერ. ყოველ შემთხვევაში ჩანს, რომ ისინი თანაუგრძნობდნენ გლეხებს და არა მარღანიას. ამრიგად, მარღანიას სახლზე თავდასხმა ვერ დადასტურდა. უფრო რთული იყო მეორე დანაშაულისაგან თავის მართლება. აქ გამომძიებლებს ხელთ ჰქონდათ ნივთიერი დასტური: სამიჯნო ნიშნის მოსპობა და 150 საყენის სიგრძეზე წაქეული ღობე.

18 საქ. ცსსა, ფონდი 545, საქმი 2742, ფურც. 1.

მაგრამ მღელვარების მონაწილეებმა ამ საქმეშიც შესძლეს თავის გამართლება. მათ „გამოთქვეს მოსაზრება, რომ მთელი ეს შემთხვევა წინასწარი განზრახვითაა მოწყობილი მათ არაკეთილმოსურნეთა მიერ, იმ მიზნით, რომ საზოგადოება არაკეთილსაიმედოთ წარუდგინონ უმაღლეს უფროსობას და ამით გამოიწვიონ სხვადასხვაგვარ სასჯელ-ლონისძიებათა გამოყენება“. <sup>19</sup> ამნაირად, სრულიად აშკარად მომხდარი ამბავი ვერ დაამტკიცეს ხელისუფლების მიერ გამოყოფილმა გამომძიებლებმა და გლეხები დაუსჯელი დარჩნენ.

საბოლოოდ ეს საქმე იმით დამთავრდა, რომ გლეხებისათვის მიწა არ დაუბრუნებიათ და არც ისინი დაუსჯიათ.

დამთავრდა თუ არა მღელვარება, გალის თემში დაიწყო მეორე მღელვარება. ამჟამად მოძრაობა დაიწყო სოფელ ბარლებში 1883 წლის ივნისში. <sup>20</sup> მღელვარების მიზეზი იყო მიწისმზომელ პესკოვის უკანონო მოქმედება. უკანონობასთან ერთად პესკოვი, როგორც ეს საბუთებიდან ჩანს, მეტად უღიერად, უხეშად ეპყრობოდა თურმე მოსახლეობას.

✓ მიწისმზომელ პესკოვს გადაუწყვეტია მდინარე ცხიროგალის სანაპიროზე მდებარე ტყე, რომლითაც მრავალი წლის განმავლობაში სარგებლობდნენ სოფელ ბარლების მცხოვრებლები, ჩამოეჭრა და ამით მოესპო ამ სოფლის გლეხებისათვის დასახელებული ტყის მასივის გამოყენების საშუალება. გლეხებმა გაიგეს თუ არა პესკოვის ეს გადაწყვეტილება, მაშინვე 40 კაცის შემადგენლობით გამოცხადნენ მასთან და ტყის დათმობა სთხოვეს. პესკოვს არ მოეწონა გლეხების ჯგუფური გამოცხადება და ძლიერ უხეშად, ცივი უარი შეაგება მათ. ეს იყო 1883 წლის 14 ივნისს დილით. სწორედ მაშინ, როდესაც პესკოვი ემზადებოდა სამიჯნო სამუშაოებისაკენ წასასვლელად, ხელისუფლების მოთხოვნით, სოფლების მიერ გამოყოფილ გლეხთა ჯგუფით (10 კაცის რაოდენობით). გლეხების ეს ჯგუფი, ხედავდა რა პესკოვის უღიერ საქციელს, ისედაც უკმაყოფილო იმით, რომ ხშირად აშორებდნენ თავის საველე სამუშაოებს, არ გაპყუა მას. მაშინ პესკოვმა ყველას თვალწინ მათრახით ცემა დაუწყო სამიჯნო სამუშაოსათვის გამზადებულ გლეხთა ჯგუფს. ეს უკანასკნელი გაერია სათხოვნელად მოსულ გლეხებში. პესკოვი კი არ ცხრებოდა და განუჩრჩველად სცემდა ყველას, ვინც კი მისი მათრახის ქვეშ მოპყვებოდა.

<sup>19</sup> საქ. ცსსა, ფონდი 545, საქმე 2742, ფურც. 11.

<sup>20</sup> იხ. ი. ანთელავა, საქ. სსრ. მეცნ. აკად. „მოამბე“, ტ. X, № 4, 1949 წ., გვ. 256-257

პესკოვის ასეთმა საქციელმა ხალხი ძალიან გააბრაზა და იგი მოთმინებიდან გამოსული ეცა მას, მაგრამ პესკოვმა თავს გაძევიტ უშველა.<sup>21</sup>

პესკოვმა ოჩამჩირის ოლქის უფროსს მალინოვსკის მოსთხოვა მკაცრად დასჯილიყო ყველა ის, ვინც მას წინააღმდეგობას უწევდა. მისი მოთხოვნით, „უწესრიგობის ჩამდენი ბრბოს“ მეთაურები: მუსა და პახუ შონიები, ივანე ჯოლოგუა-ბიქა მიქაევა და კიწი სილაგა დააპატიმრეს.

ოჩამჩირის ოლქის უფროსის მიერ წარმოებულმა გამოძიებამ დაადასტურა, რომ მიწისმზომელი პესკოვე მეტად უხეშად და უმსგავსოდ მოექცა გლეხებს. აღმოჩნდა, რომ პესკოვი „მუშებისადმი უტიფარ მოპყრობას წინათაც ამჟღავნებდა“.<sup>22</sup> მალინოვსკი სოხუმის განყოფილების უფროსს წერდა: იმისათვის, რომ „მომავალში არ გამეორდეს შეჯახება საზოგადოებასა და პესკოვს შორის, საჭიროდ მიმაჩნია მისი სხვა მიწისმზომელით შეცვლა“-ო.<sup>23</sup> და შემდეგ იგი განაგრძობს: „იმისათვის, რომ მომავალში არ გამეორდეს მცხოვრებთა მიერ პრეტენზიების, განცხადებისა და ჯგუფური თხოვნის შემოტანის შემთხვევები, წესრიგის დაცვის მიზნით, აუცილებელ საჭიროებად მიმაჩნია სოფელ ბარლების მცხოვრებთა დასჯა, რომლებმაც მიწისმზომელის ბინის წინ თავის მოყრა გაბედეს და რომელთა სიას (ამ სიაში ჩამოთვლილია 40 კაცის გვარი.—ლ. დ.), ბარლების თემის მამასახლისის მიერ შედგენილს, გიდგენთ. პირველი შემთხვევისათვის მე საკმარისად მივიჩნევედი ფულადი ჯარიმით, ან რიგგარეშე, ერთი კვირის ვადით, საგზაო მუშაობის დანიშვნით დაკმაყოფილებას“.<sup>24</sup>

ზემოაღნიშნული პატიმრები 5 დღის შემდეგ განთავისუფლებულ იქნენ.

„უწესრიგობის ჩამდენი ბრბოს“ მიმართ ასეთი, შედარებით მსუბუქი სასჯელის მიღებით ხელისუფლება იმიტომ დაკმაყოფილდა, რომ ეშინოდა უფრო მკაცრ ზომებს არ გამოეწვია კლასობრივი ურთიერთობის გამწვავება.

ამავე საბუთებიდან ჩანს, რომ 1883 წლის 14 ივნისის ამბავი სამურზაყანოში პირველი შემთხვევა არ ყოფილა. როგორც ირკვევა, „უწესრიგობას“ სოფლელებსა და მიწისმზო-

21 საქ. ცსსა, ფონდი 545, საქმე 2742, ფურც. 30.

22 იქვე.

23 იქვე, ფურც. 31.

24 იქვე.

მელ მოსივესკის (პესკოვის წინამორბედის) შორის უფრო ადრეც ჰქონდა ადგილი.<sup>25</sup>

სადგილმამულო კომისიის უკანონო მოქმედების წინააღმდეგ გამოსვლებს ადგილი ჰქონია, როგორც ეს საბუთებიდან ჩანს. 1882 წლის ბოლოს სოფელ გუდავში, შეშელეთში, გალში, აძიუბუჯაში და სხვაგან ყველა ამ სოფლის გლეხთა მღელვარების მეთაურები დააპატიმრეს, თბილისში გადააგზავნეს. სადაც მათ ციხეში ნახევარ წელზე მეტი დრო დაყვეს. ასეთები იყვნენ სოფელ გუდავის მცხოვრები გლეხები ბაბა ჩხვირტია და უშუშ ალანია, სოფელ შეშელეთის მცხოვრები კოკა ხორცავა. გალის მცხოვრები კეკვა ქეცბაია და სოფელ აძიუბუჯის მცხოვრები კულინა ჩინჯოლია. ყველა ამათ ბრალი ედებოდათ იმაში, რომ „თავიანთ თავს ნება მისცეს კომისიის პასუხისმგებელ პირებთან საკმაო დიდი ჩხუბი აეტეხათ, თანაც ძალიან ზიჯად ხვდებოდნენ კომისიის განკარგულების სისრულეში მოყვანას“.<sup>26</sup>

გლეხთა ცალკეულ გამოავლებს უფრო გვიანაც ჰქონდა ადგილი და მათ ხელისუფლება სასტიკად უსწორდებოდა. მე-19 საუკუნის 80-90-იან წლებში გლეხებს, ე. წ. „უწესრიგობისა“ და „ცუდი საქციელისათვის“ ათეულობით აგზავნიდნენ „ციმბირში სამუდამო სამოსახლოდ“.<sup>27</sup>

მე-19 საუკუნის 70-90-იან წლებში აფხაზეთის გლეხთა მოძრაობა ატარებდა არამასობრივ, დაქსაქსულ, იზოლირებულ ხასიათს. მას ჯერ კიდევ აკლდა ის მორგანიზებული და წამყვანი ძალა, რომლის ხელმძღვანელობით შეიძლება მხოლოდ გლეხთა მოძრაობამ მიზანს მიაღწიოს.

„გლეხური აჯანყებანი, — ლაპარაკობს ი. ბ. სტალინი. — შეიძლება წარმატებით დამთავრდეს მხოლოდ იმ შემთხვევაში, თუ კი ისინი დაკავშირებული არიან მუშათა აჯანყებებთან. მხოლოდ კომბინირებულ აჯანყებას მუშათა კლასის მეთაურობით შეუძლია მიაღწიოს დასასულ მიზანს“.<sup>28</sup>

თავისთავად ცხადია, რომ აფხაზეთის მაშინდელ სინამდვილეში გლეხთა მოძრაობა არ იყო და არც შეიძლებოდა ყოფილიყო დაკავშირებული მუშათა კლასის რევოლუციურ მოძრაობასთან.

25 საქ. ცსსა, ფონდი 545, საქმე 2742, ფურც. 42.

26 იქვე, ფურც. 21.

27 იქვე, ფონდი 229, აღწ. 1. საქმეები 2684, 2698, 2791, 2796 და 2797.

28 ი. ბ. სტალინი, საუბარი გერმანელ მწერალ ვებლ ლუდვიგთან, აიბი-ლისი, 1932 წ., გვ. 12.

## თავი მეექვსე

### საგლეხო რეფორმის შედეგები და მისი მნიშვნელობა

როგორც უკვე დავინახეთ, გლეხები შეუგნებლად, სტიქიურად იბრძოდნენ სოფლის მეურნეობის განვითარების „ამერიკული“ გზისათვის, ე. ი. რევოლუციური გზისათვის. ობიექტურად მათი ბრძოლის მიზანი იყო — მებატონე-მემამულეებს ჩამორთმეოდა მთელი მიწები და უსასყიდლოდ გადასცემოდა მათ. ერთი სიტყვით, გლეხები ცდილობდნენ თავისუფლებულიყვნენ მებატონე-მემამულეთა ყოველგვარი ეკონომიური და იურიდიული დამოკიდებულებისაგან. მებატონე-მემამულეები კი, პირიქით, ცდილობდნენ საგლეხო რეფორმის საქმე ისე წარემართათ, რომ რაც შეიძლება მეტი მიწა და ძალაუფლება შეენარჩუნებინათ თავიანთ ხელში; ხოლო მიწისა და უფლების იმ უმნიშვნელო ნაწილის დათმობისათვის, რომელიც აუცილებელი იყო მაშინდელ ვითარებაში, სურდათ გლეხებისაგან მიეღოთ გამოსასყიდი დიდი რაოდენობით. ამრიგად, მემამულეები იბრძოდნენ სოფლის მეურნეობის „პრუსიული“ გზით განვითარებისათვის, ე. ი. იმისათვის, რომ ერთგვარი დათმობისა და შეთანხმების ფასად თავიდან აეცდინათ „ამერიკული“ გზა და სოფელი შეეგუებინათ თანდათანობით ბურჟუაზიული გარდაქმნისათვის.

და რადგან საგლეხო რეფორმა გატარებულ იქნა მებატონე-მემამულეების მიერ, ქვეყნის ეკონომიკის განვითარება წარიმართა სწორედ ამ უკანასკნელი გზით. ლენინი აზრობდა, რომ „მებატონეების მიერ გატარებული „რეფორმები“ არ შეიძლება ბატონყმური არ იყოს მთელი თავისი სახით, არ შეიძლება თან არ ანლდეს ყოველგვარი ძალმომრეობის რეჟიმი“. <sup>1</sup> და სწორედ ამიტომ „საერთოდ 60-იანი წლების მთელ-

<sup>1</sup> ვ. ი. ლენინი. თხზ. ტ. 17. გვ. 125.

მა „რეფორმათა ეპოქამ“ გლეხი გალატაკებული, დაბეჩავებული. უშეცარი. მემამულე-მებატონეებისადმი დამორჩილებული დასტოვა სამართალშიც, მართვა-გამგეოვაშიც, სკოლაშიც, ერობაშიც.<sup>2</sup>

თუ რუსეთის ცენტრალურ გუბერნიებში გატარებული სა-გლეხო რეფორმა „ბატონყმური რეფორმა იყო და არც შეიძლებოდა სხვანაირი ყოფილიყო, ვინაიდან მას ახორციელებდნენ მებატონეები“,<sup>3</sup> საქართველოში და კერძოდ, აფხაზეთში გატარებული რეფორმა, შეიძლება ითქვას, რომ კიდევ უფრო ბატონყმური იყო, ვინაიდან გლეხების „გათავისუფლება“ აქ გაცილებით უფრო მეტ მძიმე პირობებში მოხდა, ვიდრე რუსეთში.

ლენინი გვასწავლის, რომ ბატონყმობის გადავარდნის შედეგად „მეურნეობის ძველი, საბატონო სისტემა მხოლოდ ძირგამოთხრილი იყო, მაგრამ საბოლოოდ არ იყო მოსაობილი. გლეხური მეურნეობა სავსებით არ იყო გამოყოფილი მემამულეთა მეურნეობისაგან, რადგან უკანასკნელთა ხელში დარჩა გლეხური ნადელების მეტად მნიშვნელოვანი ნაწილი: „ჩამონაკვარი მიწები“, ტყეები, მდელოები, წყალსალევეები, საძოვრები და სხვ. ამ მიწებს (ან სერვიტუტებს), მოკლებულ გლეხებს სრულებით არ შეეძლოთ დამოუკიდებელი მეურნეობის გაძღოლა, და მემამულეებს ამრიგად საშუალება ჰქონდათ განეგრძოთ მეურნეობის ძველი სისტემა შრომაში-გების ფორმით, და „გარეეკონომიური იძულების“ შესაძლებლობაც რჩებოდა: დროებითვალდებულებითი მდგომარეობა. ურთიერთთავედებობა, გლეხის ფიზიკური დასჯა, მისი საზოგადოებრივ სამუშაოზე მიცემა და სხვ.“<sup>4</sup>

მაგრამ, მიუხედავად ამისა, უნდა აღინიშნოს, რომ „მეურნეობის საბატონო სისტემას ძირი გამოუთხარა ბატონყმობის გაუქმებამ. შეირყა ამ სისტემის ყველა მთავარი საფუძველი: ნატურალური მეურნეობა, საბატონო მამულის

<sup>2</sup> ვ. ი. ლენინი თხზ., ტ. 17, გვ. 127.

<sup>3</sup> იქვე.

<sup>4</sup> მისივე, ტ. 3, გვ. 210.

კარჩაკეტილობა და ღვითქმარი ხასიათი. მკიდრო კავშირი მის ცალკეულ ელემენტებს შორის, მემამულის ძალაუფლება გლახებზე“<sup>5</sup> და სხვ.

აქ ჩვენ მიერ მოყვანილი რეფორმის შემდეგდროინდელი რუსეთის სოფლის მეურნეობის ლენინური დახასიათება საე-სებით გამოხატავს როგორც მთლიანად საქართველოს, ისე კერძოდ, აფხაზეთის სოფლის მეურნეობის მდგომარეობასაც. V ამრიგად, მიუხედავად მთელი რიგი დაბრკოლებებისა, რაც, როგორც ჩვენ ეს-ეს არის აღვნიშნეთ, მდგომარეობდა იმაში, რომ რეფორმა დაუმთავრებელი, სანახევრო ხასიათისა იყო, რომ მან ბევრი რამ შეინახა ბატონყმური წყობი-ლებიდან, აფხაზეთის სოფლის მეურნეობა ისე, როგორც მთლიანად საქართველოს ეკონომიკა, დაადგა კაპიტალისტური განვითარების გზას.

„მიწათმოქმედების რეფორმის შემდეგდროინდელი ეკო-ლუციის ძირითადი ნიშანი. — წერდა ლენინი, — იმაში მდგო-მარეობს, რომ ის სულ უფრო და უფრო იღებს სავაჭრო, სა-მეწარმეო ხასიათს“.<sup>6</sup> იმ საბუთებიდან, რომლებიც ჩვენს გან-კარგულებაშია, ჩანს, რომ რეფორმის შემდეგდროინდელი აფხაზეთის სოფლის მეურნეობა სულ უფრო და უფრო ღე-ზულობდა სავაჭრო მიწათმოქმედების ხასიათს.

სავაჭრო მიწათმოქმედება, — ამბობდა ლენინი, — გლახო-ბის დაშლის მთავარი ფაქტორია.<sup>7</sup>

რეფორმის შემდეგდროინდელი აფხაზეთის გლახობის დაშლის, დიფერენციაციის შესახებ ზოგიერთ მასალას გვაწვ-დის „სტატისტიკურ მონაცემთა კრებული მიწათმფლობელო-ბის შესახებ თბილისისა და ქუთაისის გუბერნიებში“, რომე-ლიც გამოქვეყნდა თბილისში 1893 წელს.

<sup>5</sup> ვ. ი. ლენინი, თხზ., ტ. გვ. 209.

<sup>6</sup> იქვე, გვ. 357.

<sup>7</sup> იქვე, გვ. 313.



მაზრების დასახელება	მიწის ნაკვეთი სიღრმე დეკლარაციის მიხედვით					დაკავშირებული სადაც	სადაც დაკავშირებული არის	სადაც დაკავშირებული არის	სადაც დაკავშირებული არის	სადაც დაკავშირებული არის	სადაც დაკავშირებული არის
	0-1-მდე	1-5-მდე	6-10-მდე	11-20-მდე	20-ზე მეტი						
ქუთაისი	1,192	747	57	23	10	2,029	346	550,486	1,75	157,52	2,595
შორაპნის	1,188	352	18	6	5	1,569	1,772	328,555	1,15	185,21	1,595
რაკისი	928	45	1	—	2	976	2,633	120,523	2,75	45,79	709
ლეჩხუმის	179	27	1	—	3	210	245	15,825	1,2	62,06	133
ხუვლიდის	33	76	4	4	1	123	460	26,235	3,9	57,25	265
სენაკის	187	96	3	—	—	286	264	52,180	0,9	197,35	235
ოზურგეთის	111	102	9	2	1	225	478	41,126	2,15	86,48	235
სოხუმის	—	—	2	3	3	8	696	7,700	87	11,08	22
სულ	3,823	1,445	95	38	25	6,426	10,029	1,141,735	1,75	113,49	5,685 <sup>a</sup>

ამ ცხრილიდან ირკვევა, რომ მთელს დასავლეთ საქართველოში 1879-1888 წწ., ე. ი. 10 წლის განმავლობაში, 5.685 კაცს ნადელის ზევით შეუძენია 10.029 დესეტინა მიწა. მართალია, მყიდველთა შორის ნაწილი ეკუთვნოდა სასულიერო წოდებასა და ვაჭრებს, მაგრამ უმრავლესობას, უსათუოდ, გლეხობა წარმოადგენდა. სოხუმის ოლქში (აფხაზეთში) ამავე პერიოდში 22 კაცს უყიდა 696 დესეტინა მიწა<sup>8</sup>; გამოდის, რომ საშუალოდ თითოს შეუძენია მიწა 32 დესეტინის რაოდენობით. ვინ შეიძლება ვიგულისხმოთ ამ შემთხვევაში მყიდველებად? შეეძლო თუ არა ღარიბ ან საშუალო გლეხს გაეღო ასეთი მანეთები მიწის შესასყიდად? თავისთავად ცხადია, რომ საშუალო და ღარიბ გლეხობას ამისი საშუალება არ გააჩნდა. ამიტომ უნდა ვიგულისხმოთ, რომ ამ შემთხვევაში მყიდველები იყვნენ უმთავრესად ბობოლა გლეხები, რადგან მიწის ასეთი რაოდენობით შეიძენის საშუალება მხოლოდ მათ ჰქონდათ.

აფხაზეთის გლეხობის დაშლაზე და მისი წრიდან, ერთი მხრივ, ღარიბებისა და, მეორე მხრივ, შეძლებულთა ფენების გამოყოფაზე მიგვიჩივებს აგრეთვე რიბინსკის წიგნის შემდეგი ადგილი: „მიწის განაწილება ამ შეთემურებში სრულქაოსურ მდგომარეობაშია; ვინც უფრო ძლიერია, ის ფლობს დიდსა და უკეთეს ნაკვეთს. ყოველივე ეს ბევრი მათგანის უკიდურეს სიღატაკეს იწვევს.“<sup>9</sup>

მე-20 საუკუნის დასაწყისში გუმისთის მაზრის (დღევანდელი სოხუმის რაიონი) 6 სოფელში, ჩვენამდე მოღწეული ცნობებით, გლეხობის დიფერენციაციის შემდეგი სურათი გვაქვს:

კონკრეტული წგნეები	კონკრეტული რიცხვი	პროცენტული შეფარდება კონკრეტულ ერთო როდენობასთან	სულ	პროცენტული შეფარდება დესეტინა მიწის საერთო რიცხვთან
1. მიწა	92	11,70	—	—
2. 5 დესეტინაზე	413	52,81	977,14	31,79
3. 5-დან 10-მდე	238	30,44	1539,85	50,07
4. 10-დან 25-მდე	34	4,35	401,25	13,66
5. 25-დან 50-მდე	5	0,64	157,5	5,11

<sup>8</sup> გ. ა. რიბინსკი, დასახელებული წიგნი, გვ. 17.

<sup>9</sup> Олонский А. А. Очерки по развитию капиталистических отношений в Абхазии, Сухуми, 1934 წ., გვ. 74.

სამწუხაროდ, ჩვენამდის არ არის მოსული ამგვარი ცნობები სხვა რაიონების შესახებ, მაგრამ, ვფიქრობთ, არ შეეცდებოდით. თუ ვიტყვით, რომ არსებითად ასეთივე მდგომარეობა იყო საერთოდ აფხაზეთში. ამ ცხრილიდან ჩანს, რომ აფხაზეთის გლეხობის დიფერენციაცია საკმაოდ შორს წასულა. აღსანიშნავია, რომ სოხუმის მაზრის ექვს სოფელში უმიწაწაყლო გლეხობის რაოდენობა უდრიდა 11-12%-ს, ე. ი. გლეხობის ეს ნაწილი ამიერიდან გამხდარა სოფლის ტიპიურ მუშა-მოჯამაგირედ, რომელიც ცხოვრობდა მხოლოდ თავისი საზღუდო ძალის გაყიდვით. გლეხობის უმრავლესობას ჰქონია მიწა მეტად მცირე რაოდენობით: კოლმზე საშუალოდ 2 დესეტინამდე ცოტა მეტი. ხოლო უმცირესობას, ე. ი. ბობოლა გლეხებს, თითო კოლმზე 10-დან 50 დესეტინამდე. გლეხების დაშლის ეს პროცესი, როგორც უკვე იყო აღნიშნული, გამოწვეული იყო ახალი, ბურჟუაზიული ურთიერთობის ზრდით. „ყველა ეკონომიური წინააღმდეგობის ერთობლიობა გლეხობაში, — წერდა ლენინი, — წარმოადგენს სწორედ იმას, რასაც ჩვენ გლეხობის დაშლას ვუწოდებთ... ეს პროცესი ნიშნავს ძველი პატრიარქალური გლეხობის ძირიანფესვიანად დაშლას და სოფლის მოსახლეობის ახალი ტიპის შექმნას“<sup>11</sup>. გლეხობის დაშლა მიმდინარეობს საშუალო გლეხობის ანგარიშზე, და, ავითარებს რა მის უკიდურეს ჯგუფებს, ჰქმნის სოფლის მოსახლეობის ორ ახალ ტიპს. ამ ტიპების საერთო ნიშანია მეურნეობის სასაქონლო, ფულადი ხასიათი. პირველი, ახალი ტიპია სოფლის ბურჟუაზია, ანუ შეძლებული გლეხობა, ხოლო მეორე—სოფლის პროლეტარიატი; დაქირავებული მუშების კლასი ნადელით.<sup>12</sup>

ახალი, სასაქონლო-ფულადი ურთიერთობის შედეგად გამოწვეული სოფლის მოსახლეობის დიფერენციაცია მემამულეთა კლასსაც შეეხო. მემამულეთა ერთი ნაწილი შეეგუა ახალ ვითარებას და თავის მამულს თანდათანობით აწყობს ბურჟუაზიული მეურნეობის ყაიდაზე, მაგრამ მემამულეთა მეორე ნაწილის მეურნეობა, რომელიც ძველებურ, მამაპაპულ გზას გაჰყვა, სულ უფრო და უფრო ეცემა და ნადგურდება. ასე, მაგალითად, გასული საუკუნის 80-იან წლებში აფხა-

<sup>11</sup> ე. ი. ლენინი, თხზ. ტ. 3, გვ. 186-187.

<sup>12</sup> იქვე, გვ. 190-191.

ზეთში 2.132 დესეტინა მიწა ყოფილა დაგირავეებული, რომელიც ღირებულა 38.000 მანეთი.<sup>13</sup>

სასაქონლო-ფულადი ურთიერთობა საკმაოდ ღრმად შეჭრილა აფხაზეთის ერთ-ერთი უდიდესი მემამულის გ. დ. შარვაშიძის მეურნეობაში. მის მეურნეობაში რომ საკმაოდ ფართოდ ყოფილა გავრცელებული ფულადი იჯარა, ამას ამტკიცებს შემდეგი მაგალითები: 1883 წელს გლეხ იოსებ ბაღუნივილს გადაუხდია 100 მანეთი გ. შარვაშიძის მამულში მიწის იჯარით აღებისათვის.<sup>14</sup> იმავე წელს მეორე გლეხს ჯოტო ბაღუნივილს საიჯარო ქირა გადაუხდია 85 მანეთის რაოდენობით.<sup>15</sup> ნიკო ფურციას საიჯარო გადასახადი მართებია 112 მანეთისა და 77 კაპიკის რაოდენობით, აქედან გადაუხდია 88 მანეთი, ხოლო დანარჩენი ვალად დასდებია;<sup>16</sup> ვასილ ხაჩებავას შეუტანია 79 მანეთი.<sup>17</sup>

საგულისხმოა, რომ მიწის იჯარით გაცემას ადგილი ჰქონდა აგრეთვე მონასტრებშიც. 1889 წელს კარაპეტ და ბედროს მარგუსტიანებს ღრანდის მონასტრისაგან იჯარით აუღიათ 25 დესეტინა მიწა 5 წლის ვადით, დესეტინა 8 მანეთად.<sup>18</sup>

ვაჭრობა საკმაოდ ფართოდ იწყებს ფეხის მოკიდებას როგორც გლეხის, ისე მემამულის მეურნეობაშიც.

ჯერ კიდევ 1874 წელს სოხუმის განყოფილების უფროსი გენერალი კრავეჩენკო წერდა, რომ „საეაქრო ბრუნვა წლიდან წლამდე სულ უფრო და უფრო ფართო ხასიათს ღებულობს და საკმაოდ საფუძველი გვაქვს ვიფიქროთ, რომ აქაურ მხარეში, მოხერხებული გზების გაყვანის შემდეგ, ვაჭრობა მიაღწევს აყვავებულ მდგომარეობას“.<sup>19</sup>

80-იან წლებში ზემოთ უკვე დასახელებულ გ. შარვაშიძის მეურნეობაში პროდუქტები. როგორცაა: სიმინდი, თამბაქო, ღვინო და სხვა, უმთავრესად მზადდებოდა ბაზრისათვის. ასე, მაგალითად, ფეოდოსიელ ფაბრიკანტ ჩემბერს გ. შარვაშიძის მეურნეობიდან 50 ფუთი თამბაქო უყიდია 40 მანეთად.<sup>20</sup>

13 Свод статистических данных о землевладении в Тифлисской и Кутаисской губерниях. Тифлис, 1893 წ., გვ. 21.

14 ცსსა, ლენინგრადი, ფონდი 1087, საქმე 15, ფურც. 15.

15 იქვე, ფურც. 10.

16 იქვე.

17 იქვე, ფურც. 12.

18 აფხ. ცსა, ფონდი 12, საქმე 20, ფურც. 58.

19 საქ. ცსსა. ფონდი 545, საქმე 996, ფურც. 3-40.

20 ცსსა, ლენინგრადი, ფონდი 1087, საქმე 15, ფურც. 15.

1883 წელს სამ ვაჭარს საერთო ჯამში 3.756 მანეთად უყიდათ 6.300 ფუთი სიმინდი. <sup>21</sup>

გარდა სიმინდისა და თამბაქოსი, ამ მეურნეობიდან იყიდებოდა ღვინო, ხილეულობა, თევზა, ჩალა <sup>22</sup> და სხვ.

გ. დ. შარვაშიძის ზღვისპირათ სოფელ ბაბუშერაში საკუთარი მალაზია ჰქონია. <sup>23</sup> შემდეგ მას ასეთივე მალაზია დრანდაშიაც გაუხსნია. <sup>24</sup>

1883 წელს გ. შარვაშიძის მეურნეობის ფულადი შემოსავალი სულ 6.913 მანეთსა და 46 კაპიკს უდრის. <sup>25</sup>

70-იან წლებში მნიშვნელოვან სავაჭრო პუნქტებად ოჩამჩირე და ბიჭვინთა განხდა, რასაც მოწმობს შემდეგი მონაცემები: 1874 წელს ოჩამჩირის ოლქში 168 სავაჭრო მოწმობა გაუციათ, ხოლო ბიჭვინთის ოლქში — 46. ამავე წელს ოჩამჩირის ნავსადგურიდან გაუტანიათ 343.388 მანეთის საქონელი. ხოლო ბიჭვინთიდან — 143.667 მანეთისა. <sup>26</sup>

90-იან წლებში დაბა ოჩამჩირის ვაჭართა ხელში საკმარაოდენობის სავაჭრო თანხა ყოფილა. „ერთი მეგრელი ვაჭართავანი, — მოგვითხრობს თედო სახოკია, — ყოველწლივ 40 ათასის აღებ-მიცემობას უძღვება, რაც ოჩამჩირის მსგავსი პატარა დაბისათვის დიდ სიმდიდრედ ითვლება. დანარჩენები ხუთ-ექვს ათასიან თანხას ატრიალებენ“. <sup>27</sup>

რეფორმის შემდეგდროინდელი აფხაზეთის საგარეო ვაჭრობის განვითარების შესახებ ცნობებს გვაწვდის „კავკასიური კალენდარი“-ი.

1877-1878 წლების რუსეთ-თურქეთის ომმა დიდად შეუწაღა ხელი საგარეო ვაჭრობას. ასე, 1879 წელს ბიჭვინთის ოლქიდან გატანილ იქნა სულ 31.107 მანეთის საქონელი, ხოლო ოჩამჩირიდან — 22.407 მანეთისა, მაშინ როდესაც, როგორც ეს ზემოთ იყო აღნიშნული, 1874 წელს ამავე ნავსადგურებიდან გაცილებით მეტი ღირებულების საქონელი გაუტანიათ. 1879 წელს აფხაზეთიდან საზღვარგარეთ სულ გაუტანიათ 53.514 მანეთის ღირებულების საქონელი. ხოლო 1880 წელს — 99.515 მანეთისა. შემოუტანიათ 1879

<sup>21</sup> ცსსა. ლენინგრადი. ფონდი 1087, საქმე 15, ფურც. 17-28.

<sup>22</sup> იქვე, ფურც. 19-28.

<sup>23</sup> იქვე, ფურც. 18.

<sup>24</sup> იქვე, საქმე 22, ფურც. 10.

<sup>25</sup> იქვე, ფურც. 31.

<sup>26</sup> საქ. ცსსა, ფონდი 545, საქმე 996, ფურც. 3-40.

<sup>27</sup> თედო სახოკია, დასახელებული წიგნი, გვ. 251.

წელს — 274.623 მანეთის, 1880 წელს — 466.411 მანეთისა.<sup>28</sup> აქედან ნათლად ჩანს, რომ აფხაზეთის საგარეო ვაჭრობის ბალანსი დასახელებულ წლებში პასიური ყოფილა. 1893 წლისათვის კი, ე. ი. სულ რაღაც 13 წლის განმავლობაში, მდგომარეობა საგრძნობლად იცვლება: აფხაზეთიდან გაცილებით მეტი ღირებულების საქონელი გააქვთ. ვიდრე შემოაქვთ. აი, საამისო მონაცემებიც: 1893 წელს საზღვაოგარეთიდან ოჩამჩირეში შემოუტანიათ 282 მანეთის ღირებულების 397 $\frac{1}{2}$  ფუთი საქონელი, ხოლო იქიდან გაუტანიათ 677.539 მანეთის ღირებულების 1.381.818 ფუთი საქონელი. ჯ. სოხუმში ამავე წელს შემოუტანიათ 1.853 მანეთის ღირებულების 438 ფუთი საქონელი, გაუტანიათ კი — 465.350 მანეთის ღირებულების 703.421 ფუთი საქონელი. და ბოლოს, გუდაუთაში შემოუტანიათ 1.279 მანეთის ღირებულების 1.252 $\frac{1}{2}$  ფუთი საქონელი, ხოლო გაუტანიათ 85.899 მანეთის ღირებულების 176.159 ფუთი საქონელი.<sup>29</sup> ე. ი. 1893 წელს საქონლის ექსპორტს 1.228.818 მანეთამდე მიუღწევია, მაშინ, როდესაც იმპორტის ღირებულება სულ რაღაც 3.414 მანეთისა ყოფილა.

მე-19 საუკუნის 70-80-იან წლებში და 90-იანი წლების პირველ ნახევარშიც ექსპორტში პირველი ადგილი სიმინდს ეკირა. 1886 წელს აფხაზეთიდან გაუტანიათ 1.076 ათასი ფუთი სიმინდი, 1889 წელს — 1.512.418 ფუთი, ხოლო 1893 წელს — 1.643.239 ფუთი.<sup>30</sup>

მაგრამ 90-იანი წლების ბოლოსა და 900-იანი წლების დასაწყისში ექსპორტში სიმინდი პირველ ადგილს ტექნიკურ კულტურებს უთმობს.

თუ რეფორმამდე და რეფორმის გამოცხადების შემდეგაც ორი ათეული წლის განმავლობაში აფხაზეთის სოფლის მეურნეობის კულტურებიდან მნიშვნელოვანი სავაჭრო საგანი მხოლოდ სიმინდი იყო, უფრო გვიან, სახელდობრ მე-19 საუკუნის ბოლოს, სავაჭრო მიწათმოქმედების მთავარ საგნად უკვე თამბაქო გვევლინება. თამბაქოს გარდა, აფხაზეთში, მისი ბუნებრივი პირობების ხელსაყრელობის გამო, მოსალოდნელი იყო ისეთ ტექნიკურ კულტურათა განვითარება, როგორცაა:

<sup>28</sup> «Кавказский календарь», 1883 წ., გვ. 245.

<sup>29</sup> იქვე, 1896 წ., გვ. 245-246.

<sup>30</sup> იქვე, გვ. 466; В. Т. Маевский, Кутапская губерния, Военно-статистическое описание. Тиф., 1896 წ., ბა. 277.

ჩაი, ბამბა და მევენახეობა, მაგრამ არც ერთ მათგანს არ მისცემია ფართო გასაქანი. ასე, მაგალითად, მებამბეობა არ გაცილებია ადგილობრივ მოხმარებით მნიშვნელობას და არ გამწვანდა რამდენადმე მაინც სავაჭრო მნიშვნელობის საგნად. ვერ განვითარდა აგრეთვე ჩაის კულტურაც.

შედარებით უკეთესი მდგომარეობა იყო სავაჭრო მევენახეობის მოწყობის საქმეში, თუმცა მანაც ვერ პოვა ისე ფართო გავრცელება, როგორც მოსალოდნელი იყო. ჯერ კიდევ რიბინსკი აღნიშნავდა სავაჭრო მევენახეობის მოწყობის ცალკეულ შემთხვევებს. იგი წერდა, რომ კარგი კულტურული ჯიშის ვაზების მოშენებას მისდევდნენ ისეთი ინტელიგენტური მეურნეები, როგორიც იყვნენ: გერმანი (ინჟინერ არციბუშევი) მამულის მმართველი), ვაჭარი გოგრიჩიძე, მალანი და პოლკოვნიკი ნიკიტინი. მათ მიერ დაყენებული ღვინო ადგილზე იყიდებოდა ბოთლი 60 კაპიკად. გერმანი თავის ღვინოს თურმე მოსკოვშიც კი აგზავნიდა.<sup>31</sup>

ასეთი მდგომარეობა იყო 80-იან წლებში, უფრო გვიან კი, სახელდობრ, 90-იანი წლების ბოლოსა და 900-იანი წლების დასაწყისში, სავაჭრო მევენახეობის განვითარება საგრძნობლად წაწყვეთა წინ. მაგალითად, 1907 წელს ვენახი 3.117 დესეტინა ფართობზე ყოფილა გაშენებული, საიდანაც 1.456.215 ფუთი ყურძენი მოუკრეფიათ, ხოლო მისგან კი 711.500 ვედრო ღვინო დაუყენებიათ.<sup>32</sup>

მებაღეობა-მეხილეობასა და მებაღეობას გარკვეული ადგილი დაუჭერია აფხაზეთის ეკონომიკაში. მეხილეობას უმთავრესად მისდევდნენ თავისი საკუთარი მოხმარებისათვის და საშინაო ბაზარში გასატანად; საგარეო ვაჭრობაში მას მნიშვნელოვანი როლი არ ჰქონია.

დაახლოებით ასეთივე მდგომარეობა იყო მებოსტნეობის დარგშიც. 70-იანი წლებიდან ყოფილა ცდები სავაჭრო მებოსტნეობის ფართოდ გავრცელებისა. ასე, მაგალითად, პოლკოვნიკ ვედენსკის ქ. სოხუმის მახლობლად ბოსტანი იმ ნიჰანიძე მოუწყვია, რომ მოსავალი მთლიანად სოხუმის ბაზარში გასაღებელიყო<sup>33</sup>. იმავე ვედენსკის 80-იანი წლების დასაწყისში უფრო გაუფართოვებია თავისი მებოსტნეობა. ამავე წლებში სოხუმის ბაზარში ნაზანსკის მეურნეობიდანაც მიჰქონდათ თურმე მნიშვნელოვანი რაოდენობით ბოსტნეულობა

31 გ. ა. რიბინსკი, დასახელებული წიგნი, გვ. 21.

32 «Кавказский календарь» 1909 №., გვ. 229

33 საქ. ცსსა, ფონდი 545, საქმე 996, ფურც. 3-40

და ხილეულობა<sup>34</sup>. ამ მიმართულებით 900-იან წლებში მუშაობა უფრო ფართოდ გაუშლია გ. დ. შარვაშიძეს. რომელსაც თავისი საკონსერვო ქარხანაც კი აუშენებია, სადაც საკმაოდ დიდი რაოდენობით მზადდებოდა სხვადასხვა ხილეულისა და ბოსტნეულის კონსერვები. უფრო ადრე გერმანი არციბუშევის ნეურნეობაში ამზადებდა და ყიდდა ბაზარში ატმის, ქლიავის, შინდის, მარწყვისა და ალუჩის კომპოტებს და ტომატის კონსერვებს.<sup>35</sup>

როგორც ზემონოყვანილი მაგალითებიდან ჩანს, გარკვეული სავაჭრო მნიშვნელობა მიუღია მარცვლეულ კულტურასთან (უფრო მეტად სიმინდთან) ერთად მევენახეობას, მებოსტნეობას, მეხილეობასა და სხვა, მაგრამ გადაჭრით შეიძლება ითქვას, რომ რეფორმის შემდეგ დროინდელი აფხაზეთის სოფლის მეურნეობის კულტურის არც ერთ დარგში არ იგრძნობა ისე მკაფიოდ ახალი, ბურჟუაზიული ურთიერთობა, როგორც ეს შესამჩნევია მეთამბაქოეობაში. ამიტომ ჩვენ რამდენადმე მაინც დაწვრილებით შევჩერდებით თამბაქოს კულტურის განვითარებაზე.

როგორც ცნობილია, ამიერკავკასიის მეთამბაქოეობის მთავარი კუთხე თავიდანვე იყო დასავლეთი საქართველო. სადაც ცენტრალური ადგილი ეკავა აფხაზეთს. აქ მოდიოდა მთელი მოსავლის 70 პროცენტზე მეტი,<sup>36</sup> ამასთან ერთად ისიც უნდა აღინიშნოს, რომ აფხაზეთის თამბაქო თავისი ხარისხის მიხედვით საუკეთესო იყო და ამ მხრივ მას მთელი რუსეთის იმპერიაში კონკურენტი არ მოეპოვებოდა. ყურადღების ღირსია ისიც, რომ გასული საუკუნის ბოლოს აფხაზეთის თამბაქოს პლანტაციების აბსოლუტური უმრავლესობა სავაჭრო-სასაქონლო ხასიათს ატარებდა.

1903 წელს აფხაზეთის 143 სოფლიდან მეთამბაქოეობას მისდევდნენ 80 სოფელში. რაც შეადგენდა საერთო მოსახლეობის 56%-ს.<sup>37</sup> ამავე წელს პლანტაციების საერთო რიცხვი აღიოდა 4.760-მდე, აქედან 3.469 პლანტაცია. ანუ 73%, სავაჭრო ხასიათისა იყო, ხოლო 1.292 პლანტაცია, ანუ 27%. იყო „სამეურნეო“ მნიშვნელობისა, ე. ი. თამბაქო მოჰყავდათ მხოლოდ საკუთარი მოთხოვნილებისათვის. მაგრამ სულ ოთხიო-

34 «Кавказский календарь, 1883 წ. გვ. 244.

35 გ. ა. რიბინსკი, დასახელებული წიგნი, გვ. 22.

36 პ. ვუგუშვილი, კაპიტალიზმის წარმოშობა და განვითარება საქართველოში და ამიერკავკასიაში, თბილისი, 1941, გვ. 107-108.

37 «Черноморское сельское хозяйство», 1910 წ., № 10—11, გვ. 369.



დე წლის შემდეგ, 1907 წლიდან, ე. წ. „სამეურნეო“ პლანტაციები უკვე არ გვხვდება; ისინი ამ დროისათვის სრულიად გაქრნენ.<sup>38</sup> სამაგიეროდ მსხვილ, ე. ი. კულაკურ, პლანტაციათა რიცხვი თანდათანობით სულ უფრო და უფრო იზრდებოდა. ჯერ კიდევ 1896 წელს ყოფილა ორი საკმაოდ მსხვილი პლანტაცია: ერთი 40 დესეტინისა და მეორე 20 დესეტინის ფართობისა. მეოცე საუკუნის დასაწყისში 2-დან 5 დესეტიანამდე ფართობის მქონე პლანტაციათა რიცხვი ყოფილა 1.010, ხოლო 5-დან 25-მდე — 132.<sup>39</sup> თუ მივიღებთ მხედველობაში იმას, რომ თამბაქო ერთ-ერთი ყველაზე უფრო შრომატევადი ტექნიკური კულტურათაგანია, მაშინ სრულიად ადვილი წარმოსადგენია, რომ იმ პლანტაციებში, რომელთა ფართობი ორ დესეტიანას აღემატებოდა, აუცილებლად გამოყენებული იქნებოდა დაქირავებული მუშახელი. მუშების დაქირავება და მათი გამოყენება, რა თქმა უნდა, შეეძლოთ მხოლოდ ბობოლა გლეხებს. შეცდომა არ იქნება, თუ ვიტყვით, რომ ორ დესეტიანაზე მეტი ფართობის შემცველი პლანტაციების მფლობელები უკვე კულაკები იყვნენ. მაშინ, როდესაც კულაკური პლანტაციები სულ უფრო და უფრო იზრდებოდა და იფურჩქნებოდა, საშუალო და წვრილი პლანტაციების მფლობელები თანდათანობით ღატაკდებოდნენ და მძიმე კაბალურ მდგომარეობაში ვარდებოდნენ. უმიწო, ან მცირემიწიანი გლეხობა იძულებული იყო თამბაქოს პლანტაციების მოსაშენებლად იჯარით აეღო მიწა მემამულეებისაგან. საიჯარო გადასახადი დიდი იყო. ჩვეულებრივად მის დასაფარავად მეიჯარე პლანტატორს სჭირდებოდა თამბაქოს მთელი მოსავლს ნახევარი, ამასთან ერთად მეიჯარეს უნდა ჰქონოდა გარკვეული რაოდენობის ფულადი კაპიტალი თამბაქოს მოსაყვანად და სხვა ხარჯების დასაფარავად. „ამ ფულს იგი, — როგორც სამართლიანად აღნიშნავს პროფ. გუგუშვილი, — ჩვეულებრივად სესხულობდა ან თამბაქოს მეფაბრიკისა და ან შემსყიდველისაგან, რომელთაც თავნისა და სარგებლის გადახდას ჰპირდებოდა პლანტაციიდან მიღებული თამბაქოს მოსავლის მეოხებით. ზშირად ხელშეკრულება იმდენად კაბალური იყო, რომ მეიჯარე ვალდებულებას კისრულობდა, რათა თამბაქოს მოსავალი მაინცდამაინც მევალისათვის მიეყიდა საბაზრო ფასების მიხედვით, ხოლო ამ საბაზრო ფასებს, გასაგებია, თვით შემსყიდველი და მეფაბრიკე კარნახობდნენ.

38 «Кавказское хозяйство», 1913 № 1. გვ. 21.

39 ა. ოლონეცი, დასახელებული წიგნი, გვ. 68.

მეიჯარეს მოსავლის რეალიზაციის შემდეგ, განსაკუთრებით მაშინ, თუ საშუალო მოსავალი მოდიოდა, მეტად მცირე „შემოსავალი“ რჩებოდა; სხვა სიტყვებით რომ ვთქვათ, იგი ძლივს ახერხებდა ხელფასის მიღებას. მაგრამ ჩვეულებრივი იყო შემთხვევა, როდესაც მეიჯარე ვერც-კი ახერხებდა დაფარვას ვალებისა, რომელიც სარგებლის ზედშეყვეით გადადიოდა მომავალი წლისათვის. გასაგებია, რომ ასეთ მეიჯარეს. რომელიც სინამდვილეში კაბალური მეიჯარე იყო, არ შესწევდა არავითარი ღონისძიება და არც სტიმული მეურნეობის გაუმჯობესებისათვის. იგი აღგილობრივი ფაბრიკანტებისა და შემსყიდველთა ყმურ დამოკიდებულებაში ვარდებოდა, საიდანაც თავის დაღწევა არ შეეძლო“.<sup>40</sup> ასეთი იყო მეიჯარე პლანტატორის მდგომარეობა აფხაზეთში. მაგრამ შეიძლება კარგი იყო მდგომარეობა იმ გლეხებისა, რომლებიც არ იყვნენ მეიჯარენი, ე. ი. რომლებსაც თავის მცირე ზომის მიწის ნაკვეთზე მოჰყავდათ თამბაქო? არა, არც ამ გლეხთა ნაწილის მდგომარეობა იყო უკეთესი, რადგან არც ისინი იყვნენ თავისუფალნი ექსპლოატაციისაგან. ის, რასაც ლაპარაკობს ლენინი რუსეთის შიდა გუბერნიების წვრილი მეთამბაქოეობის შესახებ, ამ შემთხვევაში სრულიად თავისუფლად შეგვიძლია გავაგრძელოთ აფხაზეთის წვრილ მეთამბაქოე პლანტატორებზედაც. „თავისთავად ცხადია, რომ აქ წარმოების კაპიტალისტურ ორგანიზაციას თან სდევს უძლიერესი განვითარება სავაჭრო კაპიტალისა და წარმოების სფეროს გარეშე ყოველნაირი ექსპლოატაციისა. წვრილ მეთამბაქოებს არა აქვთ თამბაქოს საშრობი ფარდულები, არა აქვთ პროდუქტის ფერმენტაციის (დადულების) შესაძლებლობა, აგრეთვე იმის საშუალება, რომ თამბაქო (3-ნ კვირის შემდეგ) გამზადებული გაყიდონ. ისინი მას გაუმზადებელს ნახევარფასად აძლევენ შემყიდველებს... შემყიდველები „ყოველნაირად ავიწროებენ წვრილ პლანტატორებს“<sup>41</sup>.

სწორედ ეს „ყოველნაირად შევიწროებული წვრილი პლანტატორები“ ცდილობდნენ საჩივრების, პროტესტების განცხადებისა და წინააღმდეგობის გაწევის საშუალებით მძარცველებისაგან თავის დაღწევას. მაგალითად, 1898 წელს გუმისთის რაიონის 100-ზე მეტ გლეხს, რომლებიც მეთამბაქოეო-

40 პ. გუგუშვილი, კაპიტალიზმის წარმოშობა და განვითარება საქართველოსა და ამიერკავკასიაში, თბილისი. 1941 წ. გვ. 105.

41 ვ. თ. ლენინი, თხზ., ტ. 3, გვ. 347.

ბას მისდევდნენ. მთავრობისათვის კოლექტიური თხოვნით მიუმართავეთ. რათა მას დაეცვა ისინი თამბაქოს მეფაბრიკეთა მტაცებლობისაგან. ამ გლეხების საჩივარში ნათქვამია, რომ ისინი „მიუხედავად იმისა, რომ თამბაქო დიდი რაოდენობით მოჰყავთ, საბოლოოდ ვერ ახერხებენ ამოიღონ დანახარჯი კაპიტალიც კი, რადგან მეფაბრიკეები მათ აძლევენ ავანსებს, რა სახითაც ყიდულობენ ჯერ კიდევ მოუკრეფავ ფოთლებს და სწორედ ამ სახით აკაბალებენ მათ... ხოლო შემდეგ, თამბაქოს ჩაბარების დროს, მიმართავენ სხვადასხვაგვარ ხრიკებს, რათა საქონელი ძლიერ დაბალ ფასებში შეიძინონ“.<sup>42</sup> შემდეგ თხოვნაში ლაპარაკია. რომ როდესაც გლეხები — პლანტატორები ეწინააღმდეგებიან ფაბრიკანტებს, ეს უკანასკნელნი სასამართლოთი ემუქრებიან და „მოითხოვენ ავანსის უკანვე დაბრუნებას, რომელიც უკვე დახარჯულია თესლისა და დამუშავებისათვის“. უფრო მეტიც: შემსყიდველები თამბაქოს სოხუმის საწყობში ჩამოტანას თხოულობენ და იქ მიმართავენ ზემოაღნიშნულ ხრიკებს. გაყიდვაზე უარის თქმა და თამბაქოს უკან წაღება გლეხებს არ შეუძლიათ, რადგან მათ თავიანთი საწყობები არა აქვთ, რომ თამბაქო სათანადო პირობებში შეინახონ. მეთამბაქოენი იძულებული არიან დაემორჩილონ შემსყიდველთა მძიმე პირობებს.

აფხაზეთის წვრილი მეთამბაქოეების მეტად მძიმე მდგომარეობის შესახებ წერდა აგრეთვე რიბინსკიც. იგი აღნიშნავდა, რომ მეთამბაქოენი „იმყოფებიან შემსყიდველ-კაპიტალისტების რაღაც განსაკუთრებულ კაბალაში“.<sup>43</sup>

შემსყიდველებისაგან მეთამბაქოეების კაბალურ დამოკიდებულებაზე წერდა აგრეთვე ეურნალი «Черноморское сельское хозяйство»<sup>44</sup>.

ამრიგად, მიუხედავად მეთამბაქოეობის მასობრივი გაერცელებისა. გლეხთა მასის ეკონომიური მდგომარეობა უარესდებოდა. წვრილი მეთამბაქოენი ერთბაშად ცვივდებოდნენ მემამულის, მეეაზშისა და ფაბრიკანტ-შემსყიდველების კაბალაში, საიდანაც თავის დაღწევა მათ უკვე არ შეეძლოთ.

როგორც ზემოაღნიშნულიდან ჩანს, მეთამბაქოეობის გავრცელება და განვითარება, ერთი მხრივ, ხელს უწყობდა

<sup>42</sup> გაზ. «Новое обозрение», თბილისი, 1898 წ., № 4970. პ. გუგუშვილი, კაპიტალიზმის წარმოშობა და განვითარება საქართველოსა და ამიერკავკასიაში, თბილისი, 1941 წ., გვ. 104-105.

<sup>43</sup> მ. ა. რიბინსკი, დასახელებული წიგნი. გვ. 8-9.

<sup>44</sup> ეურ. «Черноморское сельское хозяйство», 1910წ., გვ. 369-370.

გლებთა მასების შემდგომ დიფერენციაციას, მისი უმრავლესობის გალატაკებას, სოფლის მუშა-მოჯამაგირედ მის გადაქცევას, გაპროლეტარებას, ხოლო, მეორე მხრივ, მისი უმცირესი ნაწილის ეკონომიურად გაძლიერებას, მსხვილ პლანტატორებად გადაქცევას.

...თუ რაოდენ დიდი მნიშვნელობა ჰქონდა მხარის ეკონომიკისათვის მეთამბაქოეობას და როგორ ვითარდებოდა იგი, ამას ნათლად გვაჩვენებს შემდეგი მონაცემები:

წლები	პლანტაციების რაოდენობა	ფართობი დეკაჰინობით	მოსავალი ფუთობით
1887	არ არის ცნობები	არ არის ცნობები	58.339
1893	1.858	1.053	70.720
1901	2.905	3.478	133.626
1903	4.760	3.604	255.071 <sup>45</sup>

ეს მონაცემები ნათლად ლაპარაკობს იმაზე, რომ რეფორმის შემდეგდროინდელ აფხაზეთში თამბაქო, როგორც ძვირფასი ტექნიკური კულტურა, სულ უფრო და უფრო იკიდებდა ფეხს და იგი ხდებოდა როგორც სამინაო, ისე აგარეო ვაჭრობის პირველ საგნად, მაშასადამე, სოფლის მეურნეობის წამყვან დარგად და საერთოდ მხარის ეკონომიკაში მნიშვნელოვანი როლის შემსრულებელ კულტურად.

აფხაზეთის სოფლის მეურნეობის მნიშვნელოვან დარგად ყოველთვის ითვლებოდა მესაქონლეობა, რომელსაც მიუხედავად რიგი დაბრკოლებისა (საძოვარი და სათიბი ადგილების გამოყენებისათვის გლებობას შემამულისა ან ხაზინისათვის დიდი რაოდენობით უნდა გაეღო გადასახადები<sup>46</sup>), რე-

<sup>45</sup> ეს მონაცემები აღებულია: 1896, 1903, 1906 წლების „Капитал и труд в Абхазии“-იდან

<sup>46</sup> სანერზაყანოელ მწყემს გლებებს თ. სახოკიასათვის უთხოვიათ: „ჩვენი გაკირვება მაფას (ე. ი. მეფეს) შეატყობინე შელავათი რამ გვიწყალობოს. ბევრი გადასახადი გვაწერია“-ო (თ. სახოკია, „მოგზაურობანი“, თბ., 1950, გვ. 283).

ფორმის შემდეგ მაინც მიეცა ერთგვარი გაქანების საშუალება. ისტორიკოს მ. ჯანაშვილის დამოწმებით 80-90-იან წლებში აფხაზეთში მესაქონლეობა საკმაოდ ფართოდ ყოფილა გაფრცელებული.

გლეხობის დიფერენციაცია კარგად მოჩანს მესაქონლეობის დარგშიც. ცხადია, რომ მრავალრიცხოვანი პირუტყვის ყოლა მხოლოდ მემამულეებსა და კულაკებს თუ შეეძლოთ, თორემ ღარიბ გლეხებს ამის საშუალება არ ჰქონდათ. ასე, მაგალითად, 80-იან წლებში გლეხ პახულ ქარდავას 300 ცხვარი და თხა ჰყოლია, ქვაშან ქარდავას — 200 ცხვარი, ცვიტი ქარაიას — 210 ცხვარი და თხა, ფირცხოლ ლურწყაიას — 370 ცხვარი და თხა, კაცია მარღანიას — 200 ცხვარი, კაბა ფიფიას — 190 ცხვარი და გ. კითალაძეს — 7 უღელი კამეჩი.<sup>47</sup> გასაგებია, რომ ესენი კულაკი გლეხები არიან; ღარიბ გლეხებს კი თავისი მცირე მიწის დასამუშავებლად აუცილებელი გეშა პირუტყვიც არ ჰყავდათ. ძგალით-დ. 188პ წელს გლეხ პაულე თოდუას საგაზაფხულო თესვის დროს გ. შარვაშიძის მეურნეობიდან ერთი უღელი კამეჩი დაუქირავებია, რაშიც მას 10 მანეთი გადაუხდია<sup>48</sup>.

როგორც საერთოდ ცნობილია, რეფორმის შემდეგ დროინდელი სოფლის მეურნეობის განვითარება დღის წესრიგში აყენებდა გაუმჯობესებული იარაღებისა და მანქანების შემოღების აუცილებლობას, მინერალური სასუქის გამოყენებას, ე. ი. სოფლის მეურნეობაში უნდა მომხდარიყო ერთგვარი ტექნიკური ევოლუცია. ამ მხრივ აფხაზეთის სოფლის მეურნეობაც არ წარმოადგენდა გამონაკლისს. ცხადია, გამჯობესებული იარაღებისა და მანქანების შეძენა და მათი გამოყენება დაქირავებული მუშების საშუალებით შეეძლო მხოლოდ კაპიტალისტური განვითარების გზაზე დამდგარ მემამულეთა მეურნეობებს, მონასტრებსა და კულაკ გლეხებს. ასე, მაგალითად, გ. შარვაშიძის მეურნეობაში 80-90-იან წლებში გამოყენება ჰქონია სასოფლო-სამეურნეო მანქანებსა და მინერალურ სასუქს.<sup>49</sup>

დრანდის მონასტერში, რომელსაც საკმაოდ მსხვილი მეურნეობა ჰქონდა, წყლის მიღება მექანიზებული ყოფილა.<sup>50</sup>

900-იანი წლებიდან ფართო გამოყენება პოვა კულაკურ

<sup>47</sup> ცსსა. ლენინგრადი. ფონდი 1087, საქმე 15, ფურც. 8-31.

<sup>48</sup> იქვე.

<sup>49</sup> იქვე. ფურც. 28; საქმე 23, აღწ. 1, ფურც. 80, 112.

<sup>50</sup> აფხ. ცსა, ფონდი 12, საქმე 345, ფურც. 12-44.

მეურნეობაში სიმინდის რიგით მთესველმა, მახარისხებელმა და საფშვენმა მანქანა-იარაღებმა.

ექვეგარეშეა, რომ აფხაზეთის სოფლის მეურნეობაში მანქანა-იარაღების გამოყენების შესახებ ზემოთ დასახელებული მაგალითები სრულიად არ ლაპარაკობს იმაზე, რომ გლეხობის მთელი მასა ან ყველა მემამულე ამიერიდან თავის მეურნეობას ეწევიან მხოლოდ გაუმჯობესებული მანქანა-იარაღების საშუალებით. საშუალო და განსაკუთრებით კი ღარიბ გლეხობას არავითარი საშუალება არ გააჩნდა ეზრუნა სასოფლო-სამეურნეო იარაღების გაუმჯობესებაზე, ან მინერალური სასუქის გამოყენებაზე და ამიტომ ის ისევ ძველებური მამაპაპეული, პრიმიტიული საშუალებით ამუშავებდა მიწას. მემამულეთა უმრავლესობაც არ იწუხებდა თავს ამ საქმეზე, რადგან ის საკმაო კარგად იყო უზრუნველყოფილი მუქტი მუშახელითა და მაღალი საიჯარო ფასით.

გაუმჯობესებული მანქანა-იარაღები გამოყენებულ იქნა მხოლოდ კულაკურ მეურნეობაში და მემამულეთა იმ ნაწილის მეურნეობაში, რომელიც ბაზართან იყო დაკავშირებული.

მართალია, ზემომოყვანილი მაგალითები არ ლაპარაკობს გაუმჯობესებული მანქანა-იარაღების ფართოდ გავრცელებაზე აფხაზეთის სოფლის მეურნეობაში. მაგრამ, ვფიქრობთ. ეს ფაქტები რეფორმის შემდეგდროინდელი სოფლის მეურნეობის განვითარების საერთო ტენდენციას მაინც უნდა გამოხატავდეს.

მეურნეობის საერთო ძვრებს არ შეიძლებოდა არ მოჰყოლოდა ძველი გზების გაუმჯობესებისა და ახალის მშენებლობის საქმე. ჯერ კიდევ 70-იან წლებში წამოიჭრა საკითხი შავი ზღვის რკინიგზის მშენებლობისა, რომელსაც ქ. სოხუმი ახალსენაკთან უნდა დაეკავშირებინა,<sup>51</sup> მაგრამ ეს ცდები ჩაშალა 1877-1878 წ. წ. რუსეთ-თურქეთის ომმა. 80-იან წლებში ხელახლა წამოიჭრა ეს საკითხი. მაგრამ ამ მხრივ მე-20 საუკუნის დაწყებამდე საქმე ცდების იქით არ წასულა. მხოლოდ 1902 წელს როგორც იქნა დაამტკიცეს შავი ზღვის რკინიგზის მშენებლობა და შეუდგნენ მის სისრულეში მოყვანას, მაგრამ მშენებლობა დასაწყისშივე ჩაიფუშა. მას ხელი შეუშალა რუსეთ-იაპონიის ომმა და ბოლოს, პირველმა მსოფლიო იმპერიალისტურმა ომმა. ასე, რომ რკინიგზა ცარიზმის დროს აფხა-

<sup>51</sup> А. А. Верещагин. Колонизация Черноморского побережья Кавказа, СПб, 1878 წ. გვ. 3.

ზეთში არ ყოფილა გაყვანილი. ასეთივე ბედი ეწია სოსხუმის ნავაღდურის მშენებლობის საქმესაც. მიუხედავად იმისა, რომ მის მშენებლობას აუცილებლობის შესახებ არა ერთხელ წამოიჭრილა საკითხი ჯერ კიდევ გასული საუკუნის 40-იან წლებიდან.<sup>52</sup>

გზატყეცილების მშენებლობის მხრივაც საქმე შორს არ წასულა. ასე თუ ისე კეთილმოწყობილი გზა იყო სანაპირო გზატყეცილი, რომელიც აფხაზეთს აკავშირებდა სამეგრელოსა და ჩრდილო კავკასიასთან. შიგნით აფხაზეთის რაიონებში კი კეთილმოწყობილი გზები სრულიად არ ყოფილა.

გზების ასეთმა მდგომარეობამ, რა თქმა უნდა, გავლენა ნიშნდინა აფხაზეთის მრეწველობის განვითარებაზე. რეფორმის შემდეგ ერთგვარი გასაქანი უნდა მისცემოდა აქ მრეწველობის წამოწყებისა და შემდგომ ზრდის საქმეს. მრეწველობის დარგებიდან ყველაზე უფრო უნდა განვითარებულიყო სამთო მრეწველობა, კერძოდ, კი — ქვანახშირის მოპოვება. რადგან ჯერ კიდევ გასული საუკუნის 80-იანი წლების დასაწყისში ტყვარჩელში შემჩნეულ იქნა ქვანახშირის მდიდარი საბადოები, ხოლო 90-იან წლებში ტარდებოდა რიგი საკვლევაციებო სამუშაოები.<sup>53</sup> 900-იანი წლების დასაწყისში ჩამოყალიბებულ იქნა „ტყვარჩელის ქვანახშირის მალაროების საზოგადოება“; მიუხედავად ამისა, რევოლუციამდე ტყვარჩელის ქვანახშირის მოპოვების საქმისათვის ხელი თითქმის არავის არ მოუკიდია. ტყვარჩელის ქვანახშირის საბადოების უმოქმედობა უმთავრესად აიხსნება იმით, რომ საკვლევაციებო სამუშაოები ტარდებოდა კერძო პირების მიერ, რომლებმაც ვერ შეძლეს ამ საქმით ხაზინის დაინტერესება.

მრეწველობის დარგებიდან ცოტათ თუ ბევრად განვითარება პოვა სატყეო მრეწველობამ. 80-90-იან წლებში ჩამოყალიბდა სამი სატყეო-სამრეწველო საწარმოო მდინარეების ბზიფისა და კოდორის ხეობებში. უნდა აღინიშნოს, რომ ეს სატყეო საწარმოებიც ისევე, როგორც მანამდე ადგილობრივი მემამულეები, ეწეოდნენ ტყის მტაცებლურ ექსპლოატაციას. ტყის მრეწველობის ასეთმა წარმოებამ საქმე იქამდე მიიყვანა, რომ 90-იანი წლების მიწურულში ვრცელი ტყის ფართობები თითქმის სრულიად განადგურებულ იქნა. ძვირფასი სააღმშენებლო მასალა, როგორცაა: წაბლი და მუხა, თითქმის სრულ-

<sup>52</sup> აქტები. ტ. IX, ნაწ. 1, გვ. 478.

<sup>53</sup> «Известия АБНО», вып. II, Сухум, 1926 წ., გვ. 28.

ლიად გადაშენებულია კერძო პირთა იმ ფართობებიდან, რომლებიც ხელმისაწვდომი იყო ექსპლოატაციისათვის.<sup>54</sup>

მე-20 საუკუნის დასაწყისისათვის სახერხი ქარხნების რაოდენობა სულ 11 ყოფილა, სადაც მუდმივად 319 კაცი მუშაობდა.<sup>55</sup> ფონ-დერვიზი მოგვითხრობს, რომ სიგონური სამუშაოების დროს მართო მდინარე კოდორზე არსებული ხე-ტყის 2 სახერხი ქარხნისათვის საქირო მასალათა დასამზადებელ ოპერაციაში ჩაბმული მუშათა რაოდენობა 8.000 კაცამდე აღიწიდა.<sup>56</sup> იმავე ავტორის მტკიცებით, მდინარე კოდორზე წარმოებულ სამუშაოთა მთელი ოპერაციის წლიური ღირებულება 750.000 მანეთს უდრიდა.<sup>57</sup>

მრეწველობისა და ხელოსნობის შედარებით განვითარებამ გამოიწვია საქალაქო ცხოვრების განვითარებაც. ასე, მაგალითად, ქ. სოხუმში 1897 წლის აღწერით 7.998 მცხოვრები ყოფილა.<sup>58</sup> მაშინ, როდესაც რუსეთ-თურქეთის უკანასკნელი ომის შედეგად სოხუმი მოსახლეობისაგან სავსებით დაცარიელებული იყო.<sup>59</sup>

„სავაჭრო მიწათმოქმედების პროგრესი აუარესებს გლეხთა დაბალი ჯგუფების მდგომარეობას და საბოლოოდ მიერეცება მათ მიწათმოქმედთა რიგებიდან.“<sup>60</sup> მიწათმოქმედთა რაგებიდან განდევნილ ღარიბ გლეხობას სხვა არაფერი დარჩენოდა, გარდა იმისა, რომ გაეყიდნა თავისი სამუშაო ძალა. იგი ტოვებდა სოფელს და მიემგზავრებოდა ქალაქში ან დაბებში და ებმებოდა იქ საწარმოებში, სახელოსნოებში. ასე, მაგალითად, 900-იანი წლების დასაწყისში აშკარად არასრული ცნობით აფხაზეთის 400-მდე საწარმო სახელოსნოებში 1.030 მუშა იყო ჩაბმული,<sup>61</sup> მნიშვნელოვანი ნაწილი იმ გაძვალტყავებული გლეხებისა, რომლებიც გარე სამუშაოზე გასვლით, და იქ სამუშაო ძალის გაყიდვით ირჩენდნენ თავს. ჭერ კიდევ არ იყო საბოლოოდ მოწყვეტილი წარმოების საშუალებებს; ის ჭერ კიდევ მიჯაჭვული იყო მიწაზე თავისი მინიატურული, სამათხოვრო ნაკვეთით: „ეს წარმოების საშუალებანი თვითონ

<sup>54</sup> ფონ-დერვიზი, დასახლებული შრომა, გვ. 69.

<sup>55</sup> «Кавказский календарь», 1909 წ., გვ. 504.

<sup>56</sup> ფონ-დერვიზი, იქვე, გვ. 70.

<sup>57</sup> იქვე, გვ. 71.

<sup>58</sup> «Кавказский календарь», 1909 წ., გვ. 504.

<sup>59</sup> საქართველოს კალენდარი, 1888 წ., გვ. 102.

<sup>60</sup> ვ. ი. ლენინი, თხზ., ტ. 3, გვ. 320.

<sup>61</sup> «Кавказский календарь», 1909 წ., გვ. 504



გლახობისათვის უკვე სამძიმო ტვირთად იქცა, მაგრამ საჭირო იყო მემამულე-ბატონისათვის...“<sup>62</sup>

„გლახური „ნადელი“, მეურნეობის ასეთი სისტემის დროს, იმის საშუალებაა, რომ მემამულე უზრუნველყოფილი იყოს მუშახელით, და არა მარტო მუშახელით, არამედ ინვენტარითაც, რომელიც, რარიგ უბადრუკიც არ უნდა იყოს, მაინც გამოდგება მემამულის მიწის დასამუშავებლად“.<sup>63</sup>

მცირემიწიანი გადატაკებული გლახობა თავის სამუშაო ძალას აქირავებს არა მარტო ქალაქებში, ან დაბებში, წარმოებებში, არამედ თვით სოფლის მეურნეობაშიც, უმთავრესად მემამულის, ან კულაკის მეურნეობაში. ჩვენთვის ცნობილი გ. დ. შარვაშიძის მეურნეობის სალარო წიგნში ვნახულობთ მუშახელის დაქირავების შემდეგ შემთხვევებს: „დღიურ მუშა ანტონ სანაიას გადაეხადა 2 მან. 40 კაპ.“.<sup>64</sup> „5 მუშას, რომლებიც მიწისმზომელ მოსიყვების დასახმარებლად დღეში 40 კაპ. იყვნენ დაქირავებული, გადაეხადათ 7 მანეთი“.<sup>65</sup>

იმავე შარვაშიძის წისკვილის მშენებლობაზე დურგლებს როკია ჯოლიასა და ბეკო კვარაცხელიას 13 დღის განმავლობაში მუშაობისათვის მიუღიათ 36 მანეთი და 40 კაპიკი,<sup>66</sup> მკედელ გიგო სოხაძეს აუღია 5 მანეთი,<sup>67</sup> ხოლო გლახ საბაია ღვინჯილიას ყავრის დამზადებისათვის — 10 მანეთი.<sup>68</sup>

რეფორმის შემდეგდროინდელი გლახობის მდგომარეობის სურათი სრული არ იქნება, თუ არ შევხებით მიწაზე საიჯარო ფასის ზრდისა და საერთოდ მიწის გასაყიდი ფასის აწევის საკითხებს.

ჩვენ უკვე დავინახეთ, რომ მიწის უდიდესი და თანაც საუკეთესო ნაწილი მემამულეების ხელში იყო და ამის გამო გლახობის აბსოლუტური უმრავლესობა მიწის საშინელ სივიწროვეს განიცდიდა. ეს მდგომარეობა გლახებს აიძულებდა მემამულისაგან მიწის იჯარით აღებისათვის მიემართათ. მოიჯარეთა რაოდენობა სულ უფრო და უფრო იზრდება ტექნიკურ კულტურათა დანერგვასა და საერთოდ სავაჭრო მიწათ-

62 ხ. ა. შოროხოვეცი, ციტირებული წიგნი, გვ. 172.

63 ვ. ი. ლენინი, თხზ., ტ. 16, გვ. 74-75.

64 ცსსა, ლენინგრადი, ფონდი 1087, საქმე 15, ფურც. 13.

65 იქვე, ფურც. 27.

66 იქვე, ფურც. 30.

67 იქვე, ფურც. 27.

68 იქვე, ფურც. 30.

მოქმედებასთან დაკავშირებით. ეს კი, ცხადია, იწვევდა მიწის საიჯარო ფასების ჩქარ ზრდას, რაც კიდევ უფრო აუარესებდა მოიჯარადრე ლარიბ გლეხთა მდგომარეობას. იჯარა განსაკუთრებით ძვირად უჯდებოდა ლარიბ გლეხობას, რომელიც უფრო მეტად მიწას იღებდა ნატურალური იჯარით, მოკლე ვადითა და წვირილ-წვირილ ნაკრებად. ლენინი აღნიშნავს, „რომ ნატურალური იჯარა (ე. ი. იჯარა არა ფულით, არამედ სანახევროდ ან შრომამიგებით) ჩვეულებრივ ყველგან უფრო ძვირია ფულადს იჯარაზე, და ამასთან მნიშვნელოვნად უფრო ძვირია, ზოგჯერ ერთიორადაც კი; შემდეგ, რომ ნატურალური იჯარა გავრცელებულია ყველაზე მეტად გლეხობის უღარიბეს კატეგორიაში. რამდენადმე შეძლებული გლეხები ცდილობენ ფულად აიღონ მიწა იჯარით“<sup>69</sup>

მიწის საიჯარო ფასის სწრაფ ზრდაზე ლაპარაკობს შემდეგი მონაცემები:

1880-1900 წლებში ერთ დესეტინის საიჯარო ჭირა უდრიდა 8-10 მანეთს, 1900-1910 წლებში იგი 25-30 მანეთამდე აღწევდა, ხოლო 1910-1914 წლებში უკვე 50 მანეთი იყო.<sup>70</sup>

კიდევ უფრო სწრაფად ზრდებოდა თვით მიწის გასაყიდი ფასიც, რაც დასტურდება შემდეგი ცნობებით. 90-იანი წლების პირველ ნახევარში მემამულე სმეტსკოის სოხუმის მახლობლად 1.400 დესეტინა მიწა 87 ათას მანეთად შეუძენია. ცოტა უფრო გვიან მეორე მემამულე პეტროვს 55 დესეტინა მიწაში 8.500 მანეთი მიუცია, ე. ი. დესეტინაში 154 მანეთი გადაუხდია, რაც თავისთავად ლაპარაკობს მიწის გაძვირებაზე და ლარიბ. ან საშუალო გლეხისათვის მისი შესყიდვის შეუძლებლობაზე. 90-იანი წლების ბოლოსა და 900-იანი წლების დასაწყისში მიწის ფასი კიდევ უფრო სწრაფად განაგრძობდა ზრდას, რაც გამოწვეული იყო აფხაზეთის ზღვის სანაპირო ადგილების საკურორტო მნიშვნელობის გამომკვლავნებით. ლ. ს. ლიჩკოვის გადმოცემით. ზღვის სანაპირო რაიონში გზების გასწვრივ მდებარე ერთი დესეტინა მიწის ფასი 180-დან 200 მანეთამდე ყოფილა, ხოლო სოხუმში სააგარაკოდ გამოსადეგი იმავე ზომის ფართობი 120-140 ათასი მანეთი ღირებულა.<sup>71</sup>

ცხადია, ასეთ ფასებში მიწის შეძენა გლეხთა ფართო მასებს სრულიად არ შეეძლოთ. მიუხედავად იმისა, რომ მათს

69 ვ. ი. ლენინი, თბზ., ტ. 15, გვ. 102.

70 უფრ., ЧСХ, 1913 წ., № 10—11, გვ. 38, 1915 წ., № 5-6, გვ. 26.

71 А. С. Лычков, Прошлое и настоящее Черноморского побережья Кавказа, Киев, 1901 წ., გვ. 18-1.

სანუკვარ ოცნებას წარმოადგენდა მიწის მესაკუთრედ გახ-  
დომა.

ამრიგად, ჩვენ დავინახეთ, რომ რეფორმის შემდეგდროინ-  
დელი აფხაზეთის ეკონომიური ცხოვრების ახალი, ბურჟუა-  
ზიული გზით განვითარებას წინ ეღობებოდა მრავალი დაბრ-  
კოლება, რაც გამოიხატებოდა ფეოდალურ-ბატონყმური წყო-  
ბილების ნაშთების დიდი ზომით შენარჩუნებაში, რაც თავის  
მხრივ აიხსნება იმით, რომ რეფორმა შუა გზაზე შეჩერდა,  
რომ იგი დაუმთავრებელი დარჩა, რადგან მის ბედ-იღბალს  
თავიდანვე მებატონე-მემამულეები განაგებდნენ. რა თქმა უნ-  
და, ეს იყო მთავარი მიზეზი კაპიტალისტური ურთიერთობის  
დაბრკოლებისა. მაგრამ იყო აგრეთვე არამთავარი დამატები-  
თი მიზეზიც. ეს იყო რუსეთ-თურქეთის უკანასკნელი ომი,  
რომელმაც აფხაზეთის მეურნეობას, ისე როგორც მთელს სა-  
ქართველოს ეკონომიკას, უღარესად დიდი ზიანი მიაყენა და  
რამდენიმე ათეული წლის მანძილზე განსაზღვრა ახალი ურ-  
თიერთობის განვითარების ნელი ტემპი.

მიუხედავად ამისა, ახალი ბურჟუაზიული ურთიერთო-  
ბა, თუმცა ნელი ტემპით, მაგრამ მაინც ვითარდება და  
სულ უფრო და უფრო საგრძნობი ხდება აფხაზეთის საზოგა-  
დობრივი ცხოვრების ყველა სფეროში (სავაჭრო მიწათმოქ-  
მედების საგრძნობი (განსაკუთრებით მეთამბაქოეობის) გან-  
ვითარება, კაპიტალისტური ხასიათის მრეწველობის ზოგიერ-  
თი დარგის (კერძოდ, სატყეოს) წამოწყება, ფულადი იჯარის  
გახშირება, ფულადი საიჯარო გადასახადისა და მიწის გასას-  
ყიდი ფასების ჩქარი ტემპით ზრდა, უმიწო და მცირემიწიანი  
გლეხების მიერ თავისი სამუშაო ძალის გაყიდვის აუცილებ-  
ლობა, გლეხებისა და მემამულეთა კლასის დიფერენციაცია,  
გლეხთა კლასის მკვეთრი დიფერენციაციის შედეგად, ე. წ.  
„ნადელიანი პროლეტარიატის“ წარმოშობა, — აი, ის მოვლე-  
ნები, რომლებსაც ბიძგი მისცა და ერთგვარი გაქანების საშუა-  
ლება შეუქმნა საგლეხო რეფორმამ. მართალია, ამ მოვლენებ-  
მა მაშინვე ვერ მოაპებს ძველი, ბატონყმური ურთიერთობის  
გადმონაშთები, რომლებიც ასე ბლომად დატოვა იმავე რე-  
ფორმამ, მაგრამ მათ მაინც განვითარების საერთო ტენდენცია  
და ხასიათი უსათუოდ გამოხატეს და განსაზღვრეს. ძველის  
წოსპობა და მისთვის სრული ანგარიშის გასწორება, ახალი  
განვითარებისათვის სრული გასაქანისა და სრულყოფილი  
პირობების შექმნა მომავლის საქმედ იქცა. რეფორმის შემ-  
დეგდროინდელი პერიოდის ეკონომიური და სოციალური გან-  
ვითარების მთელმა მსვლელობამ, „ბატონყმობის გაუქმების“

შემდეგაც. აუტანელ კაბალაში<sup>72</sup> ყოფნამ, გლახობას აუხილა თვალები მებატონე-მემამულეებისა და მეფის მთავრობის თვალთმაქცობაზე, რომლებიც ხმამაღლა გაყვიროდნენ „დიდი რეფორმის“ შედეგად ხალხის „მიწით უზრუნველყოფაზე და მისთვის „თავისუფლების მინიჭებაზე“, და შიიყვანა იგი იმ დასკვნამდე, რომ არსებული დუხჭირი საშინელი მდგომარეობიდან „თვითონ ეძებნა გამოსავალი, თვითონ ეწარმოებინა ბრძოლა სრული თავისუფლებისათვის“.<sup>73</sup>

აფხაზ გლახობას, მთელ ქართველ გლახობასთან ერთად, არ შეუწყვეტია ბრძოლა ცარიზმის, მემამულეებისა და კაპიტალისტების წინააღმდეგ მანამ, სანამ რევოლუციურ პროლეტარიატთან კავშირში და მისი ხელმძღვანელობით. კომუნისტური პარტიის დროშის ქვეშ დარაზმულმა, არ გაიმარჯვა თავის მტრებზე და არ მიიღო საუკუნეთა მანძილზე განუხორციელებელი სანუკვარი ოცნება — მიწა და ნამდვილი თავისუფლება.

---

<sup>72</sup> ვ. ი. ლენინი. ტ. 17, გვ. 58.

<sup>73</sup> იქვე.

## შენიშვნებში დასახელებულ შემოკლებათა განმარტება

1. ცსსა — ცენტრალური სახელმწიფო საისტორიო არქივი.
  2. საქ. ცსსა — საქართველოს ცენტრალური სახელმწიფო საისტორიო არქივი.
  3. აფხ. ცსა — აფხაზეთის ცენტრალური სახელმწიფო არქივი.
  4. შაა — მეცნიერებათა აკადემიის არქივი.
  5. ცსსსა — ცენტრალური სახელმწიფო სამხედრო-საისტორიო არქივი.
  6. სსა — სამხედრო-სწავლული არქივი.
  7. კმსა — კრასნოდარის მხარის სახელმწიფო არქივი.
  8. აქტები — გავკასიის არქეოლოგიური კომისიის აქტები.
  9. აია — აფხაზეთის ინსტიტუტის არქივი.
  10. შეკ. — შეკრულა.
  11. АН — Академия .Наук.
  12. ЗКОИРГО — Записки Кавказского отделения императорского Русского географического общества.
-

## ს ა რ ჩ ე ვ ი

წინასიტყვაობა 3

### თ ა ვ ი პ ი რ ვ ე ლ ი

აფხაზეთის სოციალურ-ეკონომიური მდგომარეობა საგლ- ხო რეფორმის წინ .	9
ეკონომიური მდგომარეობა	10
გლებთა კატეგორიები და მათი მდგომარეობა რეფორ- მის წინ	18
გლებთა მოძრაობა რეფორმის წინ	48

### თ ა ვ ი მ ე ო რ ე

ნაგლებო რეფორმის მომზადება აფხაზეთში

„სოხუმის წოდებრივ-საადგილმამულო კომისიის“ შექმნა და მისი მუშაობის შედეგები	69
კომისიის მიერ შემუშავებული პროექტების განხილვა კავ- კასიის მთიელთა ტომების დამოკიდებულ წოდებათა გა- თავისუფლების კომიტეტში	86

### თ ა ვ ი მ ე ს ა მ ე

ს ნოემბრის დებულება 104

### თ ა ვ ი მ ე ო თ ხ ე

რეფორმის გატარება 118

### თ ა ვ ი მ ე ხ უ თ ე

გლებთა მოძრაობა რეფორმის გატარებასთან დაკავშირებით 142

### თ ა ვ ი მ ე ე ქ ვ ს ე

საგლებო რეფორმის შედეგები და მისი მნიშვნელობა 151  
შენიშვნებში დასახელებულ შემოკლებათა განმარტება 174

ლეონ მიხაილა  
ЗИЗИГУРИ

Аҟсны  
Анхацаа реформа  
(қырт бызшәала)

Леван Михаиллович  
ДЗИДЗИГУРИ

Крестьянская реформа  
в Абхазии  
(на грузинском языке)

რედაქტორი ირ. ახალაია.

ტექრედაქტორი მ. ხახშიგერი.

კორექტორი პ. ჭითანაეა.

---

გი01369 ხელმოწ. დასაბეჭდად 18 X 60 წ. ნაბეჭდ ფორმათა  
რაოდენობა 11, ლეფეთა № 2811. ტირაჟი 800

---

საქმთავარგამომცემლობის ლენინის სახ. სტამბა  
ქ. სოხუმი